




Theodore
Besterman

P.

S.



IUSTI LIPSI
EPISTOLARVM
SELECTARVM
CENTVRIA PRIMA
AD BELGAS.



ANTVERPIÆ,
EX OFFICINA PLANTINIANA,
Apud Ioannem Moretum.

cIc. Idc. v.

Cum Privilegiis Casareo & Regio.

1754-1755

PISTOLARUM

SECTIO CTAVM

CHENEVIA TRIA

AD BELGAS



X OFFICINA

Amsterdam

1754

Curia

ILL^{MO} DOMINO

D. BALTHASARI

DE CVNIGA

REGIS Hispaniarum & Indiarum

LEGATO.



ENTVRIAM hanc EPISTOLA-
RVM ad te ire volui, etsi ad Bel-
gas ea esset. Nam quamquam
non tu è nobis (Hispaniâ ve-
teri & inclytâ stirpe dedit)
tamen es in nobis, & maximi

Regis missu Legatum apud Principes nostros
agis, id est consilij & ingenij tui copiam in re-
bus arduis facis, & salutem communi nostræ cu-
ras. Publica si omittam, & ipsum te adspiciam:
magis etiam velle debeo. siue quia virtus sin-
gularis & doctrina tua (rarum in hac nobilita-
te ornamentum) ita exigunt: siue quia affectus
in me, quem ab initio aduentus purum ma-
gnûmque declarasti. Et quidni purum? nihil
in me, aut circa me, quod adumbrare inducat:
quicumque talium magnatum ostendit amo-
rem, etiam habet. Sed tamen iste ipse affectus
ortum ab illo tuo in studia doctrinamque du-
cit:

suo	lvij.	Nicolao Damantio, Cancellarius	
Ioanni Baptista Sacco	lxxix.	Brab.	xc
Ioanni Bernartio suo	iiij, xvij,	Nicolao de Vveerdt I ^{ro}	l
xxxiiij, lxv, xcix.		Nicolao Fabro, doctore iuuentutis	
Ioanni Boifoto	xvj.	xxxxvj.	
Joanni Dullardo Canonico & Archidiacono	lj.	Nicolao Oudarto, Can. & Officiali	xxiiij, x
Ioanni Hemelario suo	xlviij.	O.	
Joanni Sarraceno, Archiepiscopo Cameracensi des.	xxiiij.	Oetauio Episcopo Tricaricesi, Nuncio Apostolico	l
Joanni Viuiano	iiij, v.	Othoni Hartio I ^{ro} V. C. xiiij.	
Joanni Vouerio suo	xlj, xlvij,	xxxvj, lxxxj.	
lvij, xciiij.		P.	
Josepho Martio	lxxxiiij.	Petro Boschio, I ^{ro}	xx
L.		Petro Iardino, Rectori Scholæ Athenensis	
Leonardo Lessio, Theologo Soc. Iesu		Petro Orano I ^{ro}	ix, xcvi
xxvj.		Petro Pantino, Decano	xij, xxx
Ludouico Septalio Doctore Medico		xxxj, xl, lxxij.	
lx, lxx.		Philippo Ayala, des. Legato in Galliam	xlvi, lxx
Ludouico Tribaldo Toletto	lxxxvj.	Philippo de Croy, &c. Comes Solrano	lxxx
M.		Philippo Masio, Cons. & Graues Ordinum	xj, lxx
Marcello Vestrio Barbiano, S. Pontifici à Secretis	xcij.	Philippo Rubenio meo xxxix, l	
Marco Aurelio Vallensi, Ill ^{mo} Nuncio à Consiliis & Auditionibus	lxvij.	Philippo Vvingio	
Marco Velfero	lxxv.	R.	
Maria Gornacensi	xv.	Remaclo Roberti	lxi
Martino Delrio, Presb. Soc. Iesu		Rhetoribus Collegij Aquicinctini	
viij, x, xxxiiij, xc.		Richardo Baroni Starrenberg	
N.		xcvij.	
Nicolao Brandio, Consiliario	lxxiiij.		

IUSTI LIPSI
EPISTOLARVM
SELECTARVM
CENTVRIA PRIMA
AD BELGAS.

EPISTOLA I.

I. LIPSIVS GVILIELMO BREVGELIO V. C.

Consiliario Regio, & Cognato.



IUSTIVS iam in scribendo cessavi, at non in amando. quia affectu certè tibi alligor, quem iudicium mihi, non cognatio sola inseuit. Sed nubes hæc temporum, & factio ciuiliū dissidiorū, si subducit non nihil aut tegit amicitia hunc solem: non tamen exstinguit aut tollit. quin ecce iam perrumpit, & in istâ occasione radium aliquem ab Oceano ad te mittit. Audi hunc amicum, & crede: gnarus ille mearum rerum, sed & sensuum: ac planè habui ipsum velut arbitrum huius cordis. In studiis non cessamus, & CONSTANTIAM nostram iam videris: nisi quòd languor etiam refrigerat, tum tristitia hæc temporum, vix spe iam alleuanda. O Deus & cælites, quis finis erit? Qui me priuatim etiam exercent, & grande vulnus accepi in fororis meæ vnica nuper morte. Quam si apud te laudem, matronam omnibus sui sexus virtutibus perfectam; frustra sim. iuxta enim mecum nosti, & penè dicam amasti. Sed abiit, me reliquit vnum & vltimum Lipsiorum: tum etiam duos paruos liberos, in ipso dolore onus. Obsecro te, dum absū, vicem meam subi consulendo, dirigendo, inò & regendo: quem enim, præter te, in exiguo amicorum numero, idoneum aduocemus? Obsecro & rescro, is nunc esto: donec mihi fas reuifere ea loca, ad quæ animo adspiro. Vxorem,

a cogn-

cognatam semper mihi caram, saluere vnà tecum cupio C
cognate. L. B. prid. Kal. Mart. ∞. IO. LXXXVI.

EPISTOLA II.

Tornacu

DIONYSIO VILLERIO, *Canonico & Cancellario* S. D.

EGO te expertem consilij mei & gaudij habeam, quod
eo capies? absit. Veni ad Spadanos fontes, post longas v
rum ambages, saluus tamen, etsi non sanus. Si affectum tuu
nouī, gratulaberis ex animo, & subsilies tanto propiore t
esse Lipsium tuum: quem ex longo interuallo regustare & rec
gnoscerē gestis, certè ego te. O suaues semper & fidi, amores p
mi! ego experior: nec cogitatio vñquam aut sermo animum a
résve tangit veterum sodalium, quin commouear & exsulte
Atqui tu, litterarum etiam missione & commercio, iamdiu p
stinam noticiam renouasti; & firmato vtrimque iudicio, per
xisti in solidioris amicitiae iura. Ea maneant, dum nos mai
mus: nec incīdat hunc nexum vlla dies, quàm ea quæ vitæ h
filum incīdet. Mihi propositum, in liberis istis purisque ite
locis, diutiùs subsistere. apud quos? inquires. apud ipsum me:
efficere vt ratio aliqua compareat solitariae huius, nec interpo
tæ, quietis. Alij aliò vocant: mihi naturam sequi certum e
quæ abhorret ab omni ambitione, & paullò magis actuosâ
tâ. Et alioqui ea de rep. audimus & videmus cottidie, vt v
sapienti & probo occasio non sit ad eam vel leuiter adspiran
Quæ fraudes passim, libido, luxus? & ad summam ea omni
quæ exitio esse cuiuscumque statui solent, & debent: mirabor
non conuertent istum. Non enim dicam euertent. & Deus n
lora, & fatum magni regis: in quo vtroque (non nego) m
spes est. Vale. Aquis Spadanis, VII. Kal. Iul. ∞, IO. XCI.

EPISTOLA III.

Aquisgr

IOANNI VIVIANO S. D.

LEGI libellum, mi Viuiane, & sententiae tuae prorsus acce
quæ est, Silere. Ad hæc talia quid respondeam? cum dig
tate non possum, imò nec cum grauitate. quid enim ferij in
totâ re? Mea fuerunt ioci, & boni stomachi, vt censebam, di
N

Non concoquunt, conuicia & calumnias regerunt : sed illa infusa, & has vanas : quid opus reiectione ? illud tamen fateor, modum fortasse alibi non tenui, & plusculum aut acerbius dixi. Excuset, quòd Epistolæ sunt, id est extemporanea quædam,

* *Nec restrictim cogitata, & omnibus rationibus:*

* *Afran.*

ut ait poëta. Mentem istam utinam videant ! quæ numquam fuit (Æterna illa Mens testis) ad lædendum : & si fecit, pœnitet. Quid volunt amplius ? non ego pertinaciter tuendo culpam, culpam alteram committam. Atque adeò, si videatur ita amicis, omnes illas epistolas vnâ spongiâ delemus. Utinam ipsi tam niuei, nec verba mea per malitiam attollant, & gladium, quod olim Brennus, adiiciant in hanc stateram ! Sed eâ de re satis. Parùm me pungunt ista, aut turbant : & *quamuis imbecilla frons*, ait ille, *magnâ conscientiâ sustinetur*. Te, vxorem, & quod ex eâ est, itemque Rotarium nostrum, saluere volo. Leodici, postrid. Kalend. nouas, ∞. IO. XCII.

Ad quæsitum tuum in Hirtio, seorsim hîc habe. Consului librum, qui peruetus apud me à Torrentio : sed is totidem verbis hæc repræsentat : *Fasces vbi confederant (nam in acie sedere Gallos consueſſe superioribus Commentariis declaratum est) per manus, stramentorum ac virgultorum, traditos*. At tu duo ambigis. & vbi hoc Cæsar ? & quomodo credibile, maiores nostros in acie & pugnâ fediſſe ? De loco Cæsaris, credo Hirtium adspicere istum è Comment. III. *Galli, sarmentis virgultisque collectis, quibus fossas Romanorum complerent, ad castra pergunt*. Non dicit in iis fediſſe apertè, fateor : sed tangit fortasse & adsignificat. At quis id credat ? inquires. Meherculè nec ego tecum, nec capio. quomodo vbi ordines disponendi, tela & manus mouendæ, ignaui homines federint ? Ego vel à Celso hoc verbum *Aciei* esse, non pro ipso prælio aut procinctu, sed pro bello arbitrer : id est, ut in castris, & tempore belli maiores nostri federint. aut potius, *Otiij* voce permutandam. Ut velit scribatque, Gallos, cum otiosi, etiam in ipsis castris plurimum fediſſe. Quid miri ? inquires. Imò est, pro Romanis moribus. nam sessio minùs apud eos crebra; ambulabant magis, aut iacebant. At barbari aliter. quod & Tacitus de Germanis notat : & Strabo de Hispanis, loco qui valdè huc facit. Libro III. scribit *Vettones veniſſe ad Romana castra : vi-*

disse Centuriones & Tribunos quosdam per spatia obambulantes, & se vertentes. Illos, arbitratos insanire homines, accurrisse, & manibusque ad tabernacula sua deduxisse. quasi necessum esset, aut stare in otio, aut in acie pugnare. Verba vltima Græcè sic habent
ὡς δέον, ἢ μέγιστον καὶ ἡ συνήθειαν ὑποφύτας, ἢ μάχεσθαι. Vides barbaricum sensum & morem: pro quo tamen etiam legi in Hirtio possunt ante aciem.

EPISTOLA IIII.

Lomanium

IOANNI BERNARTIO suo S. D.

IN ipso principio epistola tua peccat mi Bernarti, cetera de meo voto. Nam quid ita tibi visum excusare, quod scribas aut quæ hîc impudentia? Tu verò ac tui similes semper me appellate, atque id etiam mihi imputate. beneficium enim est, & sic interpretor, dum meliores istæ mentes ad me inclinant, & conceptum amorem scripto etiam consignant. Nec nimium depressum iueris (etsi modestiam amo) quia non solum candor datum istarum artium te video, sed, ut sic dicam, inter magistratus. Epistola tua variam & priscam lectionem redolet, & Latinæ linguæ quasi parentes, quos in sanguinem iam vertisti & succum, atque ideò facilè imitaris. Plato olim dixit: * ὁ καλῶς λέγων, καλὸς τε καὶ ἀγαθός. ego certiùs, * ὁ καλῶς γράφων. certior adeò mihi character animi stilus videtur, quàm sermo. At tu quoque nostra attollis, & eis ali ingenium stilumque tuum vis & pascis. obsecro, mi Bernarti, affectum sepone. qualia illa aut ego sum si æquipares ad antiquos? iacemus, & subærata hæc omnia nostra, quæ splendere videntur, erunt, si examines ad illud aurum. Etsi non nego, iuuare hæc aliquid eos posse, qui in limine studiolorum: sicut aliquis, qui in viâ medius, digitum ingredientibus ostendit ad ipsam metam, & quâ ire cœpit, eundum dicit. Sed heus, peccasti in fronte epistolæ, an non etiam in calce? Iudicas aliquid editum à te & euulgatum, quod veritus sis ad nos mittere: quid tu ais? ita reliqui omnes mitiores in iudicando præ quàm ego? erras. illi iudices fortasse: ego arbiter, & in hac ætate tuâ scripta iam pridem didici examinare non ad lineam rubram. multum, si alibi acumen & reatitudo iudicij appareat.

* Qui bene dicit, bonus & laudabilis.

* Qui bene scribit.

ut hæc ubique, non est postulandum. Florem modò videre desidero, postea fructum. Nos ipsi nōne à decimonono anno scribere, atque edere, incēpimus? & quamquam pœnitet, etiam non pœnitet: quia audaciâ illâ gradum struximus ad maiora & meliora. Illa vna ingeniorum pestis modò fugiatur, ne peruenisse nos putemus quò adspiramus. Senecæ illud aureum: *Puto multos ad sapientiam potuisse peruenire, nisi putassent se peruenisse.* Modestia est, quæ omnem ætatem decet, ducit: & sine hac præcipitat iuuentus. At tu illa mitte, & monitionem quoque seu directionem exspecta, si alterutrâ opus. nam amare te occæpi, & hoc tuum ingenium, de quo magnum aliquid Belgis meis polliceor, atque ideò etiam curare. Vale. Leodici, Kalend. Ianuar. ∞. I O. X C I I.

E P I S T O L A V. *Aquasgrani.*

IOANNI VIVIANO S. D.

IN re tristi, epistola tamen tua pænè læta mihi fuit. Quî potest? primum, quia me participem tui luctus fecisti inter primos: argumentum & amoris in me, & fiduciæ de me, quasi afficiendo (nec erras) tristibus tuis siue lætis. Enimuerò, ubi animorum illud vinculum (Amicitiam dico:) etiam affectuum vnctio & paritas quædam sit oportet; aut sinceram non esse illam. Deinde me crexit, idque maximè, quòd te quoque rectum videbam, & non ambitiosè quidem, tamen fortiter ferre hoc vulnus. Solaris ipse te, & Musas aduocas, sed illas sacras: & verum solatium ab alto peris, id est solatij & roboris omnis fonte. Deum ita voluisse dicis, & Prouidentia hoc decretum: ô sapientem vocem, & quæ sola sit dolori omni mitigando, aut tollendo! Summum bonum fecit; benè fecit. Prouidentia statuit; prouidè statuit. quod ipsa vox dicit, & in tuum ac prolis tuæ vsum. Certè quidem in prolis palàm. nam quid ei factum? terris erepta est, in cælum inducta est: turbas & dolores hîc reliquit, fruitura illîc æternâ quiete & beatitudine, hoc est Deo. Puer qui hîc erat, pænè sine mente, sine sensu; virum iam illîc agit, atq; adeò super omnes viros sapit, Sapientiæ illis radiis non cinctus solùm, sed per-fusus. O beatum, qui ex puro illo sereno turbida hæc nostra vi-

det : videt , sed miseratur etiam & ridet. Te quoque beatum ,
quàm beatus ille sit , seriò cogitas ac sentis. Hęc sunt mi Viuiar
quorum semina in tuis versibus : quæ ego eduxi & diduxi pau
lùm , in liberiore hoc sermonis campo. Quæso te , non cogita h
tantùm , sed recogita ; propior gaudenti eris , quàm dolenti .
fumus & caligo , quamuis crassa , cùm sublata est , dissipatur
spargitur : sic dolor omnis , cùm mens ad supera fertur & ætern
Sed homines plerique aliter , & quidquid triste aut acerbum e
acriter & intentè volumus ; quod læti inest aut boni , vix le
cogitatione delibamus. Atquin secius oportebat . & vt torre
femiustum è foco qui tollit , non eâ parte arripit & tractat q
incanduit , sed quâ ignem nondum accepit : sic nos deceat ne
acerba hæc & vrentia casuum tangere , sed magis benigna in
aut læta. Nempe tuus iste abiit . sed vnde ? è terris . quò ? in cælum
Te deferuit ; sed Deo adhæsit . At enim immaturus obiit , &
primo flore . Quid immaturus ? ad mortem maturi omnes f
mus , ex quo nati , imò etiam antequam nati . Quàm multis
ipso vtero , vix benè infuso spiritu , spiritus est ereptus ? Multi
habet peritus ille agricola flores , vt sic dicam , herbas , fructu
Scit quando hunc & illum opus sit tollere , in ipsâ opportuni
te & * ἀμψι . Denique tuus , non ita puer obiit : fruitus es op
mam & iucundissimam illam æui partem . Quid ergo qu
possis , si is reuocat qui dederat fruendum ? Ecce nos orbos , c
numquàm gustum cepimus penetratium istorum gaudioru
& tamen ferimus : quid vos , qui largiter sumpstistis ? In con
uio si benè sedeas , cibus & conuiuē placeant ; eâ impudentiâ
vt apposita nolis tolli ? non facias , scis enim illa ad tempus
vsum aliquem tua esse . Idem hîc fiat . & puer ille certè mancip
non fuit datus , nec vt proprium perpetuumque bonum . Re
ca etiam in mentem , quod nuper ad me , in occasione prisci
pidis reperti scripseras : *Vitam esse velut * auiculam , quæ pueri m*
tenetur , & sæpius in ipsis primordiis euolare . Hęc ipsa verba
sunt : en factum , quod senseras & scripseras : quid miraris igit
aut doles ? Noli . ita Deus reliquos tibi seruet , qui quasi cum
lono , partiaro iure , nec id rigidè , tecum egit . Plures enim r
nent , & vt maneant (si tibi ipsisque expedit) eum rogo . V
& firmare . Leodici , III. Kal. Febr. ∞ . IO. XCII.

* *vigore .*

* *Imago
in sepul-
chrali la-
pide .*

EPISTOLA VI.

Louanium.

GERARDO CORSELIO 1^{to} S. D.

EPISTOLA tua per se grata futura, in fronte prætulit philtrum illud *VVamesiani* nominis: quem virum dilexi viuum, & nunc mortuum gratâ memoriâ prosequor, & stirpem eius affectu. Mi Corseli, in te sunt hæc, quæ te mihi consiliant, probitas, modestia, eruditio: sed si illa non sint, fatis vel Auunculus ille proxeneta & interpretis, vir, vt breuiter dicam,

* *Ἀρχαῶν εἰς ἀρετὴν τῆς ἀρετῶν ἐτέων.*

* *virtutem
prisci tem-
poris acqui-
rans.*

Cum quo quòd amicitia mihi fuit, etiamnunc gaudeo: & quamquam ille in vitâ aliâ, tamen in animo meo viuit & viuet, quamdiu dabitur, vt cum poetâ loquar,

* — *ζῶειν, καὶ ὁρᾶν φάος ἡλίου.*

* *spirare,
solis tela
tueri.*

Hoc ex animo scribo. sicut & illud, gratas mihi tuas litteras fuisse, quibus & amorem in me exprimis, & meum inuitas. Paratus est tui similibus, Corseli: & si aliud capit me aut delectat, hoc illud est, ab iis qui virtutem amant amari, & amare. Itaque ambitione nihil hîc opus: patent fores huius pectoris, quod candidum esse experiemini omnes vos candidæ mentes. Louanium etiam me inuitas. vtinam liceat! quis locus in Europâ magis sit ex meo voto! Omitto amœnitatem, & nescio quid in solo ipso atque aëre quod alliciat: sed profectò ingeniorum illud simplex & * *ἀφελές* semper me cepit. Atque iterum, vtinam res patriæ eò loci, vt nobis tutò & tranquillè esse liceat in eo loco! Sed iactatur & fluctuat illa, vt vides: & vix qui amicus quieti est (me vnice esse fateor) non dicam sedem, sed pedem nunc in illâ ponat. Itaque etsi in limine eius sum, & auram illam optatam haurio: tamen vereor, vt iterum me retroagat infelix eius fors, nec ad metam pertingere detur desiderij nostri. Deus vrbi vestræ tutor hæctenus, fateor: &, spero, etiam erit. sed quis nunc tamen nostri vsus aut fructus, in loco, quem Mars magis possidet, quàm Minerua? Dixi antea. quietem amamus, & valerudo mea sic postulat: tympana & armorum strepitus, non ad meum Genium aut Musarum. Tamen videbo, & menses etiam aliquot consilium omne proferam: si interea benignus ille Deus mitiore oculo aspicere Belgicam volet, & in eâ urbem vestram.

Quod

Quod cum calidè rogo; & te, mi Corfeli, vti me sic ames. Le
dici, postrid. Kal. Mart. ∞. IO. XCII.

EPISTOLA VII.

Roma

PHIL. VVINGIO S. D.

VOLUNTATEM simul & occasionem mihi ad te scriber
præbuit Otho Venius noster, quem nosti. Illam, dum st
dium tuum virtutis & litteraturæ commemorat; hanc, dum
cultatem mittendi. Quod scribo hoc vnum est, amari te à
vt popularem, vt earundem artium consecraneum & conse
tem. O Wingi, quàm pauci hodie, qui seriò & vtiliter ad il
eunt! plerisque ambitio proposita, & scientiarum vana: qui s
lidum crepent, & virtutem veram cum sapientiâ ament, vo
pauci sunt, & vt poëta iocatur, vix tot quot Thebarum port
Tamen de te, non ex sermonibus solùm boni aliquid men
concepi, sed etiã ex scriptis, quæ missa mihi (ne nescias) à Di
nyfio Villerio, insigni viro, super Cruce. Nos eam materiar
argumentum & instrumentum salutis nostræ, cum curâ tract
uimus: & subiecit ille, quæ Morillonus * *de Leg. de Jure* olim se
sit; & quæ tu, cuincendo illi atque obducendo. Legi, & tua pr
baui, atque ex iis igniculus in te amoris: quem tu in veram leg
timamque Amicitiaë flammam suscitabis, si flatu cum iuu
fermonis & alloquij epistolaris. Venius quædam ad te scribe
opinor, de quibus hîc ambigimus, aut certè formam ex veter
bus monumentis velimus, vt de *Fugo Curruli*, & siquid aliud ta
get. Inquire, & nos iuua. Ecquid notitia tibi cum Fulvio Vir
no aut Cæsare Baronio? vtroque insigni viro, illo amico veter
& quem, si adsum, vtilius paullo quàm olim norim. Quid Be
sium? nostin? ille verò meus, & ego illi deuinctus adamantin
planè vinculo. Si occasio est, omnes saluta; & pium, aut cer
inter pios me esse, hoc significa: imò planè pium, quod ad ser
sum quidem attinet, vtinam quod ad vitam! Siquid illîc Ant
quitatum repertum aut erutum, participare, & nos obstringe
Leodici, xvii. Kal. Iun. ∞. IO. XCII.

*inopinatò

EPISTOLA VIII.

Leodicum.

MARTINO DELRIO S. D.

EXSPECTABAM litteras tuas, imò iam flagitabam & subacufabam diligentiam: sed reddidit eas benè manè baiulus, bonum auspiciū diei. Soli hîc fumus, sed magis videor, cū nec tecum litterarius iste sermo. Quæso eum frequenta, non delectandis nobis solū, sed iuuandis. Domus plerūque me habet: quomodo non in hac aurâ? & tamen eā tristi potamus, & aut blandimur nobis, aut iuuant fontes. Est vnus & alter Italus, & cum iis interdum sermo, sed vix ex pectore, tralaticius tantū ille & ciuilis. Ancillam iisse quo iusseram, gratum: gratius, si audiam peruenisse, & peregisse. Dedi in mandatis disertè de domo Paullinâ, & si ea locata alteri, si posset redimī siue recipi: quia commodum & suaue mihi, haud longè habitare à vestris. Si potest, fiet: sin aliter, quod potest hoc fiet. Amo te de scriptione ad P. Lessium, & eius argumento. Ita fac mi Pater, nunc me cū maximè & operâ & consilio iuua, & præmeditemur si quid vsus ante factum. Nosti Homericum:

ῥεχθὲν δ' ἐπεὶ τὴν νόστον ἔγνω.

*-factum
fatiuus no-
uit.

Nam ego, ex animo fateor, in omni hac actione quæ ad salutem, externam omnem prudentiam ab initio seposui, & impetu feror: spero bono, quia in optimum finem. In diuinis, quid spectem nisi Deum? Tamen si quid monito opus, mone. Etiamne de N. præstruendum aliquid videtur? fiet, si censes. Ego ipse ad Cuyckium, sed tunc cū aliquid à Lessio, pro cuius scriptione aptabo nostram. Velim certum aliquid me intellegere de actione legatorum Leodicensium: quia aliàs, non hîc sine metu. Audimus prædones aliquot circa Aquisgranum hære: sed quò fugiemus aut ibimus? ad Deum, qui mihi tutor, & qui me, spero, seruabit, vt sim *arbor quæ penes aquas seritur, & in foliis perennat, & tempore suo fructus agit, quæ non ignem, non securim videbit.* O vtinam! & tu fac mi Pater quod facere te dicis, atque ego scio. Aquis, III. Non Iun. ∞. Id. XCII.

EPISTOLA IX.

Lædici

PETRO ORANO I^{to} S. D.

Tv files, ego scribo : hæc promissa ? Tu iuris & iustitiæ f
cerdos , æquum bonum hoc senses? Desinenda mihi ha
opera est, si mutuo nullo sermone & alterno noster elicitur. N
longas tamen epistolas exigo : tria verba sufficiunt, quibus co
ster non neglegi aut contemni. Quamquam si longas, nōn
meo iure? Legati redierunt; res ad me spectat quid egerint, qu
non egerint : tu files. Atqui silua rerum est, è quâ defectam m
teriam aliquam & electam ad nos mittas. Fac, aut non dica
minùs amabo te, sed minùs colam. Nam illud non possum. I
altè insinuauit atque, vt sic dicam, illatebrauit in animum hu
Oranus. Aquis Spadanis, Idib. Iun. ∞. IO. XCII.

EPISTOLA X.

MARTINO DELRIO, *Sacerd. Soc. Jesu.*

NVNCIABO tibi quod mireris, fortasse & doleas, vt est tu
in nos amor. Iterùm nobis pugna. in quem? non in a
quem ex profano & nupero illo grege, sed ex ipsis Musarum m
stis P. Fabrum. ille in te, inquires? Ille. & initio miratus sum
teor, cùm legi quædam velut de industriâ in me iacta. Mox
sedem & velut fontem veni huius (molliter loquar) affectus :
ecce caput integrum in AGONISTICO, in quo plagij & malæ
dei me accusat. Non nominat sanè, sed iuxtà clarè ac si nomin
fet. Ait me ex libri secundi Semestrium duobus Capitibus co
cinnasse bellum illum & elegantem (puto verba sic esse) Satu
nalianum librum : idque ne tenuissimâ quidem eius mentione
ctâ. Quid ego hîc dicam, aut suspicer? æmulationem cadere
illum virum? non ætas, non eruditio eius permittunt : quaru
illa grauis & inclinata est, hæc meo semper iudicio magna. Mu
ta in viro illo variaque lectio, accurata collectio, & in penetra
do digerendoque iudicium pariter & acumen. Culpam igitur
me esse? potest. Vtinam non alia tamen grauior : quia hæc v
est vt nomen illud teneat apud inculpato. Dic bonâ fide, bo
Faber, quid te læsi? scripsisti tu aliquid de gladiatoribus, etia
eg

ego: scripta nostra exstant, nec tuis per me aliquid detractum. Quid si, non dicam melius, sed certè plenius & magis compostitè scripsi? non negabis: & tigna tu fortasse aliqua ad hoc ædificium suppeditasti, ego id struxi, & fastigium imposui nostrâ manu, arte, stilo. Quid si nec suppeditasti? ignosce, & audi quod verum est. In communi positi scriptores à quibus petis, & in illam siluam sæpè iuimus, atque idem ius, ut opinor, meæ securi. Nemo veterum aut recentium in hac re sic egit. Exposita enim illa sunt, & fiunt eius qui haurit velut ex populari lacu. Quòd si coniectura aut acumen aliquod tuum nouum: sanè tum improbus, si vindicaui. Doce factum. Istud quidem quale est? Seneca, aut Dio, aut Lampridius hoc scripsit: scilicet nos non eos vidimus, aut occupata hæc omnia quia tacta. Vir magne atque etiam nunc mihi care, omitte hæc talia, quæ tuum honorem radunt, meum lambunt. Sed ego ad illum Pater, cùm hæc ad te institui. Scilicet etiam in isto ætatis ac morbi frigore incalescimus: & ne non moueri quidem, sine aliquo motu, possumus. Adspergit in iisdem libris quædam contra meas coniecturas. Quid magnum facit? coniecturæ sunt, nec ego Oracula proscripsi. Illud pro viro bono, & qualis est atque erit (aut omnia me fallunt) quòd ne tunc quidem, cùm carpit, deprimit, & amorem quoque iræ suæ miscet. Fac tu atque ego omnia mi Faber (iterùm ad te) scriptis fortasse dissidebimus, animo numquam: atque ego te in diuerso licet stili scriptionisque genere, tu me æstima- bis, teste illo & iudice qui non fallit. Si verba alia, damus verba. Hæc & serò & subito ad te, mi Pater, recens à lectione eius libri: quem ipsum quid causæ est quin cras videas? Et si à Fabro sententiam feres, ecce me paratum agnoscere culpam, si serum emendare. O litteræ, litteræ! quàm semper à vobis aliqua vanitas! & quàm illud hîc verum, *Oportere omnibus corydalis cristam inesse*. Salue. E nostro Musæo, ante cænulam.

EPISTOLA XI.

Bruxellam.

PHILIPPO MASIO, *Consiliario & Graphiario Ordinum.*

AMICITIAE veteris recordatio, quæ mihi tecum ac cum fratribus etiam tuis fuit, impulit ad scribendû. Quo fine?

hoc vno, vt tibi affectum meum nunciem, & tuum vicissim prouocem: quem ipsum, nihil immutatum tamen esse, ab amicis serio accepi. Rogo vt perseueres, & eum me censeas, qui bonus inter bonos viuere iamdiu votum habuerit, nunc etiam Deo auxiliante successum. Louanij enim sumus, in veteri nostrâ sede, sed non eâ facie quâ olim. Deus bone, quàm mutauit, & inclinauit! sed sic, vt sperem posse assurgere, si illustrissimi Ordines pergunt manum ei porrigere, & curam adhibere, quam conperunt. Qui quòd in me etiam vocando decretum honorificum interposuerunt, debeo sanè ipsis, ac publicè breui significabo, quæ causâ me abstinere, ne nunc priuatim. Sed ab eo extra finem descriptioni nunc propositum: qui est, renouatio & conseruatio amoris, quem audacter exigo, quia fideliter præsto. Vir Cl. vale. Louanij, XIII. Kal. Sept. ∞. IO. XCII.

EPISTOLA XII.

Toletum

PETRO PANTINO S. D.

CVM epistola tua grata, mi Pantine, tum eius initium, quod est de reditu in patriam communem. Quod utinam, & tuique similes fas sit hîc amplecti! Nam ego cum in eam redi, quàm paucos è veteri amicorum classe repperi? imò quàm non multos veterum morum? Duellij hîc & Trebellij regnû possider

* In pugna
stabili bel-
lum bella-
reperiti.

* Εἰδότες ἐν σταδίῳ διήκει μέλωτες ἀρνῖ:

Virtus & Doctrina, inane nomen. Atque utinam res etiam loco, vt te alliciam! sed profectò iam per biennium causâ bona haud valde promouit: imò contrà, pars increuit & gradum cotidie addit insolenter. Sed publica omitto. nos in studiis, quâ nus largitur valetudo, & paramus in historicos plerosque Latinos FACEM diu nobis elaboratam. Ex eâ repositum aliquid magno nostro Principi, quem læti libentesque audimus optinistis artibus tingi. Nunc DE CRUCE libellos tres dare paramus, utiles ad Historiam sacram & profanam. Sed vno verbi mi Pantine, non excitamur, talium omnium rerum hîc despectione & contemptu. Couarruiæ in Senecam grata mihi, quâ ipse libro veteri vsus sum & non pauca obseruauî. Conferam la cum meis & cum Nicolai Fabri notis emendationibusque eosd

eosdem libros. Anne vidistis? Lutetiæ prodiit, sed Fabri nomine non adiecto. Vir doctissimus, & in dignitate, non tanti habuit inscribere operis eius frontem. Quod rogas de Procopij Oeconomicâ historiâ: editam non opinor. Bon. Vulcanium scriptam habere existimo, si tamen memoria me non fallit. De Georgij Chronico, nec id publicè exstat: asseruabatur nuper in bibliothecâ regiâ Lutetiæ, & vidi qui vsi sint & ex eo delibarint. In ceteris non te iuvo. Vale mi Pantine, quem seriò amo & amabo. Louanij, Idib. Octob. ∞. IO. XCII.

EPISTOLA XIII.

Bruxellam.

OTHONI HARTIO I^{ro} S. D.

IAM ride, litigo. Quod per iocum prædiximus, incidi in tuas manus, sed non magna præda. Quis ex me fructus? verborum aut litterularum: nec miraberis, hæc ipsa sunt quæ amamus. Externa quàm nos non capiant, sæpè testamur: an bonâ semper fide? Ego ipse ambigo, & vercor ut ille verè: *Opes facilius inueniri, qui vituperet, quàm contemnat*. Ecce ego, dum eripiuntur, de iis pugno: sed damus hoc non tam ingenio nostro, quàm mori; atque etiam vxori, cuius propriè hæc caussa. Denique dum viuo etiam, non neglego instrumenta vitæ: quæ adesse mihi volo, non superesse. Probo, ut ille inquit, *Fortunam velut tunicam, magis concinnam, quàm longam*. Satis philosophiæ: de re, commisi eam *Boschio* iam olim nostro: sic ut te consulat, siquid opus. Nam grauioribus te occupari, satis scimus: & sufficit consilium tuum & directio. Vale. Louanij, x i i i. Kalend. Nouemb. ∞. IO. XCIII.

EPISTOLA XIII.

Leodicum.

IACOBO CARONDELETO, Cancellario & Canonico.

NON valedixi, excusa: aut te aut tuos potiùs accusa. Nam aliquotiens domi quæsitum non repperi: & addo, quòd iter meum subitum fuit, & natum ex occasione. Ea fauit, & incolumes ac tutos Louanium perduxit, quod nūc me habet. Destino quieti & firmę mansioni nostrę hanc sedem, nisi aut publici

aut priuati hostes interpellent. Nam utrosque nobis esse non noras; & istos (priuatos inquam) nos omnes velut more & le experimur, qui paullum sumus in clariore famâ. Ut flamma minor non surrexit umquam sine fumo: sic nec illa, sine nubea quâ liuoris. Apud Euripidem aliquis exclamat,

* Calûnia,
mortalibus
magnum
malum!

* Ἀνάξ, ἀμβολαὶ δὲ πόν ἀνθρώποις κακόν.

Hoc si omni æuo, quî non isto factionum & partium pleno, cum carceres aperti ad calumnias specie pietatis? Nos Deum aspiciamus, in illo fidimus, humana omnia mala tam alacriter ferre parati, quàm alij inferre. Si virtutis & bonæ famæ causâ perimur: benè est, & cum poëtâ,

* Me bella
semper in-
sequantur
cælia.

* Αἰ τοιαῖσί με πόλεμοι διώκουσιν.

Inuidiam non placabo, ijs relietis. Aliud quod scribam nunc non est: publica vos scitis, ego hîc nec tenui auditu uculâ ea libo. Siquid habes dignius, significa, & me dum uiuo tuum ama. Lounij, VIII. Kal. Sept. ∞. IΩ. XCII.

EPISTOLA XV.

Cameracum

MARIAE GORNACENSI S. D.

LITTERAS tuas cum gaudio vidi & legi, Virgo nobilis. Ergo tam vicini sumus? Ardet animus videre te, & alloqui, quod non diffido vel hac æstate futurum, si Duacum, aut vicina loca uisendi causâ accedam. Nam nunc quidem fontes Spadanæ cogitabam, valetudini curandæ. Ea nobis, ô virgo, imbecilla, armus alacer: nisi quod eum quoque, velut nube, interdum inuoluit atra hæc & fumosa bilis. Mihi crede, nec ille officium suum sæpè facit, quod tamen agnoscit, sed vult nec potest. Quod faciemus? homulli sumus, id est pars optima & cælestis in terram inclusa: felices, qui liberi ab eâ & soluti. Tuus pater iam euo. Nuncio tibi, si nescis; renouo, si iam scis, perijsse, quid dixi? abijsse à nobis magnum illum virum: *Montanum*, inquam, nostrum ad alta & æthereos illos montes. Ita scriptum ad me Burdegali & quia litteras tuas veteres esse video, arbitror te quoque sensum iam habere huius plagæ. Sed quid mali factum? rideat ille non si sciat dolere: quem opinor in ipsâ morte hilarem eam suscepisse, & victorem etiam eius, cum ab ipsâ vinceretur. Iuit, ibimus quid

quidni desideremus, per publicas priuatasque istas calamitates? Gallia vestra vasta cladibus, Belgica nostra attrita; & maximè hæc loca, in quibus nunc versor. Omnia vincit hic animus, nisi quòd morbo interdum succumbit, cōtra cuius pertinacem vim nullius ingenij aut sapientiæ vis resistit. Resistit dico, non vt vincatur & iudicia sua mutet: sed vt vacillet in officiis, nec ille qui est se ostendat. Vereor vt videas, si me vides: nec Lipsium illum veterem, sed eius vmbram. Tamen vt sol interdum per nubes medias se exserit: sic in nobis interlucet melior ille ignis. Hoc nunc satis, amo te Virgo, sed sic vt Sapientiam amo, castè: fac idem mihi, & quoniam pater tuus ille obiit, cense me fratrem. Louanij, 1 x. Kal. Iun. ∞. IO. XCIII.

EPISTOLA XVI.

Bruxellam.

IOANNI BOISOTO S. D.

ENIMVERO tū rem & verba simul ad me mittis: ego quid nisi verba? Pudet gratias agere, nec debeo, tam expositæ, tam obuiæ beneficentiæ: quæ vt fontes, sponte irrigat & dimanat. *Senecæ* vtriusque mentionem facis, & laudas. Profectò debes, & tu & omnes, quibus curæ aut cordi est ipsa virtus. Christianos scriptores excipe, quis omnium veterum magis ad eam duxit? & maximè iste, qui philosophi nomen vulgi titulo vindicat, meo sophi. Magnus vir est, nec suadet, sed ingerit optima; & impellit ad ea, non ducit. Quis vbique ardor, & quàm è pectore verba? & miror, aut indignor etiam, si aliter vixit. Dio, & quidam asserunt. ego ambigo, & cū lego quæ *De beatâ vitâ*, velut in excusationem sui scripsit, calculum album palam pro eo fero. Diues fuit. cuius noxâ aut iniuriâ? confluxerunt aut congestæ sunt in eum opes: admisit, eâdem æquitate & statu animi dimissurus. Tacitus magnus & ipse, ac super Dionem vir, idem liberi iudicij ac stili, multus in *Senecæ* rebus est: sed laudanti semper propior (vide & examina) quàm carpēti. An ille nos celet tam insignita scelera, cuiusmodi Græcus ille obiicit? scilicet post aliquot sæcula eruta, & tunc denique venerunt in lucem? Imò calumnia peperit; cui proprium, magnum aliquid affingere viris magnis. Et addo, quòd Dio nusquam propitius valdè Philo-

sophis

* Flere &
plorare.

sophis sit, ne dicam ex professo eorum hostem. Hæc apud
velut in sermone. At de Tragico quid iam olim senserim, in
quæ mitto, vide. Tua quæ corrigis, mihi certa sunt: & cur n
aliquis ad manum, cum quo talia possim? multa morientur n
cum, credo, eiusmodi inuenta vel iudicia: parum est, Deus
tempore dabit, qui hæc suscitabit. Per ista quidem bella, qu
omnibus Musis nostris dixerim, nisi * *κλαίειν καὶ διμώζειν*? Inter
virtus, & optimorum amor, si non adeptio, solabitur: & in
externa, nostri horti, quos magnam partem tibi debemus.
Clusio pyxidiculam etiam accepi cum bulbis variis, sed sine i
dice aut nomenclaturâ. Videbo quid ver dabit. Vale mi Boif
te. Louanij, Nonis Nouemb. ∞. Id. XCIII.

EPISTOLA XVII.

Tornacu

HIERONYMO VVINGIO *Canonico* S. D.

BENIGNE non solùm accepisse te munus nostrum video, s
etiam legisse. Benignè enim profectò iudicas, nec sine su
fragio aliquo affectus. Reuera autem mi VVingi (numqua
fensi aliter:) præter titulum aut materiam, haud multum in
libello altum & laudabile est: sed nec fortasse potest. Illud, f
teor, iudicio notasti de methodo, quâ delectamur in his talib
vti. Et tolle eam è scriptione, quid est? congeries, & vt lignoru
aliqua strues, cui faber deest. In mundo hoc quod nos delecta
superò inferoq., ordo est: in illo perpetuus, in isto instabilis: s
tamen ordo, quem nihil errem, si vitam & animam ipsam dix
rim esse mundi. Paro nunc ad editionem alia è *Face Histori*
in quibus & recondita multa esse audeo profiteri, & rem tota
non sine intentione & labore nostro in methodum redacta
Videbis, si Deus volet, eis paucos menses, & me amabis, nouu
sed fide veteri, amicum. Louanij, viii. Idus Mart. ∞. Id. XCIV

EPISTOLA XVIII.

IOANNI BERNARTIO *J^{do}* S. D.

LVCIVS apud nos fuit, atque heri discessit. Curiosus era
scire & audire ecquid de te sentiret aut diceret: sed repp
omn

omnia proba (ex animo loquor) & in te benè affectum. Quidni esset? scio equidem te mereri, & causam deterioris iudicij non dedisse. Minuta quædam si interueniunt, aut sermones parum decori, aut forsitan pungentes: cogita quorundam ingenia sic esse, & talia sexcenta ferenda, cùm versamur in mediâ hac vitâ. Hactenus in secessu & studiis fuisti, inter æquales, Louanij in domicilio quietis: aliæ illîc turbæ & mores, & vno verbo, Bruxella. Tirotinium in istis tuum molestiæ aliquid habebit, sed frontem & animum mox durabis. Vellem multa tecum in sermone (& fiet aliquando) sed caput hoc est, in isto æuo & initiis tui progressus, toleranda multa esse, & quædam etiam contra Genium vsurpanda. Melior Deus postea leniet, & cum dignitate aliquâ tranquillitas & otium affulgebit. Louanium si esset quale fuit ante annos viginti, profectò te huc euocarem: nunc quid apud nos speres, vbi iacent omnia & argent? Apud externos nō deesse mihi honesta iudicia & amicos, tute scis: hîc sumus, vt vnus è multis. Non patienter solùm, sed tranquillè fero, & te mi Bernarti ad hâc *ἡσυχίαν* & compositionem animi in primis vo-
*tranquil-
litatem.

co. Quamdiu equor hoc vitæ nauigamus, tamdiu fluctus: & interdum serenum aliquod si blanditur, decipit, & ferè tempestas maior succedit. Alia & alia cogitemus, & nostra etiam ista ingeniorum opera, quæ apud posteros saltem pretium aliquod & decus habebunt. Oudartum nostrum (sæpè vides, credo) salutabis. Tuos item parentes, quos equidem tuâ causâ etiam amo, & videbo, si quando res & iter meum ferent. Nunc non opinor, & aut Bruxellâ aut Viluordiâ Antuerpiam ibo. Quando tamen, adhuc nescio: litteras Moreti exspecto. cum quo de Statio tuo ferio agam. Vale. Louanij, xi. Kal. Maij, ∞. Io. xciiii.

EPISTOLA XIX.

IACOBO CARONDELETO S. D.

REDIISSE te è Gallicâ legatione libenter audiui, & eâ tibi iucundam fuisse (et si in re tristi aut seriâ) non dubitamus. Vidisti loca, homines, variâ laude & hac litterariâ nostrâ celebres; & cum iis sermones etiam te iuuerunt. Quid si fuisset Lutetia, cuiusmodi olim solet? id est, verè *ἐπιτομή τῆς οἰκουμένης*, vt
*compens-
dium orbis.

c

quispiam

quispiam Romam appellabat. Sed flaccescit non vrbs ea solū
sed totum regnum : cui senium suum est, vt omnibus rebus h
manis , & aliquando fatalis meta. Non lubet ista, nec in alie
mala inquirere ; domi nostra sunt, nec longè exitium ab ocu
nisi pax salutaris medeatur & focillet. Multus hīc de eā serm
multa spes: certi tamē aliquid, aut causam spei, nisi quia vtri
que expedit, haud dum cerno. Ad vos ego breui, vestrā & fo
tium item vestrorum causā. Te inter primos videbo & am
ctar, & de studiis libellisque meis affabor & communicab
MILITIA excusa est, exceptis Præfationibus. It ad Principe
Hispaniarum, suasu Procerum hīc in aulā. Louanij, Kalen
Maij, ∞. IO. xcv.

EPISTOLA XX. *Mechlinia*FRANCISCO VANDER-BURCHIO *Decano.*

DOLOREM meum si apud te promam, quem in Ampli
mi viri patris tui morte accepi, vereor vt tuum renouer
quem dies & ratio iam, vt spero, mitigarunt. Sed tamen test
apud te debeo, publicam hanc iacturam me censere: & regi, p
triæ, curiæ, ministrum, ciuem, collegam ereptū, quem haud
cilè reparabunt. mihi quoque priuatim patronum & amicum
cuiusmodi fideliter illum in me repperi, & quem importun
meo tempore amisi. Sed ista à Deo & fato, ferenda sunt; præ
tim nobis Christianis, quibus certum & impressum est, vita
hanc non mansionem, sed viam esse ad alteram vitam: eoque
lices, qui hac quā maturrimè defunguntur. Tu tibi plura
ces, vt prudentia tua & pietas est: ego hoc obiter rogo, vt pare
ti vicarius sis, & in amicitia quoque velut heres. De me, affect
erga te & gentem tuam spondeo, & gratam memoriam pare
ris in omni vitâ. Louanij, v. Non. Sextil. ∞. IO. xcv.

EPISTOLA XXI. *Iper*

HIERONYMO BERCHEMIO.

ABSOLVIMVS MILITIAM, & hīc vides. Illam veterem
inquies. Quid? tu quoque nouam à me expectabas? N
possi

possim (aliarum ego artium:) nec velim si possim. Iudicio hoc dico. non quia omnia nostra superbè damnem, & quidquid boni, in vetus ævum includam: sed quia in militiâ quidem pauca sunt quæ me delectent, sic solutâ, prauâ, & au sim dicere, parùm etiam forti. Apud te au sim; si vulgò, qui clamores? Nónne tormenta nobis ænea sunt, inquit, & sulphurei illi ignes, qui sonitu & adspectu fugent veteres omnes hostes? Nescio mi Berchemi: & in animo agitavi sæpè, & dubitavi. Hoc facilè dederim, sub initia terrendos Romanos fuissè nouitate ipsâ, & inopinato ictu: sed vbi rem vidissent, & plus strepitus, vix plus vulnerum, quàm à suis illis telis; facilè etiam recepturos animos, & qui fuissent futuros, id est fortes, felices, & victores. Non est meum iudicium: sed Matthias ille Hunniades, rex Pannoniæ, quo nemo à multis sæculis melior, prudētior, militiâ clarior aut felicior, & addam veterum rerū (inter Principes quidē) doctior fuit, palàm ita sententiam tulit. In coronâ illustrium hominum coram ipso sermo erat de præstantiâ nostri æui, & artibus ac machinis bellicis plerique omnes veteri anteferebant. Ille autem renidenti ore, *Si centesimam partem antiquæ militiæ ætas nostra teneret, & disciplinam haberemus illi parem; profectò Turcarum istud regnum non fuisset tam longè latèque diffusum. Nec tamen antiquitatem nuncupo, quæ quingentis istis aut sexcentis annis continetur: sed Romanorum illud ævum aspicio, quod cum aliis belli artibus, tum & machinis & tormentis præclare fuit instructum.* Hæc ille rex, peritè & cum iudicio: & cui res atque euentus adstipuletur, si quis magnus Princeps tentet. Et si fateor, nostra quoque tela bona esse; sed validiora, si quis cum priscâ militiâ misceat temperetque. Sed desino. tanti regis rectum & inopinatū illud iudicium celare te nolui: quod amabis, scio, & me vnà. Louanij, III. Kal. Ianuar. ∞. IO. XCVI.

EPISTOLA XXII.

Bruxellam.

PETRO PANTINO, Decano Bruxellensi S. D.

IAM denique scio & sentio Pantinum meum rediisse, antea opinabar. Si enim certò, an non ille ad me scriberet? imò an non (vt meum quidem desiderium erat) veniret? Nec enim celamus

lamus te nostrum affectum: habemus & habuimus te iam annos plures annos in primis amicis, idque absentem: sperare me tuum potui, imò debui, ut probitas tua est, & cum priscâ doctrinâ prisci mores. Sed largiter satisfacisti unâ hac scriptione cui & munera adiunxisti: munera, qualia nos decebant, libere. Amo te, amabo: & certè debeo, ut est raritas talium virorum nostro axe. Oudartum tamen, communem nostrum, nouisti ille est ad Genium meliorem & nostrum, vir quo probior nec optes quidem. Adest amor & studium istarum artium: & peritia ac rerum usus adest, & cum poetâ, *περίοδε δίκας ἡδέ φ* ** nouit mo- res mentes- & aliorum. vii ἄλλων.* Vno verbo, si me amas, virum ama. De Catullianis Notis, & Inscriptionibus antiquis, gratum est: videbo: & quid quid fructus, à te erit. Gratius, intellexisse de valetudine instauratâ Antonij Couarruiæ, quam afflictam aut depositam esse Stephanus Yuarra, regi à Secretis, mihi indicarat. Addiderunt Homeri fato affectum, & iam cæcū esse. Gaudeo aliter habere quia ignotum de facie virum, tamen acriter amo, & censeo lumen ac fidus esse illius tractus. Plura aliàs: hæc salutatio modesta & gratulatio apud te sit, quòd saluus ad nos veneris, per maria per montes: atque ut diu in patrio isto solo sis, Deum veneror atque oro. Libri mei de MILITIA traditi Principi sunt: ut amice scribunt, grati: sed de re, quam tu exspectas, ego adhuc nihil, nisi hoc tuum, exspectare. Siquid erit, scies; etiam, si nihil erit. Schottum nostrum Romæ esse scis, à quo nuper litteræ, & unâ ad Senecam patrem Notæ. Sunt bonæ & eruditæ: sed in plerisque præuenit eum Nic. Faber, quem puto te vidisse. Valmi Pantine. VI. Idus Mart. ∞. IO. XCVI.

EPISTOLA XXIII.

IOANNI SARRACENO, ex Abbate Vedaſtino
Archiepiscopo Cameracensi designato.

EGO verò gratulationem meâ & gaudium animo conceptum prodero scripto & stilo debeo, cum voce & sermone coram non detur. Gratulor, inquam, & gaudeo ex animo, incohata nuper dignitatem tuâ iudicio & suffragio Catholici Regis, nunquam quoque summi Pontificis calculo & auctoritate firmatam. Ha-
 bemus

bemus ergo te Cameracensem, veteri & illustri honore, Archiepiscopum, adiunctâ etiam laxâ gubernatione & dominio externo: atque vt diu habeamus, & Ecclesia, Respublica, Litteræ (nam & eas addam) fruantur, ex animo Deum precor. Enimuerò virtus tua etsi iamantè campum habuit in quo se exerceret, itemque prudentia: tamen vtraque nunc amplius, vt sic dicam, theatrum habet, & in oculis est Belgicæ, vicinæ Galliæ, ac pænè dixerim Europæ. Quò magis illud aprecamur, vt personam tãtam aptè & decorè sustineas, ex Dei gloriâ, tuâ famâ, vsu omnium: cui rei nec vires, nec voluntatem tibi deesse scimus, vouemus tantùm vt ventus diuini fauoris aspires, & inter fluctus nauim hanc dirigas ad tuæ & publicæ Salutis portum. Reuerendissime & Illustrissime Domine valere te & perennare cupio. Louanij, XII. Kal. Octobr. ∞. IO. XCVI.

EPISTOLA XXIII.

NIC. OVDARTO S. D.

INVITAS me amicè (nōne animum tuum noui?) ad colloquia & conuiuia, cum Pantino & Hartio nostris, quibus adesse maximè equidem vellem. Quid me tenet igitur? id ipsum quod fortasse deberet propellere, valetudo solito infirmior, quàm vel cibi isti ** ἀναισθησι*, vel alia causa conciliauit. Vix ausim per eam commouere me, & tamen serio credo in vestro vultu & colloquiis leuandam illam aut ponendam. Mi Oudarte, iamdiu te amicum habeo, & per litteras animum tuū noui, priusquam ipsum te & totum hominem nossem: sed in omni amicorum classe non est, quem probitate, & cādore, & fide tibi præponam. Iure ergo ad te propendo, & eò magis quia fortasse diu frui mihi quidē non licebit. Sentio corpusculum hoc deficere, & internum illum hostem, qui hepar ipsum obsidet, vires sumere, viribus meis æuo & tædio imminutis. Quid mali est? mihi crede, quò propiùs & diutiùs res humanas intucor, magis aspernari & fugere eas libet, & toto alio orbe disiungi. Heu vanitates, heu malitias, heu ineptias etiam, quas video! & ipsum istud legere, scribere, discere, quid nisi oculos magis aperit ad videndum & noscendum? Qui cum ludo & mimo comparauit totum hoc

nostrum viuere, is mihi rem visus intellegere: sed eant, per
deant qui volent, & spectent: ego satur abiturio, & theatri p
tas specto. Vtinam & superas portas! è quibus animus hic
missus, auet & debet iisdem recipi: quod spero in illo, qui me
cit, aluit, seruauit. Vale mi Oudarte, & nunc de aduentu ex
sa: aliàs vel inopinatus te oppressero, si Deus firmitatem dal
Louanij, Kal. Martiis. ∞. IO. XCVII.

EPISTOLA XXV.

Bruxella

D. GERARDO DE HORNES, *Baroni Bassigniaci,*
Toparchæ Jfscano.

LITTERAS tuas datas ante tres septimanas, ante biduum
mum accepi: nec siluissem sanè tamdiu (vt meus in te c
tus est) si priùs vidissem. Neglegentia tabellarij interuenerit
portet, in tantillo interuallo. Hoc præmissi, vt silentium me
excusares: at de ipsâ re, quid dicam, nisi gratissimū mihi hu
affectum tuum & in me, & in Iscanū tuum, esse? Ego verò a
locum; & affectum, vt vidisti, etiam publicè, & alieno pænè
co, expressi. Vtinam facies ea esset, quæ solebat! valdè nunc
formis, cū ob duplicia incendia, tum & quia homines ac m
res non sunt, qui solebant. Infausta hæc ciuilia bella, inter a
mala, hanc quoque labem morum induxerunt, & homines
scio quomodo feroces, prauos, impios reddiderunt. Paullat
hæc tuâ etiam prudentiâ & curâ emendari possunt, & resti
locus atque homines in veterem splendorem. Quò inuitare p
fectò pax hæc debet, quam cum Gallis certò habemus (vt vn
que nunciant) confectam. Ita securitas iis locis erit & quies, &
berius exeri auctoritas tua atque imperium poterunt, & mut
aut tolli quæ videbuntur. Ego certè, si tempora indulgebu
non solū crebrò illuc commeem, sed etiam secessum illum
nectuti atque otio meo (si Deus dabit) seponam. In eo & te
quando, Nobil^{me} Domine, videre atque affari mihi votum
cum Dominâ, quæ heredem tibi donet. Louanij, XIII. Kale
Iun. ∞ IO. XCVII.

E

EPISTOLA XXVI.

Brugas.

IANO LERNUTIO, *suo fido & veteri S. D.*

SILVI mi Lernuti, post gratissimum tuum Carmen, quod me in animo isto interiore affecit, non ob laudem, sed ob amorem. Amo, amaui te; & amari à te, hoc quoque valdè amo. Silui tamen vt dixi, quâ causâ? quæ nec ipsa causâ esse debuit, valetudine impeditus. Ea mihi tristior est, & fuit ab illis castimonîæ & abstinentiæ nostris diebus; & in languore sum & ignaviâ etiam, assiduâ comite huius mei morbi. Atqui alij passim me incitant ad scribendum aliquid, & cudendum: hem, nec nunc quies? O æuum, quod exigis officia, non reponis! Nam titulis quidē & iudiciis in me honesti sunt, in re cessatores. Quæ tamen culpa Quæstorum potius, quàm Principum est: sed quid refert? illi nunc habent regnum. Deus, rex, tempus emendabunt. tibi si benè, sanè, & iucundè est, gratulor, & toto pectore voueo talem perseuerare. Filius valet, studiis operatur, me amicum habet & habebit. Louanij, Idibus Maijs. ∞. IO. XCVII.

EPISTOLA XXVII.

P. LEONARDO LESSIO, *Theologo Soc. Jesu.*

IN variis & pænè cottidianis sermonibus nostris, de NOTIS fabulati sumus: quarum vsum crebrum vel assiduum veteribus, vterque consueiebamus cum fructu & bono publico reuocandum. Sed quî fiet? exoleuerunt illæ, & fuisse magis, quàm quid & quâ facie fuerint, scimus. Ostendebas te non nolle vt aliquid huic rei colligerem, collectum ad te deferrem, melius sic certiusque arbitrandum, an tanti tota res esset. Facio igitur: & cuius causâ magis velim, aut debeam? Tuum est, vt Homeri-
co versu dicam,

* ——— ὅσον μὲν ἔγω δύναιμι χερσίν τε ποσίν τε

καὶ δυνῶ.

*-quantum
equidem
possum
manibus
pedibusq;
& Robore
conmiti.

Notas hîc appellamus, scripturæ quædam compendia, cùm verba non perscribimus, sed signamus: celeritati, & excerptioni repertas. Ipse qui hoc facit, *Notarius* dictus. Glossæ: *Notarius*, τα-
χυγράφος: *velox scriptor*: à fine. Suidas: *Notάριος, ὑπογραφεύς*:
quasi

quasi dicas *Exceptorem*, ab usu. Iterum Glossæ: *Notarius*, *γράφος*: qui per signa scribit, à modo. Hinc Aufonij quædam Epigraphe: *Ad Notarium, velocissimè scribentem*. Augustinus Doct. Christ. *Ex eo genere sunt etiam Notæ, quas qui didicerunt, priè iam Notarij appellantur*. Itaque duplex apud veteres scribendi ratio, *Scripturæ* & *Notariæ*: illam *καλλιγραφίαν*, hanc *ταχυγραφίαν* dicebant. Scriptor aliquis, apud Suidam, de Origene illo, *Græciæ stellâ, vtinam non caducâ*: *Ἀμβρόσιος*, inquit, *πολλὰ περὶ τοῦ καὶ ὁ Θεοδωσίου ἀνδρός, καὶ ταχυγράφου ὡς τῶν ὁ Θεοδωσίου ἐπὶ τα, καλλιγράφου ὡς τῶν ἐρμηνεύσαι ὡς τὸν τὰς θείας γραφὰς περὶ οὐκ*: *Ambrosius* (quid inter potentes) *multa eum orans & adigens, & septem ei Notarii plures scriptores alios apponens, commentari eum sacros libros curauit*. Fulgentius & has intellexit: *In omnibus artibus sunt primæ artium, sunt secundæ. vt in puerilibus litteris prima est Abecedaria, secundæ sunt Notaria*. Rationem scribendi per litteras, vt faciliorem, primæ discabant; tum istam. In Suetonio huic sensui iam olim emendauimus: *Nepotes & litteras, & notare (siue Notariam) alia rudimenta per se plerumque docuit: ac nihil æquè laborauit, quàm imitarentur chirographum suum*. Vulgò quidem *natare* scribitur & defendunt alij: sed rem & textum Suetonij qui attendet, non praui peruiçax est, ad me ibit. Sed Notarum istarum quis primus auctor? Ego libenter Græcis gloriam dederim, & nominatum Xenophonti, philosopho & historico. de quo Diogenes *πρῶτος ὑποσημειώσας ἄνθρωπος τὰ λεγόμενα, εἰς ἀνθρώπους ἤγαγεν*: *Primus notis excipiens dicta* (Socratis) *in lucem hominesque protulit*. At Latini ad se trahunt. de quibus ita Isidorus: *Vulgares Notas Ennius primus mille & centum inuenit*. Appellat vulgares, vt à *Juridicis* & *Militaribus*, de quibus subiicit, distinguat: & quia hæc cōmunissimo usu. Sed itane auctor Ennius? nusquam lectum, ipse Isidorus mox abnuat: *Roma primus Tullius Tiro (Ciceronis libertus) commentus est Notas, sed tantum præpositionum*. Post eum *Tertius Persannius Philargyrus, & Aquila Mæcenatis libertus alius alii addiderunt*: deinde *Seneca* (patrem puto intellegi) *contracto omnium digestoque numero, & aucto, opus effecit in quinque millia*. Quis hîc ille *Tertius*? nullus in libris scriptis, quos ego vidi: & vox auctoris est. Itaque legam, *Post eum Persannius*: & idem nomen superponere aui: *Vulgares Notas Persannius primus*: non autem Ennius

Lib. II. ca.
XXVI.

III. Mythol. in Orpheo.

* Sic legimus vulgò corrupta.

Aug. cap.
LXIII.

In eius vita.

Lib. I. cap.
XXI.

Enni

Ennius. Ita dicat istum repperisse primum tali numero Notas: etsi paucas antea Tiro Tullius, & ut addit (si ea quoque verba sincera) *præpositionum* tantum. neque enim commodè hîc ingero aut digero *præpositiones* : tu iuuabis, si potes. At Plutarchus Ennium quoque reiicit, & magis pro Tirone est. nam scribit in Catone Uticensi, *unam eius orationem prostare, exceptam Ciceronis operâ, qui in curiâ celerrimos scribas disposuerat, prædictos Notis & signis uti*. Addit deinde: *ἔτιω γὰρ ἡσκούω, καὶ ἐκείτω τὰς καλεμένους σημειογράφους*: *nondum enim instituerant, neque habebant, Notarios dictos*. Sed magis hoc clarè Eusebius: *M. Tullius Tiro, Ciceronis libertus, primus Notas commentus est*. Dionem Cassium mente refragari istis non arbitror, etsi pænè verbis. nam scribit, & laudat inter alia Mecænatem: *ὅτι πρῶτος συνεῖδ' ἡμεῖς γεγραμμένων περὶ τὰς ἐξ ὧν*: *quod primus Notas quasdam ad celeritatem scribendi inuenit*. Non herclè primus omnes, sed *quasdam* ex iis, & auxit. Imò reuerà nec Cicero, nec ipse: sed liberti eorum, ut ex Isidoro clarum: etsi Plutarchus & Dio patronis attribuerunt. Seneca noster magis ingenuè: *Quid loquar verborum Notas, quibus quamuis citata excipiat oratio? vilissimorum mancipiorum ista commenta sunt: Tironis, Persannij, Aquilæ, libertorum aut seruorum*. Hæc inuentio, propagatio, auctio: quis vsus? duplex, publicus & priuatus. Isidorus suggerit: *Notarum usus erat, ut quicquid pro concione, aut in iudiciis diceretur, librarij scriberent complures simul adstantes, diuisis inter se partibus, quot quisque verba, & quo ordine exciperet*. Ait fuisse *complures simul*: quod necessum, vbi citata & longa oratio, neque vnius mens aut manus suffecisset. Ait, *adstantes*: at liber scriptus, *addentes*: ex quo possis, **audientes*. Ait denique, *diuississe partes, & verba*: id est, ut primus sex prima verba (pro exemplo) secundus sex altera, tertius tertia: aut tali diuisione. & postea simul iuncti & conferentes, membris in fitis, orationem explerent. Ac plurimum ita fuerit, certiusque ita fuerit: arte tamen adauctâ, nihil ambigam vel vnum suffecisse. Igitur publicè hîc vsus, orationes & dicta excipere, ac prouulgare. Ita Asconius tradidit, orationem Ciceronis pro Milone, ipsam quam dixerat (nam hodierna hæc scripta modò est) *exceptam fuisse, quæ suo tempore exstaret*. Et Fabius queritur, *orationes aliquot suas circumferri, neque gentiâ excipientium in questum Notariorum corruptas*.

In Chron.

Lib. LV.

Actis anni
DCCXLVI.

Epist. xc.

* Nec da-
mnamus
tamen *Ad-
stantes*.Lib. VII.
cap. III.

ruptas. Culpat non de facultate, sed de intentione : & quod tantum in quæstum, non fidem, exceperint. Factum idem Actis iudicialibus. & documento hodieque aliquot Christi martyrum : in quibus omnia verba ultro citroque dicta referuntur. Vlpianus hac occasione censet : *eos qui Notis scribunt Acta iudicia cum, reip. causâ videri abesse.* Ammianus, *Iudici assistentes hinc inde de Notarios facit.* Manilius de Iurisprudente:

Lib. xiv.

Hic etiam legum tabulas, & condita verba

Novit, atque Notis leuibus pendencia verba.

Cod. de vtroque iure enucl.

Quia crebrò scilicet earum ibi usus, quod tamen Iustiniano displicuit, ob causas : vetuitque *per signorum captiones & compendiosa ænigmata Codicis sui textum conscribi.* Publicè igitur hîc vsus at priuatim, plurimus. siue in epistolis, orationibus, scriptis alibi subito dictandis ; siue in excipiendo statim, & sine iacturâ magnâ lectionis, adnotando. Plinius minor, de maiore : *Semper etiam in itinere, Notarium ad latus fuisse, cum libro & pugillaribus.* Idem de sese alibi: *Notarium voco, & die admissio, quæ formauerat dicto.* Quis neget grande in eo commodum ? & quòd calor & intentio dictantis morâ non tepefeit aut frangitur ? Hodie si in orationibus publicis, ubi dictatura regnat, vsurpetur : quanto bonum & quo temporis fœnore fiat ? Nam mira hîc in excipiendo celeritas : quæ finis & fructus propriè huius inuenti. Celeritas inquam tanta, ut *quamuis citata* (verba Senecæ) *excipiat oratio, & celeritatem lingue manus sequatur.* Quid, sequatur ? imò præueniat : & ita Martialis in lemmate, *Notarius :*

Lib. iiii. ep. v.

Currant verba licet, manus est velocior illis,

Nondum lingua, suum dextra peregit opus.

Lib. iiii.

Manilius, de eodem:

Quique Notis linguam superet, cursumque loquentis.

Ausonius ad suum Notarium:

Tu sensa nostri pectoris

Vix dicta, iam ceris tenes,

Tu me loquentem præuenis.

Et addit pulchrè:

Quis, quæso, quis me prodidit?

Quis ista iam dixit tibi,

Quæ cogitabam dicere?

Ideò *Furta Verborum* Hieronymus dixit: *Extemporalis est dictatio*, De vitando
 & tantá ad lumen lucernule facilitate profusa, vt *Notariorum manus* susp. con-
 lingua præcurreret, & signa ac furta verborum volubilitas sermonis tub.
 obrueret. Furta, inquam, vel quia eripiunt & præripiunt verba:
 vel etiam, quia tegunt & compendio quasi clepunt. Sed quid aut
 quales fuere igitur? inquires. Communiter possum dicere, vi-
 deri duplices fuisse, *Litteras & Signa*. *Litteras*, vt cum vna ali-
 qua hoc aut illud verbi notat. P. *Publius*: eadem, *Pupillus*: eadem
 inuersa, *Pupilla*. Item C. *Caius*: conuersa D. *Caia*: & quæ talia
 passim in libris aut monumentis. Sed cum eæ paucæ essent, *Si-*
gna reperta, plerisque verbis notandis: quidni plerisque? cum ad
 quinque millia fuisse à Senecâ, suprà dictum? Ea autem aliâ qua-
 dam & minutâ facie, vt iure à litteris distinguantur. Iuriscon-
 sultus: *Notis scriptæ tabulæ non continentur edicto*, quia *Notas litte-* Lib. vi. de
ras non esse Pedius scribit. Sidonius: *Tribuit & quoddam dictare ce-* bon. poss.
leranti scribarum sequacitas saltuosa compendium, qui comprehende- Lib. ix. ep.
bant signis, quod litteris non tenebant. Signa igitur, & parua. atque IX.
 ita Plutarchus notificat: σημεῖα ἐν μικροῖς καὶ βραχείσι τῷ ποιεῖ πολλῶν In Catone.
 γραμμάτων δύναμιν ἔχοντα: *Signa in paruis & breuibz figuris, multa-*
rum litterarum vim includentia. Ausonius *Puncta* appellat:

Punctis peracta singulis

Vt vna vox absoluitur.

Et benè *singulis*: vnde & sic appellarunt. Iustinianus in Constitu- Cod. de v-
 tione Græcâ: Σημεῖα ἐν τῇ γραφῇ, ἃ περ Σίγγλας καλεῖται: *Notis in scriptu-* troque iure
ra, quas Singulas appellant. Sed de *Punctis*, etiam Prudentius, de enucl.
 Calliano martyre, doctore eiusce artis: Περὶ σιφ.
 Hymn. ix.

Præfuerat studiis puerilibus, & grege multo
Septus, magister litterarum, federat,
Verba notis breuibz comprehendere multa peritus,
Raptimque punctis dicta præpetibus sequi.

Et addit, cum damnatum, & adiudicatum ipsis pueris, qui stilis
 foderent & conficerent, imitatione illius artis. Itaque clamant:

Reddimus ecce tibi tam MILLIA MVLTa notarum,
Quàm stando, flendo, te docente, excepimus.
Pangere puncta libet, sulcisque intexere sulcos,
Flexas catenis impedire virgulas.

Ex quibus videas & *Puncta* fuisse, & *Lineas*, & *Flexuras* ac Cate-

nationes. Nec plura repperi. aiunt libros alibi in bibliothecis esse stare harum Notarum : cur non edunt ? quanto vtilius , quàm nugas quasdam hodie atque heri natas ? Enimuerò periisse vtilissimam (ita censeo) artem , dolendum est : & reparabilem tamen si libeat adniti . Sinenses hodieque characteres habent , quibus tota verba signant : sed operosos ferè aut implexos . Expedit aliquid oporteat . & credam à sagacibus viris , in paucis diebus repertum iri , si iubeantur . Finiui mi Pater, tu iudicabis , & tu bellam dimittes, me animo tuo & precibus includes . In Musam nostram , hodie horis matutinis.

EPISTOLA XXVIII.

*Mechliniana*P. HENRICO SEDVLIO, *Ordinis D. Francisci.*

LIBRVM tuum accepi, neque vno nomine libens vidi. Quam argumentum pium erat; quia de capite & principe Ordinis vestri erat; quia à te ipso erat, quem iam pridem cum veneratione quadam (seriò loquor) amo. Vidi igitur libens , & legi libentiùs ita me & res, & ipsa scriptio tua, & iudiciũ trahebant. Multo opportunè miscuisti, ad fidem, ad intelligentiam , ad vitam & mores : quam partem in his scriptis ego maximè requiro & amo. Non dicam de stilo tuo, qui grauis simul, & præter commune morem disertus est : sed illum adesse etsi gaudeo; tamen si aliquid sit, ipsa etiam res sic tractata delectet. Ordo, & iudiciũ, & optimus ille finis , ea sunt , quæ in re Pietatis me capiunt : & tu maximè, cum à spirante animo & incenso veniunt, & qui sententiam se ostendit quæ dicit. Fateor me iis moueri, trahi, rapi : fac tu sapienter mi Pater, & in Dei honorem, & nostrum bonum, scribe. Longum quentem olim audiui cum fructu; recognosco nunc in scriptis. Quod dixi, amo te, & veneror : illud prius tu mihi facito, precibus etiam iuuua. Louanij, x. Kal. Sept. ∞ . MD. XCVII. Adiunxi munusculum bellariorum , quæ valetudini tuæ serui toto animo opto.

EPISTOLA XXIX.

Montes.

CAROLO DESIDERIO S. D.

GAVISVS sum, cùm per te intellexi, venisse incolumem quò velles, & iam in auspiciis esse muneris tui quod suscepisti. In quo siquæ molestiæ erunt fortassè (imò quia erunt, vt sunt res humanæ) sustinere eas magno animo & vincere oportet, aspectu isto duplici. quòd & splendidum atque illustre munus imposi- tum tibi sit; & quòd tua in eo cura, ad Remp. ipsam in parte spe- ctat. Non ignoras Principes istos adolescentes qui assurgunt, quasi fulcra & columnas esse in magno ædificio; quod iis ali- quando innitetur, firmiter & fideliter, si institutio sit à fidei & eruditâ manu. Vtrumque tibi hoc adesse censemus, & Fidei plus satis, & Eruditionis quantum sit satis ad illum, & grandiores etiam, poliendos & formandos. Deus rogetur tantùm, vt labo- ranti tibi adspiret, & nobili ingenio amorem & affectum ergà doctrinam & docentem simul inspiret. Enimuerò quin breui vel hæc vel alia Academia vos sit habitura (sed hanc malle) non ambigo: & tum licebit pleno gradu pergere iter, quod sus- penso aut resistente alibi pede est nunc tibi calcandum. Certè nos tunc operâ & voce iuuare possemus, nunc voto & hortatu tantùm. De Galliâ terrores quòd illîc habetis, nos hîc nullos: imò de pace creber & certus sermo. Quæ mihi tamen ambigua erit, quidquid colloquia & tractatus instituantur, donec audiam pertractasse & conuenisse. Faxit Deus: & te cum Ill^{mo} Duce, & Nob^{mo} discipulo incolumes seruet: tibi autem illius beniuolen- tiam, huius reuerentiam & amorem. Louanij, v I. Idus No- uemb. ∞. IO. XCVII.

EPISTOLA XXX.

*Bruxellam.*PETRO BOSCHIO, *J^{to} & Indici exercitus Regij.*

PONO frontem, & ad te venio petiturus, quod vix res tuæ patiuntur, scio: sed amicitia nostra patitur, imò animus in me tuus ad maiora animum mihi addat. De mutuo meo, sanè in isto sum certus. Peto autem iuuari à te in extremâ istâ metâ rei nostræ, siue litis: quam tangere non potest, & heret sine operâ

tuæ manus. Cedo eam quæso, quantumuis leuem & breuem nam vicarium alium dare ægrè possumus, qui eam norit: & norit, spes mihi est (sincerè dico) in mente & manu tuâ. Val Louanij, xvii. Kal. Apriles, ∞. Id. xcviii.

EPISTOLA XXXI.

PETRO PANTINO, *Decano S. D.*

DUPLICITER dolui epistolâ tuâ lectâ: primùm, quòd in uoletudo te haberet, quæ adurgeret Spadam ire: deind quòd mihi comitem esse non liceret, uti tu, quid tu? imò & eg vellem. Nam reuerà & languor meus vetus illuc trahit, semper ibi aliquâ alleuatione: & in tuo consortio iuuat esse, & inter ru pes ac siluas illas ambulare, garrere, ridere. Nam & hoc in loco opus, & seriæ cogitationes aut curæ tradendæ ventis sunt in mare, ut ille ait, ferendæ. Volebam igitur, vel potius habu bam: sed pericula me absterrent, & iure Batauos aucupes in tuo, quorum arundo alas mihi verberauit. Audisti confusionem & fugam nostram, cum nuper illuc fui. Itaque hac æstate differo; & pax me illuc restituet, si tamen Deus speratam eam dabit. Quem commendasti, cupio & faciam, ubi occasio erit. Nauis hæc subita esse non possunt. Vale Reu^{de} & Cl^{me} Domine. Louanij, prid. Kal. Iun. ∞. Id. xcviii.

Quod oblitus sum dicere, ego Aquas hîc bibo, procul à fonte suo, & ideo minùs efficaces, fateor: sed tamen vel sic iuuant.

EPISTOLA XXXII.

Bruxellan

HENRICO STRAVIO, *J^{to} & Canonico S. D.*

Ex litteris tuis vidi, quid in rem & famam meam amicum fecisses. Quæ tu æstimabas & loco aliquo habebas, voluisti item ab aliis: & libros meos in Italiam, ad viros illos magnos misisti. Benè cessit, mi Straui, & iudicium pro voto tuo rettulisti: quid tuo? etiam meo, negare non debeo, & Italiæ indicibus & mea probari, semper habui inter votiuâ. Quidquid hoc e litterarum reliquum, illis debemus; quidquid etiam ego in hoc genere profeci aut possum, magnam partem debeo viris qui tell

tellus ea dedit. Sed & ipsam vidimus, & iudicia etiam nostra ad elegantiam aliquam formauimus in meliore illo cælo & solo. Consuetudo virorum aliquot summorum, qui tunc viuebant, & incitauit me ad hæc studia, & bonâ rectâque viâ perduxit. Itaque, vt dixi, amo iure & amabo Italiam, & amari aut probari ab eâ æstimabo. Sed sic, vt excitet me ea laudatio, non attollat aut vano vento inflat: cum sciam nec maxima mea esse, & quidquid sunt, non à me esse. Sicut locus à sole illustratus, splendorem, sed alienum, habet: sic nobis euenit, quibus lux hæc omnis à supremâ illâ luce. At tu mi Straui, vt concludam, amicè: & debere me gratiam sentio, & habeo, & animo affectuq; tuum esse serio testor. Vale. Louanij, iv. Idus Iulias, ∞. Id. xcviij.

EPISTOLA XXXIII. *Leodicum.*

M. ANTONIO DELRIO S. D. *Et ex animo optat.*

IAMNUNC tuas vidi, sed egone vt fileam in tanto meo gaudio pariter, & dolore? Dolui, dolui tuos casus,

— *dura nauis,*

Dura fuga mala, dura belli.

Omnia conspirarunt in te, sed pro nobis, certè pro me, qui te vbi-
cunque retineo, & animi sinu inuoluo, sed propiorem malo, &
sæpius aut litteris aut aspectu etiam frui. Quis vel hunc mihi e-
ripiat, cum in Belgicâ es? adibo & reperiam te vbiubi locorum
eris; & si Leodici, iam nunc promitto in æstatem, & reducem
gratulabor & amplectar. Omitte, per Deum, in posterum has
cogitationes, quas ille improbat: nōne vides? & illi gratias, non
tibi, debemus, qui fugitium retraxit. Ignosce huic verbo, amor
dictat, & dolor etiam, sed quem gaudio muto. mane apud nos,
viue, & morere, cum hora illa erit. Tardâ sit. me ama, asperge
aquam languido tuis litteris, ego non deero mutuum facere v-
trumque. Ad lumen scripsi, nec diu potero, gemina illa sidera
mea caligare incipiunt, & ad vitrea auxilia deuoluor. Heu homo,
heu æthereæ etiam partes! fatiscitis, aut peritis. Louanij, viij.
Kal. Nouemb. ∞. Id. xcviij.

EPISTOLA XXXIV. *Mechlinia*IOH. BERNARTIO *Cognato S. D.*

EST vt dicis, aliquot menses silui. Sed mi Bernarti, apud pl
 rosque omnes hoc iam vsurpo, nec nisi necessario scrib
 Valetudo ista & multiplex distractio iubent: neque me ce
 fueris * *ναξίαν πρέβας ἐν δ' ἄλλαις ἀνόρως*, vt hoc cum Pindaro dicar
 * *Naξίαν*
interpretas
alias co-
tem.
 Ætas etiam atterit & delibat, ac quinquagesimum primum a
 num iam sum ingressus. An plures addam? tu trepidas & ma
 ominaris, & iter hoc Italicum nescio quid fatale præfagis. No
 mi amice. bonis votis ominibusq; prosequere, abeuntem dur
 taxat bono illo & Pietatis fine. Sacer annus & sæcularis est, q
 me inducit: si in conatu ipso moriar, præsentanea & perpetu
 merces erit. An & hoc indecorum, homini morum & studioru
 veterum, mori in eorum altrice & parente Italiâ? Deo decretu
 hoc in arcano & tacito consilio: fiat, si ita est: redeam, si non e
 & vobis iterum fruatur. Nam redire mihi quidem certum est, ne
 vllæ blanditiæ aut promissa me sistant, imò nec retardent. Pa
 corum mensium iter est: nec plura de eo, ne & saluam tibi me
 ueam, an iam moui? Nam fallor, aut vnâ velles: sed comp
 dem tuam vide, quâ custos ille te ligat. Mane, mane, voto me e
 specta, & ARAM FORTVNAE REDVCI para. Quamquam he
 maturè satis (aliquot enim menses intersunt) sed scriptio tua
 traxit. Louanij, v. Idus Mart. ∞. IO. XCIX.

De Commentario tuo Statiano iam sciebam, & Moretus ad m
 scripserat. De inscriptione, nihil deliberandum censeo quin a
 Archiepiscopum nostrum eas, virum à se & virtutibus clarum,
 præconiis etiam nostris meritò faciendum. Nam de aliis apu
 nos Dynastis, omitte. Oudartum tamen audire potes.

EPISTOLA XXXV.

CHRISTOPHORO ASSONVILLIO, *Consiliario intimo.*

PRO veteri & perpetuo meo cultu, quem tibi meritò defer
 referre consilium meum debui, quod in re meâ recenter c
 pi. Id est tale. Instat annus Sacer siue Iubilæus à Bonifacio VI
 Pont. ad incitamentum pietatis, & noxis purgandis, institutu

ad quem me religio primùm , tum & viri aliquot in Italiâ Principes, sed & valetudo inuitat. Religio ante omnia. & cùm Deus viuere mihi dederit (si tamen uiuo) verè sæcularem & centesimum illum annum ; utar hoc beneficio, & Lustralia illa sacra in sacro ipso loco obibo. Sed & aliquid tribuendum primoribus illis in Ecclesiâ aut Rep. viris videtur : qui cùm crebrò iam inuident, & mansionem iis meam pertinaciter negauerim, liceat indulgere breuem hanc peregrinationem & visionem. Breuem, inquam. nec enim aliter statui, quàm ire in Autumno proximo, & in vere primo redire. Certè Principes & patria mea me tenebunt, nec in hac ætate & valetudine ingrauescente noua consilia aut sedes quæram. Hoc rogo vt tibi aliisque (si opus erit) persuadeas : tum & illud, sperare me omnino per hunc motum & mutationem aliquid in valetudine mutatum iri, quæ certè nunc languet. Eius enim curam aliquam me gerere, & ratio vult, & vos patroni atque amici mei, vt spero, non abnueris. Hoc iterùm rogo Ampl^{ne} & Nobil^{me} Domine : Deum autem, vt bono publico, cui natus es, te diutissimè seruet. Louanij, vii. Kalend. Maijas. ∞. Id. xcix.

EPISTOLA XXXVI.

Bruxellam.

NICOLAO FABRO *doctori iuuentutis* S. D.

Tv verò acriter litteras meas desideras : sed quo argumento donem ? Laudes in me congeris ; non admitto, nec quicquam in ijs probo præter affectum, qui expressit. Vt oculus, in quem humor aut phlegma illapsum, parùm videt : sic animi acies, quem Amor inuimbrat. Fit tibi mi Faber, tibi. & Lipsium quia valdè amas, valdè æstimas : vtinam re sic attollendum per hæc iudicia & mutandum ! Sed animo tamen non attollar, absit : mei gnarus apud me manebo, nec inter Aquilas censebo, quæ sublimes cæli plagas petunt, sed inter Struthiones aut marinos passeris, qui curriculo, vt ille ait, volant. Terram rado, ære capto : & quid me detinet aut detrahit ? corporis pondus, & præsertim hoc morbi, qui tot annos adhæret & opprimit, etiam nunc medium & incertum vitæ an fati. Verè loquor, per hos menses ille meus hostis sic inualuit & sæuijt, vt ultra vix sim

ad

admunia & functiones publicas, quas obimus. Vide rem dium, quod petere institui. vnde? à Deo & pietate. Romam in ad annum sacrum Sæcularem mihi decretum est: & si non finior, melior certè rediero puriorque per lustrationem istam publicam diuinitus ibi concessam. Quid si & ipsa peregrinatio motus iuuabunt & alleuabunt? spero & opto: tu mecum per amore tuo, mi Faber. Quem redamo, & saluere iubeo. Louan xv. Kalend. Iun. ∞. Id. XCIX.

EPISTOLA XXXVII.

OTHONI HARTIO V. Cl. S. D.

ECCE fortassè quod libenter audias, in Italiam nunc noimus. Litteras accepi ex ipsâ Vrbe, quarum exemplar admitto: & videbis morbo, qui est aut imminet, iure nos terremimò & teneri. Quis molestias nescit, quas in singulis vrbibus Italiae ferre necesse est, vbi vel minima contagionis suspicio: at nunc ipsum regionis aditum ac limen obsidet in parte. Longiùs etiam vt anni tempus est, se sparget fortassè: quid tum nisi frustra suscepimus iter, nec irriti tantum, sed irrisi? Ergo lentè & caupræstat: quò me etiam ducit vel inuitum valetudo, tristior cui symptomata quædam noua. Alioqui assiduæ inuitatione excitabant, & fortassè ambituuncula aliqua (cur negem?)

——— *neque enim mihi cornea fibra est,*

vt Poëta ait) ambituuncula, inquam, etiam trahebat. Vide Principes viros atque vrbes, videri & excipi, optabile erat, si Deus & Fatis visum fuisset. Nunc depono cogitationem, & magis Rectori me attempero, cui infelix qui recalcitrat aut obstitit. Aoudartum nostrum scribam: scripsi iam nunc ad D. Thesaurarium, cuius intererat hoc scire, & ob affectum in me (seriò cotidie exerior) & ob cogitationem de Cognato. Cl^{me} Dominum valere te cum tuâ & tuis ex animo opto voueoque. Louan viii. Kal. Sextil. ∞. Id. XCIX.

EPISTOLA XXXVIII. *Antuerpiam.*EMANVELI XIMENIO *Lusitano* S. D.

EPISTOLAM tuam legi beniuolentiæ in me testem, & curæ quæ tibi de te & tuis est veniendi ad virtutem. Illâ & hac delector: & in istâ libens etiam iuuabo, siquid consilio possum. De teipso tamen res mihi facilis videtur; & tu tali ingenio atque indole (Deus ea dedit) in portu esse iam potes, imò es etiam, si esse te censes. Fluctuatio ista & timor abiicienda sunt: genus vitæ sumendum, & in sumpto firmiter hærendum, atque id molliendum est (nam dura semper aliqua euenient) cogitatione meliori aut lectione. Sortem humanam si benè nouimus (nosse autem Philosophia docebit) quid mirum, aut acerbum, in vitâ hac erit? Imò tibi multa læta, quem supra tot millia extulit benignior ille Deus. Hoc cogita, quos præcedas, non quos sequare: & simul eos ipsos, quos sequeris, iactari suo metus aut spei æstu. Duo isti affectus vitam exagitant, & vt venti mare hoc nostrum, per se quietum, turbât: vinci eos planè aut eiici frustra suadeam, temperari tamen possunt, & à Sapientiæ ac Quietis studio debent. Ad hæc & istiusmodi solatia libros sacros si addis, culmen ædificio imponis, & tectum te præstabo contra iniurias nimbosque humanos. Libelli, quos nominas, boni sunt: at in ipsis Bibliis quid melius sapientiusque *Sapientiæ*, *Prouerbiorum*, *Ecclesiastis* illis libris? Sunt breuia multa, fateor: sed ea me capiunt, & amo hæc monita talia esse, sicut leges & sanctiones quasdam vitæ. Satis de te, & tu tibi (conare tantum) sufficis: de filio, quid suadebo? Curam hanc & affectum verè paternum laudo: & quas meliores firmioresque illi opes, quàm has Virtutis & Sapientiæ relinques? Ad vtramque igitur ducendus est; & nunc ducendus, dum ætas hæc mollis, & quasi cera, signa melioris doctrinæ & monitorum admittit. Domi tamen tuæ, in tenerâ hac ætate, adhuc haberi suadeam: si tamen Schola & institutio publica displicet, quam illuc laudatam habetis. Inter plures non libentiùs solum, sed plus etiam discunt. Pædagogum velim ex voto tuo, & vsu pueri esse: ac dispiciam, si quis hîc talis erit. Sed nunc infrequens nostra Schola, & lues, quæ grassari incepit, plerosque abegit. Cùm redierint, seriò cogitabo. Nam de

meâ domo, si consideras, profectò immaturum est: & progressu paullo grandiores oporteat eum fecisse, si vtiliter in hoc contubernio nostro sit futurus. Post annum vel annos, si voluntas tua, & occasio aut opportunitas mea erit; profectò non negabo, & ostendam me in te amicum esse. Publica, quæ tangis, parum lata sunt. & quid mirum est? mirum, si aliter in consiliis & viis quæ initur. Iudicia mea haud libens interpono, & nimis antiquorum hominum videamur: tamen liberè & strictè dico; istos nouitiis moribus & consiliis, nescio an augebimus imperium, utinam partem retineamus. Bataui in exigua potentiâ, ostendunt Ordinis & Oeconomix vim magnam esse: nos, sed defuncti & querelæ, etsi leuant fortasse dolorem, non tamen tollunt. Valde vir Nobilis & magnifice, & me cense animo atque operâ tuam Louanij, III. Kalend. Sept. ∞. IO. XCIX.

EPISTOLA XXXIX.

Bruxellarum

PHILIPPO RVBENIO *meo* S. D.

ALIVOT tuas litteras accepi, legi, lubens, suauiter, & beneficium, non solum officium, ut censes, præstitisti. Quidam quos amamus, etiam absentes libenter in litteris videamus, & aliquid loquamur? litteris, quas summum solatium, & vtilissimum instrumentum (Philosophiam semper excipio) censere licet humanæ vitæ? Ergo eas missita, & in iis te videam, publica etiam videam: nec præsentia solum, sed genere quodam futura. De Germanis, * *Ὡς δὲ ζαν ἐλπίδα* esse, hoc fateor: sed benè opinari nondum desij, & Deus aliquis ad suum, id est bonum finem hanc aptabit. Caligo mentis humanæ in nullâ re magis, quàm publicâ, apparet: siue quia ipsi Principes & eorum consilia recondita: siue quia Fata, & illa implexa rerum series, semper in obscurum scuro. Homerus & prisca Iouem in nubibus habitantem, & * *λαίβεσθαι νεφεληγερέτην*, appellant: ab hac ipsâ causâ, quia decreta & consilia eius obscura, nec peruia humanæ menti. Radiorum tamen aliquid interdum, ut fulgur, emicat: & sagaciores vel acutiores mentes vident, & illâ luce ad futura etiam eunt. Ego de me nunc fateor, caligare, imò cæcutire: & radium illum expecto, quem geminum nostrum sidus exferet, in auspiciis istis actio

* *præter opinionem
& spem.*

* *atrinubē,
& nubicogum.*

nun

num. O si Minerua ijs adsit, & armata ! nam vtroque nunc opus, & Prudentiâ, & Armis.

* Ὡς αὖτε μερμήριξε λέων ἀνδρῶν ἐν ὁμίλῳ

Δείσεις, ὅπως ὅτε μιν δόλιον περὶ κύκλον ἄγῳσι:

* Qualia
magnani-
mus leo se-
cum corde
voluat,
Cum cinctū
retinent,
clausumq;
indagine
terrent.

talia nostros oportet nunc Principes, periculis & infidiis fortasse cinctos. Bataui magna spirant, magna etiam quædam patrant: ab ordine, fateor, & disciplinâ suâ adiuti, sed fortasse & ab iis, quos indicare malo, quàm nominare. Mihi hoc firmum est, nisi Militiam corrigimus, atque eam ante omnia, bello quidem nihil nos prosperè acturos: faxit Deus, vt pace. Sed seria omitto: festiua vestra quî habent? Toti estis in apparatu, in ordine, vt sic dicam, ludorum explicando, vt audio: sed non ego eò festino, & pacatior lætiorq; in otio meo ero. Otio, non otio: sed vt Homeri similitudine vtar,

* Ὡς ὅτε τις δαλὸν ἀποδῆν ἐνέκρυψε μελαίνῃ,

Ἀρχὴ ἐπ' ἐχαπῆς, ἥ μὴ παρὰ γέγονες ἄλλοι,

Σπέρμα πρὸς σῶζων:

* Sicut qui
torrem ci-
nerum sub
tegmine
celat,
Longinquis
in agrorū,
& ubi vi-
cinia rara
est,
Ignis cōser-
uans sibi
semina.
* reditus
dies.

sic ego me chartis & libris in solitudine istâ inuoluo, & ignem aliquem aut lucem è fomentis eliciam & dabo. De reditu vestro, vellem. Sed vereor, vt iterum hoc cum Poëtâ, ne nondum venerit vobis * νόστιμον ἡμᾶρ: quia Apollo pestifer, propior etiam nobis factus, & sagittam letalem in viciniam nostram misit. Tu manes, & obduras? inquires. Fortiter, Deo fîsus, Fato fîsus: & si illi ita volunt, cum obsequio & quiete exspectans. Tamen, ne nihil pro communi more aut homine, si periculum præsentius apparet; ego dispareo, & secessum aliquem mihi & reliquis meis quæro. Satis. vos ibi hærete, donec aurē vobis vello: & D. PRAESIDI officia mea, filiis salus delata sunt. Louanij, IIII. Non. Sept. ∞. IO. XCIX.

EPISTOLA XL.

Bruxellam.

P. PANTINO Decano S. D.

QVOMODO non tibi gratuler ex tam longâ, & plenâ periculi peregrinatione, reduci? Ego verò animo & stilo facio, & non FORTVNAE illi REDVCI, sed Deo seruatori & tutori gratias ago. Equidem recreabar iam animo, & spe alleuabar, cum

te ad Infubres venisse incolumem, litteræ tuæ dicerent: at nunc plenum solidumque gaudium gaudemus, & sine vllâ, quam cura aut sollicitudo faciat, deductione.

*-floruit
hoc pectus,
latataq;
lingua est.
*prudentium.

* ——— ἰάνθη καὶ δὴν, γήθησέ τε γλῶσσαι.

Fruemur te, fruetur patria, fruentur & Principes: quos talium id est, bonorum & simul *φρονίμων operâ ac consiliis vtinam ne iubeat egere! Ancipiti enim fato Belgæ sumus, etsi libra inclinare ad Felicitatem & Tranquillitatem videtur: quam vtramque alter & altera Principes nobis donent! Sed seria non lubet nunc tangere, cum remissa & festiua vos habeant: voto finio duplici quorum alterum Superis soluo, te reduce; alterum concipio, sub nouis Principibus faciem hanc innouent tristioris diu statu Libellos à Couarruuiâ, tuo commodo, exspecto. Hic, qui istud defert, meus amanuensis est: poterit & illos deferre. Vale R^{de} Cl^{mc} Domine. Louanij, III. Non. Sept. ∞. IO. XCIX.

EPISTOLA XLI.

Lutetia

IO. WOUERIO suo S. D.

ITA est, lætificasti me fateor; & quia feliciter aduenisti, & libentes volentesque illos amicos in te meque repperisti. Magnos viros vidisti, & videbis, mi Woueri, in illo tractu: adi, si maxima, hauri quantum datur. & si non aliud, ipse vultus & brevis etiam sermo, aliquid te iuuat. Sicut nautas in tenebris leuis intermicantis sideris illustratio dirigit: sic nos in hac vitâ vel insperati illi viri. Admiratio enim excitat, & in viam eandem vocat non pari felicitate ad metam ducit. De Thuani in nos & Rolliardi animo, nihil mirum. Debent hoc (audacter dixerim) huic meo: qui iamdiu illum, & hunc recens, sed acriter tamen amamus. Tu, vt facis, fove, & te quoque dignum affectu præbe. Atque quàm in te, præter morem (ita audio) benignus! Aiunt alioquin hominem esse perpaucorum hominum, qui Timonæum & Bellerophontæum aliquid sapiat, sibi viuens,

*-hominū
vestigia
vitiā.

* — πᾶτον ἀνθρώπων ἀλεείνων.

Non inquirō, & fortasse vel nimis sapit: si tamen hoc ipsum pere est, Nimis. Ianus Wouerius cognominis tuus, si non gratilis, quàm bona tecum fœderatio! Optimum par, nec vel
deder

dederint magis ex vsu aut ex voto. Modestiam & probitatem in eo adolescente semper amaui; & vt vidi primum (Hamburgi id fuit ante annos 19.) vnà laudatum illam indolem iui. Viuat, crescat, & lampada à nobis in hoc cursu iam fessis accipiat: me libenter & iudicio tradente. Sed heus, Fredericum Morellium ecquid vidisti? Videsis ociùs, ipsam Virtutis & Musæ item prolem. nihil illo vtriusque amantius. Est & Iosias Mercerus, olim & nunc inter meos. nam ego certè non mutauì, imò vel magis amaui, postquam in meo studio, id est rustico, esse audiui. Beatum curarum! maneat, & urbanas illas pallentesque fugiat, & Floram, Pomonam, Segetiam amet, adiungatque nostras Deas. Sed in hac scriptione ingemui. nobis hoc non licere? ne spem quidem etiam esse? nam de pace pauci & fracti sermones: & sine eâ, ne secessus quidem nobis ad agros. De Italiâ autem nihil spera, aut vltra suspira. sic ea cogitatio periit, vt fabæ in extremâ viâ solent. Valetudo vetat, & Deus adeò vetat, sine quo mens hæc non mutasset. Baudio nostro quid à malâ linguâ aut manu obiectum? Quàm puriter amem, tu scis: & nec in somnio aliter de illo non dicam dixi, sed sensi. Multos amicos habemus, & diuidi hic animus videatur: sed quod Philosophi de illo dicunt, totum in parte esse, idem de meo possum in istâ re amoris. Valdè quos cœpi amo, & longum ac constanter amo. In iis te mi Woueri, idem mihi facturum. Louanij, VIII. Kal. Nou. ∞. IO. XCIX.

EPISTOLA XLII.

NICOLAO OVDARTO *planissime suo* S. D.

EPISTOLA tua non lætum me repperit, sed fecit. In Autumno isto languido, languebam (& nosti valetudinem:) sed bonâ Romanaque fide, ad nomen mei Oudarti, quid ad scriptionem? reuixi & surrexi,

Ut solet affuso surgere flamma mero.

Hoc magis, quia interuallum iam fuerat scriptionis: & auidius ad cibos imus, post abstinentiam aut famem. Neque negabo, mirabar silentium, & tacitus expostulabam: sed absentia tua abundè purgat, nec opus aliâ aduocatione. De meâ mansione quòd securus es, esto. fœdus mihi iamdiu cum patriâ & velut nuptiale pa-

le pactum, non diuertere aut disiungi : nisi fortè peregrinatio
 culâ. quod etiam in legitimo coniugio scis & fateberis lice
 Atquin Italica illa suspecta est, & nequis Paris Helenam rap
 aut teneat : ecce ergo Penelopen, domi maneo, & vel frigidu
 istum lectum foueo ac seruo. Securus ab eâ parte esto, mi O
 darte. etsi Vlysses noster lentè aduenit, lentè amat : sed quid
 rem? ego ipsum fortiter, & vel neglectus perseuero. O vtina
 modò facies aliqua veteris & pacatæ Belgicæ sit ! vtinam tu
 meare, remeare ! mihi crede, sæpius in sermones & amplex
 tuos irem, & ab amico affatu vires huic *λεπτός χρωτί, & quasi
 uum spiritum inflarem. An vnquam erit? dic sodes, dic libe
 quid videatur. Nam mihi (apud te hoc possum) aulæ nostræ l
 lentor, aut frigus placet, non placet : placet, si cum modo ; no
 quia fortasse nimius. si tamen nos occulta illa, & *κρυφαῖα aulæ i
 uestigamus. Nam de pace communi, & operâ consilioque
 ter se arcano Principum conciliandâ, sermo iamdiu me tetig
 imò & fides huic animo insinuauit : quæ res si fallit, quid spei
 liquum sit, ego non video. præsertim in flagitiis istis (liceat
 cere) militiæ, & nec togatâ administratione vndique inculpa
 Sed mittamus hæc non nostra. philosophemur potius: quod e
 quidem seriò cottidie facio, & in ipsam Sapientiæ arcem me in
 mitto. Quomodo? SENECAM commentari incepti, vt non igno
 ras : pergo sedulò, & in ipso labore fructum eius capio, form
 & emendari. Semper ille mihi magnus vir apparuit : sed vt
 lent verè magna, magis magisque inspectus & tractatus se a
 probat, & credo post Sacras litteras nihil in vlllo orbe, in vllâ li
 guâ, scriptum vtilius meliusque. Deus mihi det absoluere. h
 saltem breui nec operoso Commentariolo (ita confido) assequi
 vt quiuis legere Senecam & capere possit, qui modò Latinæ li
 guæ rudis non sit: & ex illo campo inesse legere, ad vitæ suæ
 morum tutelam. Me aut meam ambitionem hîc non specto
 publico hunc laborem imputo, breui (nisi quid interuenit) vu
 gandum & dedicandum. De aduentu meo ad vos, vix p
 test. docemus, & sollennes nostras operas edimus : quin
 magis ad nos, tui amantes & cupientes? Tu, inquam, cui va
 re magis licet, atque adeò negotij prætextu aut iudicij peregr
 nari. Nihil hîc culpæ aut criminum? puri omnes sumus? tan

*tenuis cor
pori.

*occulta.

magis appropera, & qui pura amas, veni ad hos puros. Vale, mi Oudarte. Louanij, v. Idus Nouemb. ∞. IO. XCIX.

Mea & mei te salutant: rogo etiam te vt Cl^{mum} Breugeliū cum vxore, & Bernartium nostrum cum suâ, an non etiam grauidâ? Si est, manum meam in sacro fonte offer.

EPISTOLA XLIII.

Romam.

ASCANIO COLVMNAE, *Cardinali.*

ILL^{ME} & Reu^{me} Domine, me verò mordet, de aduentu in Italiam meo dilatum, aut, quid dissimulem? desperatum esse. Ita me valetudo tenuior & incertior exercitum habet, vt non dicam medicorum, sed & meo iudicio, etsi valdè velim, par non sim huic viæ. Quid ergo restat, nisi vt affectu, vt semper, & interdum scriptione vos adeam & colam? quos meritò dignitas, virtus, eruditio in luce & famâ etiam posuit apud exteros & longinquos. In eorum numero & hic perhonestus adolescens est, auditor etiam meus, cuius pater inter primores nostræ patriæ, CAROLVS DELLA FAILLE, quem vt Ill^{me} Domine benigniore oculo videre, interdum admittere meâ causâ digneris, toto animo rogo. nam pater valdè mihi est inter amicos. Ill^{me} & Reu^{me} Domine Deum rogo, te inter verè columnas & fulcra Christianæ reip. seruet. Louanij, pridie Idus Ianuar. anni Sæcularis, quem, heu, vetitum mihi obire.

EPISTOLA XLIV.

AD CONTYBERNALES, SVOS,

*Franciscum Oranum.**Cornelium Anchemannum.**Jo. Baptistam Perezium Baronium.**Io. VVouerium.**Guilielmum Richardotum.**Balduinum Iunium.**Antonium Richardotum.**Philippum Rubenium.**Guilielmum Scarbergerum.**Hubertum Audeiantium.*

AD ESTE mei iuuenes, oculos atque animos paullisper huc date. Ludi in Circo faciendi sunt mihi, & *Canes* in arenam producendi: vt pugnent ipsi? non, sed vt pro iis ego, & quo-

f

rum

rum fidem, industriam, blanditias, sæpè sum expertus, semper ipsi stili mei operam. quam extorquent isti, qui cauillantur palam aut mordent in hoc genus meum affectum. Vidistis ipsos frontes fimbriatas, & voces notastis: quas eo breuiter refutatum & canes assertum, benè meritos & merituros de genere humano. Agite, tuba canat, committamus hos ludos. Negant primò decere conditionem nostram hoc contuberniū aut comitatum sed eos magis, qui Martem colunt aut Dianam. Quid ita? quia ne Musarum clientes sumus? aiunt. Ego contrà repono & obduco, si vltos mortalium caninum hoc consortium, litteratos docere, & eloquentiæ ac sapientiæ candidatos. Ægyptij hoc mihi asserunt, qui Anubin suum canis specie fingeabant: quia videlicet vtriusque regionis ille Deus, supera atque infera permeabat vt Hecate quadam Græcorum. Atqui nos illi sumus, qui alta qui ima scrutamur, & canis exemplo peruigiles noctu diuè agitamur. Quid, quòd iidem cū virum diuinis deditum, vatem aut sacrorum doctorem, Hieroglyphicis exprimerent, canem signabant? quòd scilicet, præter sagacitatem, clamare ac quasi latrare istos deceat, in improbos & bonis insidiantes. Et Sacra ipsa nostra non refugiunt imagine hac vti. Iam Græci, eosque secuti Romani, Mercurio canem comitem siue adstitem dederunt: quia, vt Plato ait, sagax & ingeniosum hoc animal conueniebat facundissimo & promptissimo deorum. Si autem Mercurio, id est, artium nostrarum præsidi, assiduus ille comes cur à nobis arceant, qui artibus istis operamur? Et arcent improbè. cū iam olim heroibus, alti que animi viris, affectæ isti & stipatores. En Telemachus, apud Homerum, in concione cū prodit:

* Simul
hūcce canes
duo con-
mitantur.

* — αἶμα πρὸ γὰρ δύο κύνες ἀργοὶ ἔπειτα.

Virgiliano Euandro procedente,

Necnon & gemini custodes limine ab alto

Procedunt, gressumque canes comitantur herilem.

Neu censeas venatus causā hoc fuisse: idem Homerus distinguit clarè,

— οἳοί τε φαπείζης κύνες ἀνδρῶν

ΓίγνONT', ἀγλαίης δ' ἔνεκεν κοίτηςιν ἀνακτες.

Agnoscit, inquam, mensarios canes, & animi ac voluptatis causā

alito

alitos tantum. Poëtas loquor? è cælo Genium aduoco, qui eò ducit. Raphaël ille, qui in Tobix solatium missus, vnà cum eius filio canem comitem viæ sumit. Itaque habuerunt & amarunt Iudæi, Ægyptij, Græci, Romani, Barbari: nec vllum magis animal ipsa natura nobis iunxit. Videte autem quàm ipsi sint * *φιλάμβροτοι*! Omne genus aliud efferatur, & siluas ac solitudinem tolerat aut quærit: solum istud homini adhæret, atque adeò cum eo viuit, vt absque eo nec viuat. Bella ciuica nostra hoc docuerunt. cùm agri, villæ, pagi vasti, errabundos eos destituerent: atque illi tæbe, morbo, rabie mox absumpti. Adeò domesticum, inquam, & cicur hoc animal: atque ideò meritò Laribus diisquæ Penatibus olim consecratum. Itaque Natura communis conciliat: sed mihi propria etiam quædam (apud vos fatebor) mea. Pater ille, nunc inter beatos, singulariè amauit & fouit hoc genus. Idem mater: neque vt ei placeret, sed fecit hoc ipsum defuncto iam superstes. Ab hoc ego ortu, inter quinos quaternosquæ semper canes educatus, mirum est si à femine duxi, à lacte suxi, à consuetudine traxi hunc affectum? Quem Ratio etiam nunc defendat, non Auctoritas solùm, quam dixi, & Natura. Nego esse animal magis suo merito amabile, laudabile, mirabile: & id à dotibus animi corporisquæ, quas diuinitus (pænè diuinas scripseram) habet. Quatuor ex iis seligam, *Robur, Ingenium, Vigilantiam, Fidem*, & leui atque extemporaneo sermone diducam. *Robur*, in illâ mole corporis, habent, quo æquant aut superant ceteras animantes. Agilitas mira est, imperus, ars, pertinacia, & vel ferocissimas belluas in pugnâ lassant aut vincunt: apros, vrsos, tauros, leones, elephantos. Claudianus, de Britannicis canibus:

Magnaquæ taurorum fractura colla Britanna.

Symmachus hos *Scoticos* appellat, & ostendit Romæ in Circensibus pugnatibus, & à mirante populo spectatos. Sed robur vno exemplo satis adstruxerim, quod Plinij ipsis verbis ponam. *Indiam petenti Alexandro Magno, rex Albanix dono dederat inusitatae magnitudinis vnum: cuius specie delectatus, iussit vrsos, mox apros, & deinde damas emitti, contemptim immobili iacente eo. Quæ segnitie tanti corporis offensus Imperator generosi spiritus, eum interimi iussit. Nuntiauit hoc fama regi. itaque alterum mittens, addidit man-*

data, ne in parvis experiri vellet, sed in leone, elephantove. Duos sibi fuisse: hoc interempto, prater eam nullum fore. Nec distulit Alexander leonemque fractum protinus vidit. postea elephantum iussit induci, haud alio magis spectaculo latatus. Horrentibus quippe per totum corpus villis, ingenti primum latratu intonuit: mox ingruit assultans, contraque belluam exurgens, hinc & illinc, artificii dimicatione, quâ maxime opus esset, infestans atque euitans, donec assiduâ rotatum vertigine afflixit, ad casum eius tellure concussâ. Viderisne leones & elephantos esse cum prosternant? nec dissimile in Indicis canibus, quos eidem Alexandro rex Sopithes donum dedit: de quibus Diodorus, Strabo, Curtius docebunt. Et sanè magni animi animal, & quod homini etiam, in acie & iustâ militiâ, opponatur. Valerius Flaccus de Caspiis populis:

— claustrisque profusi

Caspiadæ, queis turba canum non segnius acres

Exsilit ad lituos, pugnasque capefit heriles.

Idem Magnetes fecere. Iulius Pollux: καὶ μὴν μάγντας μὲν τὰς ἑταίρας ἐξέφεν κύνας, πολέμων ὑπαισίδας: Etiam Magnetæ ad Meandrum canes alere, auxiliares in bello. Sed & in Plinio legetis: Propter bella Colophonij & Castabalenses cohortes canum habuere. eæ primæ dimicabant in acie, numquam detrectantes. Quid Cimbri? idem Plinius: Canes defendere, Cimbris cæsis, domus eorum plaustris impositas. Et nunc quoque Germani canes ad currus suos militares habent. Quid Galli nostri? Strabo: κομίζονται ἐκ τῆς βρετανικῆς καὶ κύνας εὐφροεῖς πρὸς τὰς κυνηγασίας. Καὶ τοὶ δὲ καὶ πρὸς τὰς πολέμους χραίνονται, & τὰς ἐπὶ τοῖς ὄρεσιν: Adducuntur è Britannia canes ad venatum optimi: Galli autem ipsædem ad bella etiam utuntur, sicut & indigenis. Imò & ad satellitium iis vti vulgò. Appianus scribit, Bitulæ regis legatum ad Cn. Domitium venisse, & in reliquo comitatu ac pompâ, satellitio canum succinctum. Addit etiam: δορυφοροῦνται γὰρ καὶ πρὸς κυνῶν οἱ τῆς βαρβαρίας: Nam communiter etiam à canibus stipari & custodiri solent eius regionis Barbari. Benè tibi sic Appiane hoc notanti, & me etiam more vetustæ patriæ vindicanti. Nec Galli tantum: Garamantum regem (Plinij verba) ducenti canes ab exsilio reduxere, præliati contra resistentes. Hodie in eadem Africâ, regem Cefalæ ducentos canes stipatores habere, asserunt qui viderunt. Quid Masaniissa iam olim? salutem suam (ait Valerius) custodiâ canum vallavit.

Hæc fatis *Robur* ostendunt : & cum risu vestro finiam ? meo arbitrio & imperio , etiam hodie sit in militiâ eorum aliquis vsus. Adeone absurdum sit ? Romani olim in Sardiniâ cum bellum non explicarent , hostibus in saltus specusque profugis , & ex occasione inuadentibus : M. Pomponio Prætor , canes ex Italiâ arcessiuerunt , & eorum operâ è latebris eductos inuenerunt , id est , vicerunt. Idem nuper in Peruanâ Indiâ Hispani. qui siluas & vastum illum tractum canum commilitio excusserunt , & subegerunt. Memini historiolæ faceræ (nam ridere cœpimus , & huius descriptionis is finis) cui auctor Petrus Cieca. Ait se cum aliquot sodalibus egressum , ad Indos vestigandos : canem comitem habuisse , ad ista longo vsu doctum. Ecce fœmina vetula apparet , fugit in montes , canis assequitur , & iam prehendebat : illa in genua se abiicit , canem *Dominum* appellat , & blandè orat , ac pænè adorat. Iste placatus an contemnens , crus tollit , & fœmillam illam permingit atque abit. Et sanè sensus aliquis precum aut submissionis iis est. ideoque & Vlysses apud Homerum , cum canes inuaderent ; Εὖζω νεπδοοῦν , ait poëta : *astute sedit* : quoniam hoc submitti & cedere interpretantur illi. quâ mente Plinius : *Impetus eorum & seuitia mitigatur ab homine confidente humi*. Idem Aristoteli scriptum. Sed de *Robore* fatis : ad *Ingenium* imus. Mirificum habent , & planè iuxta hominem. Plinius : *Soli nomina sua , soli vocem domesticam agnoscunt. Itinera , quamuis longa , meminere : nec ulli , præter hominem , memoria maior*. Enimuerò mira facilitas in discendo , memoria in vsurpando , & cottidiè nos , imò & vos videtis. Nōne hunc *Mopsum* meum ? nihil ei bis præscriptum , quod non hauserit : & post menses aliquot , inopinantibus reddiderit. Bruxellæ , me puero canis fuit , Britanni generis , ex illis grandioribus , quibus cerdones hîc uti solent ad currum coriis onustum in forum & è foro trahendum. Ille , præter hanc operam , doctus fuit ad macellum ire , pecuniam ferre , carnem referre. Id ita fiebat. corbem vimineum collo appendebant , pecuniâ in tot libras carnis impositâ. Ille rectâ & nusquam resistens ferebat , in macello apud notum lanium se fitebat : carne acceptâ redibat. Sed eueniebat interim , ut in viâ canes alij odore moti adspirarēt & accederēt , quasi erepturi : tum ille corbem deponere , in orbem propugnare , fugare. & si copiâ

aut rob ore vinceretur, vnà irruere, & partem de prædâ capere. Hæc publicè notaerant, & à nobis aliisq̃ue iucundè spectata. Sed maius etiam ingenij & ratiocinationis (panè rationis dixeram) specimē, in cane qui ante triginta circiter annos in hac Louanio vrbe fuit. Is litteras millo siue collari insertas & aptatas, signo ab hero accepto cursim Bruxellam deferebat, in notam ibi certamq̃ue domum. Atque illi ibi religabant, canem pascebant, litteras à se aut aliunde acceptas iterum inferebant: & fidelissimi, sed & celerrimi nuntij vice, canis eodem die referebat. Sed his nouitiis vetus etiā adiungam eiusdem industriæ exemplum, à Plutarcho singulare quidem & ipso quoq; stupente, & firmiter tamen narrante, quia oculis vsurpauit. Vespasiani imperio canis fuit, mimodominio. Is canis varia argumenta & personas in scænâ repræsentabat, vt nemo histrio doctius aptiusq̃ue: atque inter alia hominis veneno, in specie, tollendi. Panem sumebat siue offam, sopore temperatam (fingebatur autem venenum esse:) ac repente ad simulabat tremere, lapsare, grauedine tentari. Denique cadebat, ac porrectis membris in mortuum iacebat: tractus sublatus, elatus, vt argumentum poscebat. Dein cum tempestiuum esset, ipso sermonis articulo, primùm quasi ex somno ad se reuerti, leuiter caput & membra mouere, oculos aperire & circumferre, tum denique surgere, & lætus gestiensq̃ue ad illum ire & se exhibere, cui debebat. Hæc sic decorè & efficaciter, vt totum theatrum, & ipse Cæsar (aderat enim) commouerentur ac mente quasi afflatâ exclamarēt. Audistis rem demiramam: & minus iam erit quicquid dicam, tamen & dicam. Idem auctor, canem fuisse qui amphoræ oleariæ insidiaretur: & cum parùm plenâ, non pertingeret, lapillos paullatim iniecisse, donec oleum adsurgeret, & ad os redundaret, sic vt lambere linguâ posset. Hoc acumen est: enimuerò & prudentiam aliquis eis, ac cum iudicio dilectum donet: ex facto quod Nicetas Choniates ita narrat. Capta Thessalonica à Balduino Flandriæ nostræ Comite & Latinis erat: iterumq̃ue paullò pòst à Græcis recepta. Cædes ibi vtrimque variæ & multæ. sed canes Thessalonicenses nullum omnino cadauer Græcum tangere, quasi amicis popularibusq̃ue parentes: at contrâ, Latinos nostrosq̃; vorare, tantâ rabie, vt etiam sepulchris conditos eruerent & lanci-

narent

narent. Simile, & magis recens, Sabellicus denarrat. Tenebant Rhodij equites, acres illi tutores Christiani nominis, opidum in orâ Cariæ, exaduersum Coö insulæ, opere & præsidio munitum: quod sancti Petri vocabât. Id Christianis, siqui seruitutem Turcicam fugere possent auderentque, certissimum refugium & asylum: canum eâ in re mirâ sagacitate. Nam habebant opidani quinquaginta admodum canes, quos (laudabili more) custodiæ causâ, & contra insidias, noctu extra muros excubare iuebant. Ij, siquis Christiani generis accederet; comiter adire & blandiri, ac gannitu quodam & velut plausu ad opidum deducere. Siqui autem barbarorum; statim intonare, inuadere, lacerare. Dicite vos, vnde iis sensus hic dignoscendi? ego nescio: haud magis, quàm quod in eâdem discretionem nunc dicam. Fuit Iustiniano Principe agyrta, qui Byzantium venit. Populum contraxit, & mox anulos cuiusque in acervum medium coniici rogavit siue iussit. Cùm factum; canem, quem circumducebat, accedere, & cuique seorsim atque ordine suum reddere. quod ille sine morâ & sine errore effecit. Idem canis interrogante domino, quis spectantium diues, pauper, quæ mulier virgo, marita, vidua, meretrix esset, & id genus alia: singulas notabat, idque circumiens & accedens, veste cuiusque ore prehensâ. Desino, & vereor vt extra canem ad Geniumeam, qui profectò potuit hîc misceri. Sicut & in canibus Gallicis, patrum memoriâ. cùm bellum inter Heluetios Gallosque esset, canes ingenti numero, qui heros suos secuti fuerant, paucis diebus ante prælium, relictis Gallicis castris, Nouariam & in Heluetiorum stationes venisse narrantur: eorumque pedes lambendo, & caudâ adulando, quasi futuri euentus præscios, sese mox victoribus submisissent. Quo velut diuinitus oblato prodigio Heluetij animati, alacriter in prælium manusque venêre, & nobilem illam victoriam peperêre. An & illud sine culpâ fileam, cui ætas & notitia nostra adstipulatur? Nam scio fuisse canem, cuius generis *Mopsulum* meum videtis: atque is apud Principem virum agebat, qui bellum tunc, & in Belgicâ nostrâ castra, habebat. Ea adorti noctu animosè ad IIII. millia circiter Hispani, certi & destinati rectâ ad Principis illius tentorium ire, & viuo eo an mortuo potiri. Et absque hoc erat, fecissent. nam veniunt, fallunt vigiles aut opprimunt:

Decad. I. I. lib. IX.

ZONARAS.

opprimunt : nec longulè ab ipso iam tentorio. cum ille sagax in vultum dormientis insilit, scalpit pedibus & excitat : qui audito demum strepitu, ægrè se è manibus propinquantium eripuit. Hunc ipsum canem & diuinationis peritum habuisse dicitur : & ex eius blanditiâ aut auersione, de mente & interiore affectu ad euntium, non semel ex fide comperisse. Sed hæc aliquis, vt dixi ad Genialem operam referat : nos ad alias, & à Naturâ dotes imus. Nam *Vigilantia* sequitur : Deus immortalis, quanta & quàm testata ! Lucretius expressit :

Et leuisomna canum fido cum pectore corda.

* quasi Catul-
um.

Vix me hercules aut leuiter dormiunt, semper intenti, circumspecti, & supra omnes stationarios solliciti ac curiosi. Itaque Latini meritò ** Catulum* dixere, propter sagacem sensum, ait Varro : & eundem *Canem*, à canendo, quòd in custodiâ dat signum. Non diu noctuque auditis meos istos vigiles ? siquid increpuit, primùm leuiter insonant ; mox canunt classicum, si propior fides aduentoris facta. Veteres rectè, qui non priuatim solum ad suas quisque ædes, sed publicè adhibebant, ad templa, arces, opida custodienda. Et volumus vnum alterumque *Vigilantiæ* exemplum ? In *Æliano* legi, ciuem quemdam *Colophonium*, Teo-
Ionæ mercatum iuisse, seruo vno & cane comite. Ille, seruus dico, sacculum pecuniæ ferebat : & in viâ, vt fit, naturâ citante secessit paullum ad leuandam aluum. Canis ei comes erat. illi sacculum deposuit, exonerat se, surgit, abit, sacculum obliuioni deferit : at nō canis, qui pertinaciter adhæret & seruat. Veniunt destinatum locum, emunt ; pecuniam dum expediunt, abest Perciti retrò iter legunt, sacculum reperiunt, & iuxta custodem canem : at hunc frustra. nam miser fame siti que enectus in ore eorum obiit, & vnà cum deposito animam tradidit Alterum. Athenis, circa *Plutarchi* narrantis æuum, canis in æde *Æsculapij* custos erat, cui *Capparo* nomen. Fur nocte venit irrepfit, donaria aliquot abstulit, *Capparo* tamen non ignarus aut silens. nam baubatur, & templum personat : at æditui alitum stertunt. Fur abit, iste insequitur : & quamquam lapidibus petitus, non desinit obseruitare. Sed cautè & callidè, de die longius paullò, periculi metu ; de nocte propiorem se faciebat, & nusquam ex oculis amittebat. Viatores autem siqui obuij, sta-

tin

tim illos blandiùs affilire, prehensare, tum conuersus furem aspiciere & allatrare: tantumnon clamans illum esse, & opem superiatumque poscens. Ecce autem & æditui assequuntur, viatorum super cane indicio: & captum à Cromyone vsque reducant. Quid Capparus? ille gannit, subsultim præit, & gestibus vocibusque prædam & capturam illam suam facit. Et erat certè. nec Athenienses abnuerunt: qui cibum è publico ei decreuerunt, gratæ memoriæ honorisque ergò. Iam *Fides* est vltima, vt verò verbo dicam, prodigiosa. Plinius sic extollit: *Fidelissimum ante omnia homini, Canis & Equus*. Et verò quàm dominis suis adhærent? quàm æmulantur, si quis alius? quàm tuentur & propugnant? imò & mortem cum iis, proque iis obeunt: & accipite exempla. Nam in his talibus verba perdit, si quis sine iis verba facit. Pyrrhus quidam fuit, non ille rex, à quo mortuo canis non abscessit. cùm efferretur, ille lectum eius adsilire: cùm in ro- gum deponeretur, insilire, atque ibi vltro passus se comburi. Simile in Polo, histrione celebri: simile in Lysimacho & Hierone rege, ne diffusè hæc iterentur. Quàm multi alij, hero mortuo, inediâ & mærore contabuerunt? In Eupolide poëtâ, in Iasone Lycio: & in auia meâ paternâ domesticum exemplum cur omittam? *Margareta Eeckhoutia* fuit, quæ canes, & ipsi illam amarunt. Fuit vnus ruffulus, paruus, ex illo genere qui cuniculos * terraneos subeunt, & inde apud nos habent nomen. Is toto tempore valetudinis, quæ ei suprema fuit, à lecto non abscedere, ne depelli quidem: & cùm iam exhalasset, ille vlulans, caudâ reductâ (etiamnunc videre videor, quæ puer vidi) in hortum se proripit. Ibi sub corylo arbore pedibus scrobem leuiter fodicat, imponit se, & spiritum deponit. Hæc totâ familiâ nostrâ teste sunt gesta. Sed ad alia. In Corsicâ agrestis fuit, venationi deditus, vt gens ea amat. Quodam sereno die, scorpione suo instructus, & cane subsequâ, iugum alti montis conscendit. Cùm in eo est, nix densior cadere; ille calidè & temerè pergere: donec confusis vestigiis, animi incertus hæret primùm, deinde in rupe confedit. Ibi frigus occupat, dirigit, atque obiit. Sequenti luce fratres & populares eum requirere. in montem scandunt, tandem eminus conspiciunt & inclamant. silente eo, quod erat suspicati, accedunt. Sed canis (ô intempestiuam, etsi lau-

* *Terriera*.

dandam fidem!) herum tuctur & stipat, illos, vt prædones, ferocitur arcet. Fratres placare conati, è quorum manu solitus cotidie cibum capere, non proficiunt: denique eò compulsi, vt cadauer si velint tollere, alterum ei addant. atque ita sagittis petitum, simul animâ & fide exuunt. Aliud. Romæ Titius Sabinus, splendidus Romanus eques, Tiberij fauitiâ periit. is in carcere strangulatus, in Gemonias scalas proiectus, vbique fidum asseclam canem habuit. Mœstos vlulatus deinde edentem populus stipat: & cùm quidam è coronâ miserans cibum obiecisset, ille acceptum ad os defuncti retulit. Quin cùm cadauer in Tiberim iam missum, adnatauit, seque supposuit, sustentare conatus: meritò attonitâ multitudine, in animalis tam nobili fide Triste est, & me mouit: sed historiis actisque publicis populi Romani testatum. Aliud. Pyrrhus rex Epiri iter fortè faciens, populum videt limiti adstantem. Accedit, quærit: audit videt: que canem ibi esse, qui militis interfecti, heri sui, cadauer adstibat, triduum iam sine cibo. Miratur & miseratur: illum sepeliri iubet, hunc comitem sibi duci. Post aliquot dies exercitum lustrat, sedet in altiore loco & spectat singillatim transeuntes. Canis ad pedes accubat, hætenus quietus: sed cùm percussores domini transirent, exsiluit cum ferociâ, & inuasit: identidem se tamen ad Pyrrhū reflectens, & quasi significans istos esse. Motus ipse atque alij, capiunt, examinant, conuincunt, plectunt. Simile in Hesiodo, poëtâ illo nobili, qui à Ganyetoris filiis clam occisus, indicem & vindicem canem habuit. At minùs antiquum quod D. Ambrosij fide se probat. Antiochiæ miles in publico interfectus iacuit, incerto auctore. Canis adstitit, adseruauit, fide luctuque suo populum traxit. Ecce & percussor se miscuit, quem ille statim agnitum insiluit, mordicus tenuit, & mox decapto confessoque pœnas exegit. Aliud etiam recentius, Ditmaro Episcopo scriptum. In palatio Henrici Imp. cognomento Aucupis, in multo populo, canis quemdam confidentem conspicatus, clam & tacite accedens, manum eius dexteram rabido morfu inuasit & abstulit: tum quasi re bene gestâ, capite & caudâ plaudens, ad suos rediit. Mirari omnes, ille vltro confiteri diuinâ vltione merenti hoc sibi accidisse. Nam diutius factum inquit, cùm herum huius inuasoris mei dormientem in viâ rep-

L. VI. Hec.
22. C. IV.

L. I. Chro.
in fine.

peri

peri, malo Genio atque animo impellente occîdi. Ibi istum impugnantem, insequentem, vix euasi: & nunc, cûm obliuione sepulta hæc censerem, inopinatò me inuasit, & (Deo ita placitû) puniuit. Hæc Episcopus. Sed omnia dicta, aut & aliis dicenda, fortassè superat, quod in Galliâ euenisse verbis ac fide Iulij Cæsaris Scaligeri ponendum est. qui ita narrat: *Offensus amici siue potentiâ siue perfidiâ quidam Regis aulicus, eum ex insidiis obtruncat, atque in auio agro sepelit. Venaticus canis ibi tum fortè comes herofuerat. is amore victus, diu sedit in tumulo. Posteaquam fames pietatem superauit, atque in aulam sine domino reuersus est, rati illius contubernales, bestiam temerè vagari, cibum ei dari iubent. Satur ille ad tumulum redit. it, redit toties, vt primùm suspicio inuaderet animos incerta quædam ac fluctuans: mox etiam certi esse sibi videntur, heri id fieri desiderio. Abeuntem persecuti, deprehenso telluris tumore, effossum cadauer atque agnitum afficiunt sepulturâ. Canis, exequiis peractis, socius fit eorum, quibus fuerat dux ad inuestigandum. Tandem aliquando in aulam vbi homicida redisset: eum canis conspicatus, magnis ilicò editis latratibus, agrè ab impetu cohibetur. quo tanquam indice aucta suspicio, in multorum animis certa fides euasit. Ceterùm bestie perseuerantia in illius odio atque persecutione, etiam regem mouit, vt iuberet hominem caussam dicere. Ille negare factum, persistere inficiatione. Canis eius orationem latratibus atque assultibus ob-
turbare: vt eam interpellationem pro facinoris exprobratione, quotquot aderant, interpretarentur. Eò res deducta est, vt iussu regis homicida cum prouocatore singulari certamine dimicaret. Picta est canis victoria in canaculo quodam regio. Pictura vetustate dilutior atq; obscurior facta, regum mandato semel atque iterùm instaurata est. Digna prorsus, Gallicâ magnanimitate, quæ ære fusili assequatur perpetuitatē. Atque hîc desinebam, iuuenes: sed paternæ memoriæ & pietati vnum etiam, etsi minùs alti cothurni, dandum est: quod sic habet. Fuit ei *Gennetta*, canis fæmina: cui hoc nomen ab equi Hispaniensis specie, quâ eximiâ inter* *Vertagos* eminebat. Donum acceperat, ab Emanuele Sabaudiaë duce. Ea cûm in aliis fidem præferre, vt subsequi semper, nec in vllâ turbâ falli aut pel-
li; ad lecti pedes iacere, nec accedentem pati. ne matrem quidem meam, nisi Hero experrecto & coërcente: tum in vno facto memorabilem, hoc isto. Pater in conuiuio erat. ibi fortè*

* *Leporarios.*

inter assidentes rixæ, pugna etiam, & pugionibus eductis se petunt. Meus dum medium se facit, & disparat: canis opinata illum peti, vtrumque pugnatores seorsim inuadit, lædit grauitè, & læditur, nam pugionibus ter quaterque corpus medium, quod exile habebat, transfossa cecidit. Pater cum dolore & indignatione abiit, illâ pro mortuâ relictâ. Quid facit? surgit, & lapsabunda sequitur: tardè domum venit, fores pulsat (ita assueuerat, sublato naribus pensili ferro) mater audit, & indicat: pater abnuat, & mortuam adfirmat. Iterum sonus, visunt, inducunt aut potius inferunt: in stabulo deponunt, chirurgum adhibent & medicantur: ac postea conualuit, & sæpè fidam operam patri exhibuit. De me tunc puero addam? ego cottidie ægram visitare, cibos offerre, adstare vel accumbere: & quid dissimulem? allacrimare etiam. vt eram ætate atque animo tener, & iam tunc (initio dixi) mirificè in hoc genus affectus. Sed satis lusimus, tuba missioni insonet, ite, valete. Heus heus, manete etiam. pauci versiculi sunt, canum meorum laudi siue memoriæ facti. Tres eos habeo, vt scitis, gradu quodam magnitudinum discretos: *Paruum, Maiusculum, Magnum.* eos depingi in tabulâ iussi, & notitas ac carmen cuique præscribi aut subscribi:

Saphyrus catellus, gente Bataurus. corpore albet, capite auribusque purpurat, discrimine tamen albo à summo eo, inter aures, cuneatim ad os descendente. senecio nunc est, & tredecennis: cum in flore, pulcherrimus & lepidissimus catulorum.

*Gemma dedit nomen. sum verè gemma catellum,
Quotquot terra habuit Belgica, habebit, habet.
Tale decus vultus, talis Venus. adde lepores
Ingenij, humanum qui sapiant Genium.
Et sanè est aliquid mi hominis. vis argumentum?
Vina bibo, & vino nata me habet podagra.*

Mopsulus catulus, domo Antuerpiâ, donum à Cl. V. Arnoldo Borcouthio, amico veteri, & I^{to}. is corpore albet, capite, auribus, atque altero oculo sufflavis. rostrum è rubro albicat, breue & obtusum, & nare prorsus repandâ, crassulus, argutus, mordax est, ætate bimus.

*MOPSVLVVS ast ego sum, domini conuiuia: quid Ultra?
En etiam lectum participo domini.*

Estne aliud? domini dominus, si dicere fas est:

Usque adeò formæ huic iungitur improbitas.

Sed formæ, quæ rara cluet, si examine iusto

Pendor, quod nec ames est mihi, plus quod ames.

Mopsus canis, gente Scotus. colore crasso spadiceo, sed circa oras aurium, & in ipso ore, dilutiùs flauo. super oculum utrumque orbiculi æquales duo, itidem flauī. idem color in pedibus interioribus, intra femora, sub caudâ, & in ano. at pectus latum & honestum, pantherinâ prorsus specie, album & maculis spadiceis sparsum. tales ipsi imi pedes. annum agit tertium, ad inuidiam pulcher.

MOPSVS ego, formâ qui vinco secla canina;

Quod nolim, in magno corpore nil habeo.

Quodque velim, dominum, dominam, ancillamque volentes

Conciliat probitas simplicitasque mihi.

Ille canis redeat, meruit qui calica templâ:

Sic certet, terra hunc, me sibi cælum habeat.

COROLLARIUM, EX SEXTO EMPIRICO

LIB. I. PYRRHON. HYPOT. CAP. XIII.

ILLE de ingenio Canis sic philosophatur. Electionem habet. Nam capit quæ sibi commoda sunt, fugit noxia: edulia persequitur, flagello intentato omittit. Sed & artem habet commodorum comparatricem, Venatoriam. Nec verò Virtutis est expers. nam cum Iustitia sit unicuique suum tribuens; canis familiares & benè meritos adulatur, custodit, tuetur: inuadit externos, aut iniuriam inferentes. Videmus & Prudentem. ut etiam testatus est Homerus, qui Ulyssē suis omnibus ignotum, à solo Argo agnitum facit. Secundum autem Chrysippum, etiam illius tam celebratæ Dialecticæ particeps est. Aut enim eum tertij notitiam per alia non probata consequi. ut cum ad trinium venerit, & cum iam duas vias indagauerit, per quas fera non iuit, tertiam ne odorans quidem aut dubitans init, & magno per eam impetu fertur. velut ratiocinans: Aut hac, aut istac, aut illac transit fera: neque autem hac, neque istac: ergo illac. Sed & medicus est. ac si festuca sit impacta, eam extrahit dentium ministerio. Si vlcus alibi (quoniam ea sordentia agrè, facile autem munda curantur) leuiter tabem inde

* Cynici.

fluentem absterget. Sed & Hippocratis præceptum adseruat. & quoniam pedis medicina, est eius quies; hunc læsum sursum attollit, & quantum potest seruat à motu. Cum verò pravi humores aggrauantur gramine vescitur, eiusque ope quidquid noxium erat expellit. Itaque non mirum, si philosophi aliqui se huius animalis nomine voluerint commendari.

EPISTOLA XLV.

PHILIPPO AYALAE, designato Legato in Galliam.

VT audiui designatum te à Principibus, qui Legati in Gallia munus obires, fateor ex animo me gaudium. Inter partes aut munia reip. præcipua, est illud tuum, quod impositum sustines; & parem te ferendo esse, animus hinc meus, sine ulla blandimento, dicit. Age, aggredere, exsequere, & afflictæ huius Belgicæ, pro tuâ virili medere. Ego tibi non culmen, sed gradum statuo hanc dignitatem ad ea, quò Deus & tua virtus ducent. Me rogo serio tuum ama, sed & Neptem (patiaris me addere) quam hinc habes virginem perhonestam. Louanij, v. Idus Martias. ∞. Ioc.

EPISTOLA XLVI.

CAROLO MALINAEO, à consiliis maritimis.

EN, etiam ad te V. C. exemplar lucubratiunculæ nostræ. An merebatur? nescio, neque res magna est: sed Plinius tamen, & hoc eius scriptum, inter ea quæ à te, & primæ etiam classis siue eruditissimæ siue sapientibus, legi mereantur. O libellum stilo, acumine, monitis laudandum! atque utinam legant, capiant, audiant, quibus est scriptus! Nisi quòd hodie passim voces, vetera hæc non esse pro nostro æuo. ineptâ & fatuâ sententiâ: quasi alia natura rerum aut homines, & non illa recta & summa Ratio semper habenas temperet in hoc mundano curru. Pro temporibus, ingeniis, locis, scimus variari aut flecti quædâ sed capitalia illa, ut sic dicam, monita firma manent; & infirmi ipsi erunt qui infringent. Sed quid philosophor? in sermone malem: meum tamen facio, & sollennia vel sapio vel insanio, v

ill

ille ait : quia in priscis his studiis & sapientiâ à puero sum dedicatus, necvlla res incideret aut efficiet, vt pœniteam vel mutem.

Sibi habeant sua regna reges, sibi diuitias diuites:

ego cum bonâ mente quietem & modestiam, in modico censu. Fallor, aut in animo tuo mecum sentis, etsi Respublica te habet: atque vtinam plures habeat tuæ notæ! Vale V. C. & nos serio tuos ama. Louanij, prid. Kal. Maijas. ∞. IOC.

In Oratiunculâ nostrâ nihil additum vel auctum voluimus: tum quia perpetui moris mei nihil refingere; tum quia, si cura aut lima appareat, amittat gratiam illam extemporalitatis.

EPISTOLA XLVII.

Hispalim.

I. WOVERLO suo S. D.

TEMPESTAS te exercuit, mi VVoueri, & nos exercet: atque vtinam non absorbeat, quod minatur. Res valdè hîc in turbido: & vereor vt, cum ciuili, etiam intestino bello implicemur. At Deus & Principes medeantur. Quid ad ista tu? rides, vel culpas: & cur non in Italiam? inquis. nec nunc volo, etsi amici omnes vellent velle. Patria cara est, valetudo quæ curas non longè iaciat, denique Philosophia quæ etiam in tristibus & turbidis serenum quietumque reddat. Hanc amplexemur. nam nec tibi nunc, aut postea, omnia pro votis cedent. Dic autem, diu ibi hæres? Mineruæ an Mercurio, an vtrique vacas? studiorum illîc notitia aut amor? sodalis aliquis compar? scribe omnia, & siquid in publicis etiam tutò potes. Ego coram Principibus, in aduentu eorum, publicè aliquid disserui, sed ex tempore. tamen edidi, & si facultas mittendi esset, facerem. Tu, si tanti est, per tuos cura, & à Moreto pete. Vale mi care VVoueri, & Menti Bonæ semper sacrifica, semper lita. Louanij, vii. Idus Maijas. ∞. IOC.

EPI-

EPISTOLA XLVIII.

Hagan

IOANNI HEMELARIO *suo* S. D.

QUID tu ad me timidè? tūne vetus ille meus, & inter caros accede, pete, impetra: quicquid in meâ manu est, in quod & in amicorum meorum, à me aut per me habebis. Ita que in Italiam ire si decretum (& valdè ego suadeam) Mineru fuero, & monitis atque etiam litteris iuvero te Vlyssēm. Ad nō prius veni, & illa & has habebis. Ausim panē recipere, si de vītico tibi prospicis, me ibi de loco honesto & domo. Nam de fīlio Præsidis, id tardum aut serum est: & iam aut iuit, aut iurrit, intra dies pauculos, familiâ omni instructâ. Quid, quod Sequanis duos aut tres menses hæret? non tibi suadeam: comit aut nunc non deerunt, aut certè sub Autumnum: nec longa est mora. Summa, si decernis, prius ad me veni, apud me diuē sare, & à me cum bono Deo in beatam Italiam abi. Louan III. Idus Iunias. ∞, Ioc.

EPISTOLA XLIX.

Duac

IACOBO BONFRAEO, è Societ. Iesu.

AMOREM tuum in me non significas tantum, sed prob Quî magis possis, quàm publico isto munere THESIV quas tui mihi inscribunt? Tui, inquam: id est, ipse tu. Nec en nescio non solum dirigente te & hortante, sed iuuantē ac facie te hæc cōcepta, scripta, missa. Sicut in scēnam actores prodeu poëta latet: ita hīc factum. & tu ille auctor muneris es, alij qu latores. Sed muneris mihi gratissimū. quod testatus apud sum: & tu, si videbitur, leges. Enimuerò seriō laudo hoc in tuendi & exercendi genus: vtinam plures imitentur, & pau tim iuuentus in gustum amoremque ducatur veterum artit rituumque, id est, optimorum. Non ita hæc prompta aut uia, fateor. sed vt qui gemmas vel aurum quærunt, non su mam terræ cutem leuiter stringunt, sed in viscera eius penetr & immergunt: sic qui veram mansuramque doctrinam, al neccssum est in scriptorum loca & sensa sese immittant. Fel

qui faciunt, talibus doctoribus! Et scio D'ausquium & Heribertum nostros; monita operasque conferre. Saluta, amabo te: nos te quando incoram? veni, deinceps cum illis seriò amande. Seriò, inquam, mi Bonfræ. & reperies in nobis, cum Euripide,

* Αψδδδς ἡδός, ἐυθεσθήγοεν σόμα.

Louanij, III. Idus Sextil. ∞. IOC.

* Sincere
fraudis pe-
ctus, os af-
fabile.

EPISTOLA L.

Duacum.

RHETORIBVS *Collegij Aquicinæti* S. D.

INOPINATÒ vidi & affectum vestrum in me, & eius tesseram THESES, quas dedicatum mihi iuistis. Fateor animo, gratum mihi vtrumque accidisse. affectum, quia ex eo eundem in bonas honestasque artes colligo. cur enim aliter me ametis? Dedicationem, quia non tam honorem hunc habitum mihi interpretor; quàm ipsis studiis; in quibus nomen aliquod vestra & benignior fama mihi dedit. Amplector, ô mei iuvenes. quid rependo? monita, vt in hoc casto & pulcherrimo amore atatem perseueretis. Doctores habetis, fato natos (fas ita loqui) ad optimas artes, & cum iis pietatem excitandam: audite, sequimini, & militate sub felici illo signo. Constantino olim cælitus ostensa & deformata sacra illa crux, cum inscriptione, *In hoc vince*: vobis simile dictum ingestumque esto. & sub sacri illius nominis ductu auspiciisque *Vincite*: quid? ignauiam, & cum eâ superbiam, duas pestes iuventutis. Fores animi si his aperitis: eruditio numquã inuit, prudentia, aut sapientia. Fugite, vel potius fugate. & sub optimis illis gymnastis assiduè formamini ad doctrinam & virtutem. Assiduè, inquam. neque enim vt in agro satis est semel sementem iecisse, & ille accipit, fouet, profert: sic in animis. qui cottidiano, vt sic dicam, vomere proscindendi, & obserendi sunt, ad meliorē illam frugem. Video & gaudeo vos facere, & ludi isti non ludi mihi dicunt: quos ego quidē habeo & estimo super omnes *Agones sacros*. Vtinam interessē fas! ora videre, voces accipere, & fortassis interponere! sed locorum abiunctio, & magis valetudo, vetant. Ergo igitur votis adspiro tantum, & animi isto occulto fauore ac plausu excito iam commissos. Athletę mei

h
pergite.

pergite. & sicut Mercurius ille apud Homerum talaria, siue ipse appellat, καλὰ πόδιλα sumebat : quæ ferrent eum

* seu super
undam,
Seu super
immemsam
terrâ, au-
ras equipe-
rantem.

Ἡ δ' ἐπ' ἀπείρονα γαίαν, ἅμα πρὸς ἄνεμοιο:

sic vos alam duplicem Pietatis & Doctrinæ, quâ subuoletis emineatis super omnia humana. Deum veneror ita sit, & vos les aut faciat, aut seruet. Louanij, III. Idus Sext. ∞. IDC.

EPISTOLA LI.

Leodicu

IOANNI DVLLARDO *Canonico & Archidiacono.*

LITTERAS tuas vidi, vel illo argumento gratas, quod per tamen ingratum non ignoras. Quis vel constantissimum calumniis velit appeti? etsi cum factum est, spernit, calcit, vincit. Sed gratum, ut dixi, te scribere, & in litteris (coram non datum) alloqui & frui. Vtinam viarum securitas iter non impediat! dicitur est cum Fontes me haberent, & ab illis Liberalia vestra. Moribus enim, nisi conuictus, fabellæ, candor, benignitas iucunda mihi semper apud vos, & voto vsurpanda. Sed nunc voto. ré abnuunt. Harpyiæ, quæ omnia infestant & fœdant. De Oratiunculâ autem illâ, quid tu ais? dic seriò, non aperit ipsa & reuelat fraudes, vel inspecta? Quid enim in eâ Lipsianum est? non stilus, nō res non color: & malè nimis sustinet histrio personam. Sed iam de hæc talia præuidi. prouidi quoque, quod in me quidem fuit publicâ denunciatione & velut præconio, quod in fronte liberorum de Cruce exstat. Nam vetare hæc quæ possum? non magis quàm Pandari sagittam Menelaus arcere, quam ille furtum & à fociis tectus, immisit. Vnde unde hæc fraudes, à petulantibus improbo ingenio sunt, mali exempli sunt, & Principibus merito castigandi. Illis permittimus, te Vir R^{dc} & Cl^{me} saluere iubemus, & communem patronum atque amicum nostrum, in occasione, Billéum. Louanij, IX. Kalend. Sept. ∞. IDC.

EPI

EPISTOLA LII.

FRANCISCO ORANO

PETRI F. LEODICENSI,

I. C^{II} TITVLVM HODIE ADEPTO,

I. LIPSIVS gratulatur.

QVIDNI autem? è meâ domo & disciplinâ es. & sicut arborem qui posuit, fructus ex eâ cum voluptate carpit: sic nos hæc gaudia ex iis, qui si non sati è nobis, tamen vt sic dicam insiti sunt, & in meliorem quemdam succum directione & doctrinâ traducti.

Fortes creantur fortibus,

ait ille: & tu habes, quo parentum inscriptione gloriaris.

--nec enim externo monitore petendus

Virtutis tibi pulcher amor.

ECCE Patrem habes, illum iuris & æqui non interpretem solum, sed arbitrum & administrum: virum quo nec Iustitia iustior, nec Integritas integrior, nec Amor pænè dicam amabilior est in illâ comitate & candore morum. Patruos etiam habes, an habuisti? alterum certè habuisti (& doleo) illum Romanæ vrbi in amore pariter & cultu: virum incertum an modestiâ quietiorem, industriâ promptiorem, honore clariorem. Quem summi nostri Pontifices in summo illo XII. virum tribunali collocarunt: in quo æquitas, peritia, sagacitas eius orbi lucerent,

—trepidis vt dulcia nautis

Lumina noctinagæ tollit Pharus æmula Lune.

QVID Patrum dicam, quem etiam nunc habes? & quidem sacri illius & fructuosi Ordinis, qui nominis quod supra omne nomen est, titulum gerit: in quo vel censeris laus est, quid? sed fileo, & modestia eius, ac contemptus vel odium potius gloriæ, os mihi frænant. His, dico, maioribus & hoc sanguine, quid nisi ad magna & alta natum te, tu aliiq̃ue censeant?

Doctrina sed vim protulit insitam:

& si quid rude in te, poliuir; si quid inchoatum, perfecit. Nam parentis curatione, tuâ inclinatione,

— *studius te protinus anni*

Formauere rudes.

& primum quidem illis rudibus : sed felici fidere non in iis ha-
rens, nec ut ille apud Euripidem,

*fumos do-
ctriinarum
colens.

— πολλῶν χρημάτων τιμῶν κενεῖς:
peruadis, eniteris, & ad ipsam Iurisprudentiæ arcem contendis

Felix curarum, cui non Heliconia cordi

Serta, nec imbelles Parnassî è vertice laurus.

QVID autem video? euge, peruenisti. apud se collocauit

Astræa virgo, siderum magnum decus :

& coronam hâc Antistitum suorum manu imposuit, quâ clarè
honestusque fulgeas, donec in cælo illæ stellæ fulgebunt. Sed
ex quoque non sibi, sed huic orbi, lucent : sic ad alios nunc in-
genij tui lux perueniat. Sicut nauta aliquis,

--- *assiduo cùm Dorida vicerit vsu,*

Iam clauum totamque subit torquere carinam :

fictu post quinquennij legitima pericula & curricula, ad reipub-
licam hanc nauim accede : ô in hoc turbido quàm fluctuantem ! Ac-
cede, inquam, &

Hic consulta Patrum, leges hic iuraque trahes :

sed cum fide (nam peritia adest) & religione :

--- *Phalaris licet imperet, ut sis*

Falsus, & admoto diçet periuria Tauro.

SICUT amnes, mare qui influunt, falsuginem eius non mu-
tant : sic in te quicumque affectus, ne diluant Iustitiæ seuerita-
tem. Originem & ipsum nomen tuum cogitas ? ORANVS ES
CAELESTIS ES. alta igitur & pura cogita : ita Deus te ab hac hu-
mo & turbis ducat aliquando ad illa secura & alta. Sed quid fa-
cio? Agamemnon apud Homerum, cùm alios prælio animasset
ad Aiaces veniens negat se id facere, neque decere apud spontes
sic promptos : item ego in te stimulis parco, eorum non egent.
Vota addo tantum,

Dij seruate pio genitori gaudia tante

Prolis, & vtrumque hunc patriæ seruate roganti.

Louanij, v. Eid. Octob. ∞ . Ioc.

EPISTOLA LIII. *Bruxellam.*PHILIPPO RUBENIO *suo* S. D.

VIX abistis, ecce scribo: an non hoc affectus est? Fateor, tamen & occasiuncula est, ut has tuâ operâ Luteriam currem mitti. Qui cursui publico præest, is accipiat: & unâ à me salutem, & gratias etiam pro officiis quæ exhibuit benignè. In vestrâ re aliquid decreuit ille prætor? De Italiâ quidem, ut anni tempus video, * *ψυχρά μὲν ἐλπίς. Tamen, cum poetâ,*

* — πολλὰ δ' ἀέλλως κεραινέσι θεοί:

* *frigida spes.*

* *Multa insperatio dij dederunt.*

& hîc fortassis erit. Magis, si Antoniû Sequani tenent, & ea quæ sperata eius iam, an sponsa? nam si ille non abit, facilius parens hunc dimittet, fratri Legato etiam solatium, ut alias causas omittam. Siquid horum est, scribe. Quid etiam? de publicis, quæ curare nos, sine curâ tamen, non nescis. Galliæ regi res in Allobrogibus succedunt? pax an bellum porro sperantur? Noster & nostri cessant? At mea domus calet, & Baronius iam in apparatu sollennis pompæ. Non idem in N.N. qui vereor ut aliquot etiam menses cogatur differre. Heu res intricatas, inquires. Ita sunt, ubi bellua illa multorum capitum se miscet. Sed peccatum etiam à nostro, quod non statim in Catalogum relatus sit: neque pro studioso censent, qui non inscriptus. En causam moræ, ipsi mihi quæ molestam: sed mihi eius causâ. Hoc scribo, nequid in illo Carmine festines: in altero, non sufflamino te aut sisto. Vale mi Rubeni, & nostrum Guilielmum à me saluta. Lo- uanij, v. Kal. Octob. ∞ Ioc. In Haechtianâ re ecquid fit? seriò equidem commendaram, & velim scire de successu.

EPISTOLA LIIII. *Romam.*FRANCISCO ORANO *suo* S. D.

PERVENISSE te iam, quod intenderas, id est, beatam illam Romam, opinio nostra est & votum. Si ita, quid restat nisi ut alacri pede in viam & vestigia te des Amplissimi patrum tui, cuius fama & gratia illuc etiam flagrant? Fac ô mi alumne, & Probitatè, Industriâ, Modestâ ducibus ad fastigium laudis & honoris conscende. Manet te corona, si adniteris, & in aperto

stadio sine ignaviâ curris. Commendaui summato viro Baroni
Cardinali: reperies & alios tui volentes, quosdam etiam è soc
libus, cum quibus cautè & iudicio tamen versare. Antonius
ster illic est, item Lafaillius, & Houius: ij boni honestique,
potes debesque amplecti. vulgus illud popularium tuorum
prehende, qui fraudem, fucum, vitia sæpè afferunt, & affrica
rudibus adhuc & morum ignaris. Hæc ego tibi,

*-veluti
pater ipse,
Ex animo
cupiens,
consuadeo.

*---πατήρ ὡς ἡπιόμηντις

Εν θυμῷ φιλέων ἐπιτέλλομαι:

audi & sequere, & quid in re aut spe tuâ sit, scribe. Louanij, vii
Kal. xbres. ∞. Ioc.

Morbus me grauior habuit quattuor ferè septimanas, cap
emerfi, corpore adhuc tencor, & animo bono cetera languen

EPISTOLA LV.

Roma

CAESARI BARONIO, Cardinali.

ILL^{ME} & Reu^{ME} Domine, Vereor peccare apud te, & inger
mihi pudoris limites transilire, dum sapiùs adeò & in alie
causâ ac gratiâ interpello. Sed quî me subtraham? iste ipse n
solùm è disciplinâ meâ, sed è domo est, & plures annos mode
atque industriè hîc egit. Itaque aditum ad te auidè quærenti
veniam, si breui hoc scripto struam: præsertim cum is ad bea
(ita confidimus) abierit, qui coràm potuit debuitque comme
dare. Is erat patruus eius, vir clari gratique nominis, Francis
Oranus, in Duodecimuirali apud vos concilio: cuius memo
vt nepoti gratiam aliquam conciliet, ego eius vicem rogo. M
destum, probum, iuris veteris non imperitum (pro ætate q
dem) hunc quoque reperies: & me semper, Ill^{ME} & Reu^{ME} D
mine, inter fidos addictosque tuos clientes. Louanij, viii. K
xbris. ∞. Ioc.

EPISTOLA LVI.

Bruxella

NICOLAO DE WEERDT, I^{to} & Cognato.

EGO verò tui non obliuiscor, nec vlla occupatio mihi su
ducatur. Flores tamen non misi: quid ita? in poenam, vt re
iudic

iudicas, absentia tua, & quia vadiuonij diem non obisti. Excusas, sed aures nunc mihi clausas, atque etiam manus. Sed heus, à cognato tuo tamen Batzonio nōne aliquid accepisti? Dedi equidem, atque inter alia Colchicum album, quod nunc debeat florere. Mitto & femina tuliparum, statim deferenda. Quid videtur? an bonâ fide satis irascor? velim, si possim: imò nolim (absit) nec vñquam in tam mihi caros. Tamen legem aliam tibi dicam, vt hoc verno tempore circa Maium nos inuisas, cùm hortus meus variè floret: atque ibi coràm arbitrere & eligas, quid velis. Spondeo, habebis: ex iis quidem que pluscula mihi erunt, & diuidi apta. Hoc tempore, terrâ omnia condita, nec possim ipse discernere quid mittam, non mittam. Itaque fer breuem moram, & clementiam meam prædica, qui eâ solâ contentus sum pœnæ vicem. Vale mi optime cognate, cum tuâ & meâ carâ, & utrâque prole: quando & tertiâ? Da nobis, & in sacris initiis mystagogum & alterum parentem me voca. Louanij, v. Kalend. Octob. ∞. Idc.

EPISTOLA LVII.

Hispalim.

IANO WOUERIO suo S. D.

VALERE me nuncio, mi Woueri, sed non valuisse. Tūne vsque? placent, & hæres etiam in iis locis? Iterum ægrotem, nisi ægrè mihi est te sic abesse. Sed vincat voluntas patris, & tua vtilitas, si tamen ea adest. Res nostræ rursus eunt, & pœnè spes nos relinquit. Quid singillatim denarrem? alij faciant, mihi morbo sit vel meminisse. Ab illo astro an auxilium? In Pannoniis Canisia, vnica in immanem hostem arx, amissa. In Allobrogibus bellum, & serpere ad nos vosque minatur: nisi Pontifex tamen, quod conatur, restinguat. Sed abite publica, id est, tristitia: in priuatis quid? cessare nos aut languidè agere, vt à languore. Tamen Centuriam vnā damus Epistolarum, sed Italicarum aut Hispaniensium: & in numerum hunc tu venis. Separauimus enim à Gallicis aut Belgicis, & in fronte earum videbis causam. Illam de Vitâ meâ, & Scriptis expressisti: descripta est, sed semel: seruiatur, & in publico fortassis videnda. Cetera noster Rubenius, quem amo, quem amari à te volo, vt fratrem. Liberale ingeniū est, & ad optima quæque factum. Heus, scis

scis tu ante biduum Batauos Antuerpiam tuam venisse nauibus, Prætoriam nostrā abduxisse, & septem aut sex alias è portu O miseriam ! si nec modica illa pars Scaldis immunis manet & incurfu & vastatione. Quid dicam aut censeam ? nisi quod i

*-rex regū
Saturnia
proles.
* nostrasq;
manus vi-
resq; liga-
uit.

*Ζεύς κρονίδης, ὕπατος κρείοντων,

hostibus dat robur & gloriam :

-- ἡμέτερον δὲ μένος καὶ χεῖρας ἔδησεν.

Ita videtur. sed in exitu lætiora spero, voueo, & pro causâ successum. Tu mi suauissime vale, tutu inquam primò, id est, amemus, & ab illo corpus. Louanij, III. Non. xbres. ∞. IOC. Luciano Negronio V. A. & à te laudato S. mitto.

EPISTOLA LVIII.

Lutetia

IO. BAPTISTAE PEREZIO BARONIO suo.

LUTETIA te habet mi Baroni ? cur per te non scimus ? & men aduenisse iam ante dies plusculos debes, si bonus Cernius (ita confido) iter tuum fortunauit. Si es, bono & vsui tuo sis opto & moneo : & mores ac iudicium formes, polias, tum linguam. In consuetudine multum est, & eam iudicio elige, proborum, & quos Deus ac virtus amarunt. In tanto illo populo etiam inter populares tuos, ne cense gemmas & aurum omnia esse. Elige, vt dixi : & grandiores atque honestiores maximè quibus & prudentiæ aliquid trahas & splendoris. In primis autem, destinata & consilia tua omnia ad Sapientiam, id est, Deum refer : certus, hæc nihili esse, in quibus versamur, vinculis istis, & velut carcere, compediti. Sicut rota, quæ in terrâ vultur, parte imâ & minimâ eam tangit, cetera exstat & est intacto : sic nos oportet decurrere per hæc humilia, optimâ & maximâ parte altos & subleuatos. Eò facient præcepta veterum sapientum, & lectio, quam, per Deum, ne omitte. Sicut limites agris confundi non sinunt & misceri : sic salutaria illa monitiones coërcent, & animum neque diffundi ad vana illa, nec resciri. Sed monitionum satis. tu de te, de amicis ibi, de publicis etiam tange : si quid est instruendis nobis aut recreandis. Tum has litteras etiâ trade, quibus inscriptas vides : & alterum nosce, bonum sine exceptione, vt opinor, alterum. sed scis quid

non dicendo dicam. Vale mi Baroni, semper noster. Louanij,
postrid. Non. Decemb. ∞. Ioc.

EPISTOLA LIX.

OCTAVIO EPISCOPO TRICARICENSI, *Nuncio Apostolico.*

IN vnâ re duplex beneficium fateor me accepisse: & quòd miseris libellum mihi legendum, & quòd talem. Illud enim prius, nōne à benignitate tuâ est, & curâ aut æstimatione etiam aliquâ mei? certè: nec vel in mentem venisset, nisi ego essem sapius in mente. At ipse libellus, non mole sed bonitate pretium habet. inuentione nouitius, dispositione, & totâ tractatione, laudabilis. Theologus est qui scripsit? agnoscis igitur & Theologiam, sed modicè, & vt salem, inspersam. Philosophiam variè miscet, à naturâ, à moribus, à ciuili gubernatione: & hæc omnia ingenio & subtilitate commendantur. Dicam quod res est. si hic liber breuior etiam fiat, id est in methodum & velut tabulam contrahatur: plus laudis, atque etiam fructus habeat, cū in vno aspectu vtrumque hoc corpus, & Humanum & Ciuile, liceret intueri: idque à nouo isto Prometheo adfabrè aptatum & iunctum. Nam excursus etsi haud magni, tamen leues sæpè aut proprij sunt, nec nisi Galliam ferè tangunt. Ecce, Ill^{me} & Reu^{me} Domine, meum super hoc scripto arbitrium: sed arbitrium, & quod iudicium tuum spectat. quem Deus suo honori, Ecclesiæ bono, & nostris vsibus vel tria sæcla seruet. Louanij, prid. Idus xbres. ∞. Ioc.

EPISTOLA LX.

Mediolanum.

LVDOVICO SEPTALIO Doct. Medico.

ECCE ad te litteras ab eo quem amas, qui te amat: nōne hæc satis iusta causâ scribendi? Vt vulgò amantes nihil æquè auent, ac colloqui: sic puto in verâ animorum amicitia esse, qui gaudent affatu se aperire & iungi, aut certè scriptione eius vicem. Facio mi Septali, te adeo, & munus adeò offero. quod illud? pade sinum, in eum accipiendus sum, ego ipse qui scribo. Me inquam offero: vis à me grandius aut melius? & cū fide offero, mancipio iam antè tuum, nunc vsu etiam & litterarum commercio, si voles.

les. Voles autem, aut quæ scripsi rescribo, & me recipio, qui volens non nisi volentis esse possum. Vale, & Puteanum etiam nostrum mecum ama. Louanij, xv. Kal. Ianuar. ∞. IOCI.

EPISTOLA LXI.

GVILIELMO SCARBERGERO suo.

GAVDEO, gaudeo ex animo mi Scarbergere, saluum te Italia, ex Italiâ in Galliam, & ô si ad nos, venisse. Quando fiet? non tui te magis & tuus sanguis, quàm ego exspecto: videre desidero stirpem illam nostram, quæ iam in viri robur & modum, vt opinor, adoleuit. Diu hercules peregrinari te, non ego auctor. & Platoni propior sim, vetanti ciues à suâ Republicâ diu abesse, imò (nisi in certâ ætate) abesse. Et si turbæ tam nostræ causam vel prætextum absentiae præbent: sed quando sedandæ? Exul ætatem à patriâ sis vereor, si tranquillitatem & quietem apud nos exspectas. Apud te, apud te potius mi Scarbergere. & animo sic componere, vt gaudium & quies tibi exsit, cetera vt flumen censeas labi. Veni igitur, & ad nos primum. nam & via per nos te ducit ad parentes. Vale optatissimum. Louanij, iiii. Kal. Ianuar. ∞. IOCI.

EPISTOLA LXII.

DUACI

CLAUDIO DAUSQVIO, è Soc. Iesû.

TVA libens vidi, libentior legi & ruminatus sum: sanè polita, & quibus lima mea deterere aliquid potuerit, non liguigare aut ornare. Itaque eam insuper habui, nec libuit, nec meus est, * *ὡς ἐργάζεσθαι. Μὴ ὡς εἰσὶν ἰσχυροί*, nisi recta hæc, non * *ἐλπίδα* loquar. Voluissem inquirere alibi in sententiam, fateor: sed in fuis Basilij copia mihi aut inspectio non fuit. Quid autem oportet? te in istis ante me & alios etiam, qui procures sibi videntur esse, liquidò scio: sume fiduciam ex merito, sed non superbiam quæ nec in ingenium tuum, nec vitæ genus cadit. Morbus nuper concussit, & insultauit deiecto victor: sed ille summus iterum erexit, & stare in muris dedit, si non in acie pugnare. Sine necam affeci, an confecturus eam prouinciam nescio, nam præ

* *superflua*
agere. Ne
diuturnus
sim.
* *fluxa.*

ter languorem & alias occupatiunculas, etiam fastidium irrepsit, & tedium habet vniufmodi laboris. Epistolas cœpi dare, & nunc CENTVRIAM SINGVLAREM ad Hispanos & Italos: ordine ad gentes alias meosque Belgas, si Deus & fauor etiam publicus volent. Nam valdè excitari nos, non dicam: & publica siue priuata video,

* Κήδεα μοι ἔμᾶλλον ἐν φρεσίν, ἢ περ ἄεθλα.

* Curan-
tius
magis sunt,
quam præ-
miu bectore
nostre.

Saluere te mi Dausqui, animitus opto, & meliorem mei partem per tuas preces. Louanij, XII. Kal. Febr. ∞. IOCI.

Seriùs tua scripta accepi, id est ante dies IX. aut X, ne tarditatem accuses. Epigrammation habes, quod tuis præscripsi.

IN D. BASILII SELEVCIENTIS ORATIONES
versas à CLAUDIO DAUSQVIO Soc. Jesu,
I. LIPSII Epigrammation.

GRAECA vertere, vertit in frequentem
Vsum nunc hodie, sed anne laudem?

Non hercles. neque versio omnis audit

Fida sensibus, aut polita verbis.

Quod qui præstitit, ille laudis omne

Punctum, indice me, tulit: tulisti

Omni iudice tu, erudite Dausqui,

Qui sacrum Basilij & elegantem

Librum, veste decenter induisti

Romanâ: atque adeò decenter, inquam,

Vt iam pallia spernat, & Seleuci

Vrbem præ Latiare mutet orbe.

EPISTOLA LXIII. Romam.

ANTONIO RICHARDOTO suo S. D.

MEAS te nondum accepisse video, etsi missas ante binos ferè menses: at ego tuas iam ternas. quam diligentiam amare me fateor, quare? quia te ipsum. Suaue audire de te, & à te: & in litteris quasi videre atque alloqui, cum incoram non datur. Delectat etiam in tuis litteris, quòd Roma te capit: etsi quem non, qui sit ingenuâ & altâ mente? Multa ibi vetus & noua in-

spectio, multus splendor rerum atque hominum: & denique
confluxus quidam ex omni orbe, quos vel sacræ vel profanæ
caussæ (sed magis illæ) eò traxerunt. Itaque non tam in urbe
quàm in altâ quâdam speculâ atque arce mihi esse videtur, quod
Romæ agit: unde dispectio & inquisitio sit in omnes partes, &
quod sequitur, cognitio rerum varia, cum fructu maiore nescio
an voluptate. O beatum te peregrinationis! & præsertim quàm
fine curâ aliâ subis, in contubernio Amplissimi fratris tui, cuius
munus & dignitas omnia tibi & peruia facit & tuta. Fruere igitur,
& dum licet amplectere, & in sinu te merge formosæ illius
Diux: me rivali & æmulo, non nego. & quamquam canescere
te iam capite, amor hic etiam me habet, & feram mecum ad O-
ci illum thesaurum. Sed mihi amare, tibi potiri etiam datum
vide quò eam, fungere & meam vicem, ac vide & observa quod
narratum etiam nos doceat aut delectet. Delectet inquam, cum
redieris:

Et non antè mihi languescant lumina morte;

quàm tua illa meis applicem, & reducem brachijs istis teneam
& stringam. Publica, quæ illuc, per te didici: de nostris reponere
velim, sed utinam læta! In re non sunt, spes fouet, etsi frigidum
quia non actio solum omnis, sed sermo elanguit de pace. Atque
bello ut res tranquillemus, ut pertinaciâ & loco munitas parte
vincamus, votum est: quod utinam ille Deus ratum reddat.
Utinam & de pace inter Gallum atque Allobrogem, quod famulus
recens iam nunc adfert! Nam profecto illo rege, non dicam in
mico, sed dubiè amico, res spesque nostræ in arctum coguntur
& hostis caput atque animos valdè tollit. Sed quid ego

— *æternis minorem*

Consilij animum fatigo?

Deo, & qui illi proximi sunt Principibus, hæc relinquo: te vale
cupio, & semper

Quò te celestis Sapientia duxerit, ire.

Louanij, x. Kal. Februar. ∞. I. C. C.

Mea Iuno & mei te salutant. Est ibi Jo. Hemelarius in familia
Cardinalis Cæsij, gente Batauus, honesti animi ac studij adole-
lescens. an videris obiter apud me & noris, nescio: si non, ac-
& iam nosce, familiaritate tuâ dignum. Iubilæum trans Alpes
iturus

iturum sperabamus, & inter primos frui: si non, feremus

Quicquid corrigere est nefas.

EPISTOLA LXIII.

Bruxellam.

REMACLO ROBERTI S. D.

ACCEPI VNÀ cum litteris tuis libellum, quem legendum dederam: atque is secum alium etiam traxit. Legi. ornata sunt, sed non sine affectatiunculâ, quæ mihi semper odiosa. De pace cum Allobrogum dynastâ, Deus fortunet, & ratum esse velit. Res magna est, & multis inopinata, pro ingenio vel regis, vel gentis. Sed benè sanè & opportunè cecidit, non solum nostris rebus istis, quas in arctum id bellum cogebat; sed vniuersè Europæis, & periculum præsens imminebat ab immani & iurato illo hoste. Etiamnunc imò imminet, sed fœdere & iunctis viribus faciliùs depellendum. Vtinam diem hunc fidi mutuique consensus inter reges videam! sed pro cui moribus, subdola multa & flexuosa interueniunt: & clam per machinas fraudesque noxij sunt, qui palàm & honestè non possunt. De re tuâ priuatâ, vellem prolixior spes esset. sed & hanc accisam ego fouere non desinam & vegetare nouâ commédatione, vt cupis, apud Legatum: vtinam tam efficace, quàm volente! Quod scribis submissurum te quædam interim publica, si nuncium aut hominem certum haberes: ecce tibi istum qui has tradet, notæ fidei & industriæ. potes, me sponsore, vti. Liber epistolarum cùm venerit (sed ve reor vt plusculi dies intercedant, ob hoc frigus quod retardauit:) sed cùm venerit, statim habebis, & per te Legatus. Vale vir amice. Louanij, Nonis Febr. ∞. 1661.

EPISTOLA LXV.

Mechliniam.

IOANNI BERNARTIO S. D.

ECCE epistolas, quas tu cum alijs, sed tu calidè, expressisti. Quid ais? seriò & more maiorum, sunt tanti? an singulæ placere fortasse potuerunt (ira est in hoc genere) vix vniuersæ? Sed vtcumque iudicatio erit, res facta est; &, vt poëta princeps ait,

* ——— ἔδ' ἐπεὶ μὴ χροὸς ἔσθ' ἰδὲ καὶ ἄλλος ὀφείν.

* - non mo-
dus vltus
Iam factū
renocare

O quoties ego vobis, quos subsannare solebam, pænè inuid
vobis dico, qui Genium vestrum propitiatis, ab arte & operâ
strâ viuitis, securi potentium & Aulæ. Mihi crede, ne muta
pere pulchrum, sed sibi sapere: famam & scripta hoc æuo spa
• Orest. gere, vereor vt adsideat * filio Græcanici apud Troiam regis. S
nobis vela vertere, serum est: complicare ea & tollere, hoc lic
faciemusque etiam cum excusatione iustissimâ: quia profectò

— *nos fortior ætas*

Iam fugit, & votis tantum precibusque inuamur.

Tu vale mi Bernarti, & meliori æuo te tuosque Deus serue
Louanij, ix. Kal. Mart. ∞. IOCI.

EPISTOLA LXVI.

Mantuan

ANTONIO BEFFÆ NEGRINO S. D.

EPISTOLAM tuam ego verò gratam habui, in quâ tam v
uus & ardens mei amor expressus. Itaq; nihil opus de Ve
fero meo, Hercule vestro, aut alio proxenetâ interponere: ipse m
hi per te carus esse poterat, & præsertim ab ijs dotibus ingenij t
(scriptio docet) commendatus. Quòd imaginē mei vidisse te scr
bis, missam à Velfero, benè est: illud mutem, si possim, de elogi
quod ille vir nimis amanter superscripsit & subscripsit. Non fur
ille, quem me facit, esse conor: & has tales laudes, non iudicia ha
beo, sed monita & incitamenta. Simile in vtroque versu tuo a
me misso: in quo omnia, præter fidem, laudo. Et verò mi amio
(sic iam appello) quid magnum effici à nobis potest, vel priua
tim inter languores meos, vel publicè inter turbas? Eæ manen
& inuidere pænè dicam Italiæ vestræ cogunt, vbi nunc

Pax secura locis, & tranquilla otia vite,

Et numquam turbata quies.

O fruimini, & interdum miserantes oculos ad nos reflectite, qu
iactamur, & sine spe portus. Certè Parca mihi lumina claudet
priusquam Deus limina hæc nostri Iani. Fero, & Herculem A
chillem in oculis (animi, dico) quem benignè sic iudicas in m
affectum. Idem à me repono, soluam; & tempore à vobis vine
potui, in modo pariabo. Louanij, xvi. Kal. April. ∞. IOCI.

EPI

EPISTOLA LXVII. *Bruxellam.*

MARCO AVRELIO VALLENSI, *fil^{mo} Nuncio*
à Consiliis & auditionibus.

LITTERAS ex Italiâ te mittente accepi, gratiores (ingenuè dico) quia te sic benignè mittente. Priuatim aliquid meritum me, non possum dicere: sed iamantè & ex sermone, & ex vultu ipso tuo vidi in me affectum. quem redamare & æstimare magis debeo, quia, vt dixi, nullo meo beneficio vel officio prouocaui. At velle me, hoc fateor; & serio rogo si vsus mei non dicam tibi, sed tuis sit, significatum velis, id est, impetratum. Nam voluntati tuæ (quam honestam semper fore scio) mea hæc deuincta: quod credere te equidem cupio, & magis, experiri. Louanij, Idibus Martiis. ∞ IOCI.

EPISTOLA LXVIII. *Brugas.*

HVBERTO AVDEIANTIO *suo* S. D.

BENE est vos peruenisse incolumes, velim & te redisse. Nam non nego, operam tuam desidero: etsi libens aliquot etiam dies concedo, vel rei, vel animo tuo. Sed tu ad nos, quantum commodè potest: etiam studia tua te poscunt. quæ si peragere apud me visum tibi tuisque, licet; & gratum te semper habui & habebo. Magni oneris aut auocamenti numquam imponam. Anchementum nostrum video Brugas vestras citò ire desertum.

* — μέγας αὐτὸν θυμὸς ἐπείγει

Δῆμον ἐς ἀλλοδαπὸν ἵεναι:

quod Deum precor cum securitate faciat & fructu. Molem belline in vos ingruat, vos timetis, nos suspicamur: sed tamen in biuio sententiæ, donec hostis alibi certò sistat, & pedem firmet. Vah, eò ventum vt illi pauculi & nuper imbecilli, non contenti repugnare, vltro laceessant? ventum, & plura indigna fient, nisi domi belliq; emendemur. Sed desino querelarum: ad amicum nostrum VVyngaerdum letiore cogitatione eo, quæ corde * ἀπαλό- * *saluo.*
 μαι: quâdo brachiis facturus? tu spem iniicis, nescio an fulcro nixam: sed vt erit, amo virum, magno illi & æterno amico nostro (Busbequium dico) amicum & heredem. In quem Carmen nostrum,

* mens nã-
 pe illi acris
 adurget In
 terras alias
 proficisci.

strum, si tanti est à sese, (affectu scio bonum) vulget, sculpsit
 vtatur, vbi & quando ei visum. Sed heus, de floribus, veteri
 ingenuâ nostrâ delectatione, quis spem ibi facit? quis tam amicum
 offert? ille dictus, an Pamelius, an quis alius? quicumque, nā i
 me grato munere honestârit, qui submittet. Addo & oportet
 no. nam hæc hiems & niues, quicquid mihi elegans, enecarunt.
 Ecce * πένθος, vbi * πένθος? omni Helenâ acceptior, si quis prop
 nat. Quæris de hoc aut illo flore: nugæ. omnes grati meliores
 aut rariores, sed inter omnes Tulipæ selectiores, quas * ἰδιότητα
 quâdam amo. Tu me & bona, mi Audeianti. Parentem vtrumque
 amicè resaluto. Louanij, XI. Kal. April. ∞. IOCI. Lernut
 nostro iterum salutem & vxori voueo.

* luctum.
 * leuamen
 luctus.
 * propria
 affectione.

EPISTOLA LXIX.

PHILIPPO AYALAE, Legato PRR. NN.
apud Regem Gallie.

NIHIL præter affectum me impulit scribere, & fortassis
 quia etiam discedenti sic promisi. Sed argumenti alioquin
 parum est: & res apud nos lentæ, & cum anni tempore frigente
 Apparatus Batauorum audimus, consilia & scopum nondum
 videmus. Sunt qui de maritimis Flandriæ suspicentur, quæ tur
 ijs esse valdè interfit: sed difficile opus videtur, præsertim nostram
 iam paratis & intentis. Si à vestris illis partibus quies sit & pa
 fida, magni metus causa non est, modò vt vigilemus. Ab Hispaniâ
 auxilia expectari dicebantur, sed dicebantur: & famam
 iam refrixit. Pacem Allobrogicam, diu vacillantem, nunc denique
 que firmam habebamus: sed an conditionibus pactisque illi
 primis, an aliquid mutatum? Factam eam, mihi videtur pro no
 stro, imò Christiani orbis bono: Asiatico illo hoste sic inuale
 cente, & non vnâ in Pannonijs nuper plagâ. Nam Canisæ tur
 piter amissæ accessit de Transilvaniâ turbatâ dicam, an & ipsa
 amissâ? Ego hoc vereor, vt initia & progressus sunt, denique v
 animi populariter ab Austriacis auersi. Deus mitiora donet, &
 te Vir Nobilis & Cl^{me} in munere tuo dirigat, è re Principum, &
 tuâ famâ. Louanij, VIII. Kal. April. ∞. IOCI.

Epistola ad Philip. Ayalae Legatum PRR. NN. apud Regem Gallie. EPIST.

EPISTOLA LXX.

Mediolanum.

LVDOVICO SEPTALIO V. C.

AMANDO me anteuenisti, fateri debeo: at non scribendo, etsi casus aut mala fraus litteras meas retardauit, an oppressit? Sed scripsi hercules, & misi: atque en hîc exemplar. Interea de amore, debere me tibi fateor tamen: quid fateor? rescribo, & reddere me tibi ampliter adfero, non debere. Solo tempore, non modo aut magnitudine me antecedas. Quod facio equidem iustissimè, non ab illo solùm affectu impulsus, quem in ipsum me habes: sed & quem propter me (ita intellego) in meum Puteanum. Quem iuuenem raris ingenij dotibus, & animi vitæque candore, ad vos misi ornandum tuendumque: quoniam parùm opportuna nunc ei hæc patria, tota armorum & turbarum. At Italia quiescit, viget, floret, mihi ipsi optata nuper & sperata: quod si fuisset, quo meo gaudio? quo nexu vos tales, animo iunctos, etiam corpori appressissem?

— quod subdere robur

Ille dies, quantum potuit dempsisse senectæ?

Ita loquor, de senectâ. quæ maturior ingruit, & per tædia hæc temporum occupauit. Summi poetæ illud nosti,

* *Αἴψα γὰρ ἐν κακότητι βροτὸν καταγινώσκουσιν.*

Nam anni alioqui non premunt, & LIII. iam eram ingressus, an ad calcem decurrendum? Deus viderit, æquo me in vtramuis partem: & te Vir Cl. alterum Æsculapium tuę patriæ, mihi amicum feruet. Louanij, VI. Kal. April. ∞. IOCI.

* Nam citò
Grante diē,
venit in
marore se-
necta.

EPISTOLA LXXI.

Tornacum.

DIONYSIO VILLERIO S. D.

LIBENS imò lætus litteras tuas vidi, veteris & puri in me affectus testes. Inuitas in domum tuam: & quidni sequar? Micaultius reuocat, amicus & ille fateor: sed tu æuo & tempore certè antecedis. Itaque si in loca vestra vmquam venio (spero autem & destino, breui:) rectâ in tuam domum, & corpore ac contubernio sociabimur, qui animo iam dudum sumus iuncti. O suaui mihi in hac ætate recordatio priorum & iuuenilium an-

k norum!

norum ! ô firmam & inconcussam , in omni motu temporum
tuam fidem ! Quæ certè animum meum titillat , imò percutit
sed suauithyrso voluptatis. Vtinam publica materiam sic læta
suppeditent ! quæ nunc quidem (apud te dixerim) fluere mihi
videntur aduersa non Austriacis tantum , sed Christianæ rei. Ci-
uilia hæc & finitima bella omitto : quæ aliqua pactio aut for-
na ponat vel abrumpat : sed illa Pannonica & Dacica , quid ni-
iugulum nostrum & salutem petunt ? Inualefcit ille Barbarus
hostis , agit & fert res vrbesque nostras : & nuper Canisiam , nu-
Daciam amisit (ita audiebamus) aut certè alienatam , quid nisi lat-
& tutus illi limes in penetralia Europæ nostræ ? Dolco & ex-
cior , cum hæc audio : nec ob euentus ipsos , sed eorum causas
quas è secordiâ simul & superbiâ nostrâ esse , vtinam ne verè co-
cam. Interea gens finitima nobis , pacata agit , & surgit in suis
nibus : & paullatim vires colligit , citò aut serò in nos exercenda
Enimuerò supremum illum aurigam video currum hunc no-
strum regere & flectere , sed ad Murciae ardem , non ad Solis
optatas illas victoribus metas. Feramus , & philosophemur : quod
olim consilio , nunc necessitate faciendum : & alijs excussi ,
Constantiæ illam anchoram adhærescamus. Sed hæc omitto
sticula : ad vos adspiro (sed in tempore) alacer & sepositis curis

Pinguis vt inde domum possim phæaxque reuerti.

Tu talis me expecta , & talem (Deus audiat) redde. Louanij ,
Idus April. ∞ . IOCI.

EPISTOLA LXXII.

P. PANTINO Decano Bruxellensi.

VIDES inclusam epistolam , non etiam quod in ipsâ. Qui
inquies. mortuale aliquid , & Epitaphia inscriptio , quæ
concinnaui forti viro & duci Gaspari Zapenæ , rogatu Ludouici
Blasci. Ad hunc mitto , & rogo vt si quid mutandum , de tuâ sen-
tentiâ fiat : ad quem sanè rectè ire poterant , me non appellat
Quid enim ego hîc melius ? sed fatum nostrum est his talibus quæ
distrahi , vt destinatis nostris scriptiunculis vix sit locus aut ter-
pus . O Politiane , quàm sæpè mihi querela tua similis in men-
& tamen assero , & liquidò etiam iurem , plures menses me po-
de

dere & perdidisse, & perditurum etiam addo, in hisce auocationibus, quàm te dies. Etsi reuoco illud, perdidisse. nam benè & sæpè vtiliter opera sumitur, quæ amico aut officio imputatur. Talia pleraque ista. nam quòd ambitio mea ad hæc non eat, satis ego scio. Valere te opto, Vir Reu^{dc} & Cl^{me}, & breui nos spolia illa tua è Græciâ videre: è quâ iam nunc ad me epistola à Cyrillo, magno Archimandritâ Alexandriae & Exarcho (ij tituli sunt) sed scripta * ἐλλογίμως, vt captus est captiux quidem huius Græ-^{* eruditè.} ciæ. Iterum vale. Louanij, XIII. Kal. Maijas. ∞. IOCI.

EPISTOLA LXXIII. *Bruxellam.*NICOLAO BRANDIO, *Consiliario.*

Ex longo interuallo, en meam manum. Cur non antea? inopiâ non amoris, sed argumenti: nec id te fugit. Nunc cum EPISTOLAS cœpiedere, en tibi libamentum, quo volètem te iterum & propitium reddam, si tamen subduxisti aut contraxisti. Utinam & manum tuam laxem? Quid hoc est? inquires. quod solet: ad fontem vberem venio, & aquam postulo: arbo-rem onustam concutio, & fructus velim legere. Sine ambagibus. ecce meus hortus cladem accepit, hac acritate hiemis, plusquam Cannensem. Pauci militum melioris & ingenui sanguinis supersunt: ad seruos redigimur, & honesto nomine Volones. Tu aliquid suppeditas? Quid? inquires, defini. Iam dixi, Volones me quærere: ergo quicquid tu voles. Nam bonâ fide, non iam eligo, nec quo expleam aut ornem requiro: sed quo nouum velut hortulum pangam. Iuua, iuua: & tuæ mortalitatis quoque memor, amici funera subleua & solare, non lessò aut verbis, sed manu & factis. Quid tibi videor? vrbanam, imò fori vestri, frontem sumpsi, & aliàs vel ad vitium verecundus, totam illam pro salute horti, id est delicij mei vnici, posui. Vale V. C. Louanij. v. Kal. Maijas. ∞. IOCI.

Carmin hîc habes, in re hortensi meâ subitò scriptum: quo sine? vt tuum aliquid eliciam. mitte.

IN PINVM ARBOREM EX OPACO ET OBSITO
IN HORTVM SVVM TRANSLATAM.

ARBOR, quæ meliore celo & aurâ
Nostro pangeris hortulo, arbor olim
Sacra DIs tribus: & Deum parenti, &
Fauno capripedi, simulque Pani:
Arbor mystica, quæ comâ virente
Gandes crescere, & es perennioris
Naturæ nota: tu meo virenti
Sic vias vireasque semper horto,
Ut quarto quoque numini sacreris.
Nam Musam colimus: sacratur ipsi
Musæ hic hortus, & hortuli colonus.
Cresce ergo hac mihi lege, tolle culmen
Cæli ad sidera, tolle nomen unâ
Musæ: audebone dicere? & coloni.

EPISTOLA LXXIIII.

Roma

ANTONIO RICHARDOTO suo S. D.

SEMPER enim te meum appellabo, & nec tempus eripi
nec loca diuellent. Quamdiu autem ibi? volente & nolente
me, ut rem dicam. Nam esse te quidem in illâ luce gentium, in
probare non possum: sed satis diu fuisse, animus mihi dicit,
suadet propiorem fieri nobis. Ætatem parentis & tuam cum
deo, velim te quò destinaris ire, id est ad coniugium, & grand
uo parenti tuo nepotes eiusdem sanguinis & nominis etiam d
re. Vnde hoc mihi in mente? quia & Guilielmum nostrum, q
mihi adest, iter illud velim ingredi, & te regredi illo vicario qu
dato. Hæc à voluntate eius pendere, contra quem nihil velle d
bes, scio: sed ad eum in occasione ego scripsi, & puto diuersu
ab hoc consilio non esse. Tamen sustinendum est, & decretu
illud expectandum: interea à virtute & modestiâ non abeu
dum. Ab hac minimè. quæ omnes tuas dotes alias (Deus larg
ter dedit) commendet: & per quam verè sis, quod poëta dicit
suo Mercurio,

— *superis Deorum Gratus & imis.*

De me autem, exactis his Ieiuniorum diebus mediocriter valeo: per eos langui, & animo & corpore pænè collapsus. EPISTOLAS edidi ad illos aliosque Hesperios, & inscripsi Card. Borromæo: illine alijsque satis probatas? Lubet audire iudicia: non quia se-
quar semper, sed quia nec spernam. Ceterum ipsum Cardina-
lem semper ego in magno habui colere, vel virtutis eius quæ e-
minet, vel beniuolentiæ in me, causâ. Misimus & ad te exem-
plar: & voluissem ad te vnum, vt primus traderes, si in mente mi-
hi fuisset. Domus mea nunc minus frequens, & paullatim in so-
litudinem, id est quietem redigor, meis ordine singulatim digres-
sis. Nam alios non sublego: non quia priores displicuerint, sed ne
displiceant sequentes. Varia ingenia, nec lubet vltra periclitari.
Quod ad publica, nihil nuncio, quia nihil agimus aut patimur,
extra pacem magis (vt nunc res est) quàm in bello. Sed vtinam
ipsa illa pax (ô Dei summum munus!) nos respiciat tam benigno
vultu, quàm vicinos: qui fruuntur eâ & fruuntur, nisi malâ ain-
bitione aut cupidine ipsi eam pellent. In Italiâ nuper mirificos
apparatus audiebamus, & magnarum rerum minas: sed minas,
& nunciant nunc diuulsas eas copias, & partem ad nos aduenta-
re. Mallem in Thracas, ne mentiar: nisi tamen, quod bello hîc
manente, miles opus est, vtinam tamen compositus & sub di-
sciplinâ. Reges, & rex ille regum, videbunt: ego humana æquo
animo atque oculis aspiciam; te illo, quando & istis mi Richar-
dote? Deus breui faciat, & te spei parentis & nostræ seruet. Lo-
uanij, prid. Kal. Maij. ∞. IOCI.

EPISTOLA LXXV.

Augustam.

MARCO VELSERO S. D.

BEFFAE Negrini litteras per te accepi, etsi iam antè simili ar-
gumento & pænè verbis alteras, quibus cùm responderim,
non videbatur operæ nunc iterare. Ad Delrium nostrum ecce
habes. Satin' vt te vtimur, an abutimur? Sed hæc tua benignitas
est in omne litteratorum nomen, quæ te ad caelestem gloriam effe-
ret, vt Augusti verbis hoc dicam. De epistolis nostris, quod
Billiodo dante videris, gratum est: sed an non & me mittente?
Misi enim certè, & te velut inter familiares Lares habeo, quibus

primis offeram hæc libamenta. Utinam melioris rei! & tu tam
vrges vt reliquas: dabo, dabo, gratia an infamia vestra sua for-
esto. Accingebam me ad iter in nostros Nervios, quos finitim
nondum vidi: etsi amici illi boni & multi. Nunc me ijs da-
rus dies aliquot eram, & corpus atque animum refecturus.
Deus annuet: quem tutorem tibi mihiq̃ue, ô virorum opti-
precor. Louanij, prid. Kal. Maijas, ∞. IOCI.

EPISTOLA LXXVI.

Bruxella

GASPARI TAIO V. N.

DEVS bone, tuam benignitatem! Munera mittis mult
rara, & quibus in gaudium etsi datum me fateor, tamen
addo & ruborem. Nam quo meo merito? Promiseram, inquit
Imò potius spem feceras, nec actio certè mihi tecum ex stipul
tu. Totum, vt dixi, est benignitatis tuæ: & tanto plus debe
quo minor fuit eius causa. A me certè nihil elicuit. nisi fortè in
fuitus animo huic in magnum parentem tuum (nunc inter be-
tos) amor simul & cultus: quem virum Bruxella nostra habuit
in tenebris turbisq̃ue istis temporum, duotorem, tutorem, vi-
dicem contra mala & malos qui imminebant. Deus illum er-
puit, te eius germen reliquit, vestigijs ijsdem insistentem probi-
tatis, fidei, & priscae virtutis. Sed hæc desino, gratias agere paro
sed paro. Verba desunt, animus superest: & scito tamen breui-
ter & fidè, nihil te potuisse gratius pro ingenio meo mittere, qu-
illis hortensibus delicijs vnice delector & velut pascor, vbi ani-
mum vel languor vel occupatio deiecit siue exhaustit. Debeo eni-
go tibi non vt amico tantum, sed vt medico: qui & animum
meum recreas, & corpus reficis: quæ vtraque, Vir Nobilis, vt di-
fana habeas, intimum meum est votum. Fratrem tuum adue-
nisse incolumem, gaudeo: spero, Louanium suum reuifet, no-
vnà, & amplectemur. Ibidem, prid. Kal. Maijas, ∞. IOCI.

EPISTOLA LXXVII.

Romam

CYNTHIO ALDOBRANDINO *Cardinali S. D*

DECORI limites egredi, & exclamare statim initio cogor
O benignitatem! ô quo alio nomine appellem hunc mi-
xtum

xtum ex amore & promptitudine affectum? Promptitudine, quæ te in isto culmine (ignosce) non decet. Tunc ad vnas meas bis scribas & respondeas? nam ita factum: semel ipsis, & antea expectationi earum & spei. Iterum, ô benignitatem! quâ me quidem sic capis & tuum facis, vt si are olim & librâ emisses. Itaque vt in pauca sed fida verba conferam, mancipio me tuum habes: imò mancipium, si tamen id verbi tuus meusque ingenuus animus admittat. Quem animum serio Ill^{me} & Reu^{me} Domine ad te mitto: habitet atque hæreat, quamdiu in corpore iste habitabit. Fas & Fides audite. Louanij, Kal. Maijs, ∞. 1661.

EPISTOLA LXXVIII. *Bruxellam.*

HENRICO VANNETTEN, *Præsidi Aararj Principum*
in Brabantia.

FILIVM tuum reducem libens vidi, & vel ex eo gaudium tuum cognoui. Si enim nos alieni afficimur erga notos vel discipulos: quantò magis parentes erga sanguinem suum & stirpem? Gratulor ergo tibi hoc gaudium, & vt alat idem ac foueat, Deum precor. Destinas eum ad forum mittere, vt scribis: quod equidem probo. quia, vt nostri hodie mores sunt, limen id est ad honores. Tamen libare eum suadeam tantum: nec diu in ijs retricis, & penè tricis dixeram, haberi vel ingenium eius velit, vel poscat vsus. Ad maiora eum Deus, tu, & sua virtus ducent: id est ad ipsam remp. ô virorum quàm nunc egentem! Mitte, mitte meliores has stirpes, & labantem eam teneamus his fulcris. Equidem (Deus vota audiat) omnia bona ominor & panè spondeo de tuo filio. ita indoles mihi videtur, ita institutio: & tua manus ac directio accedent, sicubi per ætatem vacillet. Etiam auctoritas tua in producendo accedet, quàm merito virtutis tuæ habes. Iterum voueo, Deus te illi tutelam, illum tibi gaudium seruet. Louanij, postrid. Kal. Maij. ∞. 1661.

EPISTOLA LXXIX. *Mediolanum.*

IO. BAPTISTAE SACCO S. D.

ACCEPI Cardinalis Borromæi litteras, & vnâ tuas. Ille gratum habet, tu gratias agis, quòd inscripsi librum, quod li-
bro

bro inferui: vtrumque à me libenter & meritò factum. Certe de te, mi Sacce. qui & amorem iamdiu acrem in me ostendis: eâ virtute ac doctrinâ es, vt inter paucos veterem Italiæ gloria sustentens. Hortaris me porrò ad alia scribenda ac vulganda: quæ facio ac faciam pro viribus. quas tennes tamen esse scito, & ætate ac morbo deficientes. Beatos ingenij alios! quibus cum eorum sanitas adest: nec functiones aut fructus eius halitu morborum adflantur aut interceptiuntur. Deus mihi nō dedit, fero sortem,

— *leuius fit patientiâ,*

Quicquid corrigere est nefas.

Tu mihi diu salue, optime Sacce. Louanij, postrid. Non. Maija ipsâ horâ quâ vestras accepi. ∞. IOCI.

EPISTOLA LXXX.

Bruxellarum

PHILIPPO MASIO, *Consiliario & Graphiario*
Ordinum Brabantia.

SVAVE nuper fuit (ex animo dico) renouare & quasi vegetare in sermone veterem amicitiam, contractam in adolescentiâ & litterarijs istis castris. in quibus ego quidem iam consensu te ad Remp. Deus, & tua virtus, & maiorum etiam exempla duxerunt. Sed quamquam loco & vitæ genere disiungimur, rogatum tamen vt animorum ille nexus maneat: quid rogo? ipse vltro in nuper obtulisti & affirmasti. Itaque mearum hoc partium, ipse cum omni officiorum genere constringam: quod facturum me animo semper, etiam operâ, vbi eâ opus, sanctè & Romanæ fide promitto. Edidi EPISTOLARVM nuper librum, mitto: si tamen inter seria tua & tot negotia,

Quæ caput & circa saliunt latus

(vt cum poetâ dicam) diuidere tempus his nostris potes. Sed nihil opus, accipe tantum, & vnâ animum, Nobilis & Cl^{me} Domine, æternum addictum. Louanij, postrid. Nonas Maija. ∞. IOCI.

EPISTOLA LXXI. *Mechliniam.*OTHONI HARTIO, *Consiliario supremi Senatus.*

AMICAM inuitationem tuam accepi, & mouit mihi dolo-
rem. Animo obsequebar, & vobis aderam : re prohibe-
bar, & compedes meæ me tenebant. An non vellem, & adspi-
rarem ad tam amicos, & Oranum præsertim meum, iamdiu, nisi
animi oculis, non visum? Profecto facio, & vix ita, qui sitit, ad
fontes : sed ligant me cum sollennes occupationes, & tenuior
semper valetudo, tum ædificatio, quæ nunc feruet. Domus meæ
pars caduca erat, instaurare cœpi, & loculos meos deplere. Do-
mini oculus hîc vsui est: nec sine incommodo præsentî auellar.
Tamen velim mihi (& iam nunc rogo) significari, ecquid ibi hæ-
surus Oranus & collega sint? Si dies octo aut decem; dabo me
in viam, ad vos veniam, & illinc Bruxellam & Neruios (quò
item inuitor) pergam. Et si iustè, vel ipsâ Iustitiâ iudice, Orano
succenseam, qui ita ad vos, vt nos de industriâ videatur fugisse.
Nónne per hanc vrbe[m] via recta & prætoria ducebat? Nónne
ipse spem fecerat scriptis, imò pænè promiserat? Hoc dicito, sa-
luta, & tu salue; & me etiam absente Hilaria agite, sed tamen
dolente, imò inuidente. Heus tu, éstne poculum quod Ami-
citix sacræ & fidæ libes? fac meo nomine, luam præsens. Loua-
nij, IIII. Eid. Maijas. ∞. IOCI.

Orano meo, Oudarto meo, iterum plenam salutem.

EPISTOLA LXXXII. *Leodicum.*

IACOBO CARONDELETO V. R. & N.

ECCE Epistolas, quas bonâ fide remitto, sed descriptas in
finem illum edendi, quem adsuades. An tanti sint, nescio:
sed tamen amicorum voluntatis magis, quàm nostræ fortassè fa-
mæ ratio ducetur. Itaque Centurias aliquot etiam paramus. SE-
NECA noster lentè procedit. ætas, valetudo, tempora non cal-
faciunt, nec stimulos ad hæc quidem studia addunt. Enimuerò
cum res nostras video, cum Homérico illo Vlyssæ dixerim :

* *Κίθεά μοι καὶ μάλλον ἐνὶ φρεσὶν, ἢ περ αἰέθλοι.*

adeò tristitia pleraque omnia aut adsunt, aut instant. Optimi sanè

I

Princi-

* *Sunt cu-
ra magis
nunc, quàm
ludi in pe-
store no-
stro.*

Principes nobis: sed fortunam pro virtute iis fluere nondum demus. Itaque aduersarij insultant, & supra spem suam faciunt progressus. Sed omitto. ego mei reficiendi causâ Tornacum per excurri, & Villerium nostrum amplexus sum, ô virum omnibus elegantiae & comitatus numeris perfectum. In domo eius dies aliquot egi, non dixerim quam suauiter, molliter, & facillime nec corpus solum, sed animum istum oculosque paui inspectione Gazophylacij (sic appellem) quod instructum omni genere vel antiquitatum vel elegantiarum habet. Audiueram sanè, magnum aliquid animo præceperam: vicit tamen omnem expectationem. Itaque, iterum dico, valde acquieui in tali hospitio. & omitto amorem, illum fidum & acrem in me ab infans pueritiâ: quem iucundè vestigiis relegimus, & fabellas, lusciosque deliria narrauimus primæ illius ætatis. Hæc apud te, id est patrem alterum Villerium: & scio quam illum virum, & cum illo iocor ames. Vos quoque ego videre profectò hauebam, & vina atque aquas magis vestras bibere: sed absterremur periculis, quæ ceteris nobis esse experti scimus. Igitur hunc quidem affectum coercere amorem largiter ad te mitto, ut tua fides est, reddendum. L. uanij, III. Kal. Iul. ∞. LCCI.

EPISTOLA LXXXIII.

Roma

IOSEPHO MARTIO.

EPISTOLA tua, quæ ipsa, & suo nomine, grata esse poterat, magis fuit Bencij mei inserto, ô magni illius & fidi amici nostri! Quem quòd tibi quoque talem fuisse significas, eo ipso meum facis: nec unquam ille amauerit, nisi ab ingenio & virtute amandum. Itaque mi Marti, (etsi minimè pro tuo nomine Musarum enim totus es) mi inquam Marti, certò ita habe, vinculum aliquod amicitiae vnâ hac scriptione te iniecisse, arctius stringendum si iterabis, & colloquio illo magis magisque iunges, & nodum hunc animorum velut adduces. Enimuerò si Patre (ita loquendū est. nam voluntas mea adfuit, vel superfuit) mihi induliscent Romam illam coram videre & venerari: te quæque in eâ licuisset, & libuisset, atque externis istis oculis contemplari, quem nunc animi tantum datur. Sed vel hoc iuuat, &

neæ tuæ pauca ductæ, si non Appellem, aliquem eius discipulum ingerunt & producunt: quem ego vt fauore, sic hortatione etiam (etsi opus fortasse non est) prosequar, pergendi in optimâ viâ & ad calcem decurrendi. Hæc studia sunt, quæ animo tuo fructum, apud alios gratiam aut famam sunt paritura. Apud me quidem iam nunc amorem: quem & tu mihi ætatem serua. Ita vale mi Marti. Louanij, Kal. Iul. ∞. MDCL.

EPISTOLA LXXXIV.

Duacum.

FRANCISCO MONTMORENCIO V. N. Bersei Toparchæ.

QUICQVID manus hæc excusat, animus me accusat. Vt abierim non viso te heri, & sollennibus illis dictis? factû: & Deum testor, sine meâ culpâ. Decertum ita fuerat, & in essendo te visere: interrupit auriga, qui à domo tuâ aberrauit, & abnuuit flectere aut redire. En peccati nostri causam: nosce, & ignosce. Atqui mansisses apud nos, inquires. Id quoque volu issem, nec sum ille Caucaaso abruptior, vt precibus nō mouear; sed bonâ fide, mea & mei me reuocant, mensem totum iam ferè errorem. Sed in istis amicitia non est nixa: quam detractâ omni pompâ & velut personâ colamus, sed ulò à me faciendum. Equidem duo ad te adfero, Beniuolentiam & Obsequium: quorum illâ frui te rogo, isto uti. Tornaci, in ædibus Dionysij Villerij, qui te amat, colit, salutatur. XVI. Kal. Iul. ∞. MDCL.

Andream Hoyum da mihi veniam vt per te salutem.

EPISTOLA LXXXV.

Tornacum.

DIONYSIO VILLERIO S. D.

NOVVM tibi, immane, incredibile erat, de liberis, quos veteres passim exponebant vel abiiciebant: & alienum non à ratione solùm censebas, sed à naturâ. Omnia consentio & cedo, sed non in fide: quia certò res ita fuit, & communis ac passiuæ adeò, vt dixi. Si vis homines accusare, qui hominem non solùm parentem exuebāt, in tenellâ & innoxia plantulâ extinguendâ, non abnuo, tecum imò accusauero: sed de facto, non de qualitate quæstio nobis erat. Ego autem pertendo & vel scripto nunc doceo, sic fuisse. Quid si lege etiam apud quasdam

Lib. vii.
cap. penult.

gentes permissum, atque adeò pænè iussum? Aristoteles dicit in Politicis: atque adeò ipse inclinat, *numerum definiri prolium procreandum: & sicui is augeatur ac duplicetur, priusquam in vitam veniant, abortum esse procurandum.* Scilicet quia hoc initium quàm iam natas abiici ac necari. Quid secuti isti sint, appare nimirum ne nimiam propagatione angusta loca & fruges ac fructus fierent: sed ô diuinæ Providentiæ parùm gnaros! quæ in huius mundi œconomiâ omnia pariare potest & solet; & siquid reducat, aliâ viâ recidere vel auferre. Tamen, ut dixi, mos ille non apud barbaros aliquos tantum, sed politos & humanitati factos Græcos: & Comœdiæ palliatæ passim clamant. Iussio autem voluntas patris expectabatur, tollendum quod natum, an abiiciendum esset: atque istud sapius, in fœmineo & minùs estimato sexu. Immanitatem! tecum adsero: & Romulus rationi pro-

Lib. i.

prior, qui lege tulit (apud Dionysium) ἀπασαν ἄρρενα γενεάν ἐκτρέφειν, & θυγατέρων τὰς περ το γόνους. ἀποκτινύναι δὲ μηδὲν τῶ γενομένων νεώτερον, ἢ τέρας ἐκθὺς ἀπὸ γονῆς. ταῦτα δὲ ἐκπάλυσεν ἐπιθέσαι τὰς γενναίας, ὅπως εἴξαντας πρότερον πάντε ἀνδράσι τοῖς ἑλισσάμενοι, εἰάν κ' αἰετοῖς συνδοκῇ: *Omnem masculam prolem educant, & è femellis primogenitas. Nihil autem quod natum esset occideri ante triennij tempus, nisi aliquid mutilum, aut monstrosum statim partu esset.* Hæc enim talia non vetuit exponi, sic tamen ut parenti prius quinque viris è vicinia ostenderent, si & iis ita videretur. Boni-
nignior, inquam, hæc Romuli lex: & quæ colorein magis æqu-

De irâ li. i.

boni, sed colorẽ habet. Ad eam Seneca: *Portentosos fœtus exstinguimus, liberos quoq; si debiles mōstrofiq; editi sunt, abijcimus.* Sed longius ab eâ Apuleianus ille pater, qui peregrè proficiscens, mandauit uxori suæ, ut si sexus sequioris edidisset fœtus, protinus quod esset editum necaretur. Vbi enim hîc triennium expectatum? Et alibi vulgò longius: qui passim abiiciebant. Christiani scriptores sa-

Apolog.
cap. ix.
v. Hexa.
ca. xviii.

pè Romanis obiiciunt. ut Tertullianus: *Inprimis filios exponit, suscipiendos ab aliquâ praterente matre extraneâ.* ut Ambrosius: *Pauperiores abiiciunt paruulos, & exponunt, & deprehensos abnugant.* Et quid est Exponere? plerumque in aliquâ solitudine, feris in prædam. Suidas: *ἐκτιθέναι τὰ βρέφη. ἀντὶ τῶς εἰς βορὰν θηρίων καὶ ἄλλοις εἰς διαφθορὰν ὡς ἐκτιθέναι ἐπὶ ἐρημίαις: Exponere liberos. pro quod est feris in cibum, aut aliter in exitium, solitudine aliquâ deponere.*

Quin-

Quinctilianus Declamator: *Velut expositos in aliquâ solitudine, aut in maria proiectos.* Imò & strangulare interdum ipsi solent atque oblidere. Arnobius: *Vos enim (Romani) video procreatos filios,* Lib. viii.

nunc feris & auiibus exponere, nunc adstrangulatos misero mortis genere elidere. Lactantius: *Non possunt innocentes existimari, qui viscera sua in prædam canibus obiciunt, & quantum in ipsis est, crudeliùs necant, quàm si strangulassent.* Idem iterùm: *Qui natos ex se* Lib. vi. cap. xx.

pueros aut strangulant; aut si nimium pijs fuerint, exponunt. Tertul- Lib. v. cap. ix.

lianũ hanc impietatem damnare & in his verbis arbitrer: *Quærenda nobis onera sunt (liberorum) quæ & à gentiliũ profanis vi-* Ad vxor. i. cap. v.

tantur, quæ legibus locantur, quæ parricidiis expugnantur. Negat Christiano, qui de aliâ virâ cogitat, valdè coniugia aut liberos quærendos. ad quos, inquit, liberos gentiles legum præmiis pœnisque vocantur & velut conducuntur: quas tamen leges etiam parricidiis expugnant, tollentes & strangulantes iam natos. Sed mitiores paullùm illi, qui in publico aliquo vrbis loco exponebant: vt fas saltem ab homine tolli, vel in seruitutem.

Athenis, aut iuxta eas hoc fuisse Suidas indicat. *Κυνόσαργες*, inquit, Stob. 476. Dioc. 71.

τόπος ἐν τῇ ἀττικῇ, ἐν ᾧ τοὺς νόθους τῶν παίδων ἔτετον: Cynosarges, locus in Atticâ, vbi spurios infantes ponebant: & caussam addit, quia Herculis ibi templum, qui & ipse inter spurios fuit. Sed & Romæ Lactaria columna. de quâ Festus: *Lactaria columna in foro olitorio, quòd ibi infantes lacte alendos deferabant.* Victor, in descriptione Vrbs: *Forum olitorium. in eo columna lactaria, ad quam infantes lacte alendos deferunt.* Id genus *Altellos* Latini dixerunt, vt Græci *ἄλτελλες*, siue etiam *χαμπελάτες*, *Humi-repertos.* Tetigi in seruitutem sublatos: & ita mos siue lex fuit. quâ Declamator apud Senecam

ingerit: *Expositi in nullo numero sunt, serui sunt: hoc legislatori visum est.* Et tamen quæstio subinde exorta, an tales non possent adferi in libertatem? Proponitur à Plinio, cùm Proconsul Bithyniæ esset, Traiano: *Magna, Domine, & ad totam prouinciã* Lib. x. Cōtoul. IIII.

pertinens quæstio est, de conditione & alimentis eorum, quos vocant Lib. x.

θεττῆες. Et is respondet: *Quæstio ista, quæ pertinet ad eos qui liberi nati expositi, deinde sublati à quibusdam & in seruitute educati sunt, sæpè tractata est.* Et ambigit ipse quid respondeat. tamen concludit: *Et ideò nec adsertionem denegandam iis, qui ex eiusmodi caus-
sâ in libertatem vindicabuntur, puto: neque ipsam libertatem redimen-*

Lib. ix.

Cont. III.

De Poenis,
l. xxxix.

Cap. ix.

v. Histor.

dam pretio alimentorum. Quod ultimum satis nouum, ne in
quum dicam, videatur, ne alimenta quidem reponi ei qui edu-
casset: certè aliter in Senecâ patre, vbi lex est: *Expositum qui ag-
nouerit, solutis alimentis recipiat*. Et hoc nisi indulges, quid ni-
vetas aut tardas tolli? Nota autem, quæstionem tantum esse de
liberis natis: non herculè seruis. nam & ij exponebantur. De
clamator: *Nascuntur*, inquit, *quidam aliquâ parte corporis multati
infirmi, & in nullam spem idonei: quos parentes sui proijciunt magis
quàm exponunt. Aliqui etiam Vernulas, aut omine infausto editos, aut
corpore inualidos, abiiciunt*. Ait Vernulas. qui nempe à dominis ab-
iecti. Omnia fœda, sæua, & ideo à Christianis Principibus coë-
cita. Primi fuerunt, opinor, qui vetuerunt Valentinianus, Va-
lens, & Gratianus: quorum lex in vtroque Codice Theodosij &
Iustiniani exstat, Ad legem Corneliam de Sicariis: *Siquis necam
infantis piaculum adgressus adgressâve sit, erit capitale istud malum*.
Qui putant hoc iamantè legibus cautum; quia in Pandectis mu-
lier ex filio damnatur, quòd visceribus suis vim intulerit (intellegi
in abigendo partu:) errant. quâ posset? cùm testimonia, quæ de
di, vulgati illius moris, retriora sint Pandectarum scriptis. It-
que abortus tantum ibi vetatur: & meritò, quia nesciri de partu
vtili, inutili, quidquam etiam potest: & odium item suber-
prioris mariti. At Christiani, vt dixi, damnarunt. & est etiam
Canon Concilij Vasensis, qui ait: *De expositis querelam processisse,
se, eos non misericordiæ iam, sed canibus exponi: quos colligere calum-
niarum metu mens humana detractet*. Ideò mox decernit, iuxta v-
tera statuta Augustorum & Principum, vt quisquis expositum coll-
git, Ecclesiam contestetur, & nisi intra decem dies repetatur, sit ei
qui collegit. Hoc totum pertinere & spectare Traiani rescriptum
illud videtur: quia certè calumniarum metum gignebat, cùm
nescirent an liberum tollerent, id est mox, & sine pretio, redder-
dum. Itaque deferebant. sed Concilium misellis subuenit,
contrà, vt audisti, censet. Hæc cruda veterum, sed nō omniur
nam Iudæi aliter, de quibus Tacitus: *Augendæ tamen multitudi-
consultitur, & necare quemquam ex agnatis nefas*. Vbi agnatis legeri
dum monui: aut certè ita capiendum, quasi nefas esset tolle-
eos qui adnascuntur. nam primos, quis velit? Etiam de Germ-
nis idem scriptor: *Numerum liberorum finire, aut quemquam*

agnatis

agnatis necare, nefas habetur. Vbi de finitione habes, in Aristotele suprà expressum. Eltne aliquid? imò. olim Indis consimilem illi Romuleæ legem fuisse, de quâ Curtius: Gens, vt barbari, sapientiâ excellit, bonisq̃ue moribus regitur. Genitos liberos, non parentum arbitrio tollunt, aluntq̃ue; sed eorum, quibus spectandi infantum habitum cura mandata est. Si quos insignes, aut aliquâ membrorum parte inutiles notauerunt, necari iubent. Satis meum dictum firmaui, vt Deus tibi valetudinem, rogo. Louanij, x. Kal. Iulias. ∞. IOCI.

Ante biduum de priuatis ad te scripseram: hæc libuit in otio contexere, & velut coràm sermocinari.

EPISTOLA LXXXVI.

PHILIPPO CROYO, Comiti Solrano, Equiti aurei Velleris,
Gubernatori Tornaci & Tornacesij.

DOLEO equidem nec tuo, nec meo desiderio, hoc quidem tempore à me satisfactum. Nam neque Condati te vidi, vt volebas & benignè inuitabas; nec Bruxellæ ad manus tuæ osculum veni, quod non cupiisse me tantùm dicam, sed destinasse, imò promississe. Quid ergo impedit? festinus meus transitus, & quia domum me, cum tenuior valetudo, tum & res meæ vocabant. Rogo Ill^{me} Domine istam mihi veniam dones, aliàs ex arbitrio, vel imperio tuo, emendaturo. Remitto scriptum, quod super Repub. nostrâ prudenter (ita me Deus amet) legi conceptum. O vtinam consilia locum habeant, quæ Principibus augendis, rei nostræ firmandæ sint! Et spero aliquando habebunt, & fides nostra, integritas, amor perspicientur: quæ inter omnes gentes, propria nobis Belgæ vindicamus. O Deus audiat! & te Ill^{me} & Excell^{me} Princeps, bono Principum & nostro diutissimè incolumem seruet. Louanij, xii. Kal. Iul. ∞. IOCI.

EPISTOLA LXXXVII. *Madridum.*

LYDOVICO TRIBALDO TOLETO S. D.

Tv verò ad me perbenignè, mi Tribalde: quod mihi gratum acceptumq̃ue esse è talibus locis, & à tali ingenio debeo adfateri. Longè à nobis abestis: scripta ad vos & fama

fama mei, & quod caput est, amor atque æstimatio venit, vnam ex vero, non opinione aut præiudicio, concepta. Sed vestihæc cura sit; mea rependere affectum, & inuitantibus, benignis verbis atque animo respondere. Delectauit me autem epistola tua & scitè scripta (rem dico;) & in ea iudicium de summo virorum, qui fuerunt aut erunt, & cuius magnitudinem nō nisi magni capiunt, nec plenè etiam ipsi. Is Homerus est, ô apex ingniorum, ô fastigium & culmen scientiæ, prudentiæ, sapientiæ, quò pertingere homini quidem datur. Nos ita censemus,

Nil oriturum aliàs, nil ortum tale fatentes.

Et probamus igitur vtraque manu, non solū pollice, iudicium super eo tuum: sed non illud, quod rescribi velles iis qui nupereum detrahere conati è loco, quem omnis antiquitas consensu adsignauit. Quis sapiens aliter iudicauit? quis non maximè talem habuit, & conatus pænè dicam

Stellis inferere & concilio Iouis?

Equidem sensum meum liberè apud te promam. non arbitramur me sine numine & entheâ quadam vi præclara illa scripta scripta, & aut ipsum (si fas dicere) Genium fuisse, aut Genium assistitisse: ex illis quidem magnis, sublimibus, & valdè confortibus supremæ illius Mentis. Duo in eo singularia. & quòd primus, certè inter primos, Poësim colere cœpit, eandemque perfecit: & quòd semina omnis scientiæ, prudentiæ, sapientiæ in se aut expressit, aut ostendit. Et aliquem huic conferemus? aut Virgiliū aliquis anteponet? ipsi viderint: ego quidem

— vix lumine fesso

Explorem, quàm longus in hunc despectus ab illo.

Sed omitto. tu me ama vel hoc nomine, quòd Homerum tuum amo, imò veneror, imò pænè adoro. Louanij, prid. Kal. Iul.

∞. ICCI.

EPISTOLA LXXXVIII.

Tornacum

HIERONYMO WINGIO, I^{to} & Canonico S. D.

EGO verò tria verba ad te debeo mi Wingi, quæ centena millena tam suauiter tecū miscui, cum vnà essemus. Crede mihi, volupe fuit, & nunc itè iuuat, apud candidas illas & virtuti amicas mentes egisse: cum vno illo morsu, non semper lice

O cr

O crebrò memoranda dies, quæ mente reporto

Gaudia!

Ipsa mea scriptio incitata dicit, è calido & aperto pectore hæc esse, & fucum abesse. Veni igitur ad nos sæpiùs, inquires. Imò quod iustiùs ego reponam, vos ad nos, & emulamini exemplum. Serio hoc rogo, & tam auidè me Deus in cælestem illam domum, quàm ego vos meam, recipiat teneatque. Quid ais? stipulor, repromitte: & Villerium adhibe, non vt testem, sed exactorem, & qui sese teque vnà sistat. Facite, facite: ita Deus longum vitâ, valetudine, amicis frui vos faciat, & siquid optatis. Louanij, III. Nonas Iul. ∞. IOCI.

EPISTOLA LXXXIX. *Mediolanum.*

ERYCIO PUTEANO.

AMICO illi gratia, per quem tandem nostræ Septalio reditæ. nam nuntij illuserant, & miramur iure improbitatem. Tuas vltimas, & cum iis *οὐδὲ γὰρ* De Distinctione accepimus: bonum sanè, vt iis scriptum qui in studiorum velut incude etiam sunt, & tuo malleo formantur. *Promulsis Epistolaris* quando ad nos? auidè exspectamus, vt ipsam illam olim, qui à gymnade aut balneo veniebant. Consulis me autem serio de genere vitæ, & ecquid * *ἱερέων* illud probem, quò libra deliberationis * *sacerdosale.* tuæ vergit. Ego verò toto animo, mi Puteane. nam te cùm video,

Est pudor ingenue mentis, tranquillaque morum

Temperies:

id est, indoles tranquillæ huic vitæ facta. Addo studia, quæ es amplexus. quæ caue alibi feliciùs, addam & utiliùs, tractari censeas, quàm in hâc togâ. Viden' tu philosophos veteres, & plerosque abhorruisse hæc nuptiarum vincla, vt verè compedes quasdam liberæ & sese efferentis mentis? Ita sunt, expertis crede. & si quietem, doctrinam, famam amas; ama libertatem & otium, quò istis vaces,

Expers curarum, atque animum virtute quietâ

Compositus, semperque tuus.

Hæc mihi sic visa in te, quem alta & seria capiunt: quid si in alio, quem vilia & externa? Eorum etiam hâc seges, nec paratior alibi

m

(vt

(vt Attici Oratoris dictum vsurpem) aurea illa *mesſis*. Itaque e quidem, te præsertim inclinante, huc dicam, imò impellam :
 * *dictum, si me audis, αἶμα ἔπος, αἶμα ἔργον* : ne iterum fortasse de cælo in co
factum. num. Numquam me aut huius consilij, aut te facti pœniteb Salue, cum Septalio. Louanij, v. Id. Iul. ∞. IOCI.

EPISTOLA XC.

Athum

PETRO IARDINO, *Reſtori Scholæ Athenſis* S. D.

IVRE dolui, & præter animi mei ipsam mentem fuit, quæ rediens te non vidi. Cur fecisti? inquires. Festinabam, mea reuocabant, & vel inuitum ad solita munia admouebant. Si honestam aliquam seruitutem, nos qui publicam personam toleramus, sed tamen seruitutem sustinere : quæ apud te, rogo, excuset, & animum, si non factum, probet. Illum certè iam olim scito tuum & illius loci esse : quem suauiter, & addam vtiliter, primo tirocinio meo velut castra aut palæstram habui, animi huic exercendo & formando. O iucunda cogitatio!

Quæ mihi flex animo mentem perfundit amore.

Et verò, fateri debeo, aliquid noui ignis à te etiam adspirasti quem sic benignum in me repperi, & ex animo volentem. Quod possum rependere? me ipsum : etsi iam totum olim vobis debeo, &

Quod monstror digito prætereuntium,

Quod spiro & placeo, si placeo, tuum est,

ô Athum meum, ô diatriba pueritiæ meæ & schola! Quam diu & feliciter rege, quod facis, tuæ laudi & patriæ bono. Louanij, III. Idus Iulias. ∞. IOCI.

EPISTOLA XCI.

Tornacu

DIONYSIO VILLERIO V. R. & Optimo S. D.

PONE metum mi Villeri, valeo. quid istuc tam timidi anxij amoris est? Vultus meus in discessu visus pallidior non à morbo, sed ab amore fortasse fuit, quem in Nervios vestros concepi. Citra iocum, vultus ille meus sæpè imponit, alterutram valetudinē fallaci colore mentitur. Sed à vobis equi

der

dem, vt meus habitus est, benè sanus redij : & animo certè alacrior, quàm de more. Qui tamen animus sæpè ad vos reuifit, & vix auello hærentem. O sermones, ô conuiuia, ô ambulationes! ô, quod caput est, pectora niuea & aperta ! Iterare opto, atque etiam spero : sed te præeunte, & choream hanc apud nos instaurante. Ita facies, si amare aut amari vis : & cur non instante hoc Autumno ? fruamur.

—— *improvisa leti*

Vis rapuit rapietque gentes.

De Bibliothecâ tuâ optimis libris adornandâ, curæ est & erit: Audeantius meus Indicem breui mittet. Iube siquid vltra voles : ego hoc vnum, AMA. Louanij, XVI. Kal. Sextil. ∞. IOCI.

EPISTOLA XCII.

Romam.

MARCELLO VESTRIO BARBIANO,
S. Pontif. à Secretis.

BENEFICIO me à te affectum quidni agnoscam, in misso Diplomate illo, quod SUMMVS noster PONTIFEX, te scriptore, vulgauit ? Ipsa missio animum & mei memorem & volentem significat, gratum à talibus viris : & Diploma delectauit, inuentum & publicatum ad tutelam rei Christianæ. Vtinam ne malo nostro sciremus, quos progressus immanis ille hostis fecerit, dum Principes parùm inter se concordēs, quisque res suas agunt, & omnes paullatim vincuntur, dum singuli pugnant. Vidit hoc nostrum illud Caput, monet, clamat, & remedium intereà auxiliumque à se fert, vtinam & audiendus, & imitandus ! Quàm vertatur mox alea rerum ? quàm gloria & victoria ad nos redeant ? quàm fines & fides ipsa Christiana propagetur ? votis à nobis optandum ; factis, ab iis qui possunt, iuuandum. Sed, vt illuc redeam, tibi gratia esto & pro animo in me tuo, & pro Diplomate : in quo te scriptorem agnoui, & eâ parte vt tuum sum amplexus. Deus tibi porrò det vtiliter & decorè hæc agere,

—— *tantamque Verendi*

*Mentem implere PATRIS, iussisque ingentibus vnum
Sufficere :*

& me inter cultores tuos censere & amare. Louanij, xv. Kalen
Sextil. ∞. 1001.

EPISTOLA XCIII.

Bruxellan

D. GEORGIO AVSTRIO, *Præposito Louaniensi,*
& *Academia Cancellario.*

DELECTAT meritò apud te esse. qui sermonem & conu
ctum non solùm comitate condis, sed nectare quodam
misces rerum veterum, aut obseruationum rariorum. Multa l
gisti, vidisti: & præter historias, locorum etiam situs & ingen
nosse tibi cura fuit,

Quâ parte debacchentur ignes,

Quâ nebulae pluuiique rores.

Itaque in his talibus inquiris, doces, audis, regeris; & plurimùm
Joue æquo (vt ille ait) *iudicas* & definis. Velut nuper, cùm in mer
fâ Amplissimi Præsidis Richardoti essemus, dissertatiuncula d
itinere Annibalis & ingressu eius in Italiam à te iniecta: ac dix
quæ memoria tunc suppeditabat. sed quia non omnia, nec tam
compositè, vt solent deprehensi, & sermocinantes: libuit ea
plura scripto complecti, in otio à te legenda & arbitrandâ.

* *Monte*
maiore S.
Bernardi.

De itinere Annibalis, triplex opinio. Alij * *Peninis* iugis intras
volunt, alij *Graiis*, tertij *Taurinis*. Primi auctorem Plinium ha
bent: *Alpium fauces Graiæ atque Pœniæ: his Pœnos, Graiis Her*
culum transisse memorant. Ammianus in eâdem parte: qui à *Pœn*
Alpes excogitatas Pœninas scripsit. Quid, quòd ipsum Liuium e
trahit Paullus Iouius? *Liuius*, inquit, *grauissimus historiarum scr*
ptor, de transitu Annibalis ambigens, non Graiis, sed Pœninis eu
traiecisse memorat. Sed verè trahit, inuitum & in alia omnia (incor

* *Monte*
minore S.
Bernardi.

dicam) palàm euntem. Altera sententia de * *Graiis* est. quæ a
uctorem Æmiliū Probum, seu quis alius scripsit, in vitâ Ann
balis habet: *Ad Alpes Annibal venit, quas nemo ante eum cum exe*
citu, præter Herculem Graium transferat: quo facto is hodie Saltus Gr
ius appellatur. Silius accedit, apud quem ipse Annibal gloriatur

— *quâ ponere gressum*

Amphitryoniade fuerit labor, isse sub armis

Pœnorum turmas.

Et Liuius fauere videtur, in oratione Scipionis: *Vtrum Anni*

hic sit amulus itinerum Herculis, ut ipse refert. Itaque plerique litteratorum hodie in hanc manu & voce inclinant. At tertia Polybij est & Liuij, de *Taurinis*: quam ibo assertum. Polybius clare scribit, *οὐκ ἑξήκοντα στάδια ἀρὸ τοῦ Ῥοδανοῦ Ἀννιβᾶν προήλθεν*, & tum ἡρξάμην τῆς πρὸς ταῖς ἄλπεις ἀναβολῆς: *initium fecisse adscensus sui ad Alpes.* Computa & metire, fodes: non inuenies hoc interuallū à Rhodano aptari posse ad vllas, nisi ad extimas has Alpes. Iam clariùs idem apud Strabonem adfirmavit: *τέτταρας δὲ πολὺ βίος* (inquit Strabo) *ὑπερβάσεις ὀνομάζει μόνον. διὰ λυγίων μὲν, ἢ ἐγγύς τε τοῦ Ῥηνίου πελάγους. ἢ διὰ ταυρίνων, ἢν Ἀννίβας διήλθεν. εἴτα ἢ διὰ σαλασσῶν. τετάρτῳ δὲ δὲ ῥαίτων*: *Quatuor transitus Alpium Polybius agnoscit tantum. per Ligures, qui proximus est Tyrrheno mari, per Taurinos, quā Annibal transiuit; per Salassos, & per Rhetos.* Hæc ita sentire etiam Liuium dixi. quid certius scrutanti? Nam facit Annibalem flexisse à Rhodano in Vocontios, inde in Tricorios, mox transisse Druentiam: actum demum scandisse. Vide & gentes, & ipsum maximè flumen: non potest vel Graiis, quæ interiores sunt; vel Peninis, quæ etiam magis, nisi flexu & reditu transisse. At quæ causā irriti laboris fuisset? quis redisse eum scripsit? cur etiā fecisset, cū Gallos viæ duces habuerit, quibus loca ea nota? Plura sunt, sed in ipso Liuiο, si placet, vidēda: cuius verba super hac redabo, illustrabo, emēdabo. Nam ab eo Prætor arbitrium maximè huius litis pendet: & tu ad ipsum appellabas. Scribit lib. xxi.

Sedatis certaminibus Allobrogum, cū iam Alpes peteret (Annibal) non rectā regione iter instituit, sed ad læuam in Tricastinos flexit: inde per extremam oram Vocontiorum agri tetendit in Tricorios, haud vsquam impeditā viā, priusquam ad Druentiam flumen peruenit.

En, non rectā ad Alpes (quod fuisset per Peninas aut Graias) iuit: sed flexit in vltiora, ut ad Coctias postea dictas veniret. *Ad læuam*, inquit. quomodo? profectò *ad dextram*: nisi si relegere iter, & transire iterū Rhodanum voluit. Tabulas Geographicas vide: & Glareanum, qui Liuium incuriæ vel erroris hīc notat. Ego legendū putem, *à læuā*: & verum est. nam fluuium ad læuam reliquit, & ab eo flexit in Tricastinos, & mox Vocōtios. Pergit Liuius: *Annibal ab Druentiā, campestri maximè itinere, cum bonā pace ad alpes incolentium ea loca Gallorum peruēnit.*

Transito igitur Druentiâ, cœpit scandere, & vt ipse statim adit, erigere in primos cliuos agmen: quod factum puteim circa Ebrundunum opidum, quod hodie Ambrunum dicunt: atque ita descendisse per aut iuxta montem Vesulum (hodie Vifo) ad fontes Paduæ. Sed videamus propriè verba, in quibus ambigit differitque de hoc transitu. cùm narrasset, quæ in Alpibus fecisset passusque Annibal esset:

Hoc maximè modo peruentum in Italiam, quinto mense à Carthagine nouâ, quintodecimo die Alpibus superatis. Et statim: Quanta copię transgresso in Italiam Annibali fuerint, nequaquam inter auctores constat. L. Cincius Alimentus, qui captum se ab Annibale scribit, confundit numerum Gallis Liguribusque additis. Ex ipsius autem Annibale audisse, postquam Rhodanum transierit, triginta sex millia hominum, ingentemque numerum equorum amisisse in Taurinis, quæ Gallis proxima gens erat, in Italiam digresso. Id cùm inter omnes constet, eò magis miror ambigi, quàm Alpes transierit: & vulgò credere Pœnino, atque inde nomen & iugo Alpium inditum, transgressum. Cælius per Cremonis iugum dicit transiisse, qui ambo saltus eum non in taurinos, sed per saltus montanos ad Libuos Gallos deduxissent. Nec verisimile est, ea tum ad Gallias patuisse itinera; utique cùm quæ ad Penninum ferant, obsepta gentibus semigermanis fuissent. Neque Hercules montibus his, siquidem fortè id mouit, ab transitu Pœnorum vllò Veragri incolæ iugi eius norunt nomen inditum: sed ab eo quem in summo sacratum vertice Penninum montani appellant.

Lustremus verba. *Amisisse in Taurinis.*] In solis ergo Taurinis tanta ea iactura? imò modica ibi, aut nulla: in ipsis Alpibus perierant. nec tamen xxxv i. M. (nimium sit) sed xxvi. scribitur. Hoc primum. de Taurinis autem, viderunt Glareanus & Sigonius, conati que mederi: in Taurinos. quasi ab Annibale hoc Cincius audierit, digressus iam in Taurinos. Logi: distinguo, & lego: aliorumque iumentorum amisisse. E Taurinis, quæ G. p. g. erat, in Italiam digressum, cùm inter omnes constet: eò magis. Firmitas ipsa res & libri prisci, in quibus, amisisse Taurinis, sine vculâ illâ mendaciâ scriptum. Vides igitur clarè, in Taurinos descendisse. quod & Liuium, vt solet, securus Silius expressit:

His tandem ignotas transgressus casibus Alpes,

Taurinis ductor statuit tentoria campis.

Sed de ipsis Taurinis addit, *quæ Gallis proxima gens.*] An non igitur Taurini tunc Galli? non, sed Liguribus videntur accensiti. Strabo de iis: *λιγυριδὸν ἔθνος: Ligurum natio.* quod ad originem fortassè veriùs referas, & situ tamen Galli erant: ideoque hîc rescribas, *quæ Galliæ.* Ea gens Galliæ, proxima Italiæ erat, in illo tractu. Pergit, *Vulgò credere.*] Siue potiùs, *vulgum.* Audísne porò vulgum hoc credere de Penino, non Liuium, qui apertè nunc & in sequentibus damnat? vt nesciam vbi mens Ioui fuerit, cum Liuius hoc affinxit. Item: *Per Cremonis iugum.*] Hæc Cælij sententia est, & incidit in nostram secundam de Graiis: quâ & nunc Liuius adspernatur. Nusquam tamen lectû hoc *Cremonis iugum:* & ideo Glareanus inclinât legere *Centronis*, quia populi *Centrones* in eo ipso tractu. Atqui *Centronum* tunc potiùs dixisset. Leuis mihi suspicio, ne *Greionis*, vel *Graionis iugum* sit vera lectio: quod à *Graiis* Alpibus non abludit, & Plinius ibi *Graios* populos locauit. Germanicæ originis vox est, & *Gravvi* dicti fuerunt: hodieque is mons *Gravv-alp* tabulis quibusdam inscriptus. Causa autem, cur abnuat hac aut illac transisse, additur: *quod ij ambo saltus eum non in Taurinos, sed per saltus montanos ad Libuos Gallos deduxissent.*] Verbum obserua, & mecû sperne. qui *saltus montani?* aut potiùs, qui *saltus non montani?* adhærent ista: & inamœna etiam repetitio sit vocis iam antecœuentis. Itaque scribam, *Per *Saltus montanos*: quos in eo tractu, & circa Ticinum, Liuius disertè lib. v. agnoscit. An magis placet, *Sallassos Montanos?* nam & valles & montes habitasse eos, Strabo prodit. Alterutrum sanè verum. Pergit argumentari de Penino, vt ipse appellat & scribit: *Neque ab transitu Pœnorum ullo Veragri.*] Vbi scripti codices verborum monstra ingerunt, sed in natiuam formam ducenda. In iis est: *Pœnorum nullo sed vno vel acri.* Lego: *Pœnorum ullo Seduni vel Veragri.* Vtrumque hunc populum Cæsar, Plinius, alij, montibus his imponunt. Negat igitur Liuius à Pœnis *Pœninum* dictum: vnde? *sed ab eo, inquit, quem in summo sacratum vertice.*] siue potiùs, *verticem*, cum priscis libris. Nam hoc dicit, ipsum verticem & caput montis sacrum esse, barbaro ritu, qui & alibi obtinebat. Docui ad 1. Histor. Taciti: & addo in Sacris Conciliis nostris vetari aliquoties, *sacrificari ad saxa aut petras*: consimili

herclè

* Siue *Sallassos*, vt *Graci.*

herclè superstitione. Intellegit autem Liuius verticem, qui per quoque nomen tenuit, & leges in Antonini Itinerario: *Summum Apennino*: corruptè, pro *Summo Pennino*. Sanè *Pinnae* aut *Penninae* locorum vertices etiam nunc nos Belgæ appellamus. Perambulauit hæc Liuiana: & quis de eius ultra mente ambiget? At enim dixit in oratione Scipionis, *æmulum itinerum Herculis*. Ita, *καὶ τὸ πλεον* & laxè, quod vterque per Alpes ierit, sed non signat easdem earum partes. Quæ mens & in Silij supra, fortassè *Æmilij* verbis. Annibalem verò per Taurinos saltus venisse, cùm dicta suadent; tum & illud, quod Gallos viæ duces habuerit. Gallis autem vetus is transitus & solens. Ipse Liuius lib. v. *Galli per Taurinos saltus quæ Iulie alpis transscenderunt, fusis quæ acie Tusculi haud procul Ticino flumine condidit urbem*. Vbi mira tamen hæc *Iulia alpis*: & quomodo iam tunc sic dicta? an *περὶ Ἰουλιαν* Liuius anticipat? Posset, sed video *Iulias alpes* in Carnis & Rhætis, non illuc poni. Corruptio est: & bonus meus codex, *saltus quæ ante alpes*. Alterutra emendatio vera: siue, *Taurinos saltus*, quæ *minimè altæ alpes* (res enim ita habet:) siue, *quæ inuicem antè alpes*. Vt concludam. transiit per alpes, quæ *Cœtiæ* postea dictæ: et itinere parùm commodo, & per fraudes vel errores (in Liuius notatum) aspero: & quod posteritas videtur defuisse. Cn. Pompeius, apud Sallustium, in epistolâ ad Senatum: *Hostes in ceruicibus Italiae iam agentes, ab Alpibus in Hispaniam submoueri, per eas itinera alia, atque Annibal, nobis opportunius patefecit*. Itaque frustra hoc quaeras, & suo nomine designes. De ipsis Alpibus, earumquæ de crimine & sectione, dici quædam poterant opportunè: sed epistolæ modum excessi, & iam nunc veniâ video mihi opus esse. Largire, Deus tibi valetudinem & vitam, Domine Illustris Reuerende. Louanij, xii. Kal. Sextil. ∞. MDCI.

EPISTOLA XCIIII.

Hispaniam

IOANNI VVOVERIO meo S. dico,

SED & robur item precor, nam quid istud iacere aut trepidare est? turpe mi Vvoueri, in ictu non maximo, & qui tuum nil petiuit. De re aliquid detractum est, omnia tua facta & te habes, si tamen talem ipsam veterem tuam mentem. Ego adeo
no

non solor te, vt gratuler etiam hanc occasionem datam desinendi, & spes illas incidendi, quæ catenam negotiorum necebant. Satis tibi Dei benignitate & parentum virtute partum est:

— *desiste, nec ultra*

Sollicitam in vastas puppim dimitte procellas:

Collige vela, collige animum, & melioribus eum studiis, quibus natus est, defige. Dij boni, quousque aliorum potius iudiciis & sensibus, quam tuis sapias? Quando erit illud tuum,

Ætas per tacitum fluens?

Iterum dico, omitte nugas, & vnum hoc Sapientiæ studium amplectere, quod

Æquè pauperibus prodest, locupletibus æquè,

Æquè neglectum pueris senibusque nocebit.

De Italiâ parens mihi scripsit, & quod per eam redire te patietur. Sed meo consilio, redire tantum. diutius insidere te, & à nobis imò à teipso abesse non suadeo: veni, & illud Sophi nostri audi:

Composita mentis signum est posse consistere, & secum morari. Quid opus est pedes & corpus hoc circumferre? quantò iucundiùs vtiliusque animus peregrinatur per grande hoc vniuersum? Quod ego sæpè facio, imò in ambulatiunculis meis cottidianis cælum hoc, terras, maria, nouum priscumque orbem, & causas rerum indago vel lustro. Veni, ades, & hæc talia inter nos suauiter altercemur, cum mutuo etiam fructu. Epistolas habes ad duos amicos: si ad aliquos è grandibus, pete, submittam. Est & ad Vestrium, illuc in auctoritate & gratiâ: prima mea est, trade. EPISTOLARVM tertiam CENTVRIAM edidi, in eâ ad te vnâ alteramque. Videris, aut videbis, & me ac BONAM MENTEM, vt soles, amabis. Louanij, 1 x. Kal. Sextil. ∞. MDCI.

EPISTOLA XCV.

Græcium.

MARTINO DELRIO Presb. Soc. Iesu.

FALSVS sum in tuo discessu. doliturum me in absentia sciebam: sic doliturum nulla opinio fuit, sed res condocfecit. Seriò, destitutus mihi videor: de scriptis & ingenio etiâ loquor,

— *labat incerto mihi limite cursus*

Te sine, & orbatę caligant vela carinę.

Sed dolor etiam à te increfcit. quò iuifti? ad quietem? cenfebatur aliter euenit: in turbas & flammam rerum. Animum tuum non ui parem fortunæ aut fupra eam: fed in certamen te venire hætatis, & neceffitate nullâ producente, noluiſſem, fi quod ego & Deus voluiſſent. Loqui me de bello & discrimine propinquo intellegis, an pace ponendo? ſcribis, & riſi. Colloquantur, ad mulent, nihil fiet, & poëtæ olim tui hoc audi:

Mars grauior ſub pace latet.

Nos fine ambage in bello, & res ad Oſtendam valdè calent. Brui noſtram fore, ſpes & ſermo erat: fed validum tamen inter præſidium, & Britanna rem ſuam facit, & ſic tuetur. Tamen etiam de pace, & litteræ nunciique non deſinunt commeare. Inter cæ Bercka nobis erepta, & Bataui Romanum in morem vallo & foffis clauferant: quod noſtri mirentur, vtinam imitentur. De SENECA vrges. quid opus ſit, ſi qui fui ego ſim? Volo enim hercules, fed & potui: nunc valetudo abiicit, & manum præ tollere cogit & fateri victum. An non etiam (ſine ſuperbiâ) partes meas in hoc theatro functus ſum? non licet perſonam vſtemque ponere, & ad me redire? Da tu aliique veniam: ſi non à me ſumendam. Siquid lucis in nobis & à nobis olim; non libet tenebras inducere, & oſtendere

Dilapſam in cineres facem.

Tamen EPISTOLAS nunc edebamus, & in iis ad te quaſdam omnes nam nefas, nec arcana & *μυστικὰ* noſtra ſciant βέλγηſti & profani. Editas nuper, habebis his Nundinis. Vale, cùm aliàs, tum in ſacris votis memor eſto

De te pendentis, te reſpicientis amici.

Louanij, Idib. Sextil. ∞. IOCI.

P. Leonardus te ſalutat, ego ex animo P. Deckerium, & illum S. tyræ duplicis auctorem quando videndæ? A titulo malum men eſt, *Vefpertilio* timet lucem.

EPISTOLA XCVI.

NICOLAO DAMANTIO, *Cancellario Brabantia,*
& à consiliis Status.

BENIGNITAS tua aditum mihi ad te facit, sed & aliena importunitas, qui renitentem impellunt. Cognatus hic meus est, qui litem in tuo Tribunali habet, quæ Lipsianum nomen in parte tangit. Nomen, non rem: & est quæstio de titulis & tabulis, quæ videntur, obscurando illi & maiorum meritis, in alienum locum inductæ. Si ita est, rogo tua auctoritate ius nostrum consequamur, nec aliud. Nam ego te Iustitiæ rigidum Præsidem scio, & gaudeo: & absit ut vlla insinuatio mea aliud velit aut possit. Talem te, Nobiliss^{me} & Ampliss^{me} Domine, ille Deus diu seruet Principibus, patriæ, & nobis. Louanij, xvi. Kal. Septemb. ∞. IOCI.

EPISTOLA XCVII.

RICHARDO *Baroni* STARRENBORGIO.

AGNOSCIS hanc manum? Lipsij est, illius qui iam olim te nouit, colit, amat. Per locorum spatia, quæ nos abiungunt, non fuit promere hunc affectum: sed est qui antè, utinam in te sic perennet. Etsi cognati tui, quos iam nunc vidi, adolescentes ingenui vultus ac sanguinis, & in quorum ore habitat atque offert se nobilitas, idem mihi adfirmarunt, & in sermonibus, imò laudibus tuis, Lipsium multum esse. Ab iisdem didici, in coniugio & quiete agere, à publicis remotum: gaudeo, gratulor: atque illud mihi, non ista contigit. quia malo fato Belgarum

Nos rursus in bellum resorbens

Vnda fretis tulit æstuosis.

Erigo me tamen & compono, quæ datur: id est animo, & inter medias turbas Musis studiisque operor, & videris illuc opinor, industriæ meæ aliquos fructus. Parum coctos aut maturos fortasse: sed si non illos, ut me ames tui amantissimum rogo. Louanij, xii. Kal. Octob. ∞. IOCI.

EPISTOLA XCVIII.

Leodicu

PETRO ORANO I^{to}.

TVI hîc fuerunt, te non vidimus, & semper aliquid est quod Oranum nobis subducatur. Ego interea Antuerpiæ, & hanc causam silentij, quam nec tu damnes. De filio, ô gratum! ô benignum illum in te tuosque Principem! ô Billéum etiam amicis nam & hunc operam nauasse non ambigo, & partem ei beneficii iure inscribas. Pecuniam Taboieto adnumeraui. In studiis EPISTOLAS edebamus, & Centurias earum plures. Tum & SENECAM recipiemus, nescio quo frigore aut fastidio sepositum præne relegatum. Sed recipiemus, ut dixi: auctor est cui mercedem laborem, imò vitam impendam, nato ad sapientiam animis infundendam. Vestri collegium hîc meditantur, & domum iam emerunt: cedit usus & gloriæ Eburonum, ut speramus. Vale te mi amice opto. Louanij, XII. Kal. Octob. ∞. 1561.

EPISTOLA XCIX.

Mechlinia

IANO BERNARTIO suo.

QUID hoc est mi Bernarti? monstra & prodigia clamas, quasi lapides pluerint, flumina stiterint, iuerintque à me fursum. Quid factum? Mechliniam vidi, & te non vidi. Peccatum fatear, si hoc fatear. Quid ergo? vix dicam vidisse me Mechliniam, sed transisse. ita cursim inquam, ut vix Ladas aliquando aut cum Pegaso suo Perseus. Ut rem scias, Antuerpiæ cum essem & destinatum certò te in reditu visere & amplecti; ecce nunci Richardotum meum à patre reuocari, in Italiam mittendum. Rem moram non ferre (& vides ipse anni tempus) eandem vale, ante discessum ut conuenirem. Itaque statim manè facto locum conscendi, ventis fluctibusque aduersus Willebrokam veni: inde curru conducticio in vestram urbem: sed sic ferò, ut curru in currum fuerit transcendendum, si Louanium eo discessis vellem. En factum, quod rationi adsidet, non monstro. Dixi hoc satis est, & simul purgasse. A te quidem mi Bernarti,

*Me nec Coimare spiritus ignee
Diuellet umquam:*

nec alia vis aut fraus, securus eius esto. De nuptiis quod audisti, ita est. domum meam sera Venus intrauit, & ancilla viro iungitur grauior iam in annis. Hoc potius si non monstrum, monstrelum dixeris: aut non dixeris, si noris sexum. Nuptiæ eæ proximâ septimanâ celebrandæ. si vis interuenire, licet, & gratus eris: si post venire, iam tempus dixi. In Boëtio videbo, & adminiculabor, quod copia temporis aut ingenij mei feret: & Versiculos pro eo ecce habes. Sanè Versiculos, inquires. quid refert? ipsi breues, tenues, ab animo tamen amplo largoq; sunt; & hūc amabis. Ita vale cum tuâ tuisq; Louanij, xi. Kal. Octob. ∞. 1661.

IN BOETII CONSOLATIONEM

A IANO BERNARTIO I. C. ET COGNATO

suo illustratam & emendatam.

EN BOETIVS ille, qui sophorum
In primis sophus esse gloriatur:
Qui doctum nimis, & satis disertum
Scriptum hoc edidit, omnium bonorum
Bonum iudicio. sed id tenebras,
Æui aut ingenio suo pte, habebat.
Quis BERNARTIVS ille, flos meorum
Belgarum pepulit; facemque claram
A se prætulit. hanc sequere, quisquis
Doctrinæ sapientiæque cultor
Non audire, sed esse, concupiscis.

EPISTOLA C.

FRIDERICO TAVBMANNO, P. L.

TVNE ad me sæpius? credere me par est, sed & te mihi, vnas has vidisse: atque eas ferotinas. nam Maio scriptæ, hoc ultimo Septembri ad me venerunt. Nihil miri. rara per hæc tempora fides est, atque ea citra verba ferè consistit. Illud miri, si veteri meo more & ingenio expers ego factus, tibi humanissime prouocanti, & optimas nostras artes proficienti, non respōderem,

aut communione affatus mei censerem indignum. Ah, fuge cedere. non est mihi præligatum pectus, quod molle & affectu penetrabile gero: utique in tales, qualem te sentio magis, quam dico. Quid, quòd singulari iudicio, aut certè raro, Plautum nostrum amas? vel te ego ideò, ut alia absint. Nemo illum, quem non melior Musa & Phœbus. Persuades hoc ibi tuis? dic sermones non solent, & vidi nouellæ eloquentiæ addictos, & qui magistrorum dictata vel oratiunculas, crederent

— *Albano Musas in monte locutas.*

Scilicet imperitis tanti vitreum est, quanti margaritum. Nos sapiamus, inter nos amemus, à me tibi promptum. Louan
ix. Kal. Octob. ∞. 1661.

FINIS







IUSTI LIPSI
EPISTOLARVM
SELECTARVM
CENTVRIA SECVNDA
AD BELGAS.



ANTVERPIÆ,
EX OFFICINA PLANTINIANA,
Apud Ioannem Moretum.
cId. Idc. v.
Cum Privilegiis Casareo & Regio.

[illegible]

AD
ILLVSTRES DOMINOS
P R Æ S I D E M
E T
S E N A T O R E S

Consilij P R I N C I P V M sanctioris.



PISTOLAS has nec si mittere aliò vellem , possem ; nec si possem , vellem. Certè non debeo , neque decet , eas quæ priuatim semel vobis missæ & velut consecratæ sunt , in aliud nomen & mancipium publicè transire. Pleræque enim harum ad te I O A N N E S R I C H A R D O T E Præses , te C H R I S T O P H O R E A S S O N V I L L I , vetustissime Senatorum , olim iuerunt : & nunc quoque
✠ 2 desti-

destinatione meâ constanter pergunt
Vt hoc non esset, an non dignitas &
splendor vester me alliceret? qui in alto
illo culmine constituti, lucetis in Belgicâ,
imò in Europâ; & Solis instar, communica-
tis splendorem, si quis applicasse vobis,
aut applicatis. Iam in patriam merita,
in Principes officia, nos deuinciunt, qui
vel illam amamus, vel hos colimus: eoque,
iure testimonia aut elogiis damus virtutis,
prudentiæ, fidei: vtinam pro voto nostro,
pro meritis vestris, diuturna! Quid priuatim
de me dicam? in quem ab annis decem,
id est ex quo in has patrias sedes, Deo
duce, reueni, non benignitas solùm sed
beneficentia vestra apparuit: vt animo quàm
ore potius promam, & paria vnâ re faciam,
imparem me non solutioni sed professioni
confitendo. Hoc velut publico præconio

conio nunc facio : legant & credant,
quisquis hæc mea : vos vt tutelaria nu-
mina quædam habui , inter nubes &
nimbos publicos , inter calumnias aut
fufurros priuatos : denique quòd Ge-
nium meum & Musarum propitiare,
quòd in honesto vtilique etiam alijs (ita
spero, certè voueo) otio agere fuit , vo-
bis adscribo INCLYTI SENATORES , &
inter vos duobus apicibus , quos nomi-
naui. Nunc quoque in hac ipsâ EPISTO-
LARVM, id est simplicium sermonum &
cogitationum editione , vos adspicio :
date manum & præsidium, sicubi opus:
defendite, imò producite non tam me,
quàm optimas artes : sine quibus pa-
rùm ornata aut instructa resp. vlla aut
fuit vmquam, aut erit. Apud vos auda-
cèter dicimus , olim earumdem cultor-
es, nunc patronos : nec ipsæ indignen-

tur ante omnes Mercurios aut Apolli-
nes vos adoptare. Facite, & hanc etiam
Academiam, veterem earum sedem,
caram sanctámque habete: ita vos Deus
magnos & felices, & consilijs vestris
Principes faciat, seruétque. Louanij, vii.
Kal. Mart. ∞. 1602.



INDEX

I N D E X

E P I S T O L A R V M

C E N T V R I Æ S E C V N D Æ

ad Belgas.

- | | |
|--|---|
| <p>ANDREAE Hoyo xxv.
 Antonio Besancenoto lxxvj.
 Antonio Richardoto suo lxiij, lxviij,
 lxxj, lxxxviij.
 Antonio VVingio, Priori Latienfi
 xl.</p> <p style="text-align: center;">B.</p> <p>Bartholomeo Lintrenfi, Doct. Theo-
 logo xc.</p> <p style="text-align: center;">C.</p> <p>Carolo Billéo, Consiliario xxiiij,
 xxix, lxxxvj, xcviij.
 Carolo Broomano lxxxviij.
 Christophoro Affonuillio, Consilia-
 rio x, xiiij, xviij, xxviij.
 Claudio Cabeitio ^{f^{to}} lxiiij.
 Cornelio Anchemanto V. N. xxxix.</p> <p style="text-align: center;">D.</p> <p>Dionysio Villerio Cancell & Ca-
 nonico iiij, lxxxix.
 Dominico Lampsonio iiij.</p> <p style="text-align: center;">E.</p> <p>Erycio Puteano suo lxix.</p> <p style="text-align: center;">F.</p> <p>I erdinando de Salinas, à consilijs
 arcanis lxiiij, lxxxix.</p> | <p>Francisco Montmorencio, Berseij
 Toparchæ lxxxj.
 Francisco Orano suo lxxxviij.</p> <p style="text-align: center;">G.</p> <p>Guilielmo Affonuillio Christopho-
 ri F. viij, xxiiij.
 Guilielmo Breugelio Cõsiliario lxiv.
 Guil. & Ant. Richardotis fratri-
 bus liij, liiij.
 Guil. Richardoto & Phil. Rube-
 nio, suis xcviij.
 Guilielmo Richardoto suo lvj,
 lxviij, lxxxiv.</p> <p style="text-align: center;">H.</p> <p>Henrico Cuyckio, Episcopo Rure-
 mundensi xxiv.
 Henrico d' Oultremanno Senatori
 xcij.
 Henrico Strauio, I^{to} & Canonico
 xlv.
 Heriberto Rosvveio, è Societ. Iesu
 xxxviij.
 Hieronymo Berchemio I^{to} & Ca-
 nonico xxviij.
 Hieronymo VVingio I^{to} & Cano-
 nico xxxiiij.
 Jacobo</p> |
|--|---|

J.		Maximiliano Sestichio Canonico	
Iacobo Carondeleto V. N. & R.	lxxxij.		
vij, xliij, xx, lxx.		N.	
Iacobo Varicio I ^{to}	xv.	Nicolao Fabri	xliij.
Iacobo Vvveno	lj.	Nicolao Micaultio V. R.	lxviij.
Jano Lernutio	ij, l.	Nicolao Oudarto, Canon. & Of-	
Ioanni Bernartio	vj, xij, xxviij,	ficiali xxx, xliij, xlviij, lvij,	
lv lxxv, c.		lxj, lxxx, xcix.	
Ioanni Boiseto	xviij.	Nicolao de VVeerd I ^{to}	lxxxiiij,
Jo. Clementi Xandrino, I ^{to} & Ca-	xcv.	xcj.	
nonico		O.	
Ioanni Hemelario suo	lxxxv.	Othoni Hartio V. C.	ix, xxxj,
Ioanni Orano, Presb. Soc. Iesu	lxxij.	xlviij, lxv.	
Ioanni Richardoto, Præsidi	v,	P.	
xix, xxxij, xxxv, xxxviij, xli,		Petro Carlerio, Presb. Soc. Iesu	
xliij, xlviij, xlix, lx, lxxxiiij,		xciiij.	
xciiij.		Petro Coreto, Theol. & Canon.	
Joanni Viniano	xvj.	xxxiiij.	
L.		Petro Orano I ^{to}	xj, lix.
Luce VVingardo V. N.	lxxviij.	Petro Scrinerio	xcviij.
M.		R.	
Martino Delrio Presb. Soc. Iesu		Remaclo Roberti	xxj.
ij, xxxvj, liij.		V.	
		Vibrando Anskema	lviiij.



IUSTI LIPSI
EPISTOLARVM
SELECTARVM
CENTVRIA SECVNDA
AD BELGAS.

EPISTOLA I. *Brugas.*

I. LIPSIVS IANO LERNVTIO S. dico.



NIHIL audio. in ius ambula. At solam Epistolam debebas mihi? imò etiam carmen, ad Tacitum meum illustrandum nomine amico. Neglegis, & facis te subitò magnū. An & tu Biturigas euocatus es? Moriar, nisi risu solutus sum in epistolâ amici cuiusdam mei super hoc Lacone. Iam neglego valetudinem, & abire Morboniam volo:

ne videam, ne audiam ista. Vos autem quid? an satis bellè in hoc bello? Ego in isto Lugdunensi otio consenesco. nec medicina vlla nisi à litteris: non istis amœnioribus, (lusoria hæc tela aduersus Fortunam sunt) sed ab illis robustioribus. Philosophiam dico. in quam me penetro: & quidem Stoicam. Rides, & exspectas, vt me videas? vultum non mutaui, sed animum. Humanitas in nobis eadem, imò fortassè maior. Scio vnde ista haurias, inquires: à Senecâ. Imò ab Epicteto & Arriano, quos in pectus penitum demisi, & in animum. Incredibile est, quàm me in hac vitiorum hominumque colluie iuuent. Taciti Commentarios videbitis breui; sed dumtaxat volumen prius, id est Annales. Quæ tamen ratio maxima est. nam reliqua non habent eandem obscuritatem. Iudicia vestra aut legam, aut coràm audiam. Vale. Lugduni, Prid. Kal. Ianuarij. Saluta vxorem à me, & meâ.

EPISTOLA II.

Leodicum.

MARTINO DELRIO, *Presb. Soc. Jesu.*

MISERVM me & beatum, qui tam propè tibi adsum, nec adsum. Epistola tua afflictum & inualidum me recreat: quid spirans ille sermo? quem breui, etiamsi omnia impendant, gustabo. eò magis, quòd latere me video parùm bonâ fide. A Lampsonio hodie litteras plures. vnde ille scit? te quidem & tuos scio extra culpam. Sed caussa non est cur hîc quasi ignotus hæream, & neglegam agere quæ necessariò mihi peragenda. Etsi de rebus in Batauiâ bona mihi spes est: ita vxoris industriæ fide (cui ante discessum omnia hæc iam mandata) & inprimis Deo, qui dux & auctor huius cõsilij diriget certò in bonum finem. A Batauis etiam ipsis cur, aut quid metuam? amant me & ægrè carent, fateor: sed nos deuincti nemini mortalium sumus in vnâ horâ. Itaque honestè & primo tempore missionem petam, constet modò mihi de translatione rerum mearum, quas nolim equidem amissas. Et tamen ita sit: perierint. quid tum? ego & optima illa pars mei salua. quod cùm erit, ita sum affectus, vt spernam ex alto & rideam omnia hæc externa. Vt ij qui cum Rege aut Principe in aulâ versantur, viliores res hominesq. fastidiunt: sic qui animum ad diuina applicant, tenuia hæc & humana. Nimis ea mihi nota, nec nisi suis pretijs apud me æstimantur. Falsa gemmula puero aut rusticulo potest imponere, gemmario mangoni numquam: tale est hîc. Non diu nimis viximus: sed tamen abundè gustauimus quidquid fellis aut mellis est in rebus humanis. & illud exsuperat. In vno Deo requies, & beatæ mentes quæ se applicant ad verè beatam æternamq. illam Mentem. Ego volo, & vt possim Deus me (spero) iuuabit, & tu quoque precibus tuis sacris apud ipsum. P. Oranum. sæpiùs conuenio, & solatium ac consilium ab eo, quamdiu hîc erit, mutuabor. O cur non etiam à te? sed breui fiet, si Deus me in paucos modò dies seruat. Ille idem te, R. P. meo voto, vel Sibyllæ æuum. Spadanis Aquis; VI. Kal. Iun. ∞. IO. XCI.

EPISTOLA III.

DOMINICO LAMPSONIO *gaudium nuncio.*

QUOD illud? cuius cupiens maximè es: ego ad te venio. Bonâ fide? optimâ. Quando? * *ἀνευ παραλήψεως & ὑπερθέσεως* (nisi ^{* sine morâ aut dilacione.} quid humanitus) sub hebdomadis huius finem. Ergo sanus planè? inquires. non, sed quasi sanus. comedam, bibam, garriam vt vos fani. Mansurus hîc etiam aliquot dies eram, sed nescio quid rumor occultus * *ὑπογύζει* de Prædonibus. Apage autem, mihi * *μυσσῇ.* non lubet obtorto collo iterum in Batauos. Denique si fontes isti * *οὐρανῶδες*, alibi in viciniâ ijs vtar. Nam hic infimus & pa- ^{* salutaris.} ganus, transferri quaquauersum potest, & solet: illo autem vtor. Non quin alter famâ nobilior, superior ille inquam: sed hic vsu melior, mihi quidem. Ergo veniam, & siquid litterarum alicunde ad me; recipe, & serua nec trans mitte. O quàm te vtor, siue abutor? sed excusatiùs, quòd libente. Apud sic amantem, sic amans, non peccat. Salue. Aquis, vii. Idus Iul. ∞. IO. XCI.

EPISTOLA IV.

*Tornacum.*DIONYSIO VILLERIO *Cancell. & Canonico S. D.*

EST quod timui, profectò meas illas Spadanâs non accepisti. Cur enim sileres? & in hoc epistolio, quod ad me recenter mittis, de meis verbû nullum. Tamen leue damnû est: atq; adeò non damnum, quia exemplar ecce ipsum remitto, vt constet tibi saltem de officio meo in te & adfectu. Decanum Santelium incolumem ad vos venisse, ego gaudeo. nam viæ quàm intutæ nûc passim sint, probè scio: qui tres totos menses, in longâ & difficili peregrinatione hac iactor. Cogita Lipsium, cogita Germaniam (per eam enim circumuagati sumus) & quid passus alter ab alterâ sit, non ignorabis. Deus tamen, dux auctôrque nostri consilij, mirabiliter & præter spem, robur dedit, & huc deduxit, vbi nunc in otio & tranquillitate hæremus. Amicos hîc habemus complures, in ijs etiam Carondeletum, virum grauem, serium, & studijs ac tibi, atque vtroque nomine mihi amicum. Est & Lampsonius noster, lepidissimi ingenij senecio (talis iam vel inuitus audiet) Flandriæ vestræ ornamentum. Sunt plures, sed tibi, vt opi-

nor, ignoti: inter quos, & sæpius inter libros, tempus suauiter fallo. Quid si conuiuijs etiam interdum, vt cum Plauto meo dicam, diem comburimus? profectò fit, & sæpius quàm ego aut valetudo vellet. Quæ si tamen aliquo loco est, breui pariemus aliqua iamdiu nobis concepta. Alij enim aliâ re prodesse reip. possunt: hæc mea militia est. nec ingloriam, nec infructuosam eam censeam, si velut tubicen saltem excitem alios, stilo & voce, ad Virtutem & Doctrinam. Valetudo & imbecillitas nostra, & si verum nomen vis, desidia, non plus possunt. Vale. Leodici. vi. Kal. Sept. ∞ .IO. XCI.

EPISTOLA V.

Bruxellam.

IOANNI RICHARDOTO, *Consiliario Regio intimo.*

IGNOTVM me ad te scribere, mirum fortasse sit; nisi omnibus nota humanitas tua, prudentia, virtus. Prior inuitat; reliquæ spondent, non ingratum tibi fore officium, quod ab affectu manat & cultu quodam tui. Eò minùs, quòd haud planè ignotum tibi me, litteris *Oudarti* Canonici, & *Hartij* I^{ci} persuadeor: qui imò spem faciunt beniuolentiæ tuæ, & inclinantis in me affectus. Quod si ita est, adeò non pecco si scribam, vt peccem nisi scribam, & magis magisque beniuolentiam tuam mihi firmem: quod valdè fateor mihi esse in votis. Non ob ea tamen (dicam liberè) ob quæ vulgus: non enim ambimus ea quæ vulgus: sed quia amare & colere magnos viros virtutesq. soleo, sed ob ipsos. Hoc ita esse, facillè nosces, cum interiùs me nosces. cui rei occasio aliquando fortassè erit (ego spero & opto) cum propior vobis, ipsum me tibi sistam, & sermone testificabor, quæ nunc scripto. Nam Batavos, Deo duce, tandem deserui: verè Deo duce, quia & ipsi inuiti me dimiserunt, & mihi in viâ lōginquâ incommoda & discrimina varia obiecta, quæ illo tutore euasi. Sum nunc in Spadanis aquis, valetudinis causâ: & hærebo hîc, aut in viciniâ, aliquamdiu; tum quia vxor etiam nunc in Batavis, quam exspecto, tum quia nobis qui ex hostico venimus (etsi reuera nûc & semper amicis) non tutus in patriam sine Diplomate regressus. Mihi siquâ tali re opus (vide fiduciam) ad te, vir Amplissime, audacter ibo, & auctoritatem tuam auxiliarem sumam, conficius

sciis mihi animi in te, qui est & erit æternum deuotus. Aquis Spadanis, IX. Kal. Iulij. ∞. IO. XCII.

EPISTOLA VI.

Mechliniam.

IOANNI BERNARTIO.

STVDIVM tuum & affectus iam olim mihi nota, magis se asserunt & ostendunt in postreinâ epistolâ tuâ, & adiuncto scripto. Qui magis te potes meum ostendere, quàm quod pro me subis discrimen, & arma capis in proteruū illum hostem? Amo, & meminero semper huius affectus: sed quo vno cōtentus nunc sum, rem mi Bernarti & pugnam nolo. Meum exemplum vide, qui omne hoc tempus silui: non rei, stili, aut ingenij inopiâ, sed animi quodam decreto, & quia sic magis decebat, atq; adeo expediebat. Turpe nobis commoueri & conuerti ad eiusmodi in-clamatiunculas: & si fecero, quid enincam? Causa mea facilis apud bonos & æquos est, & tribus verbis potest peragi: apud istos qui malâ libidine nos incurrunt, numquam me probabo. Contra scribi hoc quærent, vt iterum possint contra scribere, & vt bella scilicet hæc pugna spectetur, Lipsius compositus cum Domanno. Amplius. vitam eiusmodi libellis & famam damus, si respondemus: solitarij per se corruunt. Olim quàm multi in magnos viros, atque adeo à magnis etiam viris, libelli eiusmodi editi sunt? cedo vnum, non habebis. Pereunt scilicet in flore hæc talia, & in Famiæ templo non dedicantur improba & petulca monumenta. Credo à Demosthene scriptum: * *Διαβολὴ καὶ ῥῆ μὲν ἰχυρὰν ἐργάζεται τοῖς ἀνέροις τὴν ὑπόληψιν, χρόνῳ δὲ πάντων ἀδυνεστέρα γίνεται.* Itaque, hoc vindice, Tempore inquam; nos vtemur. In me aut in mea incurrant: quicquid ego aut illa sumus tempus aperiet, & tunc magis cūm non ero. *Suum cuique decus posteritas repondet.* De illo hætenus: nunc de meâ sede, quam Louanium esse grataris & exultas. Atque ego mi Bernarti libens & alacer eò veni, sed pænè cecidi animo cūm tam fractam & collapsam eam vidi. Heu, vbi vetus illa mea es? vix agnosco eius vimbram. Tamen si aliqua quies hîc aut securitas, potest resurgere, opinione etiam celerius, quia vt ait Lyricus,

Ὡκεία δ' ἐπιειρομένων θεῶν παρ᾽ ἑξέως, ὅδ' οἶτε βραχέως.

* Calūnia
in occasio-
ne apud
audientes
valet, tem-
pore infir-
matur.

Certè diuinus fauor & tuitio palàm in hanc vrbem: & speramus porrò fore. Tu cùm veneris, me pro opinione tuâ reperiēs, imò supra opinionem, comem in tui similes & volentem. Amo bona & amabilia ista ingenia, & infundere ego in ea pronus, siquid melioris nectaris infudit nobis Deus. Veni & experire. Louanij, viii. Kal. Sept. ∞ .Id. xcii.

Oudartum, si illūc est, animitus saluto, ad quem ante dies paucos scripsi. Ipsum interiorem Oudartum noui, corticem tamen & velamentum eius velim etiam videre.

EPISTOLA VII.

Leodicum.

IACOBO CARONDELETO, Canonico & Cancellario S. D.

EPISTOLA hac testor memoriam tui, vix aliud. Quid enim scribam? mea sunt, vt solent, in quiete & studijs: nisi quòd publicè etiam legere ante paucos dies cœpimus, nec sine fauore iuuentutis. Quæ aliqua hîc, non nimis frequens tamen, ob metum magis quàm ob mala quæ circumstant. Nam reipsâ quieti, & tuti etiam videmur: homines cogitationes longiùs iaciunt, & prudentiam putant, timere non timenda. Præfectum nostrum obijisse, iamdiu auditum haud dubiè vobis: nec euēnit illi hoc Platonis, * ἐν εὐφροίᾳ τελευτᾷ. Multi de illo multa: & audaciùs lacerant iam defunctum. An iure, nescio; & solet hoc euenire, vt miseriæ maledicentia plerumque sit adiuncta. Supplicatio hodie publicè hîc habita, ob felicia auspicia noui Gubernatoris. Deus audiat: solatio valdè egemus. Bonus de eo sermo est: quis tamen ipse, aut quo ingenio, haud firmiter adhuc scimus. Sunt qui in tempus modò præfuturum eum dicant, & donec adueniat filia Regis, vxor Sabaudi. Non nouum, vt scis, Belgis * γυναικὸς ἐκτείνου. De rebus Galliæ aut Pannoniæ (nam & illinc metus) si quid habes, gratum si participas. Vale. Louanij, postrid. Non. Decemb. ∞ .Id. xcii,

* in bonâ
famâ mori.

* à famili-
nari regi.

EPISTOLA VIII.

Bruxellam.

GVILIELMO ASSONVILLIO, CHRISTOPHORI F. S. D.

AVIDIS oculis epistolam tuam legi, non solum quia magni affectus in me testem, sed magis quia studium ardoremq; tuum præferebat in virtutem & doctrinam. Sunt ij sanè gradus ad ve-

ad veram gloriam: nec aliunde exempla, quàm à domo tuâ petas. Vides illustrem parentem, iamdiu inter patriæ decora, imò fulcra: & tu quandoque eris, si viam quam inisti, firmiter pedes calcas. Ante biennium, cum in Batauiâ etiam essem, venit in manus Oratio tua, publicè in hac vrbe dicta; testis & non fallax argumentum cum studij tui in optimis artibus, tum progressus. Et adiunxisti iuris etiam prudentiam, necessarium futuro gubernatori reip. instrumentum. Itaque (vt ad epistolam tuam veniam) quòd reditum mihi in patriam gratularis, sed sortem tuam doles, quòd me non audias: alterum admitto, alterum minime. quid enim meâ, aut alterius auditione tibi opus, qui iam quasi fastigium imposuisti ædificio huic doctrinarum? Non quin discenda tibi aliqua supersint (eius rei, quamdiu viuimus, numquam inopia) sed quia id quod reliquum est, per te potes addere, & expolire. Ego quidem initium lectionum mearum breui cogitabam facere, idque in historijs. Faxit Deus, vt cum bono huius scholæ, & audientium fructu. Certè quod ad scholam, iacentem & squalidam eam repperi, & longè aliâ facie quàm reliqui. Sed potens est Deus exsuscitare, præsertim si aula & magnates etiam adnitentur: inter quos illustris parens tuus plurimum potest. Cui vt affectum meum nuncies, & cultum omnem à me deferas, seriò te rogo. Ego id coràm aliquando facturum sum, si viuo: & cum primùm Bruxella mea me habebit, pulsabo fores, & limen vestrum nouus saluator accedam. Dum id fiat, amemus inter nos, Vir nobilis, eò purius, quia sola interna nos iungunt. Vale. Louanij, Prid. Idus Nouemb. ∞. ID. XCII.

EPISTOLA IX.

OTHONI HARTIO 1^{to} S. D.

PVER tuus, vt prisci loquebantur, vt nos hodie, minister aut famulus, apud me fuit, salutem dixit, quam repono breui scripto. Aliud profectò in re meâ non est, nisi me totum esse in prisca ROMANA MILITIA, ô quàm diuersâ ab hac nostrâ! Iuuat & pascor occupatione, ita multa reperio prudentiæ, imò acuminis plena. Mihi crede mi Harri (etsi quid apud te affirmem, talium iamdiu gnarum?) sed mihi crede, in omni genere viri illi fuerunt,

fuerunt, cuiusmodi nec voto nos simus. Pudet & piget, cum flagitia ista audio nostrorum, & video. Nam & video quoque, cum hæc scilicet iter habent. Quæ agmina ista, crebra non calonibus, sed fæminis? quas aliquis ambigat plures, an viros, esse dicat. Er-
 neste alter ubi es? veni, vt sit quò venias. Nam protectò, per hunc statum, vix est vt diu stemus. Neque ego culpo qui rebus præ-
 sunt, nec possum aut debeo: aliunde fortasse culpa est: vndeun-
 de tamen, apud nos est poëna. Sanè prudentes, & qui in futurum prospiciunt, negabunt hunc ægrum diu spirare posse, sine celeri medicinâ. Sed hæc apud te: in calamum venerunt, alioqui mi-
 nimè querulo, aut talium sermonum. Mihi viuo, cum paucis loquor; & si loquor, de publicis rarò, nec cū affectu. Vide quàm Tranquillitati studeam; publicè breui Senecæ hoc argumento & titulo libros sum lecturus. Vtinam alijs imprimam, quod in parte contigit mihi. Tu vale mi Harti, semper noster. Ad Vve-
 num nostrum si scribis, salutem adscribe, & gratulari me vtriq; vestrûm dicito, in victoriâ hæc apud multos inopinatâ. De *Scor-
 zæ* re loquor. O triumphum vestrum, in lauro, an in litterâ detra-
 ctâ? Louanij, XII. Kal. Ian. ∞. IO. XCIII.

EPISTOLA X.

*Bruxellam,*CHRISTOPHORO ASSONVILLIO, *(Consiliario Regio intimo.*

BENIVOLENTIA & affectus, quo me nuper excepisti, nec verbis tantum, sed toto pectoris, vt sic dicam, sinu, impul-
 lit vt ad te scriberem: etiam si alia caussa scribendi non esset. An non hæc satis iusta, agnoscere quid debeam, & gratitudinem si non re exhibere, stilo & verbis offerre? Quod equidem facio, sic ex animo, vt magis non possim: & scit ille qui interiora hæc no-
 stra videt & arbitratur. Vtinam manare aliquid à me possit, non dicam vtile tibi (id non potest) sed gratum & acceptum: non li-
 benter solum, sed auidè id facerem. & quî scio, an non occasio erit: imò erit, si Deus vitam & valetudinem mihi dat, & conce-
 dit per partes efficere, quæ pluscula concepi. Tibi Amp. D. (quod vnum hoc litterario affatu volui) obnoxium & addictum me deferò, futurus admirator & cultor tuus æternum. Louanij, No-
 nis Nouembris, ∞. IO. XCIII.

EPI-

EPISTOLA XI.

Leodicum.

PETRO ORANO I^{ste}.

ECCE & meam tertiam. quid obloqueris? erro, & calculum reuoco, est quarta. Nec ego responsum tuum exspecto, sed præuenio; & quasi per voluptatem tecum loquor. Ita est. delectas me cum in mente ruminor, cum stilo alloquor, magis & maxime cum sermone. Male prædonibus, male fautoribus, per quos ad vos non licet. Si scias qui vir nunc sim? paria tecum possim vel ad mensam: idque etiam in conuiuio meridiano. Nam de vespertino, iam olim te vici. Sed faxit Deus, ut præsens videas, siue in meâ domo, siue in tuâ. Atque utinam, utinam, illud fiat! quis scit ecquid proxima æstas dabit? hæc quidem Regi & reip. parum felix, & quod sequitur, parum læta bonis: etsi nos tamen seponimus curas & abijcimus, idque decreto. Ut flores quosdam esse scimus, qui non nisi ad solem se vertunt: sic nos mentem à nubilis istis auertimus, vel ad diuina, vel ad amœna. Inter amœna, scis litteras nostras esse, in quibus pangimus quod non debeat hæc ætas atque alia, si peragere nobis datum quæ iam cœpta. Sed priuatim etiam turbamur: & nescio quis (ita nunciant) à Germaniâ iterum minitatur. Per fidem Orane, quieto mihi, qui neminem inquietari, esse non licet? Quæ hæc æui proteruia, & licentia est? Clamem iure cum poetâ:

* Ἡ δὲ νῦν αἰδώς μὲν ἐν ἀνθρώποις ὄλωλεν.

Αὐτὰρ ἀναδεῖν γαῖαν ὀπίσσεσθαι.

Sed illi faciant, non ego deterior, imò nec obscurior. quin ut stellæ in cælo per ipsas tenebras fulgent; sic nostra fama per obstantes has nubes. Louanij, prid. Kal. Sept. ∞. IO. XCIII.

EPISTOLA XII.

Bruxellam.

IOANNI BERNARTIO I^{ste}.

ME venire ad tua sollennia, commune nostrum votum est: sed hoc tantum. A Kalendis huius anni noui (malū auspiciū) morbus & domus me habuit: extra quam pedem non posui, ne sacrorum quidem causâ. Itaque nec tu venire me velis, si me amas: & scio amas. Carmen tamen aliquod mitto, quod

B b

in re-

* Nūc certè
pudor in
mortalibus
est exstinctus,
Terrarum
improbitas
occupat
imperium.

in remissione morbo panxi dicam, an effudi? Res dicit: sed qua-
lectumque, debui, volui, & pro viribus feci. Vale mi amice, &
cùm hæc leges, fortasse iam cognate. Louanij, xvii. Kal. Febr.
∞. Io. xciiii.

IN NVPTIAS IANI BERNARTI I. C.

ET

CATHARINÆ BREVGELIÆ

Gratulatorium.

PIERIDES quondam cultæ mihi, verba præite
Versibus, & liquidum defundite gutture carmen.
Musa Venusque volunt. iubet altera, & altera Diua:
Musa quidem studiosa viri, Venus ipsa puella,
Quis nunc sollennes thalamos Hymenæe parasti.
Nam venit illa dies Parcarum condita fausto
Vellere, quo IANVS CATHARINÆQVE fœdera iungent,
Fœdera perpetuū mansura, manentibus ipsis.
Quæ nulla possint violare aut soluere lucēs,
Quæ nulla possint violare aut soluere noctes,
Excipio te Nox æternū continuanda.
Surge, age, mi Vates, Musarum cultor, & idem
Eunomie, ac Voti tandem satiare petiti.
Illa tua est. curas licet & suspiria ponas,
Fræna momordit amans, subiitque iugalia vincla.
Talis in Eurydices complexus Thracius Orpheus
Venit, & exstinxit quos suspirauerat ignes,
Molliter alternis & carmen & oscula pangens.
O iuuenis, cui Dii certatim dona tulerunt
Nascenti, crescenti, ad culmina conscendenti
Fortuna! & tantū Liuor neget. En tibi Iuno
Quàm faueat, qualem dederit, qualique parente!
BREVGELIVS pater est, iuris legumque peritus

Arbiter,

*Aliter, & magni pars idem magna Senatus.
 Vir quo nec Probitas probior, nec iustior ipsa
 Iustitia; & Græco par Romanoque Catoni.
 At tu Virgo etiam, stirps ô mea, tu quoque gaude,
 Jam tali iungenda viro. quem Musa benigno
 Excepit fouitque sinu: quem Iuppiter, omnes
 Corporis atque animi dotes largitus, honestat.
 Hoc fruiere, & stantes vitis velut implicat vltimos
 Auxilium fulcrumque sibi, complexa maritum
 Stringe. licet tenerum nunc ablegare Pudorem:
 Lex, ritus, materque volunt. ô mihi coram
 Hæc fari, & tenui fas instillare susurro!
 Fata negant: aliter te sponse & sponsa viderem.
 Te quoque, qui nostris spes vnica & vltima rebus
 ERNESTE Austriadum properas, decus: alma deorum
 Progenies, idemque deos aliquando dature,
 Omina ni nostre docuerunt vana sorores.
 Sed propera. ventis feruet mare, mergitur undis.
 Hæc ratis, atque omnis laterum compago fatiscit,
 Ni veniens, nimbosque fugas solemque reducis,
 Cumque tuo ZEPHYRO iam spiras mitior AVSTER.*

EPISTOLA XIII.

CHRISTOPHORO ASSONVILLIO, *Consiliario Regio.*

MVNVSCVLVM meum ad te venire sine litteris nolui, quibus missitandis occasionem iamdiu quæro. Non enim è sermone solum aliorum, sed coram ipse cognoui affectum in me tuum, & honesta de me iudicia: quibus vt par sim, opto magis quàm spero. Sed profectò vt aliquid tamen possimus, fulcro & alleuatione vestrum talium indigemus. & vt vitis iacet, nec fructum fert, nisi ad stipitem aut arborem applicita: vix etiam nos, nisi gratiâ & fauore vestro subnixa. Quem contigisse mihi vt gaudeo, ita vt retineam nitar: & dabo operam, pro ingenij huius viribus, vt si quid dotium à magno illo Deo accepi, id refundam in publicum bonum. Nunc peto, vt libellum hunc, Amplissime Domine, non vt munus, sed vt animi mei pignus

accipias ; qui virtutibus tuis & meritis in patriam debet, & iam-
nunc vouet, omnem cultum. Louanij, postrid. Kalend. Febr.
∞. IO. XCIII.

EPISTOLA XIV. *Leodicum.*

IACOBO CARONDELETO V. R. & N.

CVM nuper aderas, parùm commoda valetudo mihi erat,
eoq. sermo parùm fortasse liberalis, etsi tempus etiam ex-
cludebat. nam tu properabas. Alioqui iuuisset profectò horas a-
liquot tecum absumere, qui rarò hîc video amicos melioris illius
animi & sortis. Siqui ad nos, ferè ab Aulâ sunt : quam scito non
esse Francisci regis aut Alphonfi. Interdum aliquot exteri, sed ra-
ri ob has turbas. Veneti non cessant me non dicam compella-
re sed pænè compellere. ita litteris alijs alijsque vrgent, etsi pa-
lâm & sine exceptione negaui. Faciunt idem Mediolanenses &
Senatus ibi regius, scribente pro ijs Ioh. Baptistâ Sacco, viro me-
hercules docto. Sed quid? fors mea est, credo, hîc quiescere, &
fortassis vilescere. nam pretium mihi, quid mihi? imò omnibus
artibus nostris esse apud eos qui præsunt, magnum haud dicam.
Iuuentus tamen & qui hîc in studijs, amant, & spero ij omnes,
qui honesta. Tu inter eos es, & perseuera. Louanij, postrid. Id.
Iul. ∞. IO. XCIII.

EPISTOLA XV.

IACOBO VARICIO, J^{tho}. S. D.

Ex epistolâ tuâ, mi Varici, affectum tuum in me liquidò &
certò cognoui; illud quod scribis, incertò. Significas enim
magis, quàm promis : & vt ego verum fatear, nullum munus
noui, cui idoneum me vel mores, vel valetudo reddant. Ad pu-
blica eam? ingenio & iudicio abhorreo. & si hoc non esset, quis
mediocriter sapiens vellet, hoc rerum statu? Quæ facies ac forma
rerum sit, vides: ambitionis, confusionis, corruptionis pleraque
plena: ego inter ista iacter tiro & rudis, & consilio fortasse aut iu-
dicio, quàm animo melior? Scis enim mollem mihi frontem es-
se, videre & dicere magis vera, quàm contentè asserere: quæ om-
nia

nia aliena ab aulâ, & moribus hodiernis sunt. cum vix sapientia in pretio, nisi quæ pompam & colorem habet; imò etiam, quæ duritiam aut impudentiam habet. Alia multa sunt, quæ auocant. inprimis quietis studium, & amata mihi semper expers publicæ priuatæque curæ tranquillitas. Quid studia nostra, & Musæ? ibunt ad fasces & purpuram? id est, iacebunt aut peribunt inter ciuiles strepitus, aut splendores? Atqui & hac parte vtilis esse Reipub. possumus, & iam fuimus: nec malè olim, qui fecere duplicem remp. Paruam & Magnam. illam cuique genti propriam, vt Romanorum, Atheniensium, Belgarum: hanc communem omnium mortalium, id est orbem ipsum. Ecce ad paruas respublicas quàm multi admoventur, aut adspirant? iidem illam, & sese per eam, iuuant? Magnam haud æquè multi: & salutaria præcepta aut consilia, quæ non præsentibus solum, sed posteris, non iuxtà modò positis, sed longinquis & exteris prosint, haud omnium in voto aut manu est dare. Stilo pangimus, quod hæc & alia ætas legat, Principes & ciues formamus: & partem reip. nōne tangimus? ô negotiosum hoc otium, cuius fructus per homines & ætates spargitur, & quo vsui alijs sumus, etiam cum non sumus! Mentem meam vides, nec facilè dimouebor, nisi aut euidens patriæ utilitas (quod vix credam) aut imperium & vis cogant. Quidquid sit, post audiero: tu quidem fidem silentij nihil violasti, qui hoc tantum indicasti, aliquid de me agi. Excitasti me vt paratior sim & munitior, siquid petetur; & officium amici fecisti, quem esse te scio, & me quoque tibi vicissim non ignoras. Vale mi Varici. Louanij, iv. Kalend. Octob. ∞. 10. xciv.

EPISTOLA XVI.

Aquasgrani.

IOANNI VIVIANO S. D.

BINIS me occupas, quid excusam nisi quòd occupatum? Toti enim in MILITIA edendâ eramus, & Typographus vrgebat, cui damno sit vel leuis mora. Vt igitur oculi, etsi agiles, supera & infera simul non aspiciunt: sic nec ista mens dat se vno tempore ad diuersa. Poteram leuiter & breuiter respondere, fateor: sed tuæ aliquid etiam poscebant. Prius quidem abscesse ne-

gandum, de responsione super meo Stilo. Itane hoc argum-
to? itane illi, qui nisi quod nomen meum praescribit, nihil in
me, vix de me, dicit? Risi, cum legi, adfatim: etiam te, si petere
hoc serio imbibisti. Et quid dicam? me & mea laudem? hoc ne-
cessum est, neque aliter excusam. Atqui nisi æuam, & tacitus iu-
dicatorum consensus hoc facit; frustra omnis conatus huius sum
ego. Loquar, fileam: si Genium & Venerem scripta mea ha-
bent, viuent. si non, eant iam nunc, quod Volusi olim annales. At
calumnias ferre, graue est: & ferendo, alias inuitas. Ego contra
censeo. nec graue esse animo persuaso & destinato: & ubi consi-
lium hoc & robur esse, non frigus aut conscientiam vident, ipsi
aut sustinent se, aut mutant. Mihi crede. aranearum telæ sunt
omnes isti calumniarum contextus: minuta animalia inhærent,
fortiora spernunt & perrumpunt. Itaque omittamus, non qui-
dem cum Homérico Achille,

Θυμὸν ἐνι στήθεσσι φίλον διαμείσαντες ἀναγκή:

non, inquam, *necessitate animum vincentes*, sed ipso animo, id est
ratione. Alterum, quod petebas, erat de Ciceronis loco an locis.
& adhæsisse me fateor: sed nunc denique videor expedisse. Erant
isti, è libro VII. ad Attic. epist. xv. *Pompeius ad legiones Aëtia-
nas profectus est.* Iterum epist. xx. *Cnaeus Luceria esse dicebatur,
adire cohortes legionum Aëtianarum non firmissimarum.* Quæris,
quæ istæ legiones Aëtianæ? Non ab Aëtio Varo, aut Aëtio Peli-
gno: qui Auxini & Sulmone cohortes habuerant: sed cohortes,
non legiones, atque illas subito scriptas, & ante hoc tempus
dilapsas, aut ad Cæsarem transgressas. Ex ipso Cæsare discas.
Quæ ergo? nusquam ego reperi, sed emendatiunculam sugge-
ro, *Appianas*. Nam intellegit profectò duas illas legiones, quæ
à Cæsare per speciem belli Parthici abductæ, & Pompeio tra-
ditæ, circum Luceriam hærebant. Eæ veteranæ. & ideò (vt idem
Cicero) *omnis spes in duabus penè inuidiosè retentis legiunculis*. Eæ
circa Luceriam, aut in ipsâ. Lucanus, lib. 11.

— *commisse deseris arcem*

Scipio Luceria. quamquam fortissima pubes

His sedeat castris, iam pridem Cæsaris armis

Parthorum seducta metu.

Ita ibi legendum, non *Nuceria* (quod editur) & res & meliores
libri

libri dicunt. Sed quare *Appianæ* istæ? Plutarchus dicet : πρὸς δὲ τοῖς Ἀππιῶς ἀφίκετο κομίζων ἐκ γαλατίας ἣν ἔχρησε Πομπήϊος Κάϊσαρ στρατιάν : *Præterea Appius redierat, è Galliâ adducens legiones, quas Pompeius Cæsari utendas dederat.* Sunt istæ duæ : & res ex Hirtio, Cæsare ipso, alijsque nota. *Appianæ* igitur à Legato suo dictæ : sicut passim illo ævo *Africanæ, Fabianæ, Varronianæ.* Mihi sic visum : quid tibi? rescribe. Louanij, XII. Kal. IIX bres. ∞. IO. XCIV.

EPISTOLA XVII.

Bruxellam.

IOH. BOISOT S. D.

DVO me tenuerunt, quò minùs gratias adhuc egerim, pro florum munere ad me misso, Pudor & Occupatio. Ille non iniustus, aut rusticus. quid enim rebus tuis toties reponerem nuda verba? & mallet habere etiam gratias, quàm agere, si fortuna mea aut occasio ferret. Quid tamen est? scio magno animo te hæc dare, nec in altam spem gratiæ, quàm hanc, quam fideliter reddo. In animo beneficium tuum repono, & illâ parte omnes mortales gratitudine laccio. Causa altera silentij, Occupatio. Ab ædificio hoc me non explicor, & video Dædali labyrinthum esse, & mihi quoq; opus tandem fore Theseo. Sed quod? qui non filum, sed aurum præferat, nec Minotaurum, sed nomina nostra occidat. Arculæ quidem nostræ venimus ad fundum. Sed terrenus aliquis Iupiter nos iuuabit, & impluet aureum imbrem. Extra ioca, fortiter & cum fiducia ædifico, quod in vacillante hoc statu rerum multi mirantur. Sed illi parùm sciunt, quàm ista me non alligent : quæ ego habeo, non habeor, & cùm opus est relinquo. Reuerà tempora dura & ferrea : & hoc magis occupatiunculæ aut delectatiunculæ quærendæ, quæ auocent aut solentur. Sed inter eas litteræ nostræ eminēt, interiores etiam illæ & philosophicæ, quas seriò tracto. Addo hortulos, & eâ parte nihil nego me esse in castris Epicuri. Tu noster hîc imperator, & cui Clusius ipse dexterum locum cedat. Nam hortum eius Francofurti vidi, & scio tuum ab omnibus copijs instructiorem. Fructu longum, mi Boisote, & studioso tuo otio, & beato cælibatu. Louanij, postrid. Nonas Nouemb. ∞. IO. XCIV.

EPI-

EPISTOLA XVIII.

CHRISTOPHORO ASSONVILLIO, *Consiliario Regio.*

AFFECTVS in metus impellit (affatim mihi notus) vt con-
 sortem te habeam consilij, quod summam rem ineam
 tangit. Consortem? imò etiam arbitrum, & in alterutram partem
 adiutorem. Res breuiter ita est. Pænè triennium hîc iam egi, in
 exiguo stipendio, & quod alendo mihi non fuerit, nisi vetus par-
 cimoniam aliquid suppeditasset. Non dissimulo, sperasse me vt à
 maximo Rege nostro subsidij aliquid acciperem, & ad stipen-
 dium, quod Ordines subministrant, additamenti. Nihil est fa-
 ctum, temporum haud dubiè culpâ (nec aliter interpretor) quæ
 turbida & militaria, vix patiuntur pretium aliquod nobis esse,
 aut artibus his pacatis. Interea tamen constanter perseueraui, &
 vocationes etiam aliquot à magno Dynastâ Etruriæ, Venetis,
 Summo ipso Pontifice, reieci aut spreui, spe mutationis semper,
 & meliorum. Nunc cum id non fiat, imò in peius ire res videan-
 tur; nemo impudentem me arbitrabitur, vt opinor, aut intem-
 pestiuum, si de rebus meis ad vos procures, & capita consilij Re-
 gij, referam, & seriò petam aliquid aut tribui mihi, aut permit-
 ti. Tribui dico, si mansio mea hîc placet. alendus enim sum, &
 id, pro conditione ac studijs nostris, honestè. Si id fit; ecce me,
 vocent orbis Principes in ipsas insulas beatas; figo pedem, nec
 turbæ aut procellæ à Rege meo aut patriâ abducent. Si tamen
 non, & necessitates publicæ largitionem aliquam non ferunt; be-
 nignè equidem interpretor, nec reiectum me censebo, sed dila-
 tum. Sed tuum est, quod velim mihi permitti. nempe, vt cum
 aliò etiam nunc inuiter, idq; in locum pietati & studijs amicum,
 & Regi non alienum (Bononia enim est) rogo, inquam, vt cum
 bonâ gratiâ agere & pacisci mihi cum illis liceat, saltem in pau-
 cos aliquot annos. Nam bonâ fide, cum turbæ istæ resederint, si
 patria etiam tum me requirit aut desiderat, is respectus & cul-
 tus meus in Regem & illam est, vt omnis omnibus sim ventu-
 rus. Amplius Domine, æquum me petere, spero in animo tuo ti-
 bi dices. Quod si ita censes; tum illud pro magno beneficio mi-
 hi adde, vt ne diu anceps & incertus sententiæ vestræ hæream;
 ne occasiones mihi prouectionis (quæ præcipites esse solent) ela-
 bantur.

bantur. Addo etiam verecundè, ut si decernere aliquid & addere Ma^{tas} mihi Regia volet, solutio ne ardua & incerta sit. quod nobis studiosis, & qui ad legem viuimus, quàm molestum sit, contigit mihi etiam in stipendio isto Ordinum experiri. Scripsi de hac re (sed breuius & minùs fortassè expressè) ad Præsidentem Vander-Burchium: cum quo si putabis communicandum aliquid, me volente fiet, qui totam hanc rem prudentiæ & beneuolentiæ tuæ gubernandam permitto. In animo meo iam diu ita sensi, ex animo te mihi amicum esse, & me tibi fidum clientem. N^{me} & Amp^{me} D. opto diu saluum te Regi, Reip. & nobis. Louanij, v. Kal. Mart. ∞. 10. xcv.

EPISTOLA XIX.

IOANNI RICHARDOTO, *Consiliario intimo Regio.*

ETSI verecundia, & panè religio mihi est, interpellare te, vel in grauissimis curis tuis, vel in luctu, qui te nuper cepit: tamen cum amici identidem peterent iterum commendatiunculam, in negotio N.N. qui lectionem publicam hîc ambit: non potui non reficere memoriam commendationis veteris, & testimonij quod de illo dedi: & dedi ex vero, certè ex intimo animi mei sensu. Vir moribus compositissimus est, doctrinâ variâ, non iuris tantum, egregius: atque ego ex re Academiæ & iuuentutis censeam, talem promoueri. Sed enim cum calamum sumpsi & fiduciam scribendi, cur non etiam breuiter, in hoc luctu tuo alloquendi & solâdi? In quo si tarda aut superuacua mea cura sit; velim & optem: atque hoc vnum tamen assequar, ut animum & cultum meum tibi probem. Amisisti vxorem optimam, diu vitæ & tori consortem, tot liberorum parentem: vulnus eò tibi grauius, quò magis à domo in Rempublicam virtus & fortuna tua te traxit. Curæ, quæ diuisæ antea erant, in vnum incumbunt, &

Tota domus cœpit nunc onus esse tuum.

Quid tamen est? subsidium à te, & ab animo tuo, tibi petendum; illo animo ad magna nato, ad omnem prudentiam à doctrinâ & vsu facto. Quid te talem virum communis legis admoneam, quæ nascentibus dicta est, mori? & incertò quidem mori, limite

aut termino nullo nobis fixo, nisi quem Deus in tabulis prouidentiae suae scripsit. Tua igitur obiit: sed, quod omnes facturi sumus, fecit; & quam multos in spatio & cursu ipso vitae superauit? Non in auspiciis matrimonij, & in erudo statim amore eripra tibi est: sed suauiter diu conuixit, solatia dedit, etiam post te & illam mansura. Respice florentissimam familiam tuam (& diu talis sit, precor) quomodo non viuere eam putabis, è cuius sinu & sanguine tot viuunt? Propone tibi ora quorundam: non dubito quin imago & vultus etiam maternus in iis spirent. At enim hoc ipsum dolorem auget, liberos videre altero fulcro orbos, & quibus suauissimum illud nomen iam perijt *Matris*. Apud vulgum ita sit: te verò excitet. & amor in mortuam, caritas in viuos iubeat, animum attollere ad eos attollendos. Te intuentur, à te pendent: nec luctui solum iis luctus tuus est, sed cladi, si iaces. Sed non conuenit in te hoc verbum, quem ratio, scio erigit; tum etiam publici aspectus, vt priuatos iam omittam. En in summo Patriae consilio te summus noster Rex constituit, columnes & tutela (verè profiteor) apud nos rerum: tu luctui te dabis, id est Regi & rebus subduces? Non facies. sed vt magni illi viri olim, in media negotia ibis, & solatium ex ipsis peres. Tiberium Principem legimus, vnico filio Druso orbatum; tanti Imperij destinato successore, eâ firmitudine animi fuisse, vt defuncto necdum sepulto, curiam sit ingressus: Rempublicam scilicet velut filiam amplexus, & in eâ conquiescens. Huc te voco. Non sunt viro politico, & ad bonum publicum nato, digniora solatia, quàm quæ actio suppeditat: & apud alios vincendus rationibus aut die dolor est, apud hunc mole negotiorum obruendus. Philosophia id ipsum suadet, abducere animum à cogitatione & solitudine: quæ duæ velut nutrices sunt dolorum. Vt ij qui amore laborant, fugiunt & peregrinatione excutunt affectum: sic qui dolore, vtiliter se abducant. Ipsa loca illa vitanda sunt, quæ memoriam aut desiderium excitent: & exigua sæpè punctura cicatricem rumpit, iam coeuntē. Sed quid ego hæc? prudentia tua super omnem nostram est: nec Deus siuerit, vt obnubilet eā & subducat dolor. Ego eundem Deum precor, à quo verū robur & fortitudo, vt te Amp. & Nob^{me} D. magis magisq; erigat, firmū valentemq; Patriæ, tuis, & nobis reddat. Louanij, XII. Kal. Decēb. ∞. 10. xcv.

EPISTOLA XX.

Leodicum.

IACOBO CARONDELETO V. R. & N.

EXCVSAS raritatem scriptionis, & sum ego in eâdem culpâ, si tamen culpa. Sed tu causam pro utroque agis, & certè hoc mihi probas, litteras planè vacuas rerum & inanes esse laud debere. Interdum tamen vel salutationis obsequium libandum tibi à me, hoc fateor: vel eo fine, vt tibi probem veterem illum me esse, id est tui amantem & colentem. Fiet magis seriò publicè in libris POLIORCETICON, in quibus sermonis tibi partes, cum Billeheo, Furio, Orano, Lampsonio: nec quidquam editionem moratur, præter meam præsentiam, qui imaginum causâ debeo adesse. Paro me breui ad nō longinquum hoc iter. Transijt hæc ante biduū Vicarius Lindenius, & salutem à te dixit: tum etiam læta quædam de Hungaricis rebus. Deus victorias aliquot illâc dedit, vtinâ seriam vnam & grandem, quæ præmium opida aut regiones secum trahat! Sed fiet, spero, in tempore. Gallus Feram obsidet, si nostri opitulantur, video certamen, aut turpem illius abscessum. Si certamen, res totius Galliæ huc aut illuc inclinant: id est, vt resurgant, aut vt planissimè cadant. Tu siquid in Turcicis certi (ita soles) ne grauari ad nos mittere, nos, qui semper tui. Louanij, postrid. Kal. Ian. anni huius ∞. IO. xcvl. qui felix tibi esto.

EPISTOLA XXI.

Bruxellam.

REMACLO ROBERTI.

CVM fide remisisti Montanum meum, an nostrum potius, quia vos quoque eum amatis. Profectò vir ille magnus est, & factus ad mores iudiciūq; formandum, sed maximè ad robur animis ingignendum, sine quo quid nisi fluctus hæc vita? Assiduè in metu, spe sumus, & ab omni vndâ cupidinum rapimur: firmat hæc Sapientiæ anchora, quam ille nauigio nostro aptat. Litteræ eius apud me sunt, sed paucæ, & plura talia apud Franciscum Raphelengium memini me deposuisse. Siquid tamen dignum lectione tuâ aut aliorum reperero, videbis. Nunc quidem distinebar concinnandis quibusdam, quæ ad Militiam

priscam spectant. Hanc quoque videbis, sed nescio an ad vestrum, & præsentem usum: imò vix ad istum, sed ad Historiæ tamen lucem, cui scripsi. Vale. Louanij, Non. Apr. ∞. Id. xcv.

EPISTOLA XXII.

GVILIELMO ASSONVILLIO, *Boischauij Domino S. D.*

CVM è cognato tuo Præposito Arienfi intellexissem, de vitæ consorte, quam capis; affectus meus in te, in parentem cultus, iussit vtrique vestrûm gratulari, & apprecari felix hoc consilium & salutare. Vtrique, inquam, vestrûm gratulari. tibi, qui genus vitæ suscipis, coëteendis vagis cupiditatibus diuinitus institutum; parenti, qui posteros & nepotes ex te (vt spero) videbit, quod vnicum felicitati eius deest. In summis honoribus vir ille, tot annos, in omnium laude & gratiâ vixit: opes non nimias, sed tamen honestas & dignitati suffecturas peperit: quid deerat, nisi quò vota occulta & à naturâ insita trahunt, videre natorum natos, & ex optimâ arbore frutices & stirpes propagatas? Mortales sumus, imò nec diuturni sumus: vnâ ratione diu supersumus, si profeminamus qui supersint. Viuimus in posteris, & non quidem anima (absit hoc dicere) sed tamen indoles & igniculi in eos transeunt: & amamus eos, & amamur. Vagum aut barbarum genus hominum, vagos & indefinitos amores etiam habent, copiam & incertitudinem vxorum: nos pij & compositi Christiani, diuinâ lege astringimur, vnus vnus esse. Hoc est quod Plato philosophatus aliquando subabsurdè videtur, sed mente & fine bonâ: homines olim è mare & fæminâ constitisse: diuisionem & velut sectionem corporum esse factam: sed manere desiderium veteris iunctionis, & ideò appetitum hunc copulæ in nobis esse. Fabella est: sed hæc veritas, à Deo insitam illam cupidinem. quam pauci vicerunt, nisi quos idem Deus supra communem sortem extulit, & ad se traxit. Ij casti, puri agunt, felici sorte, & quam miramur plures, quàm imitamur. Sed nec nos, qui secundarij, vt sic dicam, sumus, cõtemnendi aut improbi: imò id quoque laudabile & pium est, qui planè non abstinere, vnâ contentum, ab aliis abstinere. Et habet hæc vita suas Veneres, honestissimasque voluptates. Ecce primùm aspectus ille familiaris & mutuus, quem non delectet? *aut quid est* (vt Varro ait)

ro ait) *quod homo masculus libentiùs videre debeat, quàm bellam vxorem?* Adde colloquia, ambulationes, conuiuia: & hæc omnia cum sincerâ & tutâ delectatione, cui cautio aut metus non miscentur. Illa est, in cuius sinum læta, in cuius sinum tristitia liceat deponere: illa, cui tutò fidere domum, pecuniam, liberos: excipio arcana, si quis remp. tractat. Et si in rep. video fuisse honestarum coniugum etiam partes. Liuiæ, vt noto exemplo vtar, Augustum suum sæpè temperauit, & modestè atque opportunè instruxit. Angebatur ille & insomnes noctes agebat, deprehensâ coniuratione in se L. Cinnae. Sensit, & blandè exquisiuit Liuiæ: Et potes, inquit, feminam audire? Omitte consilia de puniendo, cogita de ignoscendo. Vindicta & seueritas quod hætenus non dederunt, vide an benignitas & clementia dabunt. Paruit Augustus, ignouit: & in posterum (is fructus muliebris consilij) liber ab insidiis vixit. Possem & nostri æui magnos reges dare, quos nihil puduit publicas etiam curas cum hac fui parte miscere: sed parcè & cautè tamen faciendum, & præstat omnino in priuatis nos manere. Iam voluptas alia, quanta & quàm penetrans? videre natos liberos, lusitantes, balbutientes, mox garrientes; fouere sinu, iungere ori, apprimere pectori: & habere in egressu, in regressu, tristibus etiam rebus, lætificantem hunc occursum. Quid ipsa vxor, & honestus ille amor, quàm inardescit, præsertim in aliquâ absentia? Qui stimuli ad redeundum? quæ gaudia in reditu, & complexus?

Omnis amor magnus, sed aperto in coniuge maior:

Hanc Venus, vt viuat, ventilat ipsa facem.

Iucunda adhuc narro: vtilia etiam volo. Vxor est, quæ curas tuas diuidit, & partem ad se trahit. Illa familiam, & rem familiarem tractat: illa parcere & reponere suadet, naturâ ita facta. Pulchrè hoc Xenophon: *Quoniam hunc sexum, inquit, custodia & diligentia Deus assignauerat, idcirco timidiorem reddidit, quàm virilem. nam metus plurimum confert ad diligentiam custodiendi.* Iam in ægritudine aliquâ ruâ, quis fidelius aut sollicitius affidet, curat? in senectute aut imbecillitate, mollius fouet? Quæ omnia vera sunt, si amor, si concordia adsunt: assiduæ comites, nisi vitio aliquo partium pellantur. Homerus Vlyssæi Nauficæ ita facit loqui, & ad coniugium hortari:

* nam nil
pulchrius
est melius-
que
Quam cū
vir mulier-
que suam
concorditer
vna
Ætatem
degunt in
quo dolor
hostibus
horum,
Sed sit
gaudium
amicis.

ἢ μὴ γὰρ τὴ κρείσσον καὶ ἀρείον,
Ἡ δὲ ὁμοφρονέοντε νοήμασι οἶκον ἔχοντον
Ἀνὴρ ἠδὲ γυνὴ. πολλὰ ἄλγεα δυσμύθεας,
Χάρματα δ' εὐμυθέσσι.

Quod ego tibi, Vir Nobilissime, & tuæ opto: & simul libero
reip. etiam causâ. Sint *Affonwillij* aliqui, & parui *Christophori*, qui
ad curas auitas succrescant & educentur; qui Regi, qui Patriæ, f
dam operam nauent & salutarem. Sed quo labor? teneo te, ali
iam intentum. mitto, abi, validè vale. Louanij, Nonis Maij.
∞. Io. xcvi.

EPISTOLA XXIII.

Leodicum

CAROLO BILLEO, intimo Consiliario Ser^{mi} Electoris.

LIBROS hos quos SER^{mo} ELECTORI nostro inscripsi (no
stro. nam & ego me inter clientes eius habeo) eos ad te mit
timus, porro ad eum, pro iudicio tuo, transmittendos. Serium &
grande magis opus esset, si vires pro voluntate essent: sed vel si
non displicebit, spero, quia materia alibi subtilior, operosior, &
acri & sublimi ingenio Principis non indigna. Vtinam pictori
mihi pro libitu copia fuisset: accuratiùs & elegantius quædā ocu
lis subiecissemus, quod nunc non licuit, sed & Typographi de
fugiunt hos sumptus. In iis autem libris, quia Dialogi sunt, tuum
quoque nomen, velut emblemata, inserui: nec indignaberis, et
vanitas est, cum sperem à decore & conuenienti non abisse. Cer
tè affectu & iudicio inductus feci, cum te & diligam pariter &
colam: atque ea ratio prompta mihi visa & comoda, vtriusq;
rei testandæ. Nobil^{me} & Clar^{me} Domine, diu superesse te cupio.
Principi & rebus. Louanij, xii. Kal. Sept. ∞. Io. xcvi.

EPISTOLA XXIII.

HENRICO CVYCKIO, Episcopo Ruremundensi.

GRATVLOR tibi ex animo felicem aduentum in locum, &
ad homines, fidei tuæ commissos. Quibus, non dicam
vt fructuosa & salutaris (nec enim ambigo) sed vt grata etiam
cura & gubernatio tua sit, Deū precor. Enimvero onus aliquod
gravius

gravius in iis locis esse, vtrique hosti vicinis, & Pontificio & Regio, facile suspicamur : sed pervincet, vt speramus & vouemus, cum pietas & prudentia tua, tum & patientia. quâ ipsâ in summo culmine sæpè, imò vel maximè opus. Nos hîc qui solemus, quod ab aliis te scio audire. priuatim ego in meâ quiete & solitudine, nisi quod à magnatibus inductus sum, haud libens fanè, vt quosdam in domum & contuberniû meum reciperem: quod nescio an ex re meâ futurum sit, scio quod non ex voto. Louanium mihi, cum ob alia placuit, tum ob tranquillitatem, & sine turbâ aut fastu vitam; quam degimus in eâ qui volumus, nisi ab altiore axe ventus turbet. Sed ferendum est, & molestiæ cuique pro suâ sorte subeundæ. Ab iis te quantum licet immunem, & gregi tuo diu superstitem Reu^{me} Domine opto. Louanij, xiv. Kal. Octob. ∞. Id. xcvi.

EPISTOLA XXV.

Duacum.

ANDREAE HOIJIO S. D.

LIBRVM à te accepi, & putabam esse commune & pluribus destinatum donum : at ego propriè meum etiam repperi, mihi inscriptum & dedicatum. Quid dicam mi Hoij, nisi inopinantem me beneficio affici, adeò non merentem? Quo magis id gratum est in isto animo, qui & plurimi facit optimas artes, & te insignem earum cultorem. Atque vtinam tibi honos sit pro meritis, aut gratia ! sed fatum huius æui nosti, quo iacent & vident omnia ferè, quæ olim honesta & magna. Ista occulta clades, inter alias apertas, à Marte est : quem vtinam Venus ista fuger, quæ ab Iberiâ expectatur ! Sed vt ad librum, legi equidem, & pleraque supra vulgum, & ideò nec placitura fortasse vulgo : tu autem mihi & Musis, quod audacter dicam. Vale, & memorem me beneficij fore (sic interpretor) in omni loco & occasione scito. Louanij, viii. Kal. Ianuar. ∞. Id. xcvi.

EPISTOLA XXVI.

*Iperas.*HIERONYMO BERCHEMIO, I^{ro} & Cananico.

QUID hoc est mi Berchemi? rogare te vt asseram, & rationibus euincam, Deum esse? Sanus es? Ego quidem, inquis: sed

sed amici illius causâ, de quo tecum egi. Egisti, fateor : sed vellem ipse, & medicinam coram afferre liceret huic non impietati solum, sed infelicitati, quæ in hominem cadere suprema potest. O iam hoc ipso nec hominem ! cerè nō ratione præditum : quia ubicumque aliquod eius lumen est, noticia etiam ista & fides, numen, rectorem, tutorem vniuersi esse. Da mihi quemcumque voles, sanum hætenus,

Possit qui rupem & puteum vitare patentem :

ipse ab interno animo dicet : & tuus iste an noster (nam & ego noui olim & amaui) quòd aliter loquatur in acrimoniâ istâ ingenij, sentit an per delicias differit & ludit? Peccat, siue hoc siue illud : & aut docendus, aut coërcendus est; & hoc quia non possum, alterum faciam pro ingenij mei copiâ. quam vbi promptius aut dignius impendam? Ades mens, stile, manus, exsurgite & incalescite ad illum asserendum, qui vos fecit, direxit, mouit. Tu quoque ades mi Berchemi, & siquid illi mouendo dicam (neque enim tibi hæc scribimus, nisi illo fine) transfunde & insinua, & Deo & nobis vindica ingenium, quod malè ab vtrisque abiuit. Nam mihi quidem quæ non dicam amicitia, sed vsus vel noticia cum illo sit, qui à communi societate & sensu hominum se abiunxit? Ita dico. & Deum esse, inter communes receptasque illas notiones est, quas Natura parens omnibus, quæ vbiq; orbis sunt aut fuerunt, gentibus inseuit. Aristoteles : Πάντες ἀνθρώποι παρὶ θεῶν ἔχουσιν ὑπόληψιν: *Omnes homines de diis habent existimationem & sensum.* Seneca : *Nulla gens vsquam est, adeò extra leges moresque proiecta, vt non aliquos deos credat.* Verissimè. alia alibi religio est, vbiq; aliqua : nec in veteri & nostro solum orbe hoc apparuit, sed in rudi illo nouo. vbi inter barbaros, feros, homicidas, homi- edones, quis angulum adhuc repperit, quem religio & numen non vindicaret? Adeò verum est, hoc de Deo ab ipso Deo nobis insitum, & animam ab æthere adferre secum, etsi confusam, tamen firmam hanc opinionem. Vniuersum genus humanum hoc dicit, & dixit: quis tu vnus alterve es, qui opponis? Imò Diagoras etiam olim, & Prodicus, & Theodorus. Nescio, deos planè & plenè negasse, haud arbitror: sed illos, quos tunc colebant, hoc opinor : & ideò αἰθερῶν cognomine affectos. Sed esto. etiam duo trësve illi negauerint, insani homines aut monstra : ideò er-

1. de cæl.
cap. 111.

Epistolâ
cxvii.

roris vniuersum genus humanum damnemus, & quidem in re summâ? Non facimus: & arguat nos ipsa hæc societas hominum, & iure legibusque deuincti cœtus, aliquod non caput solum rerum sed vinculum esse, quod conseruet. Age enim in hac malitiâ nostrâ, quæ leges satis validæ sint, nisi opinio & frænum de Numine accedat? Atqui falsa aliqua opinatio nec tam efficax, nec tam diuturna vniquam sit: est igitur reipsâ Numen. Tertiò, ab animo cuiusque suo argumentum. Consule te, ille ipse qui dissentis. in rectè factis ecquid letari aut diffundi te sentis: contrahi in sceleribus & angî? ne dissimula, sentis: atque id etiam in occultis. Vnde autem ille alteruter sensus, nisi quia animus iudicat iudicem alium esse, & aliquid homini præter hominem timendum? quod profectò est Numen. Quartò, est etiam interior animi motus an metus, qui in omnibus, & malis præsertim, se prodit. Quis ad tonitru non concutitur? & vt cum poëtâ dicam;

—— cui non correpunt membra pauore,

Fulminis horribili cùm plagâ torrida tellus

Contremit, & magnum percurrunt murmura cælum?

Isti ipsi qui Deum spernunt, Deum tunc agnoscunt, & vel inuiti oculos animosque ad cælestes illas minas demittunt. Audi Suetonium de Caligulâ: *Cùm deos, inquit, tanto opere contemneret, ad minima tamen tonitrua aut fulgura conuiuere & caput obuoluere, ad maiora verò proripere se è strato sub lectumque condere solebat.* Onoster supra Iouem Iupiter, quid aut quem times? Eiice naturam, eiice rationem, redeunt: & ad cæli murmur metuis, quem debes vereri. Adeò verum, sensu quodam, illud poëtæ est:

Primus in orbe deos fecit timor:

etsi non fecit propriè, sed aperuit & ostendit. Quintò denique ab ipso etiam te. in quo nempe Mentem aliquam agnoscis vegetantem, sentientem, gubernantem: & non vis in magno hoc vniuerso esse? præsertim cùm vetus Sapientia commodissimè dixerit, *Hominem esse paruum quemdam Mundum.* Si ergo in te, sit in illo; non tuam vides, non illius; sed ab effectibus nêpe tuam, sic & hanc agnosce. Atque Homine relicto, ad effectus istos, & extra eum ibo. Age, Motum primò hunc rerum vides? cælum volui & reuolui? astra habere diuersos vel aduersos inter se cursus? Atque eos omnes certos, & ad legem: dic mihi à quo præ-

scriptam? Sibi certè nemo norinam hanc adfiduæ seruitutis indicet. Alius igitur? quis? adscende, & gradibus peruenies ad immotum illum, & omnia mouentem. Vt in horologio, cum gnomonem serpere sensim vides, non illuc sistis, sed ad rotas rotulasque abis & miraris, & denique manum & ingenium auctoris primi: idem hinc fac, & Deum repperisti. Secundò, Ordinem in vniuerso intueri: qui cum admiratione vel stupore potius examinetur. Supera illa locum suum habent & seruent; tum media, & ima: nihil exorbitat aut mutat. Ignis in terram non descendit, terra in cælum non ascendit; aër, mare, flumina locum, fluxum, cursum suum seruant: omnia ex usu & decoro, ut melius pulchriusque nihil possit: & non auctorem horum agnoscis & rectorem? In domum aliquam magnam si venisti, ubi aulae expansa, pauimenta conspersa, sedilia disposita, vasa exposita, succincti & pexi ministri: an non ab ipso illo ornatu dominum, cum non vides, præsumis? Fac in verè hoc mundo, & Deum habes. Tertiò, Conseruatio rerum eò ducat. Dissident elementa inter se, & à naturâ iis est luctatio & pugna: cur autem alia non interimunt, aut vincunt? cur tanto æuo in modo & finibus suis perseverant? Ipsæ animantes dente, cornu, ungue, veneno noxiæ sunt, aliæ alias insequuntur: quid tueretur quodque genus & seruat? Nos homines sic asperi & assidui in bella, in mutuas cædes; quomodo non perdimus aut perimus? Manent omnia, eriguntur aut coërcentur: & vis profectò atque imperium est quod tam diuersa continet atque adstringit: id autem est Deus. Quartò, à fine rerum ad principium & caput est peruenire. Nónne agunt singula, atque etiam inanima spectant & tangunt certum aliquem scopum? Atqui nesciunt illum, nec à se eligunt: tangunt igitur aliquo dirigente, qui sciat eligatque. Vt sagitta sponte ad scopum non peruenit, oculus est qui collineat, manus quæ impellit: sic in istis, & ductorem & directorem habent, quem nisi Deum? Dixi effectus, qui mundum tangunt: age iam, vide mihi ipsum, & quæ in ipso. Potest melius, pulchrius, aptius aliquid cogitari? quid in toto est non mirabile, delectabile, & quod animum oculosque simul mulceat verberetque? Vide rotundam illam Vniuersi formam; vide connexionem inter se partium; vide varietatem, & super omnia magnitudinem & spatia

spatia finita, nec tamen oculis & vix mente finienda. Quis insistit & scrutatur, & non simul magnum, pulchrum, bonum auctorem horum sentit & admittit illabentem? Vis partes videre? tolle in cælum oculos, & mirare illud sine colore cærum, sine igne lucidum, sine quiete & sine fatigatione motum. Tot astra in eo scintillantia, & æternum lucentes faces: atque has minores, maiores, iunctas, dissitas, sine numero, & in numerum choreas suas ducentes. O aspectum illum oblectabilem an venerabilem, cum nigra nox terras regit, cælum aperit,

— currumque sequuntur

Matris lasciuo sidera fulua choro.

Vix auellor: sed tamen ad Aërem te demitte. quid fluor ille videtur, & tenui filo puritas? sed puritas (aliter quam in cælo) incerta, & sæpè ventis, niuibus, grandine, sæpissimè pluuiis turbata. Quid in aëre ipsi ignes, & imagines quædam astrorum? Sunt stellæ cadentes, sunt horribiles cometæ, alijq; ardores in trabem, facem, capram. Iam Aqua nos excipit, multiplici facie. vides fontes perenne manantes, fluuios obliquis rectisque meatibus decurrentes, ipsum mare arcanam & pænè aliam naturam. Hoc ventis modò inhorrescit & attollitur, nunc placidâ tranquillitate subsidet, & malaciâ blanditur: & tamen in omni statu, statas suas habet crescendi & minuendi vices. Terræ denique nostræ insiste, & totam conspice, sic grauem, sic brutam, in medio aëre, naturâ librante, suspensam. Partes dispice, quas pulcherrimè variat, & in ardua montium, accliuâ collium, depressa vallium, plana camporum distinguit. Quid deinde ex eâ? alibi arbores stirpesq; attolluntur, & velut comæ matrem inumbrant; alibi fruges, herbæ, flores, vestiunt & exornant. Flores, quorum vnum si videas acrius & scrutèrè: mentior, nisi in eo ipsum Deum. Ita omnia in subtili corpusculo, formâ, odore, colore, bella, suauia, descripta: vt mens stupeat, & manus aut ars nulla sit æmulando. Iam quæ super eam vide. tot illa genera classesque auium, quæ tamen in eâ nidulantur, pascunt, insistent: tot animantium, formâ, robore, ingenio dissidentium, quibus illa habitaculum est & alimentum. Singula diduc & rimare. quid non in suo genere pulcherrimum, perfectissimum? ita dico, vt homini numquam satis sagacis ingenij sit, ad vnum culicem aut formicam plenè

dignoscendam & deformandam. O mira! ô super omnia mira, rex & caput animantium Homo? quis ille, & quàm condecens, erectus status est? quid caput in vertebis suis mobile? quid oculi ignei, & altum petentes? manus & pedes agiles? omnia membra in mutuū auxilium apta & nexa? Stilus deficit in exteriorē illā formā describendā: interiores dotes audebit libare? ita, sed libare. Deus bone, quæ mens illa nostra est? quàm celeris in eā cogitatio, & ictu oculi cælum, terras, maria peruadens? quæ memoria sic capax, sic adseruans? quæ ratio subtiliter colligens & concludens? quod ex omnibus iudicium dirigens & decidens? Profectò tanta vnius illius animantis pulchritudo, dignitas, vis & vigor est: vt si Deus non est, ipse sit Deus. Atqui non est, agnoscit auctorem alium: ego patrem, pater auum, auus proauum: & quis primum illum fecit? qui solus est infectus, Deus. En, vt eò reuoluar vnde incepti, Homo homini clamat & ingerit, Deū esse. At enim, inquit, quæ tu attollis & magnificas, hæc omnia per Naturam sunt. Ita enim loquuntur & sentiunt, & tuus etiam acriculus, vt dicebas. Per Naturam? quid ea est? vis aliqua non sentiens mundo huic insita, & per partes eius omnes permeans? Ita, inquit. Ita? & hæc igitur sine sensu, sine mente, tam pulchra, tam varia, tam distincta facit, ordinat: atque etiam ipsa, quæ animam atque animū habent? Quomodo potest ignobile in nobilius, deterius in melius agere, & vim suam efficaciter exercere? non sequentur, & parebunt. At sentiens, intellegēs, & animata quædam illa vis est, dicit alius. Si ita, iam conuentio inter nos est: & hoc quod Naturam sic appellas, ipsa est Deus. De nomine quid litigem? nisi quòd turpe tamen, eum qui nasci omnia facit, & quod sunt esse, non à gignendo dici sed nascendo. Vides ab *Homine*, ab *Euentis*, ab ipso *Mundo*, rectorem in eo esse: & pulcherrimè Tertullianus: *Habet Deus testimonia totū hoc quod sumus, & in quo sumus*. Sed adiungam etiam aliquid de *Signis*, & quas ipsa diuinitas ad fiduē suggerit sui notas. Proh Deū, Deum aliquis abnuīt aut ambigit, qui Diuinationem videt? Et quis non videt, & ab omni xuo vidit, vates furore instinctos, somnio monitos, aliter edoctos, futura edicere, idque in sæcula & ætates? A se ille Martius, aut Sibylla habent, an vis alia superior & doctior est quæ inspirat? Si à se, cur non alij pariter homines?

r. aduers.
Marc.

cur

cur non iidem illi omni tempore & semper? Clarum est: idem-
que in Magicis, in Miraculis, in tot operibus præter aut supra
Naturam, ubi Numen & Genij eius administri se miscent. An
hæc non sunt? non omnis vetusta lectio & hodierna observatio
dicit? Hærent. & obscura sunt, inquiunt: ita, sed iis quibus pri-
ma illa Causa obscura est, à quâ solâ palam hæc manant. Iam
Geniorum etiam lusus aut illudia, apparitiones, præstigiæ, &
plura notata & notanda cottidie, aliquid super hominē & com-
munem Naturam adfirmant: frustra rationibus indaganda, nisi
hoc fundamento superstruas, Deum esse. Veni Diodore, rena-
scere Epicure, non aliud habebis dicere: & solum hoc à Signis
rem confecerit, ut rationis capax iudex nihil hîc diffindat. Vnum
etiam, & desino. observatum crebrò, ne dicam semper, istos Nu-
minis palam spretores, pœnas palam luisse ab ipso immittas, &
plerosque infelicem vitam tristiore morte consummasse. Ca-
veant, & Euripidem audiant, de Pentheo:

Εἰ δ' ἐστὶν ἄσις δαιμόνων ὑπερφρονεῖ,

Εἰς τῶδ' ἀθρήσας θεῶν αἶον, ἡγήσῃω θεός:

At si quis est diuina qui contempserit,

Is fata in huius intuens, putet Deos.

Finii mi Berchemi, ô utinam cum eius bono, cui hæc vis scri-
pta! Etsi ego quoque noui, qui in isto erroris barathro: sed ferè
adolescentes, & quos proteruia aut lasciuiam magis, quàm ratio
aut destinatio impellit. Quos equidem Platonici istis verbis
compellem: Ο παῖ, νεὸς εἶ, προϊὼν δὲ σε χρόνος ποιήσει πολλὰ, ὥς νυν x. de Legi-
bus.
δοξάζεις μεταβαλόντα, ὅπῃ τ' ἀναντία τίθεσθαι. περίμενον ἔν εἰς τότε κελτὴς περὶ
τῶδ' μεγίστων γίγνεται, μέγιστον δὲ, ὁ νυν ἐδ' ἐν ἡγῇ σὺ, τὸ, ὡς τὰς θεῶν ὁρθῶς δια-
κονήντα, ζῆν καλῶς: O adolescens, iuuenis es etiam. Et sequens ætas ef-
ficiet, ut multa quæ nunc sentis in aduersa commutes. Differ igitur in
id tempus iudex de rebus maximis esse. maximum autem, quod nunc
pro nihilo ducis, de diis rectè opinantem, VITAM RECTE INSTI-
TVERE. Hæc illis, hæc tuo dixerim. qui ætate non mente matu-
rior, amplectatur cum bonâ religione & talem vitam. Vis tria
verba? ab istâ malâ, malus hic sensus. Vale. Louanij, III. Idus
Ianuar. ∞. IO. XCVII.

EPISTOLA XXVII.

*Mechliniam.*IOH. BERNARTIO, *Cognato & amico* S.

SANE gratæ mihi tuæ litteræ istæ vltimæ fuerunt, quæ & valere te ac tuos (en fructum coniugij) dicerent, ac benè & commodè te agere, quod maximè desiderabam. Antea punctiunculæ aliquæ in tuo animo, ob desideria nostrarum virginum, & nondum plenè te ceperat iunxeratque cælestis illa Astræa. Vides quàm honorificè? & sanè ita sentio, si habes tractasque ex dignitate. Quàm multos iuuandi ac demerendi tibi fas, per bonum fidumque patrocinium? nec mouet, quòd dedecorant multi, qui splendorem eius Deæ non vident, oculos animumque habent tantum in splendore auri. Non tu ex illis, scio: rectam viam ipse ini, atque aliis præi, & forum tuum iuua atque orna etiam exemplo. Mane, inquam, in tuâ Iuliâ, quam Imperator ille summus tibi iunxit: nec veto tamen veteres amicas respicere. in quas meus penè amor (certè studium, aut cultus) elanguit, cum hoc languore. Qui me grauius solito iam vrsit, ab aliquot septimanis. Heu, quando finis! quando ad lætos illos locos

Fortunatorum nemorum, sedesque beatas?

Nam harum turbidarum iam tædet: & tu vale mi Bernarti, ac pænè dixeram, vale vita. Louanij, Idibus Maiis. ∞. IO. XCVII.

EPISTOLA XXVIII.

CHRISTOPHORO ASSONVILLIO, *Consiliario Regio intimo* S. D.

DOLOREM meum, quem ex obitu filij tui accepi, seriùs fortasse testor; sed hoc ideo, quia nec ipse libèter in sermonem hunc veniebam, nec apud te illū refricabam. An desunt, qui solati sunt? copia tibi amicorum, scio, quos beneficia & merita tua, cum publica, tum priuata parauerunt: & quidem magnos principesque viros. Quid ego festinare interuenire, & nebulam hanc, vt sic dicam, spargere inter eas stellas? Et verè nebulam dixi. nam lucem illam animi, aut alacritatem, ad solandum non adfero: quia & me priuatim dolor ille tangit, vt qui filium tuum amaui, & illum vicissim semper benignum in me sensi, & peramicum. Cum initio in hæc loca veni, paucos habui quibus no-

uitas

uitas mea niteretur : te inter primos , Vir Ampl^{me} repperi , ad quem acclinarem , & vnà filium tuum , qui velut manu iniectâ duceret ac commendaret. Ac perpetua deinde nobis amicitia litteris , etiam aliis officiis , culta fuit. An igitur non doleam , in iacturâ & amissione eius , sic immaturâ ? ex animo doleo : atque vtiq̃am, vt flumen in riuos plures sparsum minuitur ; sic tuus dolor , communicatus cum aliis , leuior minorq̃ue fiat ! certè ego quoque inter minuentes essem : ego inter canales , qui exciperem & deriuarem. Sed vereor , vt hoc ipsum augeat , & cogitatio tibi subiiciat , maius illud bonum esse , quod tam multi amissum lugent. Itaque huic parti non insisto : etsi in vero amore , & paterno affectu : grande solatium , filium amisisse in bonâ & florente famâ. Incerta sunt omnia rerum humanarum. qui hodie virtutem amplectitur , cras vitium potest ; qui nunc benè audit , cras malè ; & nemo liberos vel optimos habet , vt non cum gaudio & metu aliquo aspiciendos. En , magnus ille Deus , tuus atque illius parens , hunc eripuit : in optimo quidem æuo , sed & in famâ optimâ : acquiescamus , & sciamus sic expediuisse. Sicut hortorum peritus cultor , plantas quasdam priusquam degenerent , euellit , & vtitur ; quosdam florum in calice , quosdam & fructuum in acerbitate decerpit , & in mel ac saccharum recondit : scito sic facere magnum illum mundani horti cultorem , alios aliosq̃ue aliàs carpere , quemque in suum vsum. Atque en , alterum inclusum hîc solatium : Deus facit , Deus tollit. quid mortalis ô homo obstrepis , & voces aut lamenta spargis ? Quin scito , nihil ab eo nisi tempestiuè , nisi vtiliter , & ex salute nostrâ fieri. Certè Christiani sic edocti sumus , vitam hanc esse carcerem , peregrinationem , miseriarum abyssum : quid ergo querelis prosequimur , quod votis debebamus ? Ille obiit ? à vinculis ad libertatem iuit. Obiit ? à curis & angoribus ad gaudia , vti speramus. Obiit ? absoluit iter , decurrit stadium , palmam & coronam habet. Quisquis lugeat , videat ne ab inuidente propior sit , quàm ab amante. Atqui priuari iucundissimo & familiari eo aspectu graue est , disiungi à parte nostri sanguinis ; viscera , vt sic dicam , euelli & in putrem hanc terram dari. Hi sunt affectus paterni , non nescio , aut nego : sed Ratio quæ homini propria , & telum in omnia fortuita data , quid dicit ? non nouum esse : legem communem,

nem, quam alij subierunt ante nos, nobiscum subeunt, post nos subibunt. Quot parentes orbos vidisti, aut vides? & quidem omni stirpe & prole. Ecce tibi benignus Deus alterum ramum seruat, & ex isto ipso iam detracto, fruticem & stirpem. Atque ut diu seruet, supplex eum rogo. Solare te igitur, & oculos ab illo, quem Deus & cælum habent, ad hos mitte, qui etiam nunc superfunt in nostrâ terrâ. Habes filiam, habes neptem: habes ubi cogitatio, ubi & vultus tuus conquiescat, cum à Curiâ & rebus grauib. domum redis. Quin solare etiam te ab ipsâ Curiâ, & sollennibus tuis curis. Ille sapiens & potens noster Rex, tot annos te habuit, arcani magnique consilij capacem & consortem: in fluctibus tenebrisque rerum, cum alij vacillarent aut caligarent, tu firmus obnixusque stetisti pro Deo & ipso: fer tecum egregiam hanc laudem, si publica non turbarunt, nec priuata dimouisse te à clauo. An iacebis, & in filij iacturâ manum remittes, aut languebis; quem cadens circa te, pænè dicam, ipsa Belgica non commouit? qui ruentem in licentiam, & ab hac in exitium, quantum vnâ manu poterat, retraxisti & firmasti? Age vir magne, firma te quoque his cogitationibus: munus tuum inspicere, & stationem quam in orbe hoc tenes. Non es tui iuris, vel affectus: Respublica totum te iam pridem habet. Ne desere. id quoque gratum illi filio tuo, qui amantissimus patriæ, è cælo (ita spero) & superis locis, robur tuum lætante oculo videbit, & votis etiam iuuabit. Sed & hoc gratum Regi, Ser^{mo} nostro Proregi; qui, in tumore hoc rerum, consilij animique tui egent. Ea igitur ut Deus (nam & illius ope opus est) tibi det, Amp^{me} Domine, toto pectore eum rogo. Louanij, VII. Kal. Iulias. ∞. IO. XCVII.

EPISTOLA XXIX.

*Leodicum.*CAROLO BILLEO, *Ser^{mo} Electori ab intimis consiliis.*

AMPLVM, atq; ad eò duplex munus à Principe accepi, sed per te mihi missum. Addam & per te datum? non mentiar, & in animo sentio post Principem, & pænè cum ipso, hoc tibi deberi. O tuam benignitatem, eò clariorem, quò obscuriora mea in te officia! neque id animi vitio, sed occasionis aut facultatis inopiâ, quâ vsque adhuc fateor & doleo me destitutum. Certè
animi

animi tamen testis erit, quamdiu scriptum illud erit, nominis tui insertio in *POLIORCETICON* Dialogismos: & alibi fortassè clariùs promam, si Deus etiam vitam & valetudinem mihi producit. Ad quam quia Fontes vestri facere videntur, ad eos adspirabam, & simul ad vos, ut coràm gratias agerem: sed pericula me terrent, & occupatiunculæ etiam tenent. Occupatiunculæ dico litterariæ. nã à publicis aut ciuilibus mihi feriæ: & semper erunt,

— nec istæc

Otia diuitiis Arabum liberrima mutem.

In iis ut securior etiam aut instructior perseuerem, fateor liberalitate vestrà factum: quam hîc calamo, in animo velut stigmatè imprimo, non deleadam. Ampl^{mc} & Nobil^{mc} Domine, voueo te Principi & rebus diu saluum. Louanij, Idibus Iuliis. ∞. I. O. XCVII.

EPISTOLA XXX.

Mechliniam.

NICOLAO OVDARTO, I^{to} Canonico, & Officiali S. D.

EGO verò mi Oudarte, te cum Hartio nostro nuper libens vidi, atque utinam occasio sæpe sit huiusmodi sermonum! Ut herbas crescere scimus à pluuiâ, sic mihi & huic animo fit à tali rore. Nam te quid amicius? quid Hartio suauius? qui, ita me Deus amet, totus ex leporibus & Veneribus factus mihi videtur. Atqui etiam amicum tertium mihi adiunxistis Antistitem Massium. Vbi is nunc est? si apud vos, ne abeat sine meâ hac salute. Sin autem abest, quæso vel per litteras (nam scribere te arbitrator) mitte. Vir prorsus est dignus eo honore, quem bono publico sustinebit. De scriptis meis quod audiuiisti, ita est. *POLITICA* emendamus, quia sic moniti Româ fuimus: vbi liber ille in pretio, sed quædam quæ apertiùs dici volunt, aut non dici. Fecimus: videbis, cum ipse lucem. Augmentum tamen nunc ne expecta: sumus in aliis curis. & mi Oudarte (ut liberè agam, quod apud te non possum, sed debeo) quid valdè ad scribendum nos inuitet? Iudicia? apud exteros benigna sunt, hîc nonnisi apud vos paucos. Atque utinam non essent, qui calumniarentur aut premerent: quod largiter mihi factû hos tres annos. Nisi Deus adiuuisset, non fuisset resistendo. At nunc tamen caput paul-

E c

lùm

lùm tollo, & vnâ ad studia stitumque redeo; & incitat etiam iuuentus, quæ hîc in nos prona. Si vestri proceres, videbo: & tibi atque Hartio nihilominus debebo, quia beneficia ab animo metior, non à successu. De Rege Galliæ, & hoc mirabili eius factò quid censeam, quæris. Mihi verò mirabile est, atque etiam laudabile, si rectâ mente consilioq; susceptum. Cur id non credam? multa sunt quæ me inducant, quicquid alij diffidant. Regem & Principem eum esse, ac tali animo: quàm fæda autem ista fraus, & nullo præmio suscipienda? Alij alia, reges infamiam curant, aut certè debent: quæ ipsum apud præsentès & posteros maneat, si iterum mutet. Sunt & alia quæ teneant. Maxima pars Galliæ, antiquâ in religione: ipsi proceres plerique tales, & præsertim ij qui è cognatione eius, & quos *Sanguinis* vocant. Hos alienet omnes aut offendat? non expedit, non faciet. Et caput denique rei, quòd caput religionis nostræ, id est Pontifex, recipere eum iudicauit, & bonis fociare: quis bonus igitur abnuet aut diffidet? Habes breuiter meum sensum. nec tamen dissimulo, hæc non esse pro bono aut augmento nostri Regis fortasse: sed pietas, vt scis, præit, & primas in humanis ducit. Opto illi salutem, & per eum toti regno. Vale mi Oudarte, cum Hartio nostro, quem censeo & cupio hâc ipsâ epistolâ me affari. Louanij, XIII. Kal. Sept. ∞. IO. XCVII.

E P I S T O L A X X X I.

O T H O N I H A R T I O *J^{to}* & V. C. S. D.

ANTONIUS verò tuus rediit, qui ita vicinus mihi, vt pænè contubernalis & in eâdem domo censerî possit. Sed de domo parum est, animo non emigravit: in quo & ipse sese, & tu eum asseres, qui veterem & firmam in eo sedem habes. De Præsidis in me beniuolentiâ & scio, & triumpho: & ab illo igne accensam hanc flammulam, quæ in Principum animis eluxit, non ignoro. Egi cum eo de filiis nuper, & dixi quod ipsa res est, ex re eorum fore vt peregrinarentur. Ætas iam adest & paullatim ad-mouendi sunt, quisque ad munia, quòd pater destinauit. Ego vrbe hac totâ teste possum dicere, benè, modestè, industriè eos se gerere

gerere & gessisse : sed nempe nec in beatorum insulis inclusum sedere me iuuet, & alacri huic adolescentiæ plura & plures videnti sunt. Absit ut tanti sit vnus Lipsius, nec vel immortalitatis lege Circe retinuit Vlysses. Eant, videant, prudentiæ atq; etiam auctoritatis aliquid absentiâ colligant : tum ad nos redeant, patrem oblectent, patriam iuuent. Antonium quidem si pater fulcrum &, ut verbo hoc utar, destinam familiæ destinat : cur tardat? Iam adoleuit, iam & coniugio maturuit, è quo Richardotos posteris etiam donet. Hęc ad te, ut tu in occasione apud patrem : cui stare equidem hanc sententiam puto, sed ne labascet, aut nimis protollat. Quod ais de munere ab Aulâ; nosti me, seriò, seriò paucis contentum, nec inter hiantes illas aues. Quid si tamen obiiciant? non abiiciam, vel vno isto fine, ut hęc & in Iscano meo ædificem, alterum necessitati, alterum voluptati. Nam hęc pars domus meæ ruinam minatur: Iscanum prætoriolum partim incuriâ collapsum est, partim hostili nuper igne consumptum. Et quàm me iuuet tamen secessum aliquem animo & viribus recreandis habere? Spero, Principes mei quæ vsui sunt saltem suppeditabunt, si non quæ voluptati. At hæc tibi, quid mentior? per te etiam aliis, sed melioribus amicis, si qui volunt & possunt iuuare. Occasionem fortassè breui dederò de me cogitandi, editione *Panegyrici* quem Plinius Traiano dixit : qui diuinus planè liber est, & nouo Principi, Diu boni, quàm aptus? Illi Oratiunculam subiunxero, quam hęc extemporaneam dixi. Vtinam meditationi locus fuisset, dignius aliquid ipsis & me dedissem! nunc parendum fuit, & querenda non ingenij, sed obsequij gloria. Vale V. C. Louanij, postridie Kalend. anni Sæcularis ∞. MDC.

EPISTOLA XXXII.

IOANNI RICHARDOTO, *Præsidi Consilij Regij.*

SUSTINVI me, & cohibui iam aliquamdiu à scribendo, etsi animus & caussa impellebat : tamen locus ubi esses, & res in quibus esses, dissuadebant. quid ita? quia castra & turbæ te habebant: & verebar calamo aut verbis tibi obstrepere, inter armorum sonitus & tubarum. Sperabam etiam, breui te ad nos & ad

quietem reuersurum : & tunc duplici nomine gratulaturum , & dignitatis partæ , & retentæ incolumitatis. Nunc cum longius id fiat, ego indecorè filere mihi visus , & abrui , & laxavi frænum affectui , qui gratulari tibi iamdiu non cupit , sed gestit. Causa publica est , & omnes , atque in iis me , tangit. Rex noster magnus primarium munus tibi detulit , & caput ac præfidem declarauit Consilij sui sanctioris. Liceat dicere quod res est , eras tu iamantè ipsâ re caput , & eminebas : quod prudentia tua singularis , & vsus rerum , & dexteritas quædam rara agendi , tibi dabant omnium concessu : sed auctoritas & testimonium à primo capite accessit , & is tibi præmium diu debitum non dedit , vt hoc quoque verè dicam , sed soluit. Ergo gratulamur tibi , qui in senio iam & ætate ingrauescente conquiescis , tum in factorum conscientia , tum in Regis testato iudicio : sed magis gratulamur Reipublicæ , & ipsi etiam Regi , qui tali electione te ornat , illam & se curat vel auget. Beatum statum ominamur , vbi præmia talia ex merito sunt : nec aliud certius optimi & sapientissimi Regis argumentum , quàm boni sapientesque ministri. O Respublica , ô Belgica propriè nostra , quàm eges ! Et mihi atque aliis spes accessit , aut potius fiducia , rerum meliorum & tranquilliorum , sub tali Prorege , qualem Publica felicitas dedit ; sub tali Præside , qualem eadem illi adiunxit. Vt periculosum mare , & hiemis tempore , qui ingreditur , consulere & interrogare solet de gubernatore & nauarcho : sic popularium animi intenti , per turbida hæc tempora , in eos qui ad clauum nostrum sedent. Ille & tu sedetis , cum bono Deo : atque vt diu sedeatis , & turbas has sedetis , idem numen rogo. Ecce in Galliâ res non pro spe aut voto fortassè : nihil est : magni non solum animi , sed fortunæ indicium est , obniti , & non cedere ad incurrentem aut aduersantem aliquam sortem. Vetus illud dictum fuit , *Et agere & PATI fortia , Romanum esse* : est profectò & illorum omnium , qui res magnas animo volunt. Atque aduersa ista quædam hoc etiam boni habent , vt doceant , aut certè moneant , in posterum non nimis tardare , & occasionibus rerum temporumque vti. Sed quò ego delabor ? gratulari solum mihi propositum , toto & effuso animo (velim ipsum videas) tum & hoc , post publica , priuatum significare , tuis apud me benè esse. Vterque , inquam , filius valet , &

magis

magis magisque indies se mihi & aliis probat. Non ut apud patrem hæc loquor, imò liberalius si non apud patrem. Guilielmus planè etiam se erigit, corpore & animo fit valentior & alacrior, & iam dubitare incipio, utrùm tuorum magis probem. Maneat semper hoc certamen, hæc mea suspensio: & ipsi alios vincant, inter se dubiam faciant palmam. Amplissime & nobilissime Domine vota concipio, ut diu nobis Præses sis, remp. iactatam constituas, & tuos (cum idonei erunt) admoueat ad aliquam eius partem. Louanij, Idib. Octob. ∞. ID. XCVII.

EPISTOLA XXXIII. *Tornacum.*

HIERONYMO VVINGIO *J^{to} & Canonico S. D.*

LEGI epistolam tuam ab ipsâ Beniuolentiâ tibi dictatam. Iamdiu noui hunc animum mi VVingi, nec in pectore solum, sed in vultu tuo habitantem. Dicam tibi breuibus & fidis verbis? redamo vero & pleno affectu, ac Deus mihi det semper & probari talibus, & probare. Doctrinæ partes tuas habes, sed eam solam spectari à me aut estimari si censes, ah quàm falsus sis? Amo candorem, virtutem, & eius studium: cetera huc eant & subseruiant, atq; ipsa doctrina modò sit ornamentum vel adiumentum. Misera & ambitiosa vita, quæ finem tantum habet scire aut sciri! Multi celebres improbi fuere, & quorum gloriam nihil æmulamur. Sit nobis hîc benè viuere, cum modestiâ & prudentiâ æquor hoc transire, sæpè tumidum & vndosum: sit ab istâ tranquillitate, ad posteram & æternam beatitudinem venire. Hæc facere te pro parte tuâ scio, & nos conamur: atque isti consentientes sensus firmiter nos iungunt. Quod autem rogas me, ut ipsum hoc corpusculum vobis sistam: vellem bonâ fide, & mecum meditor: sed hac hieme, id verò non potest. Ne valetudo quidem suadeat, ut scis, tenuis fili & imbecilla. Æstate si possum, faciam: etsi compedes me ligant adolescentium aliquot honestiorum, quos in contubernium admisi. Eos solos deferere, & sine capite, scis quàm nec ex re ipsorum sit, nec ex honore item meo. Tamen videbo. amoliri hæc onera in istâ ætate velim, & *nauibz atque quadrigis*, ut ille ait, petere Tranquillitatis portum. Vale Vir Reu^{de} & Cl^{me}. Louanij, post. Non. Nou. ∞. ID. XCVII.

EPISTOLA XXXIII.

Tornacum.

PETRO CORETO, *Theologo, & Canonico S. D.*

NON imposuit is, qui non de memoriâ meâ tui solùm, sed & de affectu narravit. Ita enim profectò res habet, sæpè mihi amica mentio aut quæsitio de te fuit, quem in primo illo scholasticæ militiæ tirocinio noui, & ex eo firmiter in istâ mente habui inclusum. Renouauit memoriam, & adfectum addidit liber, quem piè & eruditè scripsisti in id genus hominum, qui Politicæ prætextu pietatem mouent aut eiiciunt: quæ pestis, inter alias, misero quoque hoc æuo nata est, & vtinam non uiuat uigeatque ubi minimè deberet! Hæc igitur à me in te fuerunt: gaudeo apud te eadem. & quod notitia adhuc aut in occulto amor fuit, age, sit amicitia: quam ego tecum sanctè coëo, & per has litteras paciscor. Spero & coràm sermone, dexterâ datâ, me facturum: si Deus valetudinem aut viæ securitatem in ætate annuet. quâ mihi decretum excurrere, & urbem vestram visere, & in eâ amicos. Tempora haud læta sunt, fateor: quid si erunt? quid si miseritis nostri ille Deus, inopinatam lucem & quietem, post tenebras & tumultus insanos dabit? Spem fecit, & Iris aliqua à Galliâ apparuit: ô seriò & fideliter fiat, & sol ille pacis erumpat! Vale. Louanij, IIII. Kal. Ianuar. ∞. IO. XCVIII.

EPISTOLA XXXV.

IOANNI RICHARDOTO, *Præsidi.*

AVDIIMVS lati de discessu tuo (nec id indignare) non quia ipsum gratum haberemus, sed quia eius causam. Deus bone, quis Belgarum non gaudeat & excitetur ad Pacis illud nomen, tot annos pulsæ & exsulantis? Ad quam procurandam te mitti in primis interest, ob ea quæ nihil opus est apud te dici. Si hæc inopinata lux nobis affulget, quæ exsultatio erit? quæ tua etiam gloria & gratia? Iterùm dico, lætor in tuo discessu: quem Deus breuem tamen faciat, celerem reditum det & successum. Amp^{me} & Nob^{me} Domine, abi, perfice, redi. Louanij, III. Kalendar. Febr. ∞. IO. XCVIII.

EPI-

EPISTOLA XXXVI.

Leodicum.

MART. ANTONIO DELRIO.

ABIIT muliercula nuper sine meis litteris, sed non sine affectu aut cogitationibus, quas ad te misi. Cur non & illas? audi non tua, id est vana & mundana. Nuptias in domo meâ habebam: quid hoc est? inquires: nam liberos non habes, aut qui in domo tuâ te tangunt. Fateor, sed vxor mea in vrbe habet, qui sanguine & affectu iunguntur: inter eos sororis filium, qui vxorem duxit, & quidem (ô meam bonitatem!) in meâ domum. Ego ineptias illas omnes toleraui, conuiuia, saltationes, potationes, & siquid adhæret. Beatos vos, qui hæc auditis tantum! & me tamen in propinquo gradu, qui video tantum, ad animum ea non admitto. In theatro aliquo cum maximè tunc mihi esse videor, & spectare non comœdiam, sed minimum aut Attellanas. O curas, ô occupationes hominum! intereâ vita labitur, & isti miseri nûquam aut rarò quid sit verè viuere, nisi cum desinunt, vident. Sed habes excusationem, à te fortassè accusandam, aut vt optimè cedat, ridendam. Quid intereâ ADMIRANDA tua? dicces. Illa sufflaminantur in fine cursus à magno nostro Gubernatore vel aurigâ, cui habenas eorum in manus dedi. Nam ipsi, vt significasse me puto, inscripsi. Ecce autem hæsitatio est de Titulis, & vtrum illum *Sacræ purpuræ* omitemus: quod Rex in litteris suis facit. Consului ipsum Aulæ oraculum. dictionem retuli, exspectandum aliquamdiu esse, donec ex Hispaniâ cõfirmantes aliæ litteræ venirent. Itaque exspecto, & Typographus mecum, etsi non libens. Scis & in ipsâ Præfatione aliquid dicendum aut non dicendum esse, prout Zephyrus ille adspirabit. Publica autem nunc in magnâ & erectâ spe, per colloquia & conuentus hos de pace. Sunt verò, qui & conuenisse iam inter Reges putent, & hæc Parerga nobis pingi. Faxit ille Deus, & quia video in bello nos parum calere, libenter frigus nostrum ducam ad pacem. Huic maturandæ Rex in Britanniam Gallicam copias Hispanorum exposuit ad sex millia, vt dicunt. Hoc non assero, de pecuniâ assero, quæ tandem huc pedem tulit. In menses XVIII. suppeditata dicitur certò, & in singulos CCL. millia aureorum. Ecce Carmen (ad nostra enim redeo) Burdigalis scriptum in
mortem

mortem I. Spondani; ibi mei quoque mentio satis scita, & totum carmen bellum & eruditum: ideoque ut volebas, mitto. Præfert auctorem Ioh. Sammartinum Aquensem. Quis sit nescio, nisi doctum & pium esse. Dominicus Theologus hîc ægrotabat, aut potius moriebatur tabe confectus. Cetera ferè sunt ut reliquisti: aut siquid mutat, per alios hæc scitis. Te valere opto, te publicè dicere & scribere opto, uti iam cœpisti. Louanij, prid. Non. Febr. ∞. IO. XCVIII.

EPISTOLA XXXVII.

Antuerpiam.

HERIBERTO ROSVVEIO, è Soc. Jesu, S. D.

ERGO tu etiam nunc Antuerpiæ? tacitâ obiurgatione te verbero, quòd illîc tamdiu, & tam propè, & sine alloquio nostrî. Sed factum nunc tamen, vnaque illâ epistolâ mihi satisfactum. Scribis N.N. libros te vidisse, atque in iis quædam de me, alia in me: quid miraris mi Heriberte? Ita mores & litteratura huius æui est, & præsertim in Criticis, ut vix aliter litare se putent in his sacris. At vide quàm ego curiosus. audieram iamdiu à nostro Orano, neglexi inspicere, & nec nunc quidem te monente vidi. Quid hoc est? famæ negligentia, aut iudiciorum contèptio? non est: sed non lubet tangere aut propiùs adstare hunc morbum, ne & in me contagium transfundat. Appello quicumque mea legerunt, candorem in iis & benignitatem esse, sine morfu directo vel obliquo: vnicam Satyram excipio, quæ ipsa quid est, nisi in vniuersum genus innoxius quidam lusus? At ille bonus etiam defensione nostrâ offenditur in *Cruce*: quæ tamen nuda defensio est, & scutum modò præfert, gladium non stringit. Nec stringit vîquam hæc manus, ne in Germanos quidem quosdam proteruos, qui stilo me laceßunt. Ego verò extra culpas non sum, nec extra notas esse cupio: hoc velim, ut sint modestæ, & quæ humanitati condeceant, quam profiteamur. Tu & Schottus noster ADMIRANDA valdè probatis: sed ego ipse iam nunc quædam improbo, & editio altera emendabit. Suggerite interea, siquid habetis. P. Schottum saluere iubeo, cum aliquâ penè irâ. Quid enim ille nimis amicè ADMIRANDA nostra apud Augustanos deprædicauit (ex Velferi litteris vidi) & famam

famam excitauit, quam non sustinebunt? Comprime meo nomine, non amorem eius, sed laudem. Vale mi Heriberte. Louanij, post. Nonas Feb. ∞. IO. XCVIII.

EPISTOLA XXXVIII.

IOANNI RICHARDOTO, *Præsidi.*

EGRAVI & grandi legatione istâ te reducem esse, & sic reducem, quis amicorum tuorum non gratuletur? imò quis ciuium, & mediocriter bonorum, non gaudeat & gratuletur? Causa profectò iusta est, si fuit vîquam; cùm rem perfeceris & arduam, & non Belgicâ solùm, sed Europæ optabilem & salutarem. Dissidia inter potentissimos Reges, quæ causas veteres aut nouas habebant, quæ variis flabellis etiam excitabantur: ea prudentiâ tuâ & Collegarum, addam & felicitate quadam ac fauore numinis, composita sunt, & simul tot mala & clades sublata, quæ triplicem Galliam hanc vastabant. Et non iure omnes gaudeamus, gratulemur, gratias agamus? Facimus profectò, ore & animo; & nos amici hoc magis, quòd iste tam splendidus velut aditus, & auspiciu sit, nouæ tuæ dignitatis. Quomodo magis ea insigniri vel decorari potuit, quàm tam sollenni hac actione? quæ non finibus locorum nostrorum aut temporum continebitur, sed in orbis spatia & æui totius ibit. Quamdiu Annales & rerum memoria erit (semper autem diuinâ quadam prouidentia erit) & inclyta hæc actio, & tuæ in eâ partes ac nomen celebrabuntur. Itaque non tibi solùm hunc titulum & splendorem, sed etiam posteris tuis gratulor: qui hanc nobilem famam, & velut ius imaginis, inter cetera, à parente suo habebunt. Cresce animo ô noster Præses, & huic quoque longiùs mitte à tam felici incepto, quò vota omnium nostrûm vocant. Quò? ad totam plenamque pacem: quam si hilum sapiant Bataui nostri, iam habeamus & fruamur. O non pertinaces solùm, sed malè sagaces! alij præueniunt, fortassè & præuenient; & portum cùm occupauerint, patientur in fluctibus vos iactari. Audite Deum, Regem, nos, qui sic ex animo cupimus vobis factum. Sed quò eo? in Batauos affectum mihi esse non nego (qui tamen boni inter eos sunt, aut esse volunt) atque is me à te abduxit: etsi hæc

ipsa auersio te spectat. Felicem nostrum Gubernatorem, si vobis adnitentibus & auxiliantibus, hoc quoque diffidium componit, & infausta ciuilia bella ad Orci tenebras relegat! Fiat, fiat: & tibi quoque ouatio ex hoc successu debeat. Ego toto animo Deum illum pacis rogo: & eundem, ut te Amplissime & Nobilissime Præses, diu frui partâ gloriâ, & nouam parere, in fastigio isto dignitatis sinat. Louanij. prid. Kal. Iunias. ∞ .IO. XCVIII.

EPISTOLA XXXIX.

I. LIPSIUS

CORNELIO ANCHEMANTO

BRUGENSI V. N.

IURISCONSULTI TITVLVM GRATVLATVR,

ET AD VSVM EIVS PRAEIT.

QUARTVS è meâ domo prodix, qui legum & Iustitiæ sacra inis: quod felix, lætum, vtile tibi, tuis, patriæ esse, illo animo voueo & opto, quem nosti. Versu & altiore sono volebam, & fortassè debebam: sed ad pedestrem sermonem valetudo mea abiicit, & Spartanos imitari adigit. quos ut tibia in pugnam, non tuba animauit: sic ego te ad honesta,

Errabunda regens tenui vestigia voce.

Quidni regam? serio nunc hoc iuris & legum pelagus intras: in quo scopuli & vada, inò & Scylla sua & Charybdis est: & quamquam natura & institutio iuuant ac dirigunt, tamen, nescio quomodo, vitio humani ingenij,

— *procliuior usus*

In peiora datur, suadetque Licentia luxum.

Coërcebo igitur, &, quod in me est, efficiam ut verè I. C.^{us} sis atque audias,

Candidus, & talos à vertice purus ad imos.

Sicut victores circulis quibusdam vasa adstringunt atque alligant, ne quid effluat: sic ego paucis monitis tuum animum, ne humor

humor ille melioris doctrinæ, quem combibisti. Tria suggero, ad vsum fructumque tituli: SCIENTIAM, ABSTINENTIAM, CONSCIENTIAM. quæ si vsurpas,

— *ô fidere dextro*

Editæ, multa tibi Diuum indulgentia fanit.

SCIENTIAM adfers nunc quidem: sed recolenda, atque adeo augenda est:

— *dubiis vt litibus addere finem*

Noueris, & mersum latebris educere verum.

Recolenda primùm. quia vt apud Iudæos illa animalia pura, & sacris apta, quæ ruminant: sic huius Diuæ aris illæ mystes, qui iura & leges repetit identidem, & apud se colit. Sed augenda etiam. nec leges has solùm à Romano Principe hauries, sed illas veteres, &

— *tabulas peccare vetantes*

Quas bis quinque viri sanxerunt.

Iuuabit ab ipso capite & origine ius petere: iuuabit longiùs ire, & Platonis, Aristotelis, Charondæ, Zaleuci, & talium leges addere: quid leges? etiam historias, aut alia scripta, si qui è Sapientiæ & Prudentiæ libris hauserunt, & ad vsum generis humani contulerunt. O suauem mixtionem & cinnum! Ac sicut lupini, per se amari, aquâ perfusi dulcescunt: sic tetrica ista legum à tali temperie mitigantur. Quod modo & iudicio fecisse, profectò

Attingit solium Jouis, & celestibus equat.

Alterum, quod suggestum eo, ABSTINENTIA est. quo sensu? vt seriò sis

Vindex auaræ fraudis, & abstinens

Ducentis ad se cuncta pecuniæ.

Pestem, dico, illam auaritiæ vites, Iustitiæ ipsum exitium & pestem. Thebani olim argutè, Iudicium statuas scalpere & effingere ita soliti, vt sine manibus essent, & oculis auersis: nempe vt ne aurum caperent; imò nec cuperent, & possent eius, quamquam

— *ingentes, oculo irretorto*

Cernere acervos.

Iasonas & Argonautas hodie vides? fuge, non ad Astræam, sed ad Medeam & auream pecudem nauigant: quos scēnicè, sed

verè & liberè tetigit olim Ammianus. Hi, inquit, *nec fas vllum præ oculis habent, sed tamquam Avaritiæ vanumdati & vsucapti, nihil præter infeminatam petendi licentiam norunt. Et si quem semel intra retia ceperunt, cassibus mille impedicant, per morborum aut occupationum simulationem vicissim consultò cessantes: utque peruulgati iuris lectio vna proferatur, septem vendibiles parant introitus, dilationum examina longissima contexentes. Et latus hic locus sit. quoniam ab isto ferè capite, &*

— *fonte, derivata clades*

In patriam, populosque fluxit.

Sed stringo,

— *nec plura adnecto, tuisve*

Moribus indubito:

quos puros ab hâc labe fore, spondet mihi & altior tua indoles, & ipsæ opes, quarum largiter Dei virtute & maiorum habes. Tertium monitum CONSCIENTIA: & an non in eo omnia? possis includere. Qui hanc, id est rectam cælestemque Rationem consulit: Iustitiæ sacerdos re, non verbo, erit. nec ut histriones, qui Regum Principumque personam agunt, veste, gestu, sermone similes, introrsum nihil eorum habent: sic iste apparebit

Introrsum turpis, speciosus pelle decorâ.

Ille verò toto animo & mente Iustitiâ diliget, promet, asseret:

— *rectique tenorem*

Flectere non odium, non vis, non gratia, coget.

Procul ab eo isti, quibus in hoc studio vnum studium,

Verba dare ut cautè possint, pugnare dolosè,

Insidias facere, ut si hostes sint omnibus omnes.

Malè, & ô malos! ille Deum, iura, se intuebitur: & finem semper, pacare & sedare. Da ut possit fallere, &

Noctem peccatis, & fraudibus obijce nubem:

mundo teste geri arbitrabitur, quicquid supremo illo teste geritur: & habebit impressum pectori,

Εἷν δίκης ὀφθαλμός, ὃς τὰ πάνθ' ὁρᾷ:

Est equitatis oculus, omnia qui videt.

Satis (ut tempus est) monui: tu tria hæc servabis, ô noster. Neque enim vnum aliquod satis est. sed ut in citharâ si vel vnica fides discrepat, concentus & harmonia tota periit: sic Iustitia, si
quid

quid horum delinquat. Non erit, precor & ominor.

— *sed, vt altus Olympi*

Vertex, qui spatio ventos hiemesque reliquit,

Celsior exsurgit pluuiis, auditque ruentes

Sub pedibus nimbos, & cæca tonitrua calcat,

fictu super INSCITIAM, AVARITIAM, AFFECTVS, spernes ea & calcabis. Facies quod magni animi scito tuo præfers, PACEM SVMMA TENENT; ita Deus hoc atque alio æuo illam donet. Louanij, III. Kal. Mart. ∞. IO. CI.

EPISTOLA XL.

ANTONIO VVINGIO, Priori in Abbatia Latienfi.

EPISTOLAM tuam libens vidi, notam & characterem animi quem sermone nuper expressisti. Quid nisi pietatem & modestiam iste & illa spirant: atque ea insita animo, non ascititia aut efficta? Gratulor, moueor, & à contactu isto sentio me quoque ad ea excitari & adduci. Vt aqua igni admota calefcit; sic nostrum frigus ad hunc ardorem. Et licuit tibi inter paucos esse splendido, & vt amici, ingenium, opes erant, magno: spreuisti & spernis,

— *& tuâ*

Virtute te inuoluis, probamque

Pauperiem sine dote quæris.

Felicem! & quid hoc est, nisi æternum decus, pro his fugacibus, meditari, & sese terris subductum

Stellis inferere, & concilio Jouis?

Atque equidem non te tantum regustare, sed & locum illum videre aueo, pietati & quieti consecratum: qui insignes viros dedit & dabit, lumina & stellas in tenebras huius æui. Aueo inquam: & si Deus votis meis annuit, effectum hoc dabo, non sine Hieronymo fratre tuo comite, quem in Neruiis videbo. Placeat? precibus ergo tuis nos adiuua, vt quod animo volumus, viribus possimus. Louanij, Kal. Iuniis. ∞. IO. XCVIII.

EPISTOLA XLI.

IO. RICHARDOTO, *Præsidi.*

ABEVNTÉ ad te Rubenio tuo, mihi indecorum, tibi inopinatum esset, venire eum sine litteris. Quas haud magno tamen argumento mitto, nisi illo veteri, (& gaudeo sic semper esse) liberos tuos benè & industriè agere, & viam rectam pergere ad Virtutis & Honoris templa. Enimverò hoc tibi lætitiæ & solatio esse debet, inter quædam nubila aut tristitia, quibus vita humana distinguitur ex communi quâdam lege. Sicuti dolens equidem intellexi Cognatæ tuæ fatum properum & importunum, in ipso vitæ & rerum eius flore. Sed quid, nisi pati & modicè ferre, sapienti viro reliquum? Est mare quoddam, hæc vita. Fluctus in eâ assidui, sæpè tempestates: & iterum malacia aliqua & tranquillitas distinguit. Felices, qui, ut periti & duriores nautæ, assueverunt: nec ad singulas concussiones nauseant & ægrescunt. Prudentia hoc robur tibi dedit: & confirmare debet etiam dignitas, qui in alto illo positus, vitam viuis in exemplum. Ad quod ut liberi tui adspiciant, & cursum suum dirigant, Deum oro: & eundem, ut te Amp^{mc} & Nob^{mc} Domine, ex voto nostro & publico, diu patriæ seruet. Louanij, pridie Non. Sextil. ∞. IO. XCVIII.

EPISTOLA XLII.

*Bruxellas.*NICOLAO FABRI, *Moderatori iuuentutis.*

SCRIPTIO tua, Vir optime, affectum tota spirat, sicut & nuper sermo. Originem ei & fontem das scripta mea, & quæ in laudem nostram adiungis: parcè à me agnoscenda, qui nec maxima ea noui; & si essent, à primo illo fonte bonorum manare scio, id est, Deo. Agameinnon ille Homericus hoc ingerat:

*Robore si
valeas,
nempe hæc
sunt munera
Diuinûm.

*Εἰ μάλ' ἀκαρτερός εἶμι, θεός περ σὸν τό γ' ἔδωκεν.

Itaque intra modestiæ limites meritò me sisto, nec euehar aut educar vanitatis vllâ aurâ. At ego te coràm amaui, & tuum institutum vitæ, quod in iuuentute moribus & litteris formandâ occupatur. Præclarè occupatur, ne ambige. & apud veros iudices, apud ipsum Deum, præmia tibi & laudes, super vulgi istas laureas

laureas aut coronas. Quid Respublica omnis sit, sine hâc institutione? quid spei in hâc nostrâ, si ista neglegitur? Imò quia olim neglecta fortassè, hinc labes istæ morum & lapsus rerum, quos dolemus & miseramur: nec medicinam iis ego spero, nisi à iuventute, id est, aliâ quasi semente virorum, quæ puriter & seueriore disciplinâ sit imbuta. Fac, fac pro tuâ virili, & de patriâ benè merere, in re magis quàm in specie, & bonorum animos tibi sic pignera, meum inter illos. Vale. Louanij, III. Nonas Decemb. ∞. IO. XCVIII.

EPISTOLA XLIII.

IOANNI RICHARDOTO, *Præsidi.*

FILIVS tuus heri publicè dixit: & quid ego verba faciam? habes ecce testem, imò testes. Ita Deus mihi omnia bona faciat, vt benè, vt optimè dixit, & cum approbatione vel & admiratione (eo verbo vtendum est) auditorum. Nomen in hac Scholâ peperit, quod venturi aliquot anni non exstinguent. Gratulor tibi, ipsi, mihi: & Deum precor, vt hæc bona si non augeat (augebit tamen) seruet. Te vnà Amp^{me} & Nob^{me} Domine, communi bono. Louanij, XVII. Kal. anni noui ∞. IO. XCIX.

EPISTOLA XLIV.

Mechliniam.

NIC. OVDARTO, *I^{sto} et Canonico S. D.*

EGO verò confortem te, vel conscium non quidem vocationis (iamdiu eas spreui) sed inuitationis facio: quam mihi pænè decretum obire. An renuam tam amanter elicienti, & quod ipse iamdiu affecto? Nam Italiam, & urbem sacram, in sacro illo anno, videre vetus, & pium est meum votum. Si Deus vitam, & vires aliquas dat, peregrinari certum est, sed in paucos menses. Patriam non deserò, nisi Deus me ad cælestem illam euocat; quod tam hîc, quàm illîc potest. Fatalem meam nec horam, nec locum effugiam. Et, ipsa Roma si mihi sepulchrum sit, quid mali? imò optandi fortassè aliquid (sepono religionem) homini in Romanis studiis, scriptisque versato, & ab iis etiam (ne superbum sit) laudato. Sed hoc vt Deus, & Parca

mea

mea volent. Interea an non tuo quoque, & amicorum concessu, post xxx. amplius annorum assiduos labores, aut scriptiones, menses aliquot valetudini, & honestæ voluptati dederim? mihi videtur: &, si ij qui nobis imperant, recusent, aut tergiversentur: quid dicam, nisi imminites dominos esse? Sed non facient. clientes sumus, non mancipia, & nobis quoque iuris aliquid est in nobis. Hæc satis maturè ad te scribo: multa cadere possunt inter os & offam, vt aiunt: sed garrire tecum libuit, & primas etiam cogitationes conferre. Eadem hæc cum Hartio nostro, quem nunc tecum esse opinor, aut breui fore. Sed cum duobus vobis tantum: hoc rogatus esto. Quid enim opus hæc in ora hominum venire, & variis iudiciis agitari? In tempore indicabitur, quibus oportet: tu nunc habe, & vale mi optime Oudarte. Louanij, xi. Kal. Febr. ∞. Io. xcix.

EPISTOLA XLV.

*Bruxellam.*HENRICO STRAVIO, I^{to} & Canonico.

ACCEPI litteras, quas Româ ad me Ill^{mus} Cardinalis Sfortia misit, Deus bone quàm benignas? Neque enim dissimulo apud te earum argumentum. quod cum cetera beniuolum & honestum sit, tum etiam inuitationem habet ad annum sacrum Sæcularem: quâ equidem eò magis puto me vsurum, quia sponte propendebam. Italiam, & vrbein dominam reuisere, arcnum mihi iamdiu votum est: sed reuisere tantum, & patria mea (nisi Deus, & Fatum impediunt) iterum me habebit. Hoc ei respondeo, & sub conditione valetudinis addico. rogo vt tuâ operâ sciat, & has accipiat: tum etiam Ill^{mo} Nuncio cultum, & obsequia mea deferas, nec consilium hoc meum celes. Apud alios propalare nihil opus, quia adhuc immaturum est, & plures menses intersunt. Vale R^{de} & Cl^{me} Domine, & me tuum cense. Louanij, viii. Kal. Febr. ∞. Io. xcix.

EPISTOLA XLVI.

*Mechliniam.*NICOLAO OVDARTO I^{to} & Canonico S. D.

OMNINO id rectius tutiusque, mi Oudarte, non epistolam nostram, sed quædam fortassis ex eâ transcribere, si tamen
v^{fus}

vsus ita videatur. Nam ego nec hoc nimis probem, vel ob unicam hanc causam. quòd nos procul à rebus constituti, & consiliorum ignari, velut per caliginem iudicamus, & laude aut culpâ prosequimur interdum, quæ neutrum mereantur. Vniuersè aliquid dicere de Rep. possumus: distinctè & ad rem illi, qui rebus miscentur & interfunt. Itaque vt vitâ abstinemus & abiungimur ab hac parte; sic mihi etiam placeat iudiciis, & certè scriptione. Nam de sermone parùm est, qui benè an malè prolatus, abit mox in auras. Quod ad iter meum, iterùm miror te dissentire, miror nec tamen queror, quia ab amore esse censeo, non ab animi iudicio hunc dissensum. Et dupliciter fortasse times, siue valetudini, siue constantiæ etiam nostræ. Illi, vt iter parùm toleret; huic, ne precibus aut suasionibus Italogum succumbat. De priore, in manu Dei esse scimus, & hîc quoque certè non bonam aut firmam eam esse: de alterâ, securum ego te, & per te alios, esse iubeo, tam certus & destinatus redeundi quàm cundi, si vita & spiritus tantùm mihi adsunt. Et quæ causâ etiam diffidendi est? ne vocatus quidem olim, & honestissimè vocatus ac reuocatus, parui: nunc mutabo aut nutabo in senio isto, in rebus meis compositis pænè ad votum? Nam & in stipendio acquiescimus; nec pænitet gratiæ, quam in aulâ aut apud magnates habemus; & superest etiam fauor & beniuolentia iuuentutis. Denique patria hæc est, quam non omitto aut defero, quamdiu ea me non deserit aut spernit. Obsecro te, apud alios ita affirma & loquere: hac in re nihil equidem fallam. At verò peregrinari mihi & vel animi causâ (omitto religionem) menses paucos non concedere, quæ, vt leuiter dicam, inhumanitas sit? Annos plus triginta iam hoc saxum volumus, scribentes assiduè aut legentes: corpus fractum, & animus etiam labascit aut fastidit: nemo qui Lipsium amat, arceat eum ab hac breui & honestâ voluptate. Liceat oculos amato aspectu iterùm pascere, liceat animum reficere sermonibus illustrium virorum. Prodest sanè hoc omnibus, & vigor à peregrinatione sumitur: sed nobis manifestiùs, quibus continua hæc defidia & pertinacis studij continuatio, non tristitiam aut tedium solum induxit, sed morbum. Age, patiaris te vel hoc telo deiici: & Lipsium si diu esse vis, imò si esse vis, permitte exspatiari, varietate & motu refici, &

reddi (ita Deus faciat) sibiipsi. Vale mi optatissime Oudarte.
Louanij, vii. Kal. April. ∞. Io. xcix.

EPISTOLA XLVII.

Bruxellam.

IOANNI RICHARDOTO, *Præsidi.*

CONSILII, quod cepi, consortem facere te inter primos meritò debeo; siue pro cultu quem tibi defero, siue quia ea res tuas quoque cogitationes in parte tangit. Est autem tale. Instat Romæ annus Sæcularis sacer, quem Iubilæum dicimus: ad quem & Religio me, & viri aliquot Principes inuitant. Deceui obire (quod cum bonâ tamen veniâ vestrâ fiat) & hunc capere ante obitum pietatis fructum, siue etiam voluptatis. Non enim dissimulo, suaue mihi erit ea loca olim visa recognoscere: sed & valetudo fortassè melior, per mutationem hanc & motum. Vt aquæ diutino situ vitium contrahunt: sic nostri animi assiduâ hâc vel sessione, vel quiete. Ingenio denique & stilo proderit, discuti nonnihil & excitari hunc veternum, qui, fateor, ab aliquot mensibus me nunc habet. Ista sunt quæ suadent, Amplissime Domine, & rogo vt assensus tui calculus accedat, quo vel solo mihi & aliis decretum meum probem. Cur id non sperem? breuis emanatio erit, si Deus volet, nec nisi mensium aliquot hibernorum. Nam in Autumno proximo ire statui, redire cum primo Vere. Quòd aliquis suspicetur de emanatione aut altiore consilio, fallatur: & testor æternum Numen nihil esse, & si vita mihi adsit, adfuturum iterum vobis sub tempus dictum. Hæc in consilio de me sunt: sed idem, vt dixi, te etiam aliqua tangit. Nam liberi tui in meo contubernio sunt, atque iis quid fieri velis, in tempore deliberandum est. Enimverò satis diu eos fuisse in vno loco, sub vnis ductoribus & quasi signis, seriò dico; & ex re atque etiam ex more sit, alia aliosque lustrare. Sed nihil præeo: prudentia tua super nostram est, & fortassè iam nunc consilia habes (vt amor & cura paterna est) præmeditata & explicata. Ego testor seriò & ex penitissimo pectore, consuetudinem illorum caram mihi esse: & ita se probasse modestiâ, industriâ, obsequio, vt animo eos induerim, nec nisi fato ex eo delendos. Ampliss^{me} & Nobil^{me} Domine, habes consilij mei summam: quod iterum
rogo

rogo probari à te, imò & iuari, si opus erit. quod equidem à beniuolentiâ tuâ, quam eximiam semper sensi, spero aut potiùs confido. Vale. Louanij, VII. Kal. Maiias, ∞ . IO. XCIX.

EPISTOLA XLVIII.

*Mechliniam.*OTHONI HARTIO, *in supremâ curiâ Senatori.*

SVAVE nuper fuit, mi Harti, sermonibùs vestris, sed & epulis spasci: cur negem? & hilaris illa ac libera per Liberi pocilla diffusio, est vegetandæ & recreandæ nostræ menti. Scis quàm adfiduè in tristibus aut seriis curis simus, scis quàm sæpè in languore & caliginosâ illâ bile: age, vel ex Senecæ præcepto, non solum consilio, potiuncula interponatur, *non tamen ut mergat nos, sed ut curas deprimat*: quia & Cato ipse

Explicuit vino contracta seria frontis.

Sed in sermonibus, sedulò tunc agitatum de *Recitatione* veterum: quam ego laudatum ibam, & pro meo voto reuocatum. Certè si quis mos hodie utilis, in hac copiâ scribentium aut scripturientium; ille sit, vel sistendis quibusdam ingenijs, vel dirigendis. O quàm optabile, eruditorum & beniuolentium, id est vestri similitum iudicijs sensibusque, scripta & publicanda recensere! quod Recitatio illa dabat, licebatque per eam

Egregio inspersos abstergere corpore naevos.

Vt videas, cuiusmodi olim fuerit, distinctè dicam: & notâ eâ, nō dubito quin in partes & vota mea cū Oudarto nostro ibis. Vetus ea Romæ. saltem inter Poëtas: quod vnum aut præcipuum tunc genus scriptorum: & reperio apud Valerium, *Collegium Poëtarum* iam liberâ Republicâ fuisse. quid nisi ut recitarent inter se, iudicarentur & iudicarent? Et mansit etiam postea *Schola Poëtarum*: quam Martialis nominat bis ter & agnoscit. Ovidius hoc amplius, etiam diem fuisse quo conuiuia annua agitarent, ipsis Liberalibus: & dolet ac queritur exsuli sibi hoc solatij ereptum. Scio nos in Batauis olim vsurpassè; & cum delectatione, dico & fructu, vsurpassè. Ab hoc exemplo, nisi fallor, propagata ad alios scriptores Recitatio; siue etiam à Græcis, quos causas & testimonia habeo, quibus inducor habuisse. Sed vndeunde origo, duplex tamen Recitatio: Priuata, & Publica. Dico illam,

quæ domi & inter amicos tantum notosque usurpata: istam, quæ publicè, inter plures, & ignotis etiam aduocatis. Hæc plus speciei aut ambitionis habuit; illa prior plus fructus, & hæc est quam mihi votum usurpari. Fecit Horatius: qui de sese,

Nec recito cuiquam, nisi amicis.

Fecit & Augustus, de quo Suetonius: *Nonnulla* (è scriptis suis) *in cœtu familiarium, velut in auditorio, recitauit.* Sed Auditoria igitur Publicæ Recitationi erant. cui primus auctor Asinius Pollio, sub Augusto. cum ingenia scilicet florerent, & se efferrent, ac passim proferrent varios & suaves illos fructus. Is (vt Senecæ patris verba sunt) *PRIMVS omnium Romanorum, aduocatis hominibus, scripta sua recitauit.* Nota aduocari homines. nam ita solebat: atque ij voce, codicillis, libellis inuitabantur. De voce, ridet ambitionem istam Epictetus Arriani, & verba quoque exprimit: *Ἀκούσων μὲν σήμερον ἀφελεζομένους ἐν τῇ οἰκίᾳ τῇ Κοδράτῃ: Audi, sodes, me hodie differentem, in domo Quadrati.* Atque hoc quidem apud familiares & obuios fiebat; alij monebantur per scripta. Plinius in Epistolis: *Nunc otiosissimus quisque, multo antè rogatus, & identidem admonitus, aut non venit; aut si venit, queritur se diem, quia non perdiderit, perdidisse.* Et clariùs alibi: *Hunc librum cùm amicis recitare voluissèm, non per Codicillos, non per Libellos, sed si commodum & valde vacaret admoniti, fœdissimis insuper tempestatibus, per biduum, conuenerunt.* Distinguit autem inibi Codicillos à Libellis. quia illi mitti ad amicos aut notos solent, vicein epistolæ; isti, sparsim & in publico proponi. Tacitus, siue Fabius, Dialogo de Causis corruptæ eloquentiæ: *Bassus cùm toto anno unum librum extudit & elucubrauit, rogare vtrò & ambire cogitur, vt sint qui dignentur audire: & nec id quidem gratis. nam & domum mutuatur, & subsellia conducit, & Libellos dispergit.* Id fiebat, die edicto. Iuuenalis:

—— *letam fecit cùm Statius urbem,*

Promisitque diem.

Vides breuiter totam scenam ambitionis: quam fatendū est, largiter rei initio optimæ superuenisse. Itaq; inuitabāt audituros; sed & inducebant & alliciebant, principiis operum publicatis, velut ad gustum. Plinij verbis dici hoc videtur libro II. Epist. *Nec aliâ ex causâ principia librorum circumferuntur, quàm quia existimatur*

pars

pars aliqua etiam sine ceteris esse perfecta. Domum etiam, vt dixit Fabius, mutuabantur. nempe tenuiores, & quibus à se laxa & magna atria non erant. Nam in iis scilicet recitabant. Iuuenalis:

Frontonis platani conuulsaque marmora clamant

Semper, & assiduo ruptæ lectore columnæ.

Platanones iuxta atria, & in istis columnæ: quas *rumpi* dicit à recitante, ob vim pronunciantis, vel plausum strepitumq. auditorum. Ita idem de Statio, placente:

— *fregit subsellia versu.*

& Sidonius de quodam: *Hunc olim perorantem, & rhetorica sedilia plausibili oratione frangentem.* Potes & ad diuturnitatem referre, & homines, imò columnas, audiendo fatigatos & fractos. Sed de Domo, idem Iuuenalis alibi:

— *at si dulcedine famæ*

Succensus recites, Maculonus commodat ades,

Ac longè ferrata domus seruire iubetur,

In quâ sollicitas imitatur ianua portas.

Vbi etiam Satyricè ridet & naso agit excubias, dispositis ad portam, quasi in bello, qui admittant venientes aut excludant. Addit autem Fabius, & *subsellia* *conduci.* nimirum quæ in atrio disponerentur fessui, orbe quodam & ordine, ac theatro exemplo. Iuuenalis iterum:

Nemo dabit regum, quanti subsellia constant,

Et quæ conducto pendent anabathra tigillo,

Quæque reportandis posita est orchestra cathedris.

Tria ostendit in his Auditoriis fuisse, Subsellia, Anabathra, Orchestram. Subsellia, in medio ac planicie atque, ita vt dicam, æquore atrij: Anabathra ad latera, quæ adsurgerent gradatim & per scalas, theatroli more: denique Orchestra, è cathedris, quæ ante ipsum Suggestum posita recitantis. De Anabathris, quæ sic in orbem, aliquid innuere & iuuare Diogenes Laërtius videtur in Menedemo. quem dicit fuisse *ἐκκλίττω, καὶ τὰ τῆς σχολῆς ἀδελφῶσιν.* *ἔτε γὰρ*, inquit, *τάξιν πινά ἦν παρ' αὐτῶν βλέπειν, ἔτε βάρθρα κυκλῶς διέκειντο, ἀλλ' ἔαν' ἑκάστος ἔτυχε περὶ πατρίῃ ἢ καθήκοντος, ἤκουε καὶ αὐτὸς τῶν ῥόπων ἀδελφαιμένων:* *simplici neglegentiâ, & eorum quæ ad Scholam pertinerent, indifferentem.* Neque enim erat ordinem aliquem apud eum videre, neque sedilia aut gradus in orbem dispositi erant: sed vbi quisque

ambulans aut sedens fortè erat, ibi & eum sic affectum audiebat. Sed & Suetonius in Claudio: quem refrigeratum dicit, cum initio Recitationis, compluribus subselliis obesitate cuiusdam defraetis, risus exortus esset. Si plura subsellia ab vno defracta; nonne consequens est, extructa alia super alia fuisse? Et planè ita decorum aptumque ad audiendum: & cur nō vel in Scholis publicis hodie imitantur? Sicut & illa parua Orchestra in theatris fuit: in quâ, primore scilicet parte, honestiores federent & velut Senatores.

III. Differ.

cap. XXI.

* Suspectū.

*Apertè etiam Arrianus, in hos ambitiosos recitatores: τὸ ἵνα γένηται, δεῖ τεθῆναι * χίλια βάθρα, καὶ παρακληθῆναι τοὺς ἀκουσμένους, καὶ σε ἐν κομῷ σολῶ ἢ ξιθωνίῳ ἀναβάντα ἐπὶ πούλενον, διαγράψαι πῶς ἀχιλλεύς ἀπέθανε: Hæc ut fiant, oportet collocare mille subsellia, & vocare audituros, & teipsum in nitidâ togulâ aut palliolo puluinum conscendere, & describere morientem Achillem. Qui præter Anabathra siue gradus, hominem ipsum describit recitaturum,*

— *pexumque, togaque recenti,*

ut Persius: & ascendentem in Puluinum, siue ut idem poëta,

— *sede legentem Celsâ,*

in quâ tamen puluinus, molliori sessui. In Orchestrâ cum sedisse, Scholiastes vetus ad Iuuenalis hunc locum scribit: Orchestra, inquit, spatium in theatro dicitur, quod Pantomimo saltanti vacat. eiusmodi autem & Poëta eligit, in quo stans recitet ante tabulata. Ita hæc emendamus, etsi non approbamus. & sedit profectò, non stetit poëta, atque adeò, ut diximus, in puluino. Iuuenalis autem mentem arbitror, Subsellia, Anabathra, & in fronte ante ipsum recitatorem Orchestrâ fuisse, planè ut in theatris: vbi inferiore & primore illâ parte, primores & Senatores sedebant. Itaque hîc cathedræ aliquæ dispositæ honestioribus, extra auditorum plebem. Plinius de se recitaturus: Positis ante lectos cathedris amicos collocaui. Martialis vniuersè:

— *circum pulpita nostra*

Et steriles cathedras basia sola crepant.

In nostris auditionibus poëtarum, nihil serium aut ad quæstum; amores, & basia tantum. Reportandas autem cathedras eas Satyrus dixit: vel quia usurariæ, vel quia conductæ: vel denique ab suis locis huc collatæ. Atque hæc igitur in Domibus recitatio: fuit etiam in publico loco. quo? Apollinis templum alij volunt,

volunt, ex Horatio: — *hæc ego ludo*

Quæ nec in æde sonent resonantia, iudice Tarpâ.

vbi Apollinis Palatini ædem Scholia etiam vctera interpretantur. sicut & hoc eius loco:

— & *vacuam Romanis vatibus ædem.*

Nec refellam: etsi de Athenæo, magis mihi liquet. Imò & Horatianus quidam Scholiastes: *In æde, in Athenæo* interpretatur. Hæreo tantùm & quæro, an Athenæum siue Mineruium illud sic Romæ antiquum. Postea tamen fuit, & huic vsui frequens. Capitolinus in Perrinace: *Processionem, quam ad Athenæum destinauerat, vt audiret Poëtam, distulit.* Lampridius, Alexandro: *Ad Athenæum, audiendorum Græcorum & Latinorum rhetorum vel Poëtarum caussa, frequenter processit.* Ac noto etiam ibi theatricam illam posituram graduum fuisse. Ita enim Sidonius *Athenæi cuneos* dixit. & alibi: *Quo recitante, crepitantis Athenæi subsellia cuneata quaterentur.* Nota *cuneata*, nota & *quassa*, à plausu & strepitu, vt dixi. Nam hunc mirè captabant. Adsurgebantigitur, clamabant, plaudebant. De primo, Martialis:

Sapiùs adsurgam recitanti carmina? tu stas,

Et pariter geminas tendis in astra manus.

Quod est hominum scilicet admirantium, & nec sede suâ se tenentium. De clamoribus autem, & qui fuerint, idem poëta:

Effæetè, grauiter, citò, nequiter, euge, beatè.

& sæpissimè, *καλῶς, σφῶς*. De plausu autem, passim. Sed pulchrum, quòd conducerent etiam id genus operas, aut iamantè præpararent. Iuuenalis:

Scit dare libertos extremâ in parte sedentes

• *Ordinis, & magnas comitum disponere voces.*

Nempe isti *Sophos* illud acclamabant, & modulatè laudabant, sportulis inuitati & cænis. Sæpè Martialis tangit, & Plinius iunior: qui etiam * *Sophocles*, & *Laudicænos* facete appellat. Addit autem, quod rideant vel seueri: *Heri, inquit, duo nomenclatores mei (habent sanè ætatem eorum, qui nuper togas sumpserunt) ternis denariis ad laudandum trahabantur. tanti constat, vt sis disertissimus.* Hoc pretio quamlibet numerosa subsellia complentur, hoc ingens corona colligitur, hoc infiniti clamores commouentur; cùm *μεσόχορ* & dedit signum. Opus est enim signo apud non intellegentes. Lepidè, & vel ex-

Lib. II.
epist. IX.
Lib. IX.

* Quia *Sophos* illud clamarent: & laudarent, cana caussa.

scribens

scribens rideo. Sed de *Mesochoris* & *Signo*, Scholiastes Iuuenalis illustrat in Sat. XI. ad verba *Testarum crepitus*. *Testis nam antea* (inquit) *percutiebant saltantibus Pantomimis, quidam huc non erat ut mesocori percuterent manus*. Legendum: quia adhuc non erat, ut *Mesochori*. Ergo nouitium hoc inuentum, ut ille in medio quasi laudantium & cantantium choro consisteret, & manu percussâ signum daret concinendi. Hæc igitur Publica Recitatio, & sæpe vitiosa: in quâ laudes, non iudicia captabant. Sed utebantur etiam vulgò. ut Ouidius ille:

Carmina cum primum populo iuuenilia legi.

Ut Silius, de quo Plinius: *Nonnumquam iudicia hominum Recitationibus experiebatur*. Ipse Domitianus Princeps, cum studiū Poëtices adsumularet, *recitauit etiam publicè*, ut Suetonius scripsit. Sed & Claudius Imperator, *Historiam in adolescentiâ, hortante T. Liuiio, scribere aggressus, frequenti auditorio commisit*. Quid, quod Principes ipsi audirent? magnus studiorum honos, aut calcar. Augustus certè (in Suetonio) *Recitantes & benignè & patienter audiuit, nec tantum Carmina (&) Historias, sed & Orationes & Dialogos*. Legi alibi, & Claudium Imperatorem vel inopinatò recitantibus quibusdam superuenisse. An non studia atque ingenia tali auditorio excitarentur? Sed ex Suetonij illâ de Augusto notâ, appâret rarò Orationes legi solere; plurimum Carmina, Historiasque. Quod etiam Plinius ostendit, & damnat, epistolâ XVII. libri VII. Poëmata autem, ob suauitatem, recitata & audita creberrimè. idque Iulio mense maximè vel Augusto. Plinius: *Iulio mense, quo lites maximè interquiescunt, positis ante lectos cathedris, amicos collocaui*. Et addit, se versus suos recitasse. Iuuenalis autem quasi ex more notat — *Augusto recitantes mense poëtæ*.

At Plinius iterum *Aprilem*, ut sollennem, ingerit libro II. Epist. *Magnum prouentum poëtarum hic annus attulit. toto mense Aprili nullus ferè dies, quo non aliquis recitaret*. An quia præuenerunt, & graue iis exspectare Iulium vel Augustum? an toto anno licebat, & solebat? Hæc Recitatio, & vsus eius vel abusus. Sed vsus in bonâ eâ profectò magnus fuit: ac verè Theophrastus, *Αἱ ἀναγνώσεις ποιεῖσιν ἐπανορθώσεις*: *Recitationes pariuunt emendationes*: quod scitum & breue dictum, Laërtius ei adscribit. Optima autem ratio, quâ Plinius se vsitatū esse refert, lib. VII. Nullum, inquit, *emendandi*

genus

genus omitto. ac primum, quæ scripsi, mecum ipse pertracto; deinde diobus aut tribus lego; mox aliis trado adnotanda, notasque eorum, si dubito, cum vno rursus aut altero pensito: nouissimè pluribus recito. Maecte Plini! hi gradus ad limam sunt, hi ad vitam: atq; vtinam nobis facultas (voluntas esset) imitari! Sed claudio hoc totum de Recitatione, recitatiunculis siue fabellis. Seneca narrat comiter de quodam: Recitator historiam ingentem attulit, minutissimè scriptam, arētissimè plicatam. & magnā parte perlectā, Desinam, inquit, si vultis. Acclamatur, Recita, Recita, ab his qui illum obmutescere illicò cupiant. Magis lepidè, pater eius in Suaforiā pro Cicerone: Sextilius Enna fuit, homo ingeniosus magis, quàm eruditus, & poëta inæqualis. Is hanc ipsam proscriptionem Ciceronis recitaturus in domo Messallæ Coruini, Pollionem Asinium aduocauerat. & in principio hunc versum, non sine assensu, recitauit:

Deflendus Cicero est, Latiaeque silentia linguae.

Pollio Asinius non æquo animo tulit, & ait: Messalla, tu quid tibi liberum sit in domo tuā, videris; ego istum auditurus non sum, cui mutus videor. atque ita consurrexit, ne interfuisset recitationi eorum. quod Cornelium scio: cui non æquè displicuisse hunc versum quàm Pollioni, apparet, quòd meliorem quidem sed non dissimilem composuit. Intellegit hunc versum:

Conticuit Latiae tristis facundia linguae.

Sed quod ad verba de Cornelio attinet, corrupta sunt; mihi sic emendanda: *consurrexit. Huic interfuisse recitationi Seuerum quoque Cornelium scio; & sic cohæreat narratio, aliàs soluta aut inconcinna. Fabellam tertiam Plinius porrigit. Passienus Paulus, inquit, splendidus eques Romanus, & inprimis eruditus, scribit Elegos. Is cū recitaret, ita cæpit dicere, PRISCE IVBES. Ad hoc Fabolenus Priscus (aderat enim, vt Paullo amicissimus) Ego verò non iubeo. Cogita, qui risus hominum, qui ioci. quod est omnino Priscus dubiæ sanitatis: Concludit, & subiicit: Tam sollicitè recitaturis prouidendum est, non solum vt sint ipsi sani, sed etiam vt sanos adhibeant. Habes, quæ de more hoc præcipua occurrerunt, satis ad eum noscendum: quid iuuabit? vtinam ad reducendum. Nam mihi crede, hoc nostro quo (iterum dico) vtile; cū Typographia statim nos protrahit & diffundit, nec vel locum pænitentiae aut emendationi relinquit. O si igitur Recitatio! sed cum Plinianâ exce-*

Hh ptiōne,

ptione, *vt sani aduocent, & aduocentur.* Tu diu inter eos mi
 Harri, & mei amantes esto. Louanij, xvi. Kalend. Mart. ∞. Io.
 XCIX.

EPISTOLA XLIX. *Bruxellam.*

IO. RICHARDOTO, *Præsidi.*

CONSILII mei copiam in hac re filiorum tuorum petis,
 quam ingenuè fateor haud satis mihi suppeditare. Egone
 vt plus aliquid, quàm tu, videam? certè abest: & si meū sensum
 dicam, vt vis, palàm & sine ambage, hoc quoque fateor, distrahi
 eum vtrimque, & rationibus impelli. Ire mecum posse, & expedire,
 hæc suadeant. Primùm communis mos, cui sua certè est ratio,
 adolescentes id ætatis in longinquas aliquas diuersasque oras
 mittendi; siue vt linguam discant, mores videant; siue vt iudicia
 forment, & ex variâ rerum notitiâ ad prudentiam aliquid addant.
 Ratio altera ab eorum affectu. valdè ambiunt, & vereor vt remittant
 aut languescant in studiorum hoc cursu, si stadium hoc iis claudis.
 Atque is affectus per se alioqui haud magni ponderis, tamen id accipit
 ab exemplo: quòd vident quosdam, aut plerosque, è contubernio nostro
 mecum ire. Itaque mœstitia quædam ex eo & tædium oriatur; cui etiam
 seuerum parentem par sit occurrere aut mederi. Tertia deniq; causâ
 aliqua à me sit. cum quo pluscula certè videbunt, quàm si cum gregalibus
 suis ineant hoc iter. Nec ipsa via otiosa planè aut feriata fuerit, sed
 sermonibus aut monitis melioribus peragenda. Quid quòd aditus
 nobis (ita spero) ad plerosque magnates erit? quos pretium aut
 vsus sit, vidisse & nouisse. Hæc in istâ parte sunt: in alterâ,
 quod remoretur etiam aut sistat. Primùm, ætas illorum viridis
 adhuc & planè iuuenescens: atque expediat fortassè paullò grandiores,
 firmo magis dilectu & iudicio, res hominesque intueri. Alterum,
 quòd non longa emansio mea futura, nec nisi ad Italiam, Galliam,
 Germaniam (nam & ea loca tangemus, aut transibimus) libandam
 & gustandâ. At tu manere & imbui eos fortassè malis, & serium
 aliquè capere peregrinationis suæ fructû. Est & tertia ratio in
 animo pij parentis (qualem te scio) valida. quòd casibus exponuntur,
 qui itineribus se committunt. Insidix, vis, morbus, fatû denique,
 timenda; & quicquid in fragilem hanc

hanc fortem cadit. Quæ eadem etsi domi etiam nos manent; tamen prouocari magis & laceffi discursibus videntur, & tristiore omninò telo, si euenerunt, feriunt parentes. Hæret illa cogitatio: Cur passus abire sum? cur domi & in meis oculis, aut certè iuxta, non habui? Et quamquam, vt prudeutia tua est, scis decreta hæc talia ab æterno: tamen in vno filiorum cùm ictum exceperis, & Italia eum tibi remiserit non qualem optabas, iustè in istis timeas, aut si non tu, pro te ego. Quàm triste mihi, imò pænè letale, in comitatu meo tale aliquid euenisse? Etsi nolo malè ominari, sed nec plura addere: & rem totā ad tribunal iterum tuum remitto. Ad me autem quod attinet; gaudeo probari consilium, etsi de viribus diffidis. Ego verò spero & opto firmiores eas ipso itinere redditum iri: quod non semel equidem sum expertus. Si etiam aliter est, quid? nōne & hîc Parca mea me assequetur & deprehendet? Neque improbum sit in sancto illo conatu nec inglorium in vrbe Dominâ mori. Sed diffundor: ego me ante abitum tibi sistam, & Vale etiam illud dicam, in Salue, vt spero, commutandum. Deus faciat, ô Deus: & te Amplis^{mc} & Nobil^{mc} Domine nobis seruet. Louanij, XIII. Kalend. Iun. ∞. ID. XCIX.

EPISTOLA L.

Brugas.

IANO LERNVTIO suo S. D.

ITA est, mi Lernuti. Romam imus, sed & redimus, nisi Fata aut Vis maior obstant. Animus quidem iste est in patriâ, nec dona aut promissa eum auertent. Quid autem ibi quæram? opes aut famam? vtraque in hac ætate, quod satis sit habeo: neque illas auidè vmquam petij, & hæc etiam super vota adest. Acquiescamus in partis, adolescentioribus ingeniis relinquamus consilia & spes nouas. De filio tuo voluisssem & potuisssem si præscisssem: nunc duos admissi, & alter est Audeiantij filius, quæ commendas. Sed breuis mea emansio cùm futura sit, non video quis magnus filio tuo fructus, etiam si eat. De Itinere hæc sunt: de iracundiâ tuâ nescio quid significas, neque vllâ cogitatione indago. Mens hæc sibi conscia nec factò, nec dictò, nec seipsâ te læsisse: ideoque secura, siue prodis hoc siue tegis. Sed illud facito, & aut purgationem, aut (si quid fortè commisi) satisfactionem expecta.

exspecta. Vale mi Lernuti, & nos veteri illo & fido amore ama,
eoipso æternùm amande. Louanij, IX. Kal. Iul. ∞. IO.XCIX.

EPISTOLA LI.

Noviomagum.

IACOBO VWENO S. D.

ET fratrem tuum Henricum iamdiu, V. Cl. & te nunc incipio amare. Quid dicam incipio? mentiar, iamantè amauit ex sermonibus tui fratris, & affectu quem litteræ tuæ crebriusculæ in me declarabant. Sed hoc volui dicere, declarare me nunc amorem, cui viam liberam & apertam scriptione tuâ munuisti: per quam licebit mutui affectus isti interdum decurrant, & sibi occurrant. O si libertas illa maior etiam sit? si pax hæc disiuncta iungat, & vnus patriæ quondam ciues factionibus aut partibus non diuellamur! Diuturnum hoc malum fuit, & velut tabes animos consumpsit: sed medicinam tamen nunc speramus, aut æternùm deponimus hunc ægrum. Noster quidem Princeps cum illâ consorte suâ aduentat: sed & Germani, vt sagaciores quidam mussant, specie armorum ad quietem & pacem nostram eunt. Fac fac ô magne Deus: & semel si non sanari plenè, liceat vel respirare. Quod autem de habitu meo audisse te scribis, & dolere: nolim sic loqui, nec abire ego à meis Belgis vel per somnium cogitaui. Sunt miseri: hoc magis amo & adhæreo, vt solent parentes quoque affici erga prolem imbecillam. Sed peregrinatio dumtaxat proposita mihi fuit à Principibus viris, & à me suscepta: sed vereor vt verbo suscepta, re non repræsentanda. Vt tibi apertè dicam, valetudo & vires meæ abnuunt: & periculum iam in leuibus motiunculis feci, & non vult caducum ædificium hoc transferri. Quid, quòd pestis contagio iam in iis locis est? vt nec si vires cum voluntate conspirent, prouidè aut honestè possim. Itaque iter hoc differo, ad scripta & libellos meos redeo, & quod cœpi in iis pergo. Sum in **SENECA** expoliendo & illustrando, nec quidquam est quod anteuertam huic curæ: adeò & utilis ille generi humano scriptor est, & intimis sensibus meis carus. Alia, de quibus scribis, non aspernor aut abnuo, sed aliàs me iis donem. Heus autem, quàm tetigit me & titillauit suauiter Pighij nostri mentio! Ergo valet,
viuit

viuit immortalitate ille dignus senex? valeat, & scribat, planè alter Liuius, *indefessi calami & stili*. Mirabilis vigor in illâ ætate, & quem ego nec voto adspirem. At tu vale V. Cl^{me}, & deinceps palàm inter meos, ego inter tuos sumus. Louanij, Kalend. Sextil. ∞. IO. XCIX.

EPISTOLA LII.

Bruxellam.

GVILIELMO

&

RICHARDOTIS *fratribus* S. D.

ANTONIO

AB, vtroque vestrùm litteras pænè eiusdem argumenti accepi: ergo vtrique simul fas sit respondere, imò decorum, quia fratribus, & domo, studiis, animo iunctis. Gaudeo vos incolumes aduenisse; manere suadeo, donec maneat hîc * *ἐλόμεν* illa * *perniciō-*
ἄσ Ⓞ. Nam & nunc perseuerat Apollo ille, *sus morbus.*

* — *βέλος ἐχέπωνες ἀφίεις :*

& funera sunt, etsi rariora quàm pro vestrà illîc famâ. Ego verò philosophor, id est, mortem meditor: etiam parte alterâ, quòd SENECA me totum habet. Illud opus emoliri si possum (potero si hiemem hanc viuo) licebit in hoc * *σεμνίεας*, quòd duos opti- * *gloriari.*
 mos auctores protraxerim, & lucem dederim. Tacito & Senecæ: illi ad prudentiam, huic ad sapientiam duci. De publicis, lætum Principes aduentare: minùs, in castris inopiam, atq. vtrinam pecuniæ tantùm, esse. Ego verò nec consilij magnam copiam, sed nec concordia, video: & de magno aliquo successu quid sperem? Vos, si quid amplius erit, scribetis: vel stili vestri causâ, quem exerceri sic vtile: sed & meâ, cui gratum à vobis appellari. Valere, saluete cum fratre, sorore, Rubenio. Louanij, VI. Idus Sextil. ∞. IO. XCIX.

EPISTOLA LIII.

MARTINO DELRIO S. D.

ERAT animus ad te venire, & garrere, vt solebam: domi tenuit valetudo. Garritum tamen non potuit, & vel in chartâ ad te mitto. Docui hodie in Suetonio, & illud in Vespasiano eius, cap. IIIT.

Id de Imperatore Romano prædictum, Iudæi ad se trahentes rebellant: cæsoque Præposito, Legatum insuper Syriæ Consularem, suppetias ferentem, raptâ aquilâ fugarunt.

dixi corruptum videri, imò emendaui. An rectè? subito incidit, atque excidit: sed tu vel post iudicium meum iudicato. Corruptum, inquam, hoc de *cæso Præposito* aiebam: nam quis ille fuit? Per hæc quidem tempora Felix, Albinus, Florus: sed nemo eorum cæsus, quod in Iosepho quidem, aut Hegesippo eius interprete legas, qui hæc curiosè & partitè exsecuti. An antè alius? de Sabino iniiciunt interpretes, aut Metilio: quorum ille sub Augusto turbas dedit, nihil ad hoc æui, & tamen eas ipsas effugit. Alter nec Præpositus prouinciæ fuit, neque item cæsus: ad scriptores illos appello. Itaque vana ista: vide an mea emendatio, *Gesiumque Præpositum*. Certè ex historiâ est, & *Gesium* siue *Gesium* Florum rebellantes Iudæi fugarunt, & mox Cestium Gallum Syriæ legatum. Nomen gentile hoc rarius aut ignotius, fuerit loco & sententiæ viriandæ. Sed hoc te post factum consulo: illud ante. In eodem Vespasiano, cap. xviii.

Ingenia & artes vel maximè fouit. præstantes poëtas & artifices coëmit: item colossi refectorem insigni congiario magnaque mercede donauit.

Cœmendi hîc verbum suspectum vel improbum, quidquid conentur. Assero scriptû fuisse: & *artifices scænæ, item colossi*. Quisquis insolens aut hospes non es in Criticâ, quid crebrius, quam confundi sic & repeti syllabas? quod factum in *coëmit item* palâm: sic vt litterula à fronte ab anteriore voce sit retrahenda. Frequens, tibi notum: & ipsi item *Artifices scænæ*. qui sunt Græcis *τεχνῖται διονύσου*: id est, scænici actores. Seneca de Beneficiis, Ammianus, alij sic appellant: ipse Suetonius in Iulio, cap. lxxxiv. Sequitur autem mox appositè, de Terpno & Diodoro scænicis ab eo donatis. Cap. etiam ii.

Infensus Senatui, Caium nequo non genere officij demereretur. Non ipse herclè, sed Caius Senatui infensus. atque igitur lego, *infensum*. Cap. v.

Singulos repente ramos à frutice dedit.

Ineptè. à frutice non creuerunt hi rami, sed ab ipsâ arbore: ideoque scribam, *ramos an frutices*. Ambigit, quia ex imâ parte hæc enata,

erata, ramos an veriùs frutices appeller. Habes garritum : quid videtur ? destinata tetigi, an aberravi ? dic liberè, id est vt soles. De publicis, nihil : nisi Gubernatorem nouum in finibus iam esse, ô si innouandis his rebus & emendandis ! Vale. ego pessimè, cui & destillatio, præter solita mala, accessit. In Musæo nostro, ab ipso prandiculo : nam tale fuit.

EPISTOLA · LIV.

Bruxellam.

GVILIELMO

et

RICHARDOTIS, *fratribus* S. P. D.

ANTONIO

ITERVM ego ad vos, & affectus vester, sed & sedulitas inuitat. Crebri estis in litterario hoc affatu : quod delectat, siue quia grata nunciatis, siue quia qui nunciant, grati. Si negem in animo isto partem vos habere, mentiar : consuetudo inseruit, sed magis honesti studium, quod in indole vestrâ libens lætusque obseruauit. Id verò educendum magis magisque, & explicandum est ; & semina ista sparsa à magno agricolâ, fouenda & maturanda in suam frugem. Quomodo fiet ? ipsâ viâ, quam inistis, litteratâ Prudentiâ, & amore serio Virtutis. Aliâ, mihi credite, fumi, quisquilæ, campæ sunt : illa sola & hîc vobis

* Οἷσσι κλέος εὐρύ, καὶ ἑσπομύοισιν αἰοῖδ' ἦν.

Quamquam de gloriâ, parùm est : sed tranquillitatē & quietem vobis adferent, id est perpetuum, internumque gaudium, & fructum. Hæc ideò ingero (non enim lubet, nec decorum sit, importunè philosophari :) quia in vrbe Regiâ, siue vt nunc loquendum est, Principali estis : & multa illîc vana oculis animisque obiici, est necessum. Ne abducant vos. imò contrâ, sicut ij, qui à litore in altum prouecti sunt, oculis votisque terram requirunt : sic vos identidem è fluctibus illis ad istum portum adspirate. quem scio, absentes magis sentitis & creditis portum, quàm præsentem, esse. Qui assiduè in tutis aut lætis rebus, parùm eas gustant aut oblectantur : qui in contrariis, suspiriis poscunt. Idem sit vobis, sed in tempore. nec reuoco ad munia, donec & mala lues nos deseruerit, & Principes optati aduentarint. Ista hactenus. de publicis, bona nunciatis ; sed satini vt fida ? Opto equidem,

* *Præsentē
tribuent
famam,
tribuentque
futuram.*

dem, & in viâ istâ vitæ, quam panè confeci, turbidâ & nimbo-
sâ, quàm suaue sit vel extremum spatium sudum & serenum ha-
bere! Fac ô Deus, me & meos eò serua, & vos inter illos. Loua-
nij, xvii. Kal. Septemb. ∞ Id. xcix.

EPISTOLA LV.

IANO BERNARTIO *suo* S. D.

IN morte auunculi tuâ causâ dolui, quia amantem tui fuisse
dicis; & quia eiusmodi cognatorum & vsus est, & à naturâ in
eos affectus. Quod solatium? illud commune, sed Deus bone
verum, mortales nos esse, & illam atram Diuam cuiq; nostrûm
super caput cottidie stare. Quàm hodie Louanij experimur!
serpit enim etiam illa popularis lues; serpit tamen, nondum gras-
satur. Si istud faxit, tum videro de rusticanâ aliquâ domo ad se-
cessum: quam amanter offerri à Socero tuo, gratum. Nam de tuâ
vrbe & domo, absit vt cogitem. in aliâ occasione & lætiori vi-
dendi amici sunt, non in hac tristi & apud quosdam metuendâ.
In SENECA iam eram, quem publicè dare molior. sanè oppor-
tunè, & ille me erigit, & aduersus hæc talia munit. Ille mihi, cum
poëtâ tuo, clamat:

*Quidquid habent ortus, finem timet: ibimus omnes,
Ibimus: immensis urnam quatit Æacus umbris.*

O caput ô finem Sapientiæ, hæc meditari! mortem habere in a-
nimo, in oculis; & quæ ad felicitatem post ipsam ducant, præ-
parare. Faciamus, mi Bernarti, senes, iuvenes. neminem ætas
immunem facit: & cùm nati sumus, subiicimur huic tributo.
Vale cum tuâ tuisque. Louanij, xi. Kal. Sept. ∞ Id. xcix.

Oudartum illum nostrum saluto, quantum animo & stilo
possum.

EPISTOLA LVI.

GVILIELMO RICHARDOTO *suo* S. D.

Tv verò non cessas in scribendo, ergo nec in amando, &
hæc diligentia vnde nisi à mei diligentia? Itaque vicem
tibi refero. vtique cùm tam bella nunc occasio, & Scarbergerus
à nobis abiret. Sed subito abiret, nec moram indulgeret longæ
scriptionis.

scriptionis. Quid etiam opus est? breui te videbimus;

* ——— ὡς ἐν θυμῷ Ἀθανάτοι βαλῶσι.

*-ut mihi
menti in-
iunctis diui.

Nam quòd feralis illa Diua vltra vos arceat, nihil est: & nunc (Deus dicto faueat) liquida omnia & pura ab eâ apparent. In Parthos iuerit aut Thracas, & Musarum hanc sedem Æsculapius cum Hygeiâ suâ reuisant, & firmiter colant. Opto. & vos valere, patrem autem vestrum (si id possit) reip. immortalem esse. Louanij, prid. Idus Sext. ∞. IO. XCIX.

EPISTOLA LVII. Mechliniam.

NIC. OVDARTO suo S. D.

PRINCIPES apud nos fuerunt, excepti pro vrbis copiâ, honestè, & certè beneuolè: quod & ipsi agnouerunt, ac vicissim affectum hunc rependerunt. In ipsam Academiam & Scholam nostram venerunt: & me etiam audiuerunt. quomodo, aut quâ occasione? inquires. quam ipsi quæsiuerunt & suggesserunt. Vocauit me circa vndecimam matutinam ad se Princeps, benignissimo vultu & verbis excepit, de valetudine meâ (insolitum illis) tum etiam de studiis percontatus. Hæc omnia Latinè. tum adiecit, Velle se audire me docentem, & Numquid post prandium possem? Nihil decorè, aut pro dignitate vestrâ, inquam: sed tamen imperium omne, vt debeo, accipio. Imò fiat, inquit: veniemus. Sed Infans te videre etiam vult, illi te sistam. Hoc quoque factum. & ego mox domum, & duabus horis meditor aliquid, & me paro. In scholis Theologorum res gerenda erat, post *Actum* aliquem, vt loquuntur, Theologicum. Itaque surrexi, & cœpi dicere. Quid? inquires. Præfatus aliquid pro tempore, Senecæ pauca verba è Cap. III. lib. I. De Clementiâ, quorum initium: *Illius demum (Principis) magnitudo stabilis, fundataque est, quem omnes tam supra se esse, quàm pro se sciunt:* & pauca etiam quæ sequuntur. Ea, inquam, Senecæ verba, & in iis munus Principum explicauit. & denique addidi de Fructu qui tunc maneret, nempe Beniuiolentiâ & Fide subditorum, quam nos Belgæ vtramque semper erga Principes habuissimus, erga ipsos haberemus. Quid plura dicam? audiri ita benignè sumus, vt Princeps oculos à me non dimouerit, non animo solum sed corpore in me

inclinatus. Idem alia Nobilitas, quæ frequens adfuit: & in eâ Legatus Regis Hispaniarum, vir doctus & in me volens, quod scire te cupio. Ipsa etiam Infans adfuit; quid intellexerit, aut an intellexerit, tu cogitabis. Habes quod hîc gestum, fatis raro, imò nullo fortassis exemplo, quod etiam fœmina Princeps in has auditiones venerit. De Republicâ ipsâ melius sperare ego & quivis prudens incipiat, quia Principes dare se magis suis Belgis & eorum moribus palàm incipiunt. Saperent modò Bataui, sese nosque in veterem, id est felicem & tranquillum statum, vindicarent. Vale vir amicissime, & Hartio etiam nostro scripta hæc sunt. Louanij, pridie diei, qui D. Andreæ sacer, ∞. IO. XCIX.

Accepi antequam obsignarem tuas, quibus amicè inuitas, sed non venturum. Egone ad pompam, quam hîc iam vidi? quî magis, quàm tu ad nostram? Sed circa Quadragesimam, si Deus volet, cum Senecâ meo Antuerpiam ibo, & (si potest tutò) te amicosque ibi videbo: inter eos Cl. Masium, & Reu. P. Sedulium, quos saluto. De Carminibus tuis, omninò faciendum est: atque ego ad Moretum (etsi nihil opus) tamen vel ex superuacuo scribam. Carminum autem mētio facit & meum hoc mitti, ex tempore nobis inter ignes hîc natum. Et tu, si voles, mitte in ignes.

EPISTOLA LVIII.

Mechliniam.

VIBRANDO ANSKEMA S. D.

SERIO mihi placuit in epistolâ studium illud Quietis, quod præfers. O perseuera in eo mi Vibrande, sperne istæc vana, &

——— *omitte mirari beatæ*

Fumum & opes strepitumque Romæ.

In nobis est, quidquid mirabile: alta & diuina illa pars. quam si colimus, quod homine dignum est facimus, & meliore illâ origine nostri. Quomodo colimus? virtutis & sapientiæ studio, quò nostra hæc studia nisi ducunt, valdè à recto abducunt. In paucas mentes hæc cadunt: debent in eas, quas benignius sidus nascentes adspexit, &

Quis meliore luto finxit præcordia Titan.

De me, ego ex animi sententiâ polliceor fidem & consilium: & apud patrem etiam lenimenti siquid possum. In ceterum, ut ille dicebat

dicebat *Militemus*, sic nostra sit tessera, *Sapiamus*: & ne calor aut vanitas abripiant. Agam cum Lamberto vestro, & ad me vocabo, ut quidquid decorè à me potest (aliter nolle debes) fiat. Vale tu, & quoniam Deo ita placuit, Tua. Louanij, III. Kal. Octob. ∞. IO. XCIX.

EPISTOLA LIX. *Leodicum.*PETRO ORANO 1^{to} S. D.

EGO inter eos sum, mi Orane, qui seriò & fideliter, quos amant, amant: & ubi occasio est, libenter quod animo inclusum est, rebus factisque prodo. Eò promptius nunc ad te venio, veterem & fidum amicum, opem rogatum pro virgine piâ & honestâ, & de me (ita loquendum est) benè meritâ, cum apud vos vixi. Ea est ANNA, quæ has litteras tradet: & non litem, sed rem habet, arbitrio tuo cum aliis (sed tuo, ipsâ eligente) commissam. Obsecro te, quantum me amas, ut ei quod ius fasque sit (nec ultra) adsis: & ita censeas, hoc sic mihi gratum fore, ut accepto relaturus sim, & meo Codici inscripturus, quicquid in illam amicè à te fiet. Vale, & me adamantino vinculo tuum ama. Louanij, prid. Kal. Febr. ∞. IO.

EPISTOLA LX.

IOANNI RICHARDOTO, *Presidi.*

HABES ecce Antonium tuum, cur non & meum addam? Formasse me aliquid fateor, amare etiam & curare: atque adeò inuitus pænè eum dimitto, nescio an inuitum. Sed voluntas tua, & usus eius, reuocant: tum etiam vtriusque ætas. quia ille succrescit, nos inclinamus: & intereà auctoritate tuâ, velut manu, producendus est, & paullatim ad res admouendus: quò, mihi crede, indoles & natura eum vocant. Habes plures liberos, & gaudium ex omnibus, aut spem gaudij: sed accipe sponsores me de isto, per vestigia tua ibit. Vero & veteri verbo, lignum est è quo Mercurius fiat. Peregrinatio in Germaniam & Cæsaris aulam mihi probatur: sic tamen, ut non nimis diuturna sit. Loca & mores videat, linguam discat: ad nos redeat, sed Italiâ, Galliâ

(si voles & Hispaniâ) obiter lustratâ. Hîc deinde ei sedes, vxor, dignitas sint, te conciliante. Vides quò eam? ignosce, si consilium etiam vltro ad te mittam, consilij omnis fontem. Sed amor hoc facit, & cura quam nec in absentem deferam. Atque vt aucupes, nobiliores illas aues non patiuntur liberè euagari, sed loro illigatas reuocant aut retinent: sic ego in meliore hoc ingenio, & monitiunculis interdum ducam vel sistam, necubi ab illâ veri honoris, vt sic dicam, prædâ aberret. De Guilielmo porrò filio, fiat quod tibi videbitur, aut potius iam visum est: quia nec opinor id immutasse. Iter tuum & eius caussam, Deus fortunet. qui tibi, intimo meo voto, Ampliss^{me} & Nobil^{me} Domine, secundam hanc palmam, apud præsentis & posteros præbeat, confectæ Britannicæ etiam pacis. atque vtinam deinde tertiam illius Batauæ, id est, propriè nostræ; ô vtinam! & te gloriosum, nos felices! Louanij, Kal. Martiis. ∞. IOC.

EPISTOLA LXI.

NIC. OVDARTO *suo* S. D.

O REMPVBLICAM nostram, vt vacillat aut labitur! & causas videmus, & mala quæ premunt: sed quid censeam nisi fato fieri vt videamus, nec medeamur? Vbiq; prouidæ & honestæ voces: res manent, & feruntur viâ illâ, quâ cœperunt, ad. Abrumpo. tu sperare me iubes: ego verò confido etiam, & animo non cadam vel in casu hoc rerum. sed vt amans patriæ ciuis, quàm vellem & optarem eam firmari! Quàm facile etiam sit, si consiliis sanis rectisque, addam & priscis, vtamur: quæ alius tamen à me donet. Iamdiu publicè feci, vtatur non vtatur qui volet. Itaque in *Plinij Panegyrico* nihil præter Commentariolum habebis: nihil, inquam, ad Politica, & aliò referuamus. En querelas. in ijs desinis? inquires. Imò solatium meum vetus & internum hîc consigno, in Principum consiliis altius aliquid latere, in tempore prodendum: imò breui & post Britannicam hanc pacem prodendum. Si nihil est, clamo,

— *spes & fortuna valete,*
Nil mihi vobiscum est, ludite nunc alios.

Ephemerides tuæ prodeant, & hîc & alibi certè gratæ. Louanij, xi. Kalend. April. ∞. IOC.

Qui

Qui has tradet, olim mihi hîc bonarum artium partiumque causâ notus fuit: commendavi Bernartio, & nunctibi, siquid fauere ei potes.

D. Consiliario Hartio intimam salutem.

EPISTOLA LXII.

Bruxellam.

ANTONIO RICHARDOTO suo.

EN tibi Testimonium: quid opus erat? ipse à te vbique dabis. Sed accipe vel meâ causâ, & vt apud alios effundam, quod parciùs apud te dici aut non dici, disciplina domestica & tua modestia voluerunt. Tu hæc iam nunc vera magis magisque facies, perseverando vel potiùs augendo. Vale ô mihi semper care. Louanij, Kal. Iuniis. IDC.

TESTIMONIUM.

ANTONIUM RICHARDOTVM, adolescentem nobilem, Amplissimi patris PRAESIDIS sanctioris consilij filium, etsi ab indole & moribus suis commendandum, si quis propè noscet; tamen & mei iudicij ac testimonij calculo producendum ornandumque censui. Quippe à contubernio & disciplinâ meâ, in quâ tres amplius annos egit: ita modeste, industriè, laudabiliter, vt mihi affectum sui æternum reliquerit, & aliis famam bonam & exemplum. Obsecro vos, siqui Lipsij causâ aliquid vultis, in hoc ostendite, & vt in mei partem transfundite & derivate. Falli aliquando in testimonio possumus, fateor:

* — ἡ περὶ τὴν γὰρ τὴν φέρειν ἀνδρῶν,

ait ille: sed tamen ita de hoc adolescente deque ingenio eius factò ad virtutem & prudentiam imbibi, vt confidam eum, velut arborem ad flumen irriguam, ad omnem laudem magis magisque assurrecturum, & suis honori, patriæ usui futurum. Quod Deus ille donet, quo teste hæc scripsi. Louanij, Kal. Iuniis. ∞. IDC.

*-namque
hominum
mutabilis
est mens.

EPISTOLA LXIII.

Bruxellam.

FERDINANDO DE SALINAS, à consiliis arcanis.

VIDI litteras tuas, & in iis erga me affectum. vidi inquam: ita calida atque acria verba sunt, è pectore profecta, non nata in summis labris. Quid nisi gaudere me dicam in tuis iudiciis,

diciis, & votum apponam, mereri? De nepote porrò quod scribis, ego verò fautor adiutorque illi & fui & ero, quàm potero: idque tuam maximè, tum & eius gratiam. nam & ipse per modestiam & industriam meretur. Sed teipsum non eliciet & huc transferet ista Panegyris? Ad optantes venies, me imprimis, qui te, Nobilis & Cl^{me} Domine, iamdiu est cum serio æstimo, amo, colo. Louanij, III. Idus Iunias, ∞. IOC.

EPISTOLA LXIV. *Bruxellam.*

GVILIELMO BREVGELIO *Consiliario, cognato suo S. D.*

IN reditu vos non vidi, ob causam quam vxori tuæ nuper scripsi. Neque alia sanè fuit, quàm illa: & nos tenelli, sicut iumenta defessa, domum scilicet properamus. De Baronij nostri sollenni die quod petis, ego arbitror non ante finem proximi huius Septembris futurum: etsi hoc nonnihil etiam pendet, ut scis, ab arbitrio Doctorum. In tempore autem certum tibi significabo. Auus, pater, amici aduenturi videntur; ut mens quidem illorum erat, cum reliqui. Nam tempora si quid immutabunt, quis dicet? non pro meo quidem voto aut sensu ea sunt: & hi tumultus militares tam diuturni, vereor ut in summam aliquid turbent. Demiror, non placari. A Galliâ enim nimbi minantur: si vera, quæ de bello in Sabaudum audimus. Nam rex Hispanus necessariò descendet in partes: & nos, si non ut membrum, ut appendix trahemur. Quid precabor? illum vniuersi rectorem & tutorem, ut nos seruet. & sicut Minerua illa, apud Homerum, Pandari sagittam arcuit ab interiori corpore Menelai, cutem dumtaxat eius passa stringi: sic nobis salus sit, etsi attritis & afflictis. Quam tibi & vxori, Ampliss^{me} & Cl^{me} D. Cognate, diuturnam & solidam precor. Louanij, IV. Idus Sextil. ∞. IOC.

Spero futurum, & iam nunc rogo, ut tu & vxor, & liberi apud me sitis in Encæniis urbis nostræ primâ Dominicâ Septembris.

EPISTOLA LXV. *Mechliniam.*OTHONI HARTIO, *Consiliario in Supremo Senatu.*

CVRA quam meritò in tuos, & propriè in hunc nostrum habeo, adegit me pauca ad te scribere, & quasi (da veniam) aurem vellere negotio eius indormienti. De Italicâ peregrinatione loquor. quam si ille hoc anno suscepturus est, quid tardas? Ecce æstas abit, hiems in manibus: & viæ difficiles, imò clausæ, si quid etiam protollis. Ipse toto animo eò propendet: quid mirum est? Amat iuventus peregrinari, & sodalium exemplo etiam incitatur. Sed, quod caput, utilitas eò vocat: & præsertim cum locus ei sit in contubernio Duodecimviri illius, amici tui, vbi sine magno impendio tuo agat. Obsecro, mi Harti, cogita, vigila, fores ei aperi (liceat ominari) ad dignitatem & honores. Roma multos beavit, & præsertim qui sacra vitæ, ut tuus, se dicarunt. Vale Vir Cl^{me} cum Oudarto nostro longum. Louanij, x. Kal. Oct. ∞. Idc.

EPISTOLA LXVI. *Tornacum.*

NICOLAO MICAVLTIO V. R.

TANDEM à te aliquid, ego autem vel ipsum te expectabam. Sed inquisivi, & disco moram ibi longiorem requiri: in quâ etsi doleam, cur dissuadeam? cum ex usu tuo ita sit, & vitæ etiam genus, quod elegisti, velit honestam illam sedem. Age ergo, mane, in diuinis oblectare, apud optimum illum virum, quem iudicio elegisti, & magistrum. Quæ de notis N. N. scribis ad nostram C R V C E M, ut liberè dicam, nulla earum placet, præter de formâ Furcæ. quam tamen & nos ante Theognidem natum, quod dicitur, nouimus: & videbis in posterioribus editionibus aliquid nos mutasse. Quod superest, Criticam exercere non omnium est, nec ingenium aut doctrinam solum ea res, sed iudicium, id est animam Sapientiæ, quærit. In meis rebus, sunt sollennia. Valetudo tenuis, sæpè prompta ab iungere: studia nunc & lucubratio in SENECA; ab Aulâ subsidia, quæ fuerunt. Nam cur mutant? Historiographi quidem titulo ea mihi data: sed reipsâ velut pensatio aut præmium mansionis,

sionis, cùm Itali, vt scis, maiora longè offerrent. Et animus aut ætas tunc non abhorrebant peregrinari. Sed tamen quod ad Historias, nec ab iis scribendis fugimus (leue nobis opus) si quædam antè peregerimus iam concepta: & tempora si campum aperient liberæ scriptioni. Blandiri, laudare, insultare, non est meum, nec eorum quos melior Fama aut posteritas amet. Desboisium tuum semel vidi, iuuenem mitem, comem, & ingenio planè ad virtutem & pietatem facto. Deus illum, te, me ad ista ducat, aut seruet. R.D. Decanum, quantum potest, saluere cupio, cui gratias pro beneficentiâ in Hub. Audeiantium meum & debeo, & ago. Louanij, vii. Kal. Octob. ∞. Ioc.

EPISTOLA LXVII.

GVIL. RICHARDOTO suo S. D.

LIBET nec libet scribere, vt rem dicam. illud, ob affectum, qui in te calet: istud, ob languorem, quem epulæ (ô Lipsio dignam caussam!) nobis gignunt. Per hos dies aut conuiuator ego, aut conuiua: & velut Penelopes aliquis sponsus. At tu etiam Solem me facis, & tibi proponis, ad quem Aquila subuoles. De te, agnosco: ferris pulcherrimi amoris alâ ad lucem illam puram doctrinæ & sapientiæ: at de me quid dicam? esse vt ipsam hanc Autumni auram, fuscâ mente & nubilâ, atque vtinam melior ille ignis perrumpat! Sed docti hæc ferimus, & regno subiicimur, quod, vt poëta ille ait, ——— *regibus imperat ipfis.*

De puero, quod me consulis; illud mihi, quod parenti tuo videbitur, videtur. Haud nego decorum fore: & veniat cum præscripto fidei & modestiæ, quam debet adferre. Cetera coram. Rubenius noster salueat, cuius vberi & accuratæ epistolæ responsum debeo: sed nunc debeo, nec nomen expungo. Louanij, iiii. Nonas Octob. ∞. Ioc.

EPISTOLA LXVIII. *Bruxellam.*

ANTONIO RICHARDOTO suo S. D.

CVM magnus hic amicus noster adesset, dimittendus sine scriptiunculâ ad vos non fuit. Simul & prospera tibi vouenda,

uenda, cum Amplissimo parente, iam in itineris (ita audimus) procinctu. I mi Antoni, & redi; & negotium tuum in publico isto age: id est, observa, disce, & vndique hauri quæ faciunt ad prudentiam & virtutem. Vtramque enim debes iungere, & vtilem te mox pluribus atque ipsi patriæ præstare, ô quàm viris & auxiliis egenti! Siquos illîc amicos aut beniuolentes Gallos reperis, quæso salutem & affectum à me quoque nunciato: nominatim, si Cancellarius ibi *Belleuæus*, vir meritò Galliæ suæ Nestor. Si & Præses fortè Rhotomagensis, *Grollartius*, iam olim supra meritum in me pronus. Mandata alia non habeo, nisi illa sollennia & numquam obliteranda, Virtutem, Doctrinam, me ama. Louanij, v. Idus Mart. ∞. IDC.

EPISTOLA LXIX. *Mediolanum.*

ERYCIO PUTEANO suo.

LAETVM mihi, lætum, te muneri huic publico admotum, in quo exferi atque exerceri ingenium & industria tua possint. Fac, dum ætas & occasio adsunt: & gradum hunc sterne ad altius culmen. Neque enim, ut meum votum & præsagium est, hîc sistes. De modestiâ quod polliceris, nimis gratum est: ego eam fulcrum omnium virtutum & vinculum habeo, quæ labuntur aut diffluunt, nisi eâ nixæ, nisi eâ nexæ. Ita te attolle semper ab humo, ut absis à fumo. Sicut ille ab igne, oculos morficat & inumbrat: sic iste ab ambitione, lumen omne mentis. Pinellum nostrum in eo esse ut abeat, doleo magis quàm queror. Nónne ætas ei acta est, & pulcherrimè ac per laudem acta? Ut in scænâ partes qui peregit, personam vestemque ponit, & libens domum abit: sic noster hic animus, à temporario theatro in ætheream illam sedem. Ad quam, mi Puteane, quàm pænè ego nunc per translatus? Iuro hos oculos, digitum vix abfui ab iis claudendis. Defluxio acris in pectus incubuerat, febricula accesserat, tabes & *μαεατις* minabantur aut aderant: tamen Deus in gradum me reposuit, etsi nondum illum priscum. Vires ægrè recipio, & sum, ut ita dicam, medius sanitatis & morbi. EPISTOLAS tuas editas libens videro: vos breui CENTVRIAM nostram tertiam, quæ ad Italos aut Hispanos est, aut siquî in iis locis.

Saccum hîc nostrum & te alibi agnosces. Saluere illum iubeo, semper huic animo inclusum: item CLL. VV. Quinctium & Septalium, quos vel quia te amant amo. Louanij, XII. Kalend. Decembr. ∞. IOC.

EPISTOLA LXX.

Leodicum.

IACOBO CARONDELETO V.R. & N.

DELECTARVNT me amicæ tuæ litteræ, & refecerunt in ipso morbo iacentem. Quattuor enim septimanas is me tenuerat, & abire iam videbatur, sed lento & plumbeo pede, & halitus eius etiam nunc afflabat. Sed reuerà tua scriptio recreauit. & sicut nautis vel eminus conspecta Pharus lucem & solatium adfert: sic nobis afflictis etiam absentium amicorum affectus. Redij quidem ad docendi meum munus, sed ad lucubrandi aut scribendi nondum possum: & SENECA meus vnà mecum iacet. Sine vigore, imò sine calore, nihil ego fecero, quod fama aut æuum probent. Sed Deus, quod ex re erit, dabit: cuius voluntati certum mihi meam subiungere, & vocantem sine murmure comitari. Sed hæc priuata. publica nostra quietem & panè frigus habent, vt vides. A pace tamen longinqui sumus, & adeò actio de eâ non est, vt vix spes, imò sermo. In Allobrogibus res calent: Montif-miliani arx, situ & opere permunita, dedita nunciabatur, non sine maculâ fidei in Præfecto. Quid hæc ad nos? inquires. Imò ad nos, si bellū ibi perseuerat: & veremur vnà cum Ibero inuolui, à quo imperio abiuncti, nō fœdere sumus. At de Imperatore quod scribis, non ita κρύφειν, & iam ante dies octo nobis auditum. Etiam hoc triste vnà, Canisiam in potestatem hostium venisse. Si vtrumque verum, libeat exclamare:

* Qualia erunt hac facta? quid aggrediemur, o heros?

* Πῶς τ' ἀρ' εἰς τὰδε ἔργα, τί ρέξομεν ἐνρύπτλ' ἡρώς;

Nam in Germaniâ magni & decumani fluctus surgent: & quis componet? Distracti animi religionis causâ: auersi multi ab Austriacis: & nisi tamen ex iis caput imperio sit, quis limitem tuebitur contra potentem illum hostem? Res intricatæ:

*-difficile immortalia diuinum Consilia explorare.

* — χαλεπὸν δ' ἐστὶν αἰετὶ μετὰ τὸν Δῆνεα εἰρύσσει.

Omitto igitur, te valere Vir Reu^{de} & Nobil^{mc} opto. Louanij, VI. Kal. xbris. ∞. IOC.

EPI-

EPISTOLA LXXI.

*Romam.*ANTONIO RICHARDOTO *suo* S. P.

SVAVE mihi fuit intellegere de aduentu tuo Romam, suaue: sed & illud, quòd conspecta iam ea placeat, & animo tuo vna cum veneratione ingignat voluptatem. Quomodò non faciat? aut quis honesti ingenij, vetera illa cogitatione recolat, & non locum ac vestigia tot viris, tot virtutibus infessa, miretur atque amet? Atque ea vtraque, si iudicio inquiris & eligis, etiam nunc sunt; & reperies ex Europâ nostrâ virorum primos, quos vel pietas, vel negotium, vel etiam voluptas eò traxit. Innotescere te istis, quibus potes, meum consilium & votum sit: atque iis peregrinis maximè, quorum consuetudine aliarum regionum etiam mores atque ingenia condiscas. In ipsâ Româ variè quasi peregrinari & circumire te fas est, ab hoc meo monito: quia varij ibi hominum, & compendium Europæ iure dicas. Sed hæc ad te quid opus est? qui fratrem illîc habes in dignitate & prudentiâ, qui te, velut parens alter, diligit, dirigit & curat. De statu nostro, credo vos illîc, imò scio, omnia audire. etsi quid audiatis? quies & cessatio est, & minæ magis armorum, quàm arma. non sic in Allobrogibus, vbi Gallo res succedere nunciabatur. Multis importunum hoc bellum videtur, & quod duos magnos Reges iterùm fortasse inter se committeret. Si sit, nostræ res quo loco? & an non inuiti quoque in partes trahemur, & inuoluemur? Sed publica mitto: priuata aliquid mutarunt à tuo discessu, & Oranum ac Baronium dimisimus laureâ Iuris donatos. Illum alterum, puto, Romæ iam habes: alterum Gallia elicit, & linguæ causâ aliquamdiu tenebit. Cetera, quæ fuere: nisi quòd valetudo mea nuper inclinauit, grauiore morbo concussa, à quo etiam nunc titubat & tremit. Te, mi Antoni, valere opto, virtute & prudentiâ crescere in parentis tui gaudium & tuum bonum. Louanij, v. Kal. xbres. ∞. IOC.

Ampliss^{mo} D. Legato, fratri tuo officia & salutem à me velim deferri.

EPISTOLA LXXII. *Leodicum.*IOANNI ORANO, *Presbytero Societatis Iesu.*

ALVMNVNVM nostrum fines Italiae attigisse & hibernas Alpes sine noxâ transisse, volupe mihi auditu est. Amo cum serio, & quod adhæret, etiam curo. Scripsi ante biduum ad illum, & pro illo ad Card. Baronium: id est, ut aditum ad eum habeat, & magno illi viro innotescat. Deus reliqua vota mea audiat, & per vestigia patruum ad Honoris templum, sed per illud Virtutis, ducat. Te illuc in quiete & subductione esse, equidem gaudeo, & gratulor dicam an inuideo? O beatum vitæ statum, qui hîc interna gaudia præstat, & postea spondet æterna! At nos iactamur, & publicè ac priuatim circumstrepunt turbæ. Has minuire & lenire consilio licet: in illis, quid nisi tolerare superest? Et piget tangere quæ fiunt, non fiunt: præter spem multorum, etiam prudentum, qui sub optimis Principibus (tales sunt) destinabant sibi optimum statum. Sed Deus est, qui hæc occulto suo decreto temperat, neque abnuuit fortasse, sed differt. De Canisiâ, quam in Pannoniâ turpiter amisimus, grande præsidium Germaniæ, credo vos audisse & doluisse. De ipso Imperatore & eius sanitate, fama occulta non bona. O Deus adiuua, & miserante oculo adspice labentem hanc Europam! Idem te R^{de} P. seruet, & mihi veterem & purum tuum affectum. Louanij, post. Kal. xbris. ∞. Ioc.

EPISTOLA LXXIII. *Vesuntionem.*CLAUDIO CABEITIO I^{cto}.

NON nego gratam huic animo esse satis frequentem tuam scriptionem. Vnde enim ea nisi ab amore? qui ipse etiam gratus, quia causæ eius laudabiles & honestæ, studium scilicet virtutis & honesti: quod coram in te semper notavi, & nunc perseverare aut crescere potius, ex litteris tuis disco. Perge verò mi Cabeiti, nec huic rei vocem meam aut doctrinam desidero; cum ipse aut à te, aut ab aliis, abundè quidquid eò facit, haurire possis. A quibus autem aliis: fidis illis verisq; doctoribus, id est mortuis: quorum libros, sodes, lege, relege, & in iis præcepta & mo-

& monita ad omnem prudentiam, atque etiam constantiam, quam animo tuo ire te quæsitum nunc scribis. Turbæ enim, inquis, circumstant aut imminet, & nimbus aliquis à tempestate, quæ in Allobrogibus sæuire cœpit: & credo metum aut vaticinium tuum (nisi Deus tamen illa ferenat) non vanum esse. imò amplius credo, etiam nos remotiores illâ nube inuoluendos, nisi idem ille Deus amouet & dispellit. O Reges, ô Principes! cur arma in alium hostem felicius non vertitis, communem illum Christiano orbi? qui nunc per interna nostra dissidia crescit, & in Germaniæ limite firmiter pedem ponit. Nam de Canisîâ amissâ credo vos audisse, & aditu scilicet patefacto in Stiriam, Carinthiam, & finitimas regiones. Tristia sunt, & magis quæ expectantur: quid solatij? quod Sapiencia suppeditat, ad quam vnâ te mitto, & supremam hanc eius legem, Externa spernere, sola illa ànimi æstimare. Hæc æterna, illa fugacia: hæc amigitur & amplectere, & me vnâ, mi Cabeiti, tui peramantem. Louanij, xv. Kal. Ianuar. ∞. IOCI.

EPISTOLA LXXIIII. *Bruxellam.*GVILIELMO RICHARDOTO *suo.*

IN hoc certè sensu non aberras. & coràm mihi gratus suauis- que es, & absentis tui scriptio, quæ velut imaginem tui exhibet ac sistit. Sicut solem qui iucundum habemus, etiam cereum noctu aut candelam: sic in amicitia, cùm præsertim causa aliqua subduxit, grata est scriptio, quæ vicem eius refert. Facile autem de causâ euocationis tuæ suspicabar. quæ tui ornandi & augendi est: & nos gratulamur; & Ampl^{mo} parenti tuo, quas gratias dignas dices, pro re tuâ sic ampliter auctâ? Quamquam ille gratias summas vnâque habet, si ipse in te ornando virtutibus literis- que pergis: quod sedulò te fecisse vsque adhuc, debeo adstipulari. Imò ardorem tuum in hac re & vidi sæpè, & laudaui: quia nihil nimium hîc potest, & valet illud περιμιάδεις

* — ἀρεὴν λάβει, καὶ μέσον ἔξει.

* -medium
ut uideas,
cuius sum-
mum

Idem ille ardor te breui ad nos aget, puto & cupio: & expectant te epulæ nostræ, id est, passus illi iuniorum. Veni, sed prius

* — τὸ δέ μοι κρήνην ἐέλδω.

* -desideriū
iuxta poetam.

ut cum Homero dicam : & has litteras in Sequanos tuos fendas certo alicui homini committe. Vides cui inscribantur. & is iam sæpiculè ad me scripsit, & affectum & gratitudinem calidè expressit. De publicis, pauca tu & dubia: nos hîc certiora, de Allobrogicis quidem rebus, quæ Gallo fluunt valdè secundæ. Arx Montis-miliani dedita est xvi. Kal. Decembres, & conditiones habemus expressas: quid expressas? etiam impressas (liceat cum vulgo loqui) Luteriæ, idque cum veniâ vel auctoritate Senatus. Utinam pax excipiat hæc turbida, & nobis metuenda, si perseverant. Tu me & honesta amare. Louanij, xiv. Kalend. Ianuar. ∞. IOCI.

EPISTOLA LXXV.

Mechliniam.

I. BERNARTIO suo, S. D.

VOTA tua uti animo signasti, ita eodem accepi: & Deum precor, uti ea & solui velit, iterumque signari. Valetudo quidem nunc paullum surrexit. nam iacebat, & infra humum adeò mittere minabatur: nisi potens ille & beneficus Deus respexisset, & salutari manu crexisset. Itaque solita munia, id est studia litteraria, me habent: imò ipsæ litteræ, quas sparsas colligo, & paullatim editioni apto. Italicæ & Hispanicæ iam lucem intra duas trêsvē septimanas videbunt: & ego plausum an sibilum, quo publicè excipientur. Ut ille aut hic erit, pergam, resistam: etsi animus trahit ad Gallicas & Belgicas, quas item concinnaui, & ut sic dicam, corporaui. Sed heus mi optime Bernarti, an sæculum eò vocat? Nam certè

——— *ciuilia passim*

Bella tonant, trepidumque quatit discordia mundum.

Nisi quòd Sapiëntia tamen firmat, & nauim hanc nostram, inter medios fluctus, rationis illâ anchorâ sistit. Cuius beneficio clamen:

Expers curarum, atque animum virtute quietâ

Compositus, semperque meus.

quò eodem te voco. Quid tu Boëtium illum, verum Sapiëntiæ mystem, tenebris damnes: cum eius maximè nunc vsus, & ignes isti passim accendendi sint, ad trepidos vel naufragos dirigēdos?

Hoc

Hoc facito, & quod facis ne omitto : vt capax tua mens est, vtrisque curis sufficis, & in fructum huius atque illius æui. Ita valetudo tibi faueat: ita

—— *Troica vincas*

Sæcula, & Euboici transscendas pulueris annos.

Louanij, v. Idus Ianuar. anni ∞. IOCI.

Tuam saluto, tuos amplector: & vtrumque Oudarto nostro.

EPISTOLA LXXVI.

Dolam.

ANTONIO BESANCENOTO S. D.

LIBENS epistolam tuam vidi, & in eâ animum sic erga nos affectum. Iuuat habuisse in disciplinâ gratos & memores, & qui in seriis artibus ita promouerunt, vt patriæ, amicis, sibi, v sui decorique esse possint: & vos (nam & fratrem includo) futuros non dubito, si fastigium & culmen imponitis ædificio iam pænè exstructo. Quò equidem hortor & impello, delectatus ingeniis vestris semper, delectandus & honore ac commodis, quæ vos manent. Quod ad publica, nusquam hercules læta aut ex voto sunt. nam de nobis quid dicam?

—— *vicina pericula surgunt*

Undique, & impositi radiant cervicibus enses.

Bataui & Britanni obdurant, & ad nomen omne Pacis aures animosque claudunt: imò palàm noua arma & noua fœdera parant. Nam & Mauretaniæ regem, qui legatum in Britannia habuit, aiunt trahi in partes. At Gallia magis prudentes mouet aut turbat. Disiungitur ille Rex? quæ salus nobis vndique sic cinctis? Et ne disiungatur, magnus iustusque metus est, si bellum hoc Allobrogicum vires sumit & perdurat. Sanè vos vicini, & quod caput est, soli: nisi spes in Heluetico fœdere sustentat, quod Galli haud temerè ibunt violatum. Sed quid ista? abite tristitia, spem lætam toto sinu admitto & excipio, & nuncios qui iam nunc nos adflant de Allobrogicâ pace. Pontificem valdè niti, id certum est: vt perficiat, non Belgicæ solùm nostræ, sed Europæ ergò, Deum veneror & rogo. Barbarus in istâ pedem valdè promouet, nisi fœdere & viribus iunguntur Christiani. Fiat, fiat, & mecum vouete, & tu fraterque saluete. Louanij, xvi. Kal. Febr. ∞. IOCI.

EPI-

EPISTOLA LXXVII.

Romam.

FRANCISCO ORANO suo.

BENE est, te meas accepisse: optimè, te valere, & vt video, in Româ tibi non displicere. Ego iam nunc binas tuas: sanè gratas, non mentior, & audire te iuuat (quem animo huic indui) cùm te non possum. Constitui etiam paulatim à te rem familiarem & disponi, approbo: & eâ si te honestè tolerare potes, (vt puto posse) non equidem auctor sim in vincula te des, etiam si purpurea, imò aurea, parentur. Tibi viue, Deo, & studiis; ac Fortunam auguramur non defore, Oranis in eâ regione amicam. At tua regio, id est, Eburones, vereor vt diu sit in tranquillo: & nubes cogi, & turbines inflare incipiunt, etsi occultius. sed plebem tuam nosti, & quæ semel mota ægrè sedcat, & accipiat frænum. Nescio quid cum vicinis Gallis quidam clàm paciscantur aut machinentur: speramus impeditum aut dissipatum iri, & Princeps ipse aduentat. Non nobis, non vobis expediat (præsertim vobis Clâssicis) siquid infimates isti turbellarum cieant, paratis aliis longiùs ducere, & catenam aliquâ neçtere malorum. At Deus auertet. sicut audimus nimbos illos Allobrogicos iam posuisse, & optatam pacem omnia ferenasse. Et hercules eâ opus in Christianâ republicâ, nisi consultò eam barbaris proditum imus, qui in Germaniæ limite mirum quantum inualescunt. Scimus & adsiduè audimus curam in hac procuratione summi nostri capitis: quod Deus seruet fœderi alicui inter Reges sanciendo, ipsi gloriam perpetuam, nobis bonum. Sed ad priuata. Antonium nostrum ibi esse, gaudeo: & potes honestè ac iucundè eo frui. De altero, qui omnia magna iactat, quid dicam nescio, nisi ingenium non demutasse: quod vtinam semel firmiter liget & occupet in certo genere vitæ. Te inter eos esse nolim,

Quos tulit ad scenam ventoso gloria curru:

firma & solida appete, id quæ virtute & doctrinâ ducibus, quò rui te vocant. Vel patrum cogita & æmulare, naus tua est in portu. Vale mi Orane, & in occasione (nam otio nolo dicere) ad nos scribe, atque etiam publica, quorum illuc est seges. Delectari nos scis, quamquam quies habet

Et

Et secretum iter & fallentis semita vita.

Louanij, xi. Kal. Febr. ∞. IDCI.

EPISTOLA LXXVIII.

Brugas.

LUCAE WYNGAERDO, V. N. S. D.

QUOD Audeiantius meus, de voluntate meâ & studio promisit, in re quam petebas: id ex animi mei interioris sensu fecit. quem fortiter affirmo ita etiam in functum & beatum nostrum Busbequium propendere, ut nihil sit quod mea copia possit, quin ultro velim honori siue memoriæ eius delatum. Oblitus ego sum fidi illius in me affectus: oblitus prudentiæ, virtutis, & quæ hæc condiebat, doctrinæ? Non fuit, non erit: amo, suspicio, in pectore & sapè in ore gero virum, quem inter æui nostri primos vero elogio est prædicare. Itaque & faciam libens, quod petis: & tibi heredi amici nostri amicitiam etiam ultro defero, & voco in consortium iuris, quod cum illo sanctum mihi fuit. Si voles, iam nunc

*collato pectore mixtos**Iungat in abruptâ Concordia longa catenâ.*

Fiat atque ita salue. Louanij, prid. Kal. Febr. ∞. IDCI.

Carmen adiunxi in nostrum amicum, sed breue, leue, & vno verbo subitum. Nescio an aliquid Audeiantius meus, quem à probitate & ingenij dotibus commendo, Brugis vestris non indecorem futurum.

IN AVGERI GISLENI BUSBEQVI

TRISTEM MORTEM, ET SITVM.

AVGERIVS *istic est situs BUSBEQVIVS,*
Quis ille? quem virtutis & prudentiæ,
Habuerè carum, gratiâ, ipsi Cæsares.
Hunc aula eorum vidit, aula & externa
Asiæ Tyranni. quæ viri felicitas!
Probavit hæc, & illa, in omni tempore,
In munere omni, Nestorem se præbuit
Lingua atque mente. Iam quies eum sibi

LI

Et pa-

*Et patria hæc spondebat : ecce sustulit
Viam per ipsam miles incertum, an latro.
Sed sustulit, simulque sidus Belgicæ,
Quod nunc choreas fulget inter astricas.*

I. LIPSIVS magno amico
exiguum monumentum P.

EPISTOLA LXXIX. *Bruxellam.*

FERDINANDO DE SALINAS, à consilijs arcanis,
& maritimis.

IN dono misso ego donum à te accepi, tam amicam epistolam, tam benignam interpretationem, & mei meorumque æstimationem. Quæ ab effectu grata habeo, & admitto : à re & à iudicio equidem rejicio, qui probè scio non me, non mea tanti esse. Sed incitamenta hæc magis sint, quàm testimonia : & certè grata, à tali viro, à tali animo profecta. De republicâ nostrâ, quis tecum non dolet, & instantes etiam nimbos videt? valdè augendos, si pax illa Gallica non coit, & bellum in Allobrogibus perseverat. Regem enim Hispaniæ misceri, aut miscendum, omnis ratio postulat : & si illum, vereor ut nos, qui ita seiuncti sumus, ut tamen ab eo devincti pendeamus. Sicut maiori naui cymba sua adhæret & sequitur, sic dixerim hîc esse. Enimuerò in consilia aut actiones Principum non temerè me immitto aut pentero; sed tamen an pro re Christianâ, an pro tempore præsentis, & certè statu nostræ Belgicæ sit, grande illud bellum suscipi, prudentes controuertant. Quantumvis potentem regem pluribus simul inuolui & distrahi, non è re videatur, neque exemplo Principum, qui consultè & feliciter imperarunt. Sed quid hæc ego? apud me maneo,

— nec æternis minorem

Consilijs animum fatigo.

Reuerà enim hæc à supremo rege & fato sunt: iure nobis non æquo, & assidua magnaque hæc vitia

Iustificam à nobis mentem auertère Deorum.

Te valere, Vir Nobilis & Cl^{me} ex animo opto. Louanij, III. Idus Mart. ∞. 1661.

EPI.

EPISTOLA LXXX.

Mechliniam.

NICOLAO OVDARTO V. R. S. D.

SILVI equidem ad tuas ultimas : sed nec rei multum erat , & occupatio aut & languor me habebat, ab his cibis , qui vires aut spiritus corpusculo non addunt . Rogabas de Numinis tuis. quos vidit & ordine lustravit Nicolaus Rokoxius, vir vt morum, sic artium veterum; sed negabat electum aut rarum aliquid esse. Idem ego censeo, & gratos tamen habeo, quia ab illo Oudarto, qui non hæc sed animum, scio, ipsum mihi donet . Momus ille olim in fabricâ humani corporis requirebat , fenestras non esse quâs interiora pectoris lustrarentur : in te nec illeipse desideret, si candidum illud tuum probumque norit , & oris , vultus, animi consensum. Sed hoc de Numinis : de EPISTOLIS Belgicis vrges, & vereris ne (vt tuis verbis vtat) Lethæis tandem aquis mergam. Non hercules faciam , & legi vel amicorum causâ ac viuere cupio: sed meâ etiam causâ adhuc premi . Sunt mihi adspectus vel metus certi, quos haud facillè etiam pello : si inclinatio aliqua aut *παρρη* rerum sit, decîdam. Imò & si ea non sit, & spe meliorum semel sublatâ , mappam ijs mittam . Annæus noster iamdiu iacuit, reprehendam, & illi quoque faciam lucem . O quando ea patriæ nostræ!

Non semper imbres nubibus hispidos

Manant in agros:

canit Lyricus: & nos ergo serenum aliquando, ex rerum lege, speremus. Deus donet, & te mi Oudarte seruet. Louanij, VIII. Kalendar. April. ∞ . IOCI.

EPISTOLA LXXXI.

FRANCISCO MONTMORENCIO, *Bersei Toparchæ.*

VERSUS tuos cœpi legere, id est, mella & fauos gustare. Non mentior. suauia omnia sed cum punctiunculis, sine affectatione polita, sine scabritie antiqua . In quibusdam inuentio aliena est, sed quam facilitate ita tuam facis, vt surripere vel ipsis possis, nec ausint vindicare. Si ausint, iudex aliquis captus

Ll 2 contra

contra eos donet. Ego pro gemmeis istis vitrea mea mitto, EPISTOLAS, quas amicorum nescio an consultus fauor edi expressit. Sed factum est. tu donantis saltem animum, si non donum, ama: & vt alijs, non illo me vinctes. In Musæo nostro, à meridie scripsi.

EPISTOLA LXXXII.

*Traiectum.*MAXIMILIANO SESTICHIO *Canonico* S. D.

ET donum tuum gratum habui, & litteras gratissimas: quæ vtraque amorem tuum, istæ & gratitudinem miram referebant. Gratularis tibi, & gratias agis, pro manu ductione & doctrinâ, quam hausisti: & maximè in Sapientiæ studijs, quæ æstimas, amas, & amplecteris, vt sic dicam, vtraque manu. O suaue mihi lectu, te sic affici! Atque vt ille Darius, aperto malo Punico, granisque vbertim effusis, totidem sibi Zopyros optabat: sic ego mihi discipulos, eâ mente, & eâ curâ. Amœniora studia tractare & præire me, fateor: sed Numen testor, eo fine, vt via ad sapientiam & medicinam illam animorum sint: nō vt occupentur ibi ingenia & adhærescant. Itaque in ipsis lectionibus hæc talia aut misceo; aut ex professo etiam tracto, vt in Senecâ nostro, te audiente, factum. Quem virum amare te ita suadeam, vt ipsam Sapientiam: quia reuera ille

— *iudice me pulcherrimus auctor**Naturæ verique.*

Acer in scriptis, & verba in animo, non à summis labris profundit; stimuli & subiti ictus sententiarum; quibus qui non excitetur, non inter frigidos, sed mortuos, à me habeatur. Enimuerò alta illa & Prouidentiam, item vitiorum odium, & rerum externarum cōtemptrum, nemo magis infuderit: nemo, inquam, ex omni gente aut æuo, cuius scripta quidem exstent. Itaq; moliebar illum correctum & leuiter illustratū hominibus nostris dare: sed resisto aut reuocor, cū æuum video magis magisq. turbidum, & talibus non dicam auersum, sed inimicum. Heu Belgica! non res & opes tuæ solū, sed mores & artes labant aut ruunt. Ferendum est, philosophandum est: quò te, etsi incitatum, voce & corde, mi Sestichi, voco. Louanij, Kal. Aprilib. ∞. IOCI.

EPI-

EPISTOLA LXXIII.

Bruxellam.

NICOLAO DE WEERDT *J^{to} & cognato.*

VIDI quæ cum Fabro nostro egisti, & simul ab eo qui literas tulit, intellexi. Gratiam tibi debeo & pro operâ, & pro successu. Nam ego eousque rem deductam gaudeo, cum ius Hannonicum nobis in hac parte non faueat: & villâ venditâ aut alienatâ, actio in personam periisset, per sententiam parta. Iraque transactio utilis: & præsertim ista, in quâ, etiam re certâ, aliquis acquiescat. Ergo approbo acta, & hortor ut finem ac firmiter imponas: id est, CCC. illos accipias, anno tamen excepto vectigalis, quod nunc cedit. De quo ipso pacisci tibi permitto, ut semel & vniuersè finiamus. Paratam pecuniam existimo, & tu eam recipe: quod hîc etiam actori aut adiutori eius dixi. De horto quod iniicis, ut rem suauem & delectabilem: ita sanè fuit, sed fuit. Nam nunc, ô funera, quæ hiems ista dedit! Clades Cannensis est, ut sic dicam, in meo horto: flores prostrati, occisi, & vix tertia pars superest copiarum. Quid tamen? etiam amico aliquid superest interiori, & tibi. Veni, me & illos vide: uxorem & liberos adducito. quod te sub hoc festum Paschatis valdè rogo. Feriæ tibi erunt: atque eas apud me potissimum usurpa. Domus mea nunc laxior, & pars eorum abiit, qui stipabant. Vale Cl^{me} D. Cognate, cum uxore carissimâ, quam animum saluto. Louanij, III. Idus April. ∞. IOCI.

EPISTOLA LXXIV.

IOANNI RICHARDOTO, *Præsidi S. D.*

VIX legi litteras tuas (ô humanè & benignè scriptas!) & calamum sumpsi, atq; huius chartæ impressi, & simul meam mentem. Etsi quid opus erat? clarè & verè scripseram, me eam rem facere arbitrij tui. Enimvero, Deum testor, adeò grauis tuus non est, ut gratus iucundusque sit, istâ indole, probitate, comitate: quibus non dicam me tantum, sed & uxorem cepit, ita ut eum carum eximiè habuerit atque habeat inter omnes. Hæc res est. & siquis Deus mihi tales in contubernio semper spondeat: semper admittam & habeam, cum meâ voluptate, cum illorum fructu.

At hodie quàm multi alij? & ideò mihi mens alia, & post horum discessionem (non enim dimissionem) certum mihi ad quietem & solitudinem redire, nec prece vel auctoritate aliò flecti. Sed de tuo tamè quod submonueram, id ipsius causâ, nō meâ, factum. Ecce Vir Amplissime, ætatem habet, apud me annos paullò minus quinque egit, in studijs optimam viam firmiter iam ingressus: quid superest, nisi vt te volente alia etiam loca hominesque leuiter videat, vsum aliquem & peritiam hauriat, tum redeat, maneat, te oblectet? Cogitabam & de Antonio tuo, meo (patere me sic loqui) qui iam quod satis sit Italiam fortasse lustrauit: & an non illo reuocato, hunc vicarium dare, ex vso vtriusque esset. Nepotes quidem & florentem familiam habes, sed adhuc è sexu altero, & qui nomen tuum ad posteros non propagat: nostrum illum cum pari suo iungi, paullatim ad res adinoueri, non dicam consilium, sed est meum votum. Habes liberè (ita imperabas) interioris mei animi sensum: quem vt æterno nexu tibi tuisque deuinctum censeas, Ampliss^{me} & Nobil^{me} Domine rogo. Louanij, IX. Kal. Maias. ∞. I. CCI.

EPISTOLA LXXXV.

Romam.

IOANNI HEMELARIO suo S. D.

IACES mi Hemelari, non oportet. Dij boni, tale ingenium? Utinam te sine superbiâ nôris! Sed erigere, & fiduciam à virtute fume. Quantò alij altiores, qui non digni tecum. sed desino: me audi, & modestiam ita ama (caput virtutum) vt ad *μεγθυρίαν* illam, & sui contemptum non descendas. In sæculo isto multi fumi, multi fuci interueniunt: non fugabunt bonas vilesque apes. operas tuas exerce, & in aluearibus mella conde. Vbi illa sapientiæ præcepta, alta, sed ô vera?

Quem neque pauperies, neque mors, neque vincula terrent.
te vultus adductior, aut sublimior, te fastus aut fastidium alicuius contubernalis? Omitte nugas, & totum hoc viuere spinas & aculeos suos habere scito: sed ijs maximè, qui velut vltro ingerunt se & opponunt. Quædam non videnda, non audienda sunt: & si sunt, transmittenda vt venti. & quid aliud sermones sunt? Numquam progredietur, qui timidè nimis explorat omnia & resistit.

resistit. Bonus animus & sibi conscius, summum bonum est: summum etiam gaudium est, si non patiare infusari aut deminui ab externis. Multis sola impudentia, aut *ἀναιδης* quædam & stupor, hoc dedit: & vides quàm illi se proferant, & quò ascendant: tibi Sapientia non dabit, saltem stare & non deijci à vanis istis rerum? Obsecro te, tolle cum vultu, quem erectum Deus dedit, etiam animum: & simplicem virtutem ipse ama, sequere: sed in alijs tolera mixtionem, & homines Choïcos etiam in sacra illâ vrbe esse cense. Dic mihi seriò, siquid voles vltra à me factum aut scriptum: fiet, & tuâ causâ panè vel vltra decoris limites eam. ita seriò te & acriter amo. Vale. Louanij, prid. Kalend. Maijas. ∞. IOCI.

EPISTOLA LXXXVI.

*Leodicum.*CAROLO BILLE'O V. N. & *Ampl^{mo}* S. D.

OFFICIUM ego feceram, id est libri mei munusculum (verè tale) ad te miseram: quid tu? ô benignitatem! beneficium rependis, & quidem duplex. Nam & amicâ scriptione me affaris, quæ animum recreet: & munus etiam adiungis, quod corpus pascat. Debeo tibi, & libens debeo. nam in hoc certamine vinci à te fateor, & cupio: amorem tamen excipio. quem ego ita æquo pondere (an grauiore dicam, & verè dicam?) tibi repono, vt ipsa Æquitas si iudicet, sententiam à me donet. Perseuerabo. te rogo *Ampl^{me}* & *Nobil^{me}* Domine, vt idem facias, non meriti mei, sed constantiæ tuæ causâ. Louanij, iiii. Nonas Maijas. ∞. IOCI.

EPISTOLA LXXXVII.

Bruxellam.

CAROLO BROOMANO S. D.

QUOD voluisti, feci mi Broomane: & amici illius absentis, & tuâ præsentis & prensantis causâ. Bonâ fide, vtere me sicubi vsus erit: reperies pronum & affectum. Nam etsi familiaritas non iunxit, tamen iam inde à parentibus aliqua notitia (neque enim oblitus sum:) & certè

*— similes iunctæque Camæne.
Sunt vobis, multumque pares bacchamur ad aras.*

Quæ

Quæ ipsa caussa Billiodum mihi conciliauit, in eleganti ingenio, elegantiarum veterum & artium amantem. Amo ipſas, amo eos qui ipſas: nec vt in profano amore abiungit bibere ex eodem riuo, ſed magis ſtringit. Ceterum, quod ad ipſam rem, egi cum Patribus, & dilationem conſeſſuri videntur: ægrè tamen longam, quia vnum illis hoc exemplar. Matura igitur, & fidem tuam meamque libera: ſed nos æternum ea iungat. Louanij, VIII. Kal. Iun. ∞. IOCI.

EPISTOLA LXXXVIII.

Romam.

ANTONIO RICHARDOTO ſuo S. D.

O METVM noſtrum, ô nunc gaudium! Bruxellam veneram, & à parente illud triſte audieram de tuo morbo. Numen teſtor, ſic me ſollicitum fuiſſe, vt ipſum. Romam enim noram, & quàm ancipites, ne dicam præcipites, ibi iſtæ febres. Itaque inquires mihi animus, & ſpe metuque ſuſpenſus: donec hunc mihi ademerunt tuæ litteræ, & quidem à tuâ manu, quibus nec dediſti nec dabis gratiores. Euge, conualeſce, & plena ſanitas tua plenum gaudium nobis donet. Ego in Neruios & illa loca, animi ac valetudinis cauſſâ iueram, & nunc ante biduum redij, valetudine quâ ſoleo, id eſt tenui, & quæ certò ad communem illam metam ducit. Quid mali erit? imò à malis aucllemur, quorum ſeges ſuccreſcere in dies videtur, & ſub optimis Principibus patria non optimè habet: quod, eſſi ſortes & ſemi-Stoïci, tamen dolere fatemur & angij, an & indignari, promptis remedijs quæ. ſed omitto, mearum, vt ſcis rerum, & publicarum amans magis, quàm curans. Neque mea ſanè hæc curatio eſt: te magis nunc cogito, & tuam valetudinem, quam vt ex voto noſtro Deus tibi reſtituat, calidè eum rogo. Mi Antoni, ſic eſto. Louanij, XI. Kal. Iul. ∞. IOCI.

Legatum fratrem tuum ſaluto, & obſequia deferro.

EPISTOLA LXXXIX.

Tornacum.

DIONYSIO VILLERIO *Canonico & Cancellario.*

INVITVS ad te ſcribo mi amice. quid hoc eſt? quia ſcribo tantum. Ita me affecerunt ſermones veſtri, conſuetudo, conuiuia,

uiuia, & ante omnia in affectata illa comitas & candor, vt desiderem eadem, & languor actædiū mihi sit carere. Sed nimirum

Non semper idem floribus est honos

Vernis, neque vno Luna rubens nitet

Vultu.

neque nos in suauitate illâ & diffusionē semper animorū. Reduxi & contraxi, & apud me maneo, in functione munerum, quæ Parca assignauit. Interea non possum, quin mente & desiderio sæpè ad te recurrā, quem olim amaui, sed nunc totum noui, & sic mihi indui, vt Sossie Plautini verbo congeminaſſe nos dicam, & duos ex vno, imò in vno eſſe. Nihil blandior. nec Deus aut Genius mihi vniquam, niſi te quaſi me habeo atque amo. Satis, ſatis. de re librariā quod mandaueras, Corſelio & mihi curæ erit: atque ego ecce quædam eius generis rariora ad te mitto, quæ vt donū à me (quid aio?) imò à te tibi habeas, cupio ſiue rogo. Iubeo pænè ſcripſeram: & hoc quoque licuiſſet. De Neruiis, nondum inquiſiui. ſcripta & exſignata quædam habeo: ſed diſtinebar, vt ſolet poſt abſentiam, & amici, litteræ, lectiones interpellabant. Aliàs fideliter & plenè fiet. De publicis, quod nunciem vix habeo, niſi in exſpectatione triſtium aut lætorum nos eſſe. Bataui Berckam ad Rhenum obſident, flumine & Germanicis commerciis compotes futuri, ſi potiantur ipſâ. Præſidium intus validum eſt: ſed ego à circumuallatione metuo & operibus, quæ iſti ad Romanum morem & diſciplinam hodie ſtruunt. Noſtri Principes in Flandriam iuerunt, vt fama communis & veſtra etiam vota ſunt (ſcis quid dicam, & quàm è re veſtrâ ſit urbem eam capi) ad Oſtendam expugnandam: vt occultior ſermo manat, ad inſulas hoſtium tentandas, triremium nouarum aduentu. Actio pacis inſtituta cum Aſiatico hoſte: & comitia etiam futura ſuper electione noui Rom. regis. Sed quorſum iſta? aliunde audis: à me illud, amo te, me ama, valeo, vale. Louanij, III. Non. Iul. ∞. IOCI.

R^{do} D. Decano in occaſione ſalutem & officium à me defer.

EPISTOLA XC.

Duacum.

BARTHOLOMAEO PETRI LINTRENSI,

Doctori Theologo S. D,

ITA me cepit humanitas & beniuolentia, quam vtramque vultu, verbis, factis in me prompsisti, vt non conquieuerim, nisi & deuinctum hoc nomine faterer; imò & amicū vltro tibi offerrem. Calidè à me fit, fateor: sed & candidè, & quàm promptè offero, tam fideliter cultū à me iri amicitiam, Numine illo teste promitto. Virtus tua mihi aliisque nota est: & hanc etiam inuito te amabimus. patiaris vt te vnà, in quo domicilium illa legit. Voluissem equidem diutiùs & te, & vrbe vestrâ, alterâ in Belgio Musarum sede, frui: sed cupidini legem & occupatiunculæ nostræ dabant, & munus quod sustinemus: neque diutiùs abesse vtraque illa permittebant. Itaque frænum momordi, abij, in animo te gestaui Reu^{de} & eximie Domine, nec temerè dimittam, donec illum ipsum emittam. Louanij, Non. Iul. ∞. MDCL. Collegij Regij Præfectum, virum, vno verbo, mihi carum, bonâ tuâ veniâ saluto. Libellum EPISTOLARVM mearum adiunxi, in quibus si non aliud, pietatis alibi aperta professio te iuuabit.

EPISTOLA XCI.

Bruxellam.

NICOLAO DE WEERDT, I^{do} & Cognato.

Lib. iv.

Lib. xl.

MIRA hæc cæli obstinatio, fatendum est: à quattuor amplius mensibus vix pluit, nisi siquid leuiter rorauit. Magni intercà æstus, & siccitas inaudita. Hortuli nostri quàm languent? quàm ego cum illis, cui hæc constitutio sic aduersa? Et tamen non nimis insolens aut noua, etsi nobis sic visa. Lego in Li- uio, anno Urbis CCCXXIII. *non cælestes modò defuisse aquas, sed terram quoque ingenito humore egentem, vix ad perennes suffecisse amnes. Defectus alibi aquarum circa torridos fontes riuosque, stragem sitis pecorum morientiu dedit.* Iterum anno DLXXII. *Siccitate & inopiâ frugū insignis annus fuit sex menses numquam pluuisse memoriæ proditum est.* Sed hæc in alio cælo & solo: quid nostro? Germanici Annales produnt, anno Christiano ∞. CC. XXVIII. *tantum fuisse æstum,*

æstum, ut mæsis terminata fuerit (verbis eorum utor) ante festum S. Ioannis Baptiste. Iterum biennio post: ut per Iulium & Augustum menses ova in sabulo coquerentur. Et anno æ. CC. LXVIII. Non pluit duodecim septimanis, fuitque æstus maximus. Anno æ. CCC. III. Annus calidus fuit admodum, sine pluvia. molis aquæ deficiebant. Botri maturi in vigiliâ S. Ioannis in Alfatiâ videbantur. Simile in anno æ. CCC. LI. Itaque non hæc adeò noua: sicut nec frigus quidem, quod immodicum nos iam biennio pressit. In Liuiio scriptum: Insignis annus hieme gelidâ ac niuosa fuit: adeò Lib. v.
ut viæ clausæ, Tiberis innauigabilis fuerit. Quod de Tiberi sanè in illo cælo perrarum est: sed quid de ipso mari ibidem adstricto & clauso? Annales produnt: Anno æ. CC. XXXIII. hiemem asper-
rimam fuisse, adeò ut in ^{*}*mediterraneo mari insitatores Venetiani, cum* ^{*Vulr dice-}
oneratis summariis, per glaciem transirent: quæ videlicet hiems non par- ^{re, Adria-}
uam, per totam Italiam, in vineis, iumentis, & oliuetis intulit cladem. ^{tico.}
Simile Zonaras, sub Constantino Copronymo, in mari Pontico, & freto vicino: Sequissima hiems fuit, adeò ut non fluij solum
prorsus congelascerent, sed ipsum mare ad multa stadia, & angustias
item freti, quo ex vrbe Chrysopolim traicitur. Niue deinde in glaciem
decidua, atque ipsâ etiam congelante, homines fretum pedibus transi-
bant, atque ipsa etiam sagmariâ iumenta, & boues onusta plaustra
trahentes. Hoc & in aliis maribus tunc accidisse fertur. Addit sub-
inde: Hanc hiemem æstus secutus est ingens, ut & fluij perennes a-
rescerent, & fontes penitus deficerent. Nec diu post, altera hiems
secuta, quam Marianus Schottus in Caroli Magni imperium (id est, annis aliquot post Copronymum) refert: Anno, inquit, xxx-
II. regni Caroli, fuit gelu magnum & amarissimû, quo pelagus Ponti
usque ad centum miliaria, in Oriente, in glaciem versum est, habens cu-
bitos à superficie in profundum quinquaginta. In nostris deinde par-
tibus, Ludouico Caroli filio imperante, anno DCCCXXI. hiems
in tantum prolixa (verba Annalium) & aspera fuit, ut non solum
minores riui ac mediocres fluij, verû maximi amnes, Rhenus videlicet,
Danubius, Albi que, ac Sequana, ceteraq; per Galliâ atque Germaniam
flumina, adeò solidâ glacie stringerentur, ut triginta, vel eo amplius, die-
bus, plaustra huc atque illuc, velut pontibus iuncta, sustinerent. At verò
anno æ. LXXVI. Schafnaburgensis prodidit: Vim hiemis tantam
adeoq; ingem fuisse, ut à festiuitate S. Martini, Rhenus fluius, penè ^{* Nouembri}
mens.

usque ad Kal. Apriles pedestri itinere transmeabilis maneret. Et interdum intempestiuum hoc frigus. sicut anno ∞. LXIII. (in Hermannio Contracto) tempore veris, medio mense Aprili, per quattuor dies hiems saeva, ventosa & niuosa, aues & pecora frigore exstinxit, arborū & vinearum maximam partem perdidit. Et anno ∞. C. XXV.

* Brabantia nostra.

(Robertus de Monte) Hiems tam valida, ut in Brachbanto anguille innumerabiles, propter glaciem è paludibus, quod mirum dictu est, exeuntes, in fœnilibus fugientes latuerint, atque ibi præ nimietate frigoris computruerint. Vix tandem arbores floruerunt Maio mense. Voluit dictum, fronduerunt. Sed quorsum ego ista? ut opinio illa nouitatis eximatur, quæ malè in omni dolore aut querelâ blanditur. Numquam tale, nemini tantum. nugæ, & plebei sermones: quos Historiæ refutent, & seriò lectæ hunc quoque Constantiæ fructum in animo gignant. Faciamus mi Cognate, & corpore atque animo salueamus. Louanij, postrid. Kal. Sextil. ∞. IOCI.

EPISTOLA XCII. Valentiana.

HENRICO D'OULTREMANNO Senatori S. D.

ERGO tandem à te litteræ, mi d'Oultremanne? Animus apud me dudum innotuit, fateor; & quia innotuit, se innotuit: cur autem scripto non cōiunimus amicitia veræ pactum, quod calliditas, vis, ipsa mortalitas non abrumpat? Cupiens eius fui, & nunc te stipulante restipulor, & per quicquid sacrum est firmo. Fui equidem haud longulè à vobis nuper, & animus eò ferebat vel tui causâ: pedes restiterunt, & vorforiam domum ceperunt, quò res vocabant. Alioquin non sum ille hominum, imò nec conuiuiorum, fugitans,

Nec frons tristè rigens, nimiusque in moribus horror,

Sed simplex hilarisque fides, & mixta pudori

Gratia.

ut me verbis alienis tibi, sed liberè & verè describam. Neruij hoc vobis dicent, apud quos benignè & comiter excepti fuimus atque egimus, nec magis apud Phæacas Vlysses. O Villerium illuc mihi amicum! & plures alios: atque inter primos Coretum, illum à tirocinio studiorum familiarem. Magis nunc amo, quia & te video: & benè ille, qui de amico meo sermone super te (nam ita fuit)

fuit)nunciauit. Vtinā Viuianus vobis superstes alter funis erat, qui me traheret: sed vel tu impetrandi validus, & si viuo, regionem vestram aliquando, non ex negotio, sed affectu petam, & quem nunc animo, corpore amplectar. Vos carites damnate me huius voti. Louanij, IX. Kal. Sextil. ∞. IOCI.

EPISTOLA XCIII. *Valentianas.*

PETRO CARLERIO, *Presb. Soc. Iesu.*

OPIDVM vestrum, Collegium, & te videre in isto tempore mihi non fuit: etsi voluisse fateor, & pænè decreuisse. Sed Neruiorum beniuolentia intercessit, & dies vestros suos fecit: adeò vt nec Duacum nisi cursum viderim, & illinc properè domum properauerim, pænè dicam,

Ociò ceruis & agente nimbos

Ociò aurà.

Ita familia, studia, res meæ reuocabant: quibus parui, & tibi tamen in animo isto gratias scripsi, pro amicâ illâ exspectatione. Patri verò Manaræo quid iam olim debeam, scio: qui nunc quidem omnem sinum, vt sic dicam, beniuolentiæ suæ effudit, & per collegia illa vestra sparsit. Nā & consimiles litteras Tornacum & Duacum scripserat. cui ego vota, non gratias (quî possum?) reddo: & Deum precor vt talem virum Ecclesiæ & Societati vestræ seruet, qui reuerà --Troica dignus

Sæcula, & Euhoici transcendere pulueris annos.

Vale R^{de} Pater. Louanij, IX. Kal. Sext. ∞. IOCI.

EPISTOLA XCIV. *In castra ad Ostendam.*

IOANNI RICHARDOTO, *Præsidi.*

REFVGEREM ad te scribere inter bellicos strepitus & tonitrua, quæ hucusque (mirum, sed verum) audiuntur: nisi filij tui res esset, quam nuntiarem. Sicut autē Hector, apud Homerum, vel galeam ipsam posuit, & filium parvū est osculatus: sic tu paullisper te dabis, & audies de illo, quod delectabit. Respondit publicè de Iure ante triduum, vno verbo, OPTIME: nec vltrà iam teneo. vt vos ita rem illic geratis, æternum Numen precor. Louanij, VI. Kal. Sextil. ∞. IOCI.

EPISTOLA XCV.

Brugas.

IO. CLEMENTI XANDRINO, *J^{to} & Canonico S. D.*

DEBEO tibi, mi Xandrine, debeo, qui tam promptè & vltro significasti quæ ibi gesta. In expectatione sanè sumus: & quis non bonus? quia famam & dignitatem Principum, salutem etiam Flandriæ, verti in obsidione eâ arbitramur. Benè, quòd adhuc prosperâ: & meliora, atque adeò ipsum finem magni incepti, te augurante breui expectamus. Non negamus rem arduam esse, sed tanto plus famæ, atque etiam fructus, in confectâ. Heri tristiores nuntij (nescio an certi) nos percusserunt de Berckâ deditâ. Aiunt cuniculis partem murorum dirutam: & compositione demum nostros egressos, honestè & sub signis, sed egressos. Triste est, diluite & temperate nuncio illinc lætior. Sed heus, in tuâ priuatâ re quid ita files? opera mea si vsui esse potest, rogo, vtere: & inter seriorum tui amantes me cense. Louanij, prid. Non. Sextil. ∞. IOCI.

EPISTOLA XCVI.

PETRO SCRIVERIO.

TVAS accepi, sanè gratas, vbi? Antuerpiæ, cum eò me animi, atque etiam negotioli causâ, contulissem. Quid autem excusas scriptionem? caram à talibus habeo, ut ipsos vos caros. Nosti me vel ex scriptis vel ex famâ, & in vtrisque indolem factam benignitati, imò comitati. Itaque communica & adi, numquam repellendus, nisi cum ipsâ Virtute & Doctrinâ: quod non fiet, neque me ita *circumtonet*, ut cum poëtâ dicam, *gaudens Bellona cruentis*. Senecæ locum, diu ambiguum, firmas hercules notâ tuâ & illustras. Fac in aliis, siquid habes: & scito nomini tuo inscribendum. Pergere animus est in optimo scriptore, etsi valetudine an fastidio sepositum menses plures habui: sed recipiam & consummabo, si Deus mihi viuere dat & valere. vtrumque intimo meo voto tibi, ô Scriueri. Antuerpiæ, in Plantinianâ domo, vi. Idus Septembr. ∞. IOCI.

EPI-

EPISTOLA XCVII. *Brugas.*

GVIL. RICHARDOTO, & PHILIPPO RVBENIO, suis.

ABITIS, imò abistis, & Vale illud, etsi mæstis, dicendum tamen fuit. O quando iterum Salve? Erítne vt videam, & viuam? Voueo, *Et non antè mihi claudantur lumina morte,* quàm ego vos brachiis istis claudam & astringam.

Quorum ego manantes oculos & saucia vidi *Pectora:*
nec meis quidem illis ficcis, aut hoc illæso. Sed ite & redite felices, Italiam videte, ingenium polite, iudicium formate: aut potius (rem dicam) quod formastis seruate. Nam ego, cum Attio,
Probis probatos potius, quàm multis velim.

Noctis æuum, vanitatem, luxum, delicias, ineptias:

---non ita Romuli *Prescriptum, & intonsi Catonis:*
neque hercules meum, vt tot annos audistis. Sed heus, tu Rubeni, nubem illam doloris circumfusam Carmè tuum * *ὑποκατήειον* * *In disces-*
nonnihil dispulit, ô dij boni, bonum. Palpo non te percutio, sed *su.*
cum Syracusio, * *Πλήρες τοι μέλιτος τὸ καλὸν σῶμα:* * *Os plenū*
ô os Gratiarum & Musarum! Vulgari poreft, siue à te siue à me, *tu mellis*
sed vulgari. Vísne vt ego per Moretum? promptius fecero, nisi *habes.*
sint laudes meæ, & quidem superfluentes. Sed vale mi amice,

--τὸν ἐγὼ περὶ πάντων τῶν ἐταίρων
Ἰσὼν ἐμῇ κεφαλῇ:

& caput hoc ipsum tango. Testimonium hîc habes, fidei simul
& amoris plenum. Louanij, xv. Kal. Octob. ∞. ΙΟCΙ.

TESTIMONIUM.

OMNIS ORDO, QVISQVIS HAEC LEGES,

EX fide & vero scies scripta. PHILIPPVM RVBENIVM, domo Antuerpiâ, annos P. M. quattuor in familiâ & contubernio meo egisse, mensæ participem, sermonis, & disciplinæ. Probitatem à naturâ & modestiâ attulisse, item semina aliqua doctrinæ, quæ immane quantum in spatio illo breui auxit: Latínâ & Græcâ litteraturâ promptus, vtravis oratione siue scriptione disertus, solutâ & nexâ. Historias & antiquitatem addidit, & quicquid boni, bonitate & celeritate ingenij hausit, iudicio direxit. Adeò supra rem nihil astruo, vt pro re non dicam. vis fidem? experire, & sub modestiæ illo velo, sed

paullatim, retege quæ dixi & quæ non dixi. O vos, quibus Virtus & Honos cara, carum hunc habete, producite, applaudite: ita vtraque illa vos respiciant, & hunc Fortuna, quæ pro meritis nondum risit. Scripsi & signavi

IVSTVS LIPSIUS, Professor &
Historiographus Regius.

Louanij, xv. Kal. Octob. ∞. 1601.

EPISTOLA XCVIII. *Leodicum.*

CAROLO BILLEO, V. N. & *Ampl^{mo}.*

SCRIPITIO mea, præter gratulationem, vix aliud habet. Sed **S**ore cùm id non possim, affectus adigit stilo facere, & tecum & cum tuis gaudere, tuis te redditum, imò panè dicam tibi te redditum ex longinquâ satis peregrinatione esse. Etsi enim eiusmodi laborum gnarus & vetus es, tamen in hac ætate quies, scio, allubescit, & tacitum gaudium infunditur,

*Cum mens onus reponit, & peregrino
Labore fessi venimus larem nostrum.*

Hoc igitur animo gratulor, illo intimo, & qui fucû & fraudeim non habet. Significo & in occasione, primores vestros sacri ordinis hîc fuisse, domum emisisse, sanequàm opportuno loco sitam, quæ Collegio aptari possit in vsum & gloriam illius gentis. Fauere tetalibus incœptis scio, qui posteritatem etiam cogitas, & curas tuas non vni æuo impendis. Cum Deo hoc commune habent magnæ animæ: qui vt te Nobil^{me} & Ampl^{me} Domine, suæ & Principum gloriæ, & publico vsui seruet, meum & bonorum est votum. Louanij, xiii. Kal. Octob. ∞. 1601.

EPISTOLA XCIX. *Mechliniam.*

NICOLAO OVDARTO *suo.*

SEMPER mihi insonas de Chronico, nunc iterum magnâ voce. Sed bonâ fide, vires & orta mea nosti? Illas valetudo & fregit & ad siduè frangit: hæc eripiunt mihi non sollennes solum occupationes, sed nouæ, quæ vt fluctus in plenilunio, augescunt. Deum & cælites omnes testor, prouerbio olim sed veriuerbio in me dici, *Vix otium sæpè ad aures scalpendas esse.* Ita viri interturbant, ita adolescentes, ita fæminæ: ita indigenæ, aut exteri. & horum

rum cottidianus ferè aduentus. Dic sodes, quando lectioni aut stilo sit locus? Vespere, inquires. Vacuum ferè id tempus, fateor: sed quid si illud quoque conuiuia eripiunt sæpè, & in sollenni aliquo & honorario actu, cui ægrè me subduco? Esto, non fiat: quid oculis meis faciam, qui iam fessi obtenebrāt ad adscititium lumen? Rem tibi dico. ego ille olim Lynceus, aut vt fabulam o-mittam, visu serpens, defeci, & pro athereis illis oculis ad vitreos confugi. Hi negant lucubrare. Et tamen animus est obsequi, & vsus etiam publicus, quod benè ingeris, eò vocat. Ergo post SE-NECAM videbo, & adnitar: vel sepositis *Monitis & Exemplis Politicis*, si tamen ita vobis (nam & Hartium iungo) videtur. De SENECA autem, quòd suades etiam Philosophū me agere, quid censes? Disserere me & diffundi? abnuo, & non sit ex more veterum interpretum, quos mihi certum sequi, spreto nouitio hoc & ambitioso, qui inoleuit. Philosopher ego coram illo Philosophorum apice, imò in illo? Indecorum mi Oudarte, imò inu-tile. ille vnus actor sit & emineat, nos excipiamus & velut secun-das agamus. Deus mihi numquam benè aut votiue faciat, nisi cū illa crecta, incitata, ætherea lego, cadit mihi stilus & manus, & nugas censeo totum hoc quod molimur, Ah, qui sensus illi, & quæ dictio etiam est? quantum animi habet, quantum inserit? quantum etiam caloris? Me quidem incitatum semper dimittit, & plenum ingentis fiducia. Videor mihi ille esse, aut. certè fu-turus, qui

Celsior exsurgit pluuiis, auditque ruentes

Sub pedibus nimbos, & ceca tonitrua calcat.

Itaque nullum opus libentiùs commentari aggressus sum, nul-lum ægriùs aut maiore non dicam labore (falsum sit) sed fastidio peregi. Languedo, & tædeo, cū mea video, cū illa video: & vnâ re excusor atq; excitor, si nihil tale coner. Interpretem agam, sed purum & simplicem: & ne te vltra teneam, qualem in Pli-nij Panegyrico egi. Pompam non habet hoc genus: mihi crede, habet vsū. & quid alios moror? longo æuo & exercitio eò ve-ni, vt iudicia non accipere solū possim, sed dare. Cum fiduciâ dicam, Aut bonum illud genus est, aut nemo veterum quod bo-num est vidit.

Non mihi si cunctos Helicon indulgeat amnes,

Et superet Pimplea sitim:

guttu-

guttulam vnam in illa aliena aut longinqua effundam. Pede pressio illum sequar, explicabo: cū fructu publico magis, quàm meâ gloriâ. & hoc si non præsens, alterum æuum dicet. Vale mi Oudarte, & de inscriptione (oblitus eram) quod suggeris, cogitabo: & iam nunc illabitur, etsi nondū sedet. Disputabo mecum, & dispungam. Louanij, v. Idus Octob. ∞. IOCI.
Harrio alteri nostro saluere.

EPISTOLA C.

Mechliniam.

IANO BERNARTIO *Cognato.*

CVM abisses à nolēte ac dolente, nescio an tu utrūque, & satis si alterum; sed cū abisses, ruminatus sum sermonē nostrum de *Coronis*: imò & scrinia ac scripta mea inspexi. Nō solet mihi (sine fastu aut fascino dixerim) vsque adhuc mentiri memoria: & videbar certò de *Aureis* illis, non tantū laureis, aut ex quercū aliāve fronde aut herbâ, legisse. Neq; nescio aut nego sollennes & frequentes has fuisse: sed illas addo, & Romæ in commissionibus aio vsurpatas. Audi Suetoniū, in Vespasiani cap. xix. *Apollinari Tragædo quadringena; Terpio Diodorôq; citharædis, duena; nonnullis centena; quibus minimū, quadragea sestertia, super plurimas Coronas aureas, dedit.* Explicandus ita Plutarchus in Catone Vticēsi. Τῆ, inquit, Φαωνίᾳ κατασθέντος ἀθροάνομε, τὰ τε ἄλλα δ' ἀρχῆς ἐπεμελείτο καὶ τὰς θεὰς δειῖπεν ἐν τῷ θεάτρῳ, διδὼς καὶ τοῖς θυμηλικοῖς σφαῖρας ἔχρυσας, ἀλλ' ὡς περ ἐν Ολυμπίᾳ, κοτίνων: *Fauonio Ædile factō, cūm alia magistratus eius curauit, tum etiam ludos in theatro obiuit, dans Thymelicis siue scenicis non aureas coronas, sed vt Olympia solet, ex oleastro.* Nam hoc notat ex parcimoniâ & modestiâ à Catone factū, quod spreuerit morem receptum de coronis aureis, dederitq; viliores Græcanico ritu. Plinius & ipsum morem, & originē eius ingerit, lib. xxi. cap. lli. *Crassus Diues primus argento aurôq; folia imitatus, ludis suis coronas dedit.* Nota quòd etiam ex argento, atque hinc lucem pete Ælio Lampridio in Alexandro: *Scenicis numquam aurum, numquam argentum, vix pecuniam donauit.* Nōne pecunia ex auro vel argento: ita: sed dictum intellectumq; voluit, non dedisse coronas ex auro vel argento. Nota ampliùs, quod Plinius ait, *folia imitatus.* Ergo coronæ erant, velut ex oleastro, lauru, aut quercu: formâ, inquam, illâ foliorum, sed tamen ex auro effictâ. Martialem sic

fic interpretor, ludentem in Phialam tenuem & minimi ponderis, quam ab amico acceperat, lib. VIII. Epigr. XXXVII.

De Prætoriciâ folium mihi Paulle coronâ

Mittis, & hoc phialæ nomen habere iubes.

Detraxisti, inquit, folium de coronâ, quâ Prætores dare soliti per ludos, & hoc appellas *Phialam*. Nec enim maximi sanè pretij istæ coronæ. nō, non. sufficiebāt leues & ludicræ ludionibus istis: imò fortasse & falsæ. Non verum, inquam, semper in iis aurum, sed speciosum. Isidorus: *Coronarium æs, ex ductili ære tenuatur in laminas, taurorumque felle tinctum speciem auri in coronis histrionum præbet*. Transscripta è Plinio, qui todidem ferè verbis libro XXXIV. cap. VIII. *Coronarium tenuatur in laminas, taurorumque felle tinctum, speciem auri in coronis histrionum præbet*. Etsi profectò aliter hoc, & veriùs, interpretêre. non de Coronis quæ datæ præmij vice, post actionem; sed quæ inter agendum capiti impostæ. puta cùm regem aut personam sustinerent, quæ coronata esset. Itaque magis est, ex vero auro plurimùm illas donaticas fuisse. Ad hoc genus referes Varronis istud, libro IV. de L.L. *Corollarium, vocabulum factum à corollis, quòd hæc cùm placuerunt actores in scenâ dari solitæ*. Item Arnobij, libro IV. *Exoletis & irrisoribus numinum dona instituuntur, & munera, ab officiis otium publicis, immunitas & vacatio cum coronis*. Et hoc è lapide prisco:

M. VLPIVS. AVG. LIB. APOLAVSTVS

MAXIMVS. PANTOMIMORVM


CORONATVS. ADVERSVS. HISTRIONES

ET. OMNES. SCAENICOS

ARTIFICES. XII.

Lego & in Vopisci Numeriano: *Versu autem talis fuisse prædicatur, vt omnes poëtæ sui temporis vicerit. Nam & cum Olympio Nemesiano contendit, qui omnibus coloniis illustratus emicuit*. Ac velim scribi: *omnibus coronis*. Sed hæc postrema fateor & ad tuas vulgatasque Coronas posse duci: priora tamen liquida & certa mihi visa. quæso, vt tibi semper meus amor. Louanij, III. Idus Octobr. æ. IOCI.

E I N I S.



THE UNIVERSITY OF CHICAGO
LIBRARY
CHICAGO, ILL.
1900

IVSTI LIPSI
EPISTOLARVM
SELECTARVM
CENTVRIA TERTIA
AD BELGAS.



ANTVERPIÆ,
EX OFFICINA PLANTINIANA,
Apud Ioannem Moretum,
M. DC. V.
Cum Privilegiis Cæsareo & Regio.

12113 328VI

RECEIVED

RECEIVED

RECEIVED

RECEIVED



RECEIVED

RECEIVED

RECEIVED

RECEIVED

A D
C O N S V L E S
E T
S E N A T V M P. Q.
A N T V E R P I E N S E M.



I Q V A vrbium in orbe terra-
rum (audacter sic loquar) af-
fectus meos possidet , eam
A N T V E R P I A M esse , Am-
plissimi S E N A T O R E S , ex
animi mei sententiâ possum
profiteri . Multa me in eâ capiunt : Homi-
nes , Locus , Genius ipse loci . Homines qui-
dem , quos quis non honesti bonique appe-
tens , tales amet ? Sunt Mercuriales apud vos ,
fateor : sed iidem virtutis , prudentiæ , qui-
dam & sapientiæ candidati aut mystæ . Et vni-
versè si inspicimus , grauitas vbique & mo-
destia , sed & comitas quædam adiuncta &
decens alacritas animorum . Parcimonia est ,
† 2 sed

sed cum elegantia; pecuniæ studium, sed sine detrimento melioris studij, id est artium & virtutis. Non blandiendo hoc dicam: multi apud vos magni bonique, non ob opes, sed merita, appellandi. Iam ipse Locus quis? ad flumen pulcherrimum, pulcherrima planities: & in hac iuxta illud pulcherrima urbium, quas Europa, Africa, Asia videt. Iactemus nos Belgæ. structurâ, ordine, symmetriâ, mœnibus, ædificiis, viis, vniuersâ elegantia, non est quæ nostram istam superet, imò æquet. Scio singula si spectentur, quasdam excedere: sed omnia corporis, ut sic dicam, membra iunctim qui exploret, suffragium iudicio meo dabit. At ipse Genius loci, quàm potens, felix, & altioris quidam classis ordinisque est? Consideremus, ab annis circiter centum, è quali quantà vrbs vestra facta fuerit: mirabile erit, incredibile erit, nisi iis qui oculis sensibûsque sunt arbitrati. Deus bone, surgere in hanc frequentiam, splendorem, opes, commercia, vnum aliquem locum, & subito verticem pænè cælo inferre? Factum est: & hoc quoque laudi vestræ accesserit, in eam magnitudinem venisse, quæ etsi vera, fidem veritatis vix mereatur. Sed hîc mihi suspirium.

rium. heu, hæc tanta & talia, quo malo
fato collapsa sunt? decor ille & flos omnis
quomodo exaruit? Agnoscite, vt in mari,
fluxum hunc Fortunæ & refluxum: & quàm
verè poëta:

Angescunt alia gentes, alia minuantur.

Lucr.

Prouidentia occulta ista lex est: attollit, de-
iicit, iterumque attollit: & vobis (vera o-
minor) fiet. Interea animos erigite vos
inclytæ vrbis SENATORES, præite ex-
emplo ad robur & CONSTANTIAM ci-
uibus; illam, quam ante annos septemdecim
velut præfagus vates ad vos misi. Eguistis,
& egetis: omnia etiam nunc pressa, mare &
portus clausi, ædificia dominos, homi-
nes atque ipsa iumenta opus suspirant. Et
tamen vt formosa corpora etiam in morbo
vestigia decoris sui retinent: sic vos pristini
splendoris. Confidite autem. deliquium
aliquod velut Solis est, non interitus: ex-
surgetis. Ita me credere, firma vestra in
Deum pietas, in Principes obsequium co-
git: ille & isti aderunt, & Genius inpri-
mis vester, potens & perpetua T V T E L A.
Habetis causas mei in vos affectus: accipi-
te & signum, EPISTOLAS istas, quas no-
mini vestro inscriptas nunc emitto. Leue

munus , sed vobis debitum : quia & nomina pleraque vestra, S E N A T O R E S, aut & ciuium intercurrent. Videbitis, si tanti est legere : nec vrgeo . illud valdè, vt me qualem ostendi , erga vos vrbémque vestram esse , atque ætatem fore , seriò credatis. Louanij, v. Kal. Mart. ∞ . I D C I I .



I N D E X

INDEX

EPISTOLARVM

CENTVRIÆ TERTIÆ

ad Belgas.

A BRAHAMO Ortelio xij,
 xvj, xli.
 Agidio Schondoncho Sacerd. Soc.
 Jesu xlvij, lix, lxxix.
 Aluaro Nonio, Doct. Med. ij.
 Andrea Schotto Soc. Iesu xxxvij,
 l, liij, lx, lxx, lxxxv.
 Antonio Vacquerio suo xcviij.
 Arnoldo Cordesio lxj.
 Auberto Miræo, Canonico xlix,
 xciiij.

B.

Balduino Bucquio, Canonico c.
 Balthasari Moreto suo xxiiij, xxvj,
 lxviij, lxxij.
 Balthasari Robiano Senatori xxv,
 lxxvj, xciiij.

C.

Carolo Clusio xliij.
 Carolo Houio lxij, lxxxviij.
 Carolo Lafaillio I^{to} lxxxvj
 ad Contubernales lvj.
 Cornelio Kiliano xxix.

D.

Dionysio Villerio lxxxviij.

E.

Engelberto Masio, Senatori lxxv.

F.

Francisco Aerssenio vi, xxxviij.
 Francisco Bussereeto, Episcopo lv.
 Francisco Houio suo xxxvj, xcviij.
 Francisco Svreertio vij, xl, lxxiiij.
 F. Francisco Villerio lvij, lxxxviij.

G.

Gerardo Buytevvuechio I^{to} lxxv.
 Gerardo Sandelino xxij, xxxiiij.
 Godefrido Vereyckio, Doct. Med.
 xliij.
 Guilielmo Cripio Secundo xviiij.

H.

Henrico Halmalio V. N. xxxv.
 Hērico Schottio I^{to} et Syndico xliij.
 Henrico Vvveno I^{to} xiiij, xxviij,
 xlvij, lvij, lxix, lxxxiiij.
 Hieronymo de Francia, Præposito
 xxxix.

Hieronymo Rouelasko xx.
 Hugonao Grotio lxiiij.

I.

Iacobo Carondeleto V. N. & R.
 xxxj, lxxx, xcviij.
 Jacobo Colio Orteliano lxxj.
 Jano Douſæ filio ij.
 Jano VVouerio suo xxviij.
 Ignatio Basseliers, Sac. Soc. Iesu xcij.
 Joanni

Joanni Baptista Perezio Baronio	Jesu	xxiij.
suo li, lxiij, lxvi, xcvi.	Michaeli Vander-haghen	xcj.
Joanni Bernartio I ^{to} ix.	N.	
Joanni Bochio, Sen. à Secretis x.	Nicolao Oudarto xiiij, xlvj, lxxiiij,	
Joanni Brantio, Graphiario viij,	lxxxix.	
xix, lxxxij.	Nicolao Rokoxio, V. N. & Sen.	
Joanni Chokiero liij.	liij, lxviij.	
Joanni Liwineio, Canonico xj.	N. N. v. N. N.	xxxij.
Joanni Moreto, Typographo xlvi,	O.	
xcix.	Othoni Hartio I ^{to}	xxx.
L.	Othoni Venio	lxxxiiij.
Leuino Torrëtio Episcopo iij, xvij.	P.	
Lamberto Vander-burchio, De-	Petro Orano xv, xxj, xxxiiij, lxxxj.	
cano j.	Phil. Rubenio suo	xc.
M.	R.	
Martino Delrio, Presb. Societ.	Remaclo Roberti	lxxviij.



EPISTOLARVM

SELECTARVM

CENTVRIA TERTIA

AD BELGAS.

EPISTOLA I. *Ultraiectum.*I. LIPSIUS LAMBERTO VANDER-BVRCHIO, *Decano.*

ACTVRAM profectò magnam fecimus in morte communis amici nostri N., & propriè vestra Resp. quæ metuo vt in nouos fluctus turbasque incidat, amoto quieto & perito illo gubernatore. Sed Deo & communi fato quis se opponat? Iuit quò imus omnes, nec meta sed tempus nos fecernit. Alij paullò longiùs, alij breuiùs, sed omnes in eâdem viâ currimus, & ad eundem finem. atque illîc pœna, aut palma. Quòd te in eius quasi locum substituis, Vir Cl^{me}, de amore non erras: iam pridem te tuo merito amaui. quòd etiam hospitium tam benignè offers, humanitatis est, cui fateor me deuinctum. Videbo quid bonâ gratiâ amicorum aliorum possim, etsi reuerà animus ad te inclinât. Sed hac æstate, quæ iam in exitu, vix est vt fiat: spero proximâ, eaque ineunte. De Opere tuo probè memini quid in sermone aliquando significâris: atque ego tibi hunc laborem exhaustum (quantæ enim lectionis ea res!) gratulor, & ad vulgandum seriò hortor. Famæ tuæ ea res faciet, & multo magis publico bono. Quòd instituisti autem vitam cuiusque viri Principis perstringere, laudo: sed, meo iudicio, perstringere tantum, & remittere Lectorem ad eos qui ex professo scripserunt. Scio quàm difficile sit hîc modum seruare, qui gratus sit omnibus: quoniam aliud ferè vulgus, aliud docti amant. Sed, si te noui, tu facîle attemperabis, vt neque bre-

A A uitas

uitas obscura illis, nec diffusio molesta istis sit. In re præsentis si essem, possem si non prudenter tamen liberè quid mihi videretur dicere. quoniam ita soleo apud eos qui petunt, & quorum amicitiam simul caram habeo, & famam. Mihi decretissimum est proximo Vere (vita modò adsit) excurrere ad Leodienses Fontes, idque valetudinis causâ, quæ assidue imbecilla. Antè te videbo, & consilij mei faciam consortem. Ama me, & si amas, vtere. Lugduni Bat.

EPISTOLA II.

I. DOVSAE Filio S. D.

CERTE peccares, nisi scriberes: & nōne velle debes ad sic volentem? Potes autem semper in isto otio, quo fruitur ferè hæc vestra ætas. Publica aut priuata (nobis id nimis sæpè) non vos auocant, aut turbant. Mitto Carmen, quod poscebas, in Triumuiros illos nostros, & tuas Notas. Quas edi à te gaudeo: tantum illud moneo, vt nihil in his talibus, nisi quod indole istâ tuâ & ingenio dignum. Certè omnia magna mihi de te spondeo, supra eos qui nunc, & qui fuere in Batauiâ (non inflâdi tui causâ dixerim:) viue tantum, & cursum hunc quem cœpisti tene. Sed heus tu, vidistin' libellum in me à Septemtrione? rigidum, & dignum illo axe: an & me dignum? Liceat hoc dicere, honestiùs vapulare poteramus, & vite aliquâ Centurionis: idque vel in peccato. Etsi quo peccato? lusimus & risimus: & vos quoque credo, cum hæc videtis. Valete, saluete, pater, tu, fratres. Leodici, postrid. Idus Ianuar. ∞. IO. XCII.

IN TRES POETAS

A IANO DOVSA FILIO ILLUSTRATOS

IVSTVS LIPSIVS ἐκδοῦν.

PHOEBI *delicium, Minervæ amores,*
 Patris *delicium, meique amores,*
Qui te gloriôr imbuisse primo
Succo & nectare, DOVSA, Litterarum:
Quàm gratum mihi, quàm fuit suave,

Quòd

Quòd ternos meditaris in Poëtas

(Doctos, Iupiter, & bonos Poëtas!)

NOTAS scribere? quas, scio, probabunt

ff quos Aonia probant puella,

Quique ipsi Aonias probant puellas.

Perge Dousa meus, tuumque nomen

Patris subsere nomini, imò patris

(Hoc pater vouet ipse) vince nomen.

EPISTOLA III.

Antuerpiam.

ALVARO NONIO, Doctori medico S. D.

LITTERAS tuas hodie accepi, & in iis duo vidi: magni Etruricæ Ducis honestum de me iudicium, & tuū in me amorem. Neutrum mihi nouum. Nam & de munere ab eo proposito, iamdiu inaudiueram; & tuus affectus olim mihi innoruit, cū ante decem plus minus annos haberet me vrbs vestra. Sed quod ad Ducem, ita me Deus amet, vt doleo non posse obsequi. Causa est non quæ sita vlla aut affectata: sed ipsa valetudo, sine quâ numquam me admouerim iis, ad quæ destinamur. Iter longum est, regio olim quidem mihi visa, sed ad habitationem nunc noua: & cū ibi ero, quid faciam? Languēbo? vībram pro Lipsio ostentabo? Medicæa domus, & hic ipse Princeps, mihi magnus est, & velim eius causâ multa; sed supra vires nihil possum. Ipse Pontifex, caput nostrum, recenter nunc me Romam inuitauit: sed excusamus verissimo illo valetudinis prætextu. Sumus quidem in eâ curandâ, sed melancholici & chronici isti morbi, tu scis quàm laneo pede veniant, & plumbeo, vt sic dicam, recedant. Deus dedit mihi hanc sortem, ferenda est. Scripsi in similem sententiam, ante menses tres, ad Hier. Mercurialem, illustrem medicum, & tibi notum: qui primus mihi aperuerat mentem Ser^{mi} Ducis. Scio illum accepisse, & iam indicium fecisse, vbi debebat. Ego te non celo, animum mihi in patriâ esse, etsi afflictâ. Deus hanc & me releuabit, cū ei visum: & te stantem firmum, quæ seruabit, Vir Cl. Leodici, VIII. Kal. Iul. ∞. IO. XCII.

Μυρία, αἱ ἐκ ἐστὶ φύειν βροτῶν, εἰδ' ὑπολιῆσαι.

Millena,
quas nemo
hominum
vitet fu-
giatve.
Homer.

Vt in pyro aut pomo arbore, cum vndique fructu suo onusta est, alia confertim & impetu, alia seorsim & singula, sed tamen assidue cadunt: sic in nostro hoc genere, & densi aut singuli morimur, proprio vel communi aliquo fato. O imperitum, aut stultum, qui miratur! Ecce solem oriri cottidie, & occidere, sine motu videmus: vos Bataui, mare adire & abire: quare? quia assueuimus, & naturæ hunc ordinem scimus. nonne idem in vitâ & morte est? Atque age, non sit hæc lex data: vide quò descendam; ego audacter dixerim poscendam à Deo esse. Inspice miseras huius vitæ, serio inquam inspicere & examina: mala quæ corpori, quæ animo adhærent; quæ in nobis, in liberis, cognatis, aliis sentimus, vel audimus: dic sodes, iuuat inter ista immortalem esse? Ego verò sentio, ut in turbido mari, optandum defungi; & felices, qui quàm celerrimè venerunt ad portum. Illum, inquam, mortis portum, ubi liceat tutò dicere:

— *spem, vota, timorem*

Compositus placido sine relinquo aliis.

Tuis igitur hoc factum, mi amice: gratulari si non potes, noli queri, aut (quod ipsi certè nolint) reuocare. Ecce ego haud longè à metâ (valetudo mihi dicit): absit, absit reduci, & ad carceres iterum reponi. Malus & præposterus athleta, qui ipsos non illam spectat. Hæc pauca tibi firmando, quem & naturâ satis fortem cognoui, & lectione soles excitari. Fac nunc, & quæso abi ad nostrum Senecam aut Epictetum: & illos profectò si oculo & mente legis, non luges. Leodici, prid. Idus April. ∞. IO. XCII.

EPISTOLA VI.

FRANC. AERSSenio S. D.

APATRE amor in te deriuatus est; quia illum uti singulariter amo, ita etiam te, qui pars es illius, & ex stirpe illâ ramus. Sed auxisti tu quoque hunc affectum, cum pronum & volentem te ostendisti ad virtutes, & bonas artes: hortor autem uti perseueres, idque tuâ causâ. Cui seritur hîc, aut meretur? tibi. & mihi crede, si ver hoc æui sine semente abit, dolebis postea, & horrea aliorum plena aspicies, vacantibus tuis per tuam culpam.

Non sunt hæc verba. res cottidie clamat, & audire ipse potuisti voces eorum, qui per desidiam aut incuriam neglexerunt. Quàm illi nunc pænitent? quàm vellent reuocatos priores annos? Exempla vide, & tibi cape: & dum licet, velis, quod voluisse gaudebis in omne æuū. Secordia breue, & pænè sine sensu, gaudium est: diligentia fructus se exserit, neque nunc solum, sed in futurum delectat. Caduca & fragilis res, homines sumus: sed ut simus etiam cum non sumus, & ut bona fama (sæpè etiam pecunia) mortuis nobis supersit, pendet ab industriâ iuuenili. Fateor esse, qui prioris ætatis culpas gnauiter, sequenti ætate & diligentia, obliterarunt: sed raros: laudo eos, qui bonâ ambitione, non subsequi eligunt, sed præire. Deus & superi istis fautores: & cothurnatus ille philosophus rectè,

* Namque
allaborat
& laborâti
Deus.

* Τὸς γὰρ πονέοντι καὶ θεὸς συλλαμβάνει.

Mi Aersseni, in animum hæc conde, ac me vnâ; qui tui amans sum atque ero, quamdiu priores illæ causæ erunt & fomenta. Ut ignis sine materie languescit, aut deficit: sic noster amor, sine Honesti alimento. Leodici, VI. Kal. Sextil. ∞. IO. XCII.

EPISTOLA VII.

Antuerpiam.

FRANC. SWEERTIO S. D.

ACCEPERAM iamantè, mi Swcerti, icones quas ad me miferas duplices; vnâ non visam mihi antea, alteram illam de Venere Lucretianâ ante triennium, aut amplius, ex Italiâ acceptam. Gratias tibi hoc nomine habeo, & est vtraque imago scitè & venustè facta. Nos in docendo iam sumus, faxit Deus ut cum fructu. Nam iuuentuti Belgicæ fauemus, & ducere eam vellemus in rectam viam studiorum, quam pauci hîc viderunt. De Poloniâ, mira sunt quæ memoras, sed nec inexpectata: iamdudum audio occultas ibi factiones & cœtus fuisse. Deus bone, quis Europæ tandem status? aut quis noster? Nam res mihi neglegi videntur, sic ut naus quæ permissa ventis. Sed fortem & felicem, qui nō angitur, qui cogitat in supero illo consilio iamdiu decretū, quid terrenis his rebus regniscq. fiat. Ipsa Belgica, quota pars magni mundi? ego & tu, quota Belgicæ? Ut folia cadunt & nascuntur, sic homines: nec frustra cum iis comparauit maximus poëtarum. Illud fateor, ingeniis infelix esse æuū, & quo

ægrè

ægrè se attollant aut exferant rectiores mentes. Prurigo ista de religione differendi & litigandi, quæ pessimum aut vilissimum quemque tenet, caussam his malis dedit & dabit. Wingium in Italiâ obiisse, credo te audisse: nec doleo, abiit ad meliora loca. Fuit insignis alioqui iuuenis, & longiore ævo, sed in bono sæculo, dignus. Ortelio nostro scripsi, Michaeli vander Hagen quæso vt amicam salutem à me dicas. Louanij, III. Kalend. Decembr. ∞. IO. XCII.

EPISTOLA VIII.

*Antuerpiam.*IOANNI BRANTIO, *Graphiario S. D.*

AM O plures in vestrà vrbe, & ab iis amor: tu mihi deinceps inter vtrosque es, & qui exhibent & quibus exhibeo hunc affectum. Litteræ tuæ primæ, tessera & quasi confarreatio sunt huius societatis. De me, videbis quasi ignem esse qui facilè comprehendo, vbi materia apta ad honestiorem flammam. Gratularis mihi & vrbi, in quam veni. Atqui vt semel scias consilium & scopum mei aduentus, Quies fuit. Iactari apud eos, qui in bello armisq; sunt, displicuit: & pedem extuli locis, in quibus alia omnia copiosa & benigna. Sed longiùs prospeximus, & temporis quoque eius rationem habuimus, quod post nos erit. Sit hîc omnis felicitas: quid si Fama & Salus lædantur, quàm illa infelix? Nec leuitatis crimen erubesco: imò delector conuicio, quo meliorem me agnosco. Hæc tibi, sed non tuâ caussâ. Confido de optimo tuo iudicio: quod nisi esset, non sic me amares. Nemo fideliter diligit, nisi qui probat. Sum ergo Louanij, rebus meis bonis, etsi non laxis. Tranquillitate fruor, atque etiam securitate vel inter circumfusus hostes. Deus manifestò protector huic opido, & vix cadet nisi cum caussâ bonâ. Quod addis audisse te scribere me aliquid de Cruce: verum est, aut potiùs iam scripsisse. Opus tamen quod nolim in expectatione apud vos esse, quia nihil in eo magnum præter argumentum. Pietas huc duxit. illa ipsa quæ vobis & Senatui vestro in oculis, cum salutare hoc signum in vrbe mediâ crexistis, trophæum in illius hostes. Si decorè alibi potero, meminero: possem, si ad vos irem, vt in CONSTANTIA feci. Nunc tamen vix arbitror, & alij sunt qui pri-

mitias

mitias quasi iure suo volunt. Videbo, & te qui me sic amas meritò redamabo. Louanij, III. Kal. Mart. ∞. IO. XCIII.

EPISTOLA IX. *Bruxellam*

IOANNI BERNARTIO I^{to} S. D.

AEGRE tibi esse, mi Bernarti, quòd à me abes, id verò mihi non est ægrè. Delector hoc tuo angore, & ita ille crescat; vbreui ad nos redeas, nec nisi alloquio meo illum ponas. Parentes tibi illi, scio, fratres, cognati, & omnia quæ naturæ ductu ames sed ecce hîc quoque parentes, quos iudicio elegisti, & qui internum illum Bernartium foueant & forment. Me inter eos pone imò primum, si res est affectus. Quod iniicis de inuidis quibusdam homuncionibus, per Deum hanc curam pone. Quò virtus perueniet, si sistitur ad has remoras? vt gloria illi comes, sic inuidia: sed hanc adeò non curat, vt vix cernat. Minuti qui non se attollunt, nolunt etiam alios: & factis cùm obstare non possunt, conantur linguis, & spargunt verborum leuia ista tela. Atque idem inuis, vt Parthi fugientes. nam cominus non se componunt, nec rectis oculis splendorem nostrum intueantur. Mi Bernarti, quis nostro æuo (ad vetera non te mittam) paulum modò altior, detractiunculas has non sensit? Cuiacium vide, me vide. ille ab improbâ, ego rusticâ etiam manu vapulamur: quid vapulamur? sic vt in somnio, non sentimus, nisi imagine & opinione. Nemo nos tangit, nisi ipsi volumus, & fregit hæc omnia tela, qui contempsit. Indue hoc robur, & inprimis ab iis caue qui insufurrant, & specie beneuolentiæ nocent. Memento non credere, nisi illud quòd te amo ex quo noui, dignissimum cui hoc fiat à bonis. Cetera coram nam te reuoco, & mihi quoque ingrata absentia tua si longa. Capita bina carduorum altitium accepi, gratias tibi & parenti ago. Oudarto, si illi, pro me complexum & salutem dato. Louanij, posttr. Nonas Iul. ∞. IO. XCIII.

EPISTOLA X. *Antuerpian*

IOANNI BOCHIO, *Senatui à Secretis* S. D.

QUOD iamdiu facere te aut me optaui, factum est, & fundamēta posita amicitiae nostræ. Ego decreueram in affatu
& se

& sermone id præstare, cum apud vos essem: opinione meâ & voto, extremo hoc Septembri. Sed benè quòd præcepisti. & hoc plus tibi debeo, quòd affectus tuus calidior (maior non dicam) ad vinculum me duxit, cui iamdiu cupio illigari. Ex animo Bochi. pauci sumus meliorum artium inter Belgas: quid optabilius, quàm nosse inter nos, & cohærere? Etiam aliarum animantium quæque aggregant se ad suum genus: ergo inter homines meritò, quibus est similitudo & paritas aliqua vel artium, vel ingeniorum. Credo hæc in nobis esse. & noui te iam ante annos aliquot è scriptis; quæ sparsim edita, aut non edita etiam, apud amicos vidi. Non multa, inquires. Esto, sed è lineâ, vt scis, artifex artificem dignouit. Sed quid opus ista? blanditiæ absint, iudicio me facere puto, si te amem. Hoc satis; & addo mansurum me in hoc fœdere, quod nunc pangimus, quamdiu in me, qui es eris. Vale mi Bochi, & hæc sint pleni sermonis, quem spe iam occupo, libamenta. Louanij, postr. Kal. Sept. ∞. IO. XCIII.

EPISTOLA XI.

*Antuerpiam.*IOANNI LIVINEIO, *Canonico.*

EN tibi *Cuspiniani Panegyricos*, quos volebas. Vtere, & ede mox in tuam famam, & nostrum bonum. Pluscula in eos adnotata mihi, & nunc ad Plinianum mitto. Non sumus parci aut condi talium: libenter participamus, & præsertim iis qui iudicio electuri & vsuri, quod de te confido. Hesychniana emendatiuncula vera est, & tibi inscriptam in calce Notarum videbis. Puto me etiam rectè iudicasse in Dionis loco, vbi ὄχον restitui, & *Thenfam* sum interpretatus: miror te verbo non adprobasse. An dissentis? significa, & caussam. Ecce alium Dionis locum, de Triumpho Cæsaris:

Καὶ Ἀρσινόη γυνὴ τε ἔστα, ἔ βασιλὶς ποτε νομιθεῖσα, ἐν τε δήμοις, ὃ μήποτε ἐν Lib. XLIV.
τῇ ρώμῃ ἐγγέγονει, ὁφθεῖσα πάμπαν οἶκτον ἐνέκαλε. Καὶ τῆτος ὅπῃ τῇ φο-
φάσει ταύτῃ καὶ τὰ ὀνειῶα πάθῃ παρεδύρατο: Quod esset: Et *Arsinöe*,
quæ mulier & aliquando regina fuisset, in populis conspecta, multam
sui miserationem mouit. & per hunc mox pretextum, Romani pro-
pria sua mala palàm deflebant.

Displicet illud ἐν δήμοις. nam quid noui aut mali in publico ad-

spici reginam? Puto ἐν δεσμοῖς fuisse: *in vinculis*. atque id miserabile, nec antè ibi visum. Bella autem conclusiuncula, & interiori Quiritium affectui explicando: quam certum mihi esse ab Homero. Quid enim ille vir occultum non vidit & protraxit? Nam ita de fœminis captiuis apud Achillem, quæ Patroclū lugebant:

* Sic dixit
lacrimans.
alia mox
collacrima-
runt,
In specie
Patroclum,
in re & sen-
su sua dā-
mna.

* Ὡς ἔφατο κλαίον· ὅτι δὲ σενάχοντο γυναῖκες
Πάτροκλον περὶ φασιν, σφῶν δ' αὐτῶν ἄλγε' ἐκάσθη.

Simile & in Statio:

*Prospectant matres, seuóque infanda precantur
Oenidæ, tacitóque simul sub pectore regi.*

Sed hæc talia quando coram? si viæ tutiores, iam esset: si vel in-
tutæ, fiet, & cum præsidio aliquo ad vos ibo. Nimis lubet vete-
res ibi amicos recognoscere, & oculis vsurpare.

--- spes anxia mentem

Extrahit, & longo consumit gaudia voto.

Vale mi Liuinei, & interim litteris nos adfare. Louanij, III. Kal.
Nouembr. ∞. IO. XCIII.

EPISTOLA XII.

Antuerpiam.

ABRAH. ORTELIO S. D.

NON multos tibi commendo aut ingero, nec meus mos est: sed hunc singulariè, Ger. Buytewechium, qui anno & sex mensibus apud me egit: tantâ modestiâ & probitate, vt suprà nihil fatear vidisse. Is ad suos nunc redit, videre & salutare te voluit: rogo vt illi pateas, atque etiam bibliotheca tua. Pauca verba facio: si tu totidem cum illo, satis se ipse commendarit. Louanij, III. Non. April. ∞. IO. XCIV.

EPISTOLA XIII.

Antuerpiam.

HENRICO VWENO I^{ro}.

PRIMA est hæc tua scriptio, & pergrata. Affectu & cogitatione sapè inter nos loquimur (opinor de te, ex meo iudicio) sed fiat stilo quoque interdum, scis quâ lege? cùm valdè vacabis, aut si id tibi rarum, cùm valdè voles. Hanc legem tibi dico: mihi duriores, & nolo excusari nisi valetudinis causâ. Sed

grata, inquam, tua scriptio: tum quia in eâ animus ille tuus niueus appâret, & in ipsâ niue (quod miremur) ardens. Amas me puriter, iamdiu vidi; atque etiâ liberè, quod nunc probas. Subiicis iudicia quorundam de libello nostro (semper mihi tali, nec vnquam magno) cetera bona, in eo duriora, quòd videor quædam dicenda non dixisse. De vsu salutaris eius signi inferi volebant: quod potuit opportunè, fateor, sed mi Vvене semel hoc nosce, tractata aliis non libens retracto. Nónne pridem istud theologi? nec vnus aut alter, sed multi & è summis. Me hoc iterare, fortasse nec decorum sit, nec iis gratum. Nō illud, quia extra meam Spartam, quam colo: non istud, quia re didici, non amare eos, qui scandunt in illorum fines. Et meritò. nam profectò fit cum periculo erroris aut lapsus. sicut iis euenit, qui non edocti, fabros aut tegularios imitantur, & per culmina domorum aut tecta incedunt. Habes causam vnicam, & mihi etiam nunc firmam. Ne philosophiam quidem attingo, ne offendam: vult me aliquis Theologiam? resilio. At tu, mi amice, hæc & alia audacter nihilominus suggere: amo, etsi non nunc possum, in aliis audire. Louanij, quo die in curiâ olim Cæsar. ∞. IO. XCIV.

EPISTOLA XIII. *Machliniam.*

NICOLAO OVDARTO S. D.

CARMEN accepi castigatum, & vnâ tuas litteras. Respondissem citiùs, sed reuera distrahor, præter alias occupationulas, etiam ædificando. Nam domum emi, reparo, & dum leue opus censeo, crescit cottidiè, & bulga mea decrescit. Stultum me (fateri debeo) qui cœperim: & fortassè illud quod Crassus olim Deiotaro, mihi aliquis dixerit, *Duodecimâ horâ diei ædificare cœpisti.* Nam etsi per ætatem possum viuere, nescio an per valetudinem: cuius ipsius curam cogor deponere per hæc tempora, nec salutaris Spada me videbit. Inuitor sanè ab amicis Leodicensibus: sed multa impediunt. itinerum difficultas aut pericula, & nec in ipso loco securitas: tum etiam, nequid inentiar, sumptus. Non tam laxè mecum agitur, vt his omnibus sufficiam. Rex donum nuper dederat, sed adhuc in titulo: re nihil etiam accepi. Hartium nostrum rediisse audiui, sed vt censeo, cum exiguâ spe pacis. Quæ

quamdiu non est, frustra in pretio esse velimus pacis nostras artes. Senecam de *Tranquillitate* publicè hîc doceo, priuatim ad me apto. Si cura illa ædificandi reipsâ non mordeat, cetera pænè sim tranquillus. Opto te mi Oudarte. saluta, sicubi vides, nostrum Hartium. Louanij, x. Kal. Iunij, ∞. IO. XCIV.

EPISTOLA XV.

*Leodicum.*PETRO ORANO I^{ro}.

PER hunc æstum languco mi Orane, & planè valetudo mea eget fontani refrigerij vestri. Sed quid faciam? multa impediunt: pericula in viâ, & in loco: iam & ædificatio, quam institui, in domo recenter emptâ. Benè cedat, inquires. Deus faxit, sed bulga mea exhauritur, non ab Alphonso aliquo aut Leone implenda. Fui Antuerpiæ vt mea quædam ederem, quo tamen hodie fructu? Plaudunt, laudant, *vt pueri Iunonis auem*, ait ille: & hæc sunt præmia nostra. Hæc & talia in sermone coràm, si venio, sed serenâ fronte: nec id impediuerit tranquillitatem nostram, imò nec iocos. Vale mi Orane, & saluta fratres à me tuos. Louanij, x. Kal. Iulij, ∞. IO. XCIV.

EPISTOLA XVI.

ABRAHAMO ORTELIO S. D.

AH tristes mihi litteras, super Bencij mei fato! nimis me ille vir amauit, ego illum; & id vsque à primâ iuuentute nostrâ. In ipso flore ætatis amicitia Romæ coaluit, & paucis annis me præcedebat. Quid autem hoc est, quòd ego æger iste animam tam diu traho, & tot validi præripiuntur? nescio quid Deus etiam seruare me videtur, vtinam in publicum vsum! Sed adnitar, & adnitor. etsi nunc valdè sanè distrahor ædificatiunculis nostris. O inconsultum consilium in emptione! Gallorum hoc vetus est, *Faminam faciendam parare, domum factam*: ego in utroque peccaui, & luo ac luam pœnas. Sed extra iocum, domus dat negotium, cœpta, & ideo perficienda. Vellem cum Moreto nostro videre tibi semel animus sit, atque vtinam cum Viuiano! cuius viri memoria & affectus in me vident, & cogitatione sæpè

exsuf-

exsuscitantur. Scriptione rarius, quia nec argumentum est, & desiderare in hoc genere ac remittere incipio : quod scire velim amicos, & ignoscere. A Scaligero nobilis iuuenis Gurgēs apud nos fuit, multa dixit quæ volupe audire. Quod ad inscriptionem illam Romanam, ne dubita quin EX VISV sit ex somnio, & significat se monitu diuino id fecisse. Sæpè in lapidibus notavi. Vale mi Ortelij, XI. Kal. Iul. ∞. IO. XCIIII.

EPISTOLA XVII.

LAEVINO TORRENTIO, *Episcopo Antuerpiensi.*

NON aliam à te epistolam accepi (etsi sæpè tales) magis benignam. Non aperis pectus & affectum, sed effundis; quod gaudio & solatio mihi esse, in publicis priuatisque molestiis, debeo fateri. Nam publicè quidem, quid non triste? & ita, ut deteriora etiam sint in metu. Hostis inualefcit, nos lāguemus, & pænè veteri illo Demosthenis dicto, quasi mandragoram qui biberunt, iacemus. Ne magni quidem isti ictus nos excitant? Nisi quid tamen occulti consilij alibi vel auxilij, in quod non inquiero. Sed de priuatis, domus me etiam tenet, quam lentè, & ut operæ istæ sunt, pergimus ire exstructum. Cui ornandæ & verè illustrandæ, quod vltro tam liberaliter polliceris, accipio, uti & à Prunio nostro. De voluntate vestrâ cum constat, curatum hoc ego porro reddam. Quod ad Ordines, totum tuum esto, si agendum, & quando agendum. Equidem cum tempora intueor, venit in mentem subuereri interdum etiam de firmitate solutionis : quam N. iste expedit, sed hoc quoque, ut meæ operæ, lentè. Si in vrbe vestrâ Antuerpiensi (in quâ nescio quomodo plerique mei amantes) delegatio ea facta fuisset; magis id ex meo vsu fortassè, & certè voto. Sed vereor, ut seruum sit imutare. Ego tamen, ob hæc & talia, nihil etiam de migratione cogito, quantumuis exteri inuitent. Nisi vis aut iniuria me pellant, æternum sum vester. Accepi nuper Poëmata tua, gratum mihi donum. ad Bernartium Statij codicem misi. Ill^{mo} Borromæo respondi, & ad te mitto : vnà hunc animum, qui seriò semper est tuus. Louanij, XIIII. Kal. Septemb. ∞. IO. XCIV.

EPISTOLA XVIII.

Ruramundam.

GVIL. CRIPIO SECVNDO S. D.

SERIVS ego litteris tuis respondeo , quia redditæ mihi serò. Aliàs, profectò non tam diu vices istas scribendi protulissem, vel tuâ vel parentis clarissimi causâ , quem iam olim & colo & amo. Eum ais (me dolente) in morbum venisse meo similem, id est pessimum morborum. Vexat, trahit, lancinat , idque per interualla, & omnino est pro Tyranni illius voto, qui homines *sic mori* volebat, *vt sentirent se mori*. Decem amplius annos in eo sum, vespertilio (vt sic dicam, & iocer) nec inter sanos nec ægros, & mediæ cuiusdam sortis. Non inter ægros dico, palàm ægros. ambulo, fabulor, alia vt alij ago, & plusquàm alij comedo ac bibo. Nam habet hoc iste languor, vt homines edones faciat, & in cibum ac mensam statim suâ horâ, vel ante horam, imminentes. Quàm bilis mihi tunc prompta, si non cibi? & facit hoc calor atque æstus, circa imum stomachum inclusus. Obstructiunculæ illïc in venulis mesaraicis, quas medici vocant, heu, nimis mihi notis. Inde flatus, inde vapores, qui caput petunt & sacram hanc mentis sedem. O quis Deus aliquando me liberet? quis annum det vnum vacuum ab hac noxâ, quem lucubratiûculis meis impendam! Nam nunc quidem, cùm parata multa habeam, vix digero aut efferro: ita horæ & dies labuntur, in vinculis & nexu tristioris illius morbi. nec temerè appello vincula. non enim corpus solùm ligat, pigrum tardumq. reddit: sed linguam, sed mentem, & vno verbo, ex homine cadauer pænè reddit. Querelas habes, tu solatia, vel auxilia quærebas. Vnde habeam? nemo medicorum dedit, aut, credo, dabit. Quod tamen vsu me iuuat, aut didici, cape. Primas tenent acidulæ Spadanæ, aut aliæ tales; quæ propriæ mihi videntur (si iudicio vtare) in hunc morbum. Imò recentem eum tollere possunt, non dubito: veterem, saltem alleuare. Sperabam repetere hoc remediû istâ æstate: sed multa impediuerunt, & viæ imprimis non tutæ. Alterum quo vtor, Aqua intybi stillaticia, quam aceto aut vino leuiter tempero, & manè admixto paxillo aniso & saccaro bibo. Mitigat æstus, aperit præcordia & subiacentia, denique ad tempus iuuat. Sed ad tempus. carnifex ille redit, & solita mox admouet tormenta. In cibis abstineo

abstineo ab omnibus calidis, non etiam in potu: & video vina Rhenana, aut siquæ talia *disperitæ* & penetrantia, auxiliari. Opus etiam iisdem, & interdum largioribus, ad fumos aut tristitias pellendas, quæ congenitæ huic morbo. Plura non habeo dicere. amo te, Patrem veneror & saluto. Louanij, III. Nonas Sext. ∞. IO. XCIV.

EPISTOLA XIX. *Antuerpiam.*IOANNI BRANTIO, *Graphiario S. D.*

ISTEIPSE mihi tuas tradidit, qui meas nunc tibi. Grata tua compellatio, animi memoris & affectus in me index: quæ vtraque de me tibi potes polliceri. Ego verò cogitationes & animum sæpè mitto, quò non manum aut litteras: & is quoque cultus amicitiae est, desiderare & meminisse. Vos mihi Antuerpiæ amici aliquot, fateor, imò plures quàm in aliâ vnâ vrbe, ac prouinciâ pænè dicam. Utinam, utinam infelicia tempora permittant inuisere interdum & alloqui, atque, vt solet, arbitrio nostro ire, redire. Suauior vita esset, & valetudo ipsa melior, temperata sic amicis alloquiis & conuictu. Non datur, non dabitur quod peius est, vt res quidem publicæ eunt aut potius fluunt. Ego, nisi arcana aliqua consilia regum sunt, de his quæ in aperto nihil boni auguror, domi militiae q. disciplinâ corruptâ. Æmulatio, contentio, rebellio passim, atque etiam confusio, nec data consilia aut imperia opportunè, nec capta. Larga querelæ materies, sed non sapienti, qui altiore in his causam inspicit, & scit hæc sequi Prouidentiae curram. Triumphat in eo æternus ille rector, & nos sequimur. liberi ac velut milites eius, si volentes; captiui ac serui, si nolentes. Illud sumus, mi Branti, boni beatiq. etiam in malo auo. Socerum tuum & vxorem saluto. Louanij, pridie diei qui Lucæ sacer, cùm ingrediar ætatis quadragesimum octauum annum. ∞. IO. XCIV.

Consulem Malinæum & Secretarium Bochium amanter resaluto. Addo Thesaurarium Robianum.

EPISTOLA XX.

Eodem.

HIERONYMO ROVELASKO S. D.

ALLOQVI verbis me poteras & sermone isto litterario, mi Rouelaski, etiamsi res non adfuisset: id est, etiamsi munuscula & semina non misisses. Nam ego te commendatum mihi ab aliis, postea à te ipso, amaui cum Louanium venisti; & magis magisque, quò magis noui. Vidi serium tuum ingenium, ad recta natum, cum iudicij bonâ normâ: quod caput ego censeo in homine & vitâ humanâ. Si ea norma obliquat aut se inflectit, prauum exspecta quidquid sequitur: & tela omnia aberrant, vbi collineatio fallit. Gratulor tibi hoc bonum, quod à Deo & à naturâ est: sed magis hortor, vt idem iuues industriâ & lectione. Crede mihi, inspectio rerum & peregrinatio, actio ipsa & inuersatio, multum iuuat fateor, & momentum ad prudentiam adfert: sed plurimum lectio, si bona, si bonorum. Hæc præter prudentiam, constantiam etiam adfert & robur quoddam animi, quo in hac vitâ turbidâ egemus: denique sapientiam, quæ in vulgus hominum non cadit. Quòd adhuc Antuerpiæ es, non miror. nam quò eas? quis in Europâ locus aut tutus, aut quietus? Italia tua videtur: sed vereor vt & illuc bella, quorum semina certè video: & faxit Deus, vt vaticinando errem. Nam diligo gentem, & voueo illi perpetuam hanc quietem. Vocarunt me Bononiam nuper, calidè & perhonestè: retineor, quid dicam à fato, an à meis? Splendidior ille locus, scio; fortassis etiam ego ibi vtilior: sed vt dixi, arcanum illud in nobis dominans vincit, Prouidencia siue fatum. Te mi Rouelaski amo, & meum esse semper cupio. Gratiam pro seminibus habeo, & Patri tuo V. C. salutem dico. Louanij, v. Kal. Maij, ∞. IO. xcv.

EPISTOLA XXI.

*Leodicum.*PETRO ORANO I^{ro} S. D.

QUID doleam, quid scribam, haud planè etiam scire me fateor: & tamen doleo, ac scribo. Estne ictus ille qui te & familiam perculit, an rumor vanus aures istas percussit? Vtinam istud sit: sed ecce iam nunc cum scribo tristior iterum nuncius, & qui

qui audita illa adfirmat, & distinctius denarrat. Heu tristitia, heu tragica! quæ nec nunc plenè lubet credere: & tamen vel sic ambigentem amor impellit scribere, & ut in certâ calamitate amicum solari. O si verbis, & vultu, & lacrimis etiam liceat! nam & has sparsissem, inferias optimæ matronæ, quam gens vestra Eburonum vidit. Fateor me aduersus hæc fatalia decreto animi iamdiu satis firmum: tamen hîc motus sum in morte tam inopinatâ, & quam fraus aut insolens nimis casus dedit. In mensâ venenum? inter amicos, inter plures, in publicâ hilaritate, & quo turba hominum simul petita? Hæc deiiciant mi Orane, nisi melior ratio & sapientia fulciant: quam tu, per Deum, & illam ipsam quam luges, admitte. Functâ est inopinatio. quid refert? functâ est, & cottidie in magno hoc orbe tales inexpectati casus. In eò peccamus, quòd quisque de se suisque tantum cogitat: & insolentiam aut iniuriam interpretatur, quod in familiâ non vidit. Quòd si oculos per vniuersum mittas, si facta olim & facienda cogites: nulla hîc nouitas, & videas omne hoc genus esse sub eodem Fati iugo. Atqui in bono etiam ego periit. Quàm multi præter illam? etiam ex ipsâ stirpe & prole tuâ quidam æuo meliore. Denique omitte hoc, periit: error aut mendacium verbi est; abiit, transiit in loca lætiora. Hoc ex nouâ & Christianâ sapientiâ si cogitas, si apud beatos beatam agere: dolori tuo quis hîc locus? Aut si dolori, nō est amor: cuius hoc proprium, etiam cum suâ noxâ benè factum velle illi quam ames. O si pauca verba ingeminare tuæ in aures tuas detur? Quid fles aut suspiras mi Orane? Meum abscessum? vide vbi sum. Tuam solitudinem? non diu erit. Præiui, sequêris, & omnis illa caterua è nobis nata. Liberi & nepotes, quos Deus videre & frui suauiter dedit, hîc (ita spes est) me amplectentur: pergant modò in pietate & virtute, quam à stirpe & præceptis nostris hauserunt. Lugere, vix viri est; certè Christiani non est, cui mors est ipsa hæc vita. Hæc illa, & addam. munus etiam & stationem tuam cogita, quâ hîc in terris Deus voluit fungi. Consilia aut iudicia publica tractas: sustine personam, nec priuata calamitas in patriæ noxam vertat. Olim Q. Marcius eo robore animi fuit, ut ab ipso rogo filij, & quidem vnici, in curiam veniret, & Senatum quem more tunc habere oporteret, euocaret: non mirare tantum, sed imitare, &

priuato luctui ereptum publicis vsibus te redde. Vna & vera cogitatio obuerfetur adfiduè, commune hoc mori esse, æquè atque illud nasci: & vtrumque certo suo die & horâ à Fato deuinctum. Nec hominibus tantum, sed opidis, terris, elementis: & quidquid hoc nos sustinet, alit, cingit, imminet, magno illo die vertetur aut peribit.

*Omnia funèta
Aut peritura vides. obeunt noctesque diesque,
Astraque, nec solidis prodest sua machina terris.*

Mihi crede, mens quæ ad ista adsurgit, ad luctum non demittitur: & scit mortem generi humano non tam supplicium esse, quàm tributum. Cogita, & te vel propter tuos etiam firma, quibus vnicum nunc præsidium es & fulcrum. Scripsi, & cum aliquis tuorum certiora suggeret, fortassè vberius: atque ô vtinam hæc vana esse! Louanij, postrid. Idus Febr. ∞. IO. XCV.

EPISTOLA XXII.

GER. SANDELINO S. D.

Quòd saluus adueneris, quòd tuos, & in iis *Buyteveechium* videris, gratum est: sed hoc gratissimum, quòd nos cum non vides, cogitas, & visere iterum optas. Ista certi affectus signa sunt, in quo vt constes perpetim, in animo isto volo. Nam amo te Sandeline, & quod sequitur, volo amari. Quòd non omnia illic ex cogitato aut voto sint, nolo te mirari aut moueri. Vbique gentium & locorum sic erit, imò vt poëta ille ait,

*--- medio de fonte lepòrum
Surget amari aliquid, quod in ipsis floribus angat.*

Temperies hæc & mixtio est in humanâ vitâ: noli fastidire, sed quod in naui solet, contra nauseam hanc te firma, quo? Pharmaco à Sapientiâ, & è Senecæ nostri officinâ. Virum & libros eius nosti. *Robur & æs triplex* circa pectus induendum est, vt nunc sunt homines, tempora, mores. Fac, & ita valeas. Louanij, III. Idus Iun. ∞. IO. XCV.

Carmen, quod honori tuo scripseram, hic habes.

AD GE-

AD

GERARDVM SANDELINVM

IC^{TI} TITVLO ET HONORE

DONATVM.

SANDELINE eximie in meis amicis,
 Quem virtus mihi & elegantioris
 Coniunxit studium eruditionis:
 Grator & faueo tibi hunc honorem,
 Quem nunc Iustitia manus seueræ
 Alumno tibi donat atque mystæ.
 O felix honor, ô beata cura!
 Priuatis simul esse publicisque
 Rebus præsidium: bonos tueri,
 Malos opprimere. euge mi GERARDE
 Surge atque exorere, esto sol, & istas
 Quæ passim obtenebrant, fuga tenebras.
 Sis tutor miseris, probis asylum;
 At terror scopulusque sis scelestis.
 Sic Deus tibi pluria vsque donet,
 Sic gradus modò hic esto, & ampliorem
 Nanciscaris honore ab hoc honorem.

EPISTOLA XXIII.

Louanium.

MARTINO DELRIO, Societ. Iesu.

SALVI sumus, mi frater, salui: & id palàm beneficio diuino. Vide rei seriem. Kalendis ipsis Iuliis Nuncius Apostolicus INNOCENTIUS MALVASIUS litteras à Præfecto Limburgensi accipit, quibus nunciatur Batauos transmisisse Mosam, equites ad trecentos: & occulto bonoque auctore se habere, Spadam rectà venire. Ille cùm legisset, statim ad me hominem suum misit, & ipsas litteras, vt viderem & arbitrarer. Dixi me subsequendum, & coràm sententiam dicturum. Dum paro me, ecce

ab illo alius, cum alteris etiam litteris à Præfecto Geldrienfi, quæ eadem fortius adfirmarent, & cauere monerent. nos enim certò peti. Ergo propero, colloquimur: & aderat in hoc senatulo Marchio Malaspinæ, vir militaris. Illi vterque propendere, imò vrgere ad abeundum, & iam ante aduentum meum conuafari iufferant: ego contra (non ab uuo imprudentiam) ad manendum & resistendum. Aiebam subitum periculum non videri. si trecenti essent, magnam manum ad prædandum, nec posse fallere: vndique mox nuncios venturos. Quid autem, aiebam, si in Galliam eunt, regi illi suppetiatum, neque nos petunt? Maneamus, exploremus, rusticis emissis, qui per compendia viarum exquirere possunt & nunciare. Non sum auditus, quod gaudeo: & illi sub horam pomeridianam secundam Francimontem, in arcem se recepturi, discesserunt. Ego subsistere adhuc deliberabundus, non an irem (vndique enim de periculo iam nūcij) sed quò irem. Stabulum peti tutius videbatur, atque ibi delitescere, quàm Francimontem: quò tota ferè aquantium turba concefferat, exemplum magis, ut solet, quàm rationem secuta. Tamen & ego mox Francimontem, quia P. Leonardus & Smithus vestri eò inclinabant: quos, vnà cum famulo meo, comites habui huius viæ. Vespere peruenimus, omnia plena aduentorum, loci nihil in hospitibus: ipsa arx nec Nuncio adhuc patebat. Itaque, Deo bono inspirante, porrò iuimus in pagum proximum, cui *Tëum* est nomen. Grandior ille, & vel opidulo similis, creber ædificiis incolis quæ. Placuit, & omnia ibi tuta visa: cænamus, dormimus, ad templum manè imus. atque ego peracto sacrificio, ad P. Leonardum, Quàm mox ad Nuncium? audire lubet, ecquid magis certum aut lætum. Imò prandere mihi animus Spadæ est, & tibi ac collegæ condico. gallina caput conuiuij erit. Garrimus, imus: ecce obuius ipse Nuncius (quod saluti ei fuit) cum Marchione, & famulatio pauco. Occupat, Quò vos? ego ad te Lipsi. Et cur herè in cænâ non adfuisti, securior futurus in arce? Ego ridere. & omnia hîc tutissima, inquam. vides frequentiam, & magnitudinem? non ausint huc vel alteri trecenti adspirare. Videamus, inquit, ambulemus, sacris mox operaturi. Facimus otiosè & securè, & ad templum iam dirigebamur: cùm pallens à laterali viâ rusticulus, Vestri Francimonte capiuntur. Obuertimus. quid

ais? inquit Marchio. nos iam illinc : homo ludis . Verba vix dicta, ecce

* Ἰππων ὀκυπόδων ἀμφὶ κτίπας ῥατα βάλλει.

* Quadripedum velocipedum sonitus quatit auribus.

ecce tuba insonat, & ipsi conspici in tergo nostro. Eram Nuncio ad latus, sequebantur alij : diffugimus . plerique omnes cum Nuncio ad templum : ego subsequente P. Leonardo in transuersam angustam semitam, quæ ducebat ad hortos . Nam turbam sequi, non erat consilium . At ecce ea semita peruia non erat : sepes obiecta, quæ à viridario disparabat. Hic hæsimus:

* --- αὐτὰρ ἐπεὶ Ζεὺς

* -sed me Deus ipse Eripuit, vires dedit & velocis membra.

Εἰρύσαθ' , ὅς μοι ἐπ' ὤρεσι μένος λαίψεται τε γῆνα.

eripuit, inquam, me Deus, & sepe illam aliamque transscendimus, palliis, & quidquid morabatur, abiectis. Impetum euaseramus, nondum periculum : verebatur enim cingi & inquiri. Itaque ad montana, rustico vno duce, confugimus, inde ad siluestria, & denique Frepontem pagum, vbi navigatio & flumen. Nuncio, inquires, quid factum? euasit hoc modo. Templum intus occluserant, ære Campano sonitum dabant ad rusticos vndique excitandos. Hostis interea terrere, inuadere, quidam ex equis descendere, & ariete portam velle diffringere. Sed Marchio & famuli viriliter agere, & qui primus hostium accessit, glande cum traicere. Id repressit ceteros. & simul incolæ atque accolæ conuenire, & sanctimoniam templi velle tueri. Francimontem igitur, & mox Spadam repetunt, captiuos abducunt ad viginti è Belgis : ipsos Eburones, Germanos, Gallos spoliant & prædantur. Nuncius & Marchio euadunt, iumentis impositi nos consequuntur, & gratulamur mutuam salutem. Navigio vectos Leodicum habet, etiam nunc trepidos à casu, & à fatigatione affectos. Deus firmabit, tu gaude & votis auxiliare mi Pater. Leodici, IIII. Non. Iul. ∞. IC. xcv.

EPISTOLA XXIIII.

BALTHASARI MORETO suo S. D.

MIGRAYI his diebus, sed è cubiculo in cubiculum, & bibliothecam dumtaxat transtuli : tamen rem, ita me Deus amet, negotiosam. Omitto, disponere iterum : sed caput mole-

stia & culmen est, chartas excutere, secernere, & purgare. Dum facio, incidi in Valeriana quædam olim mihi concinnata, ut ad vos mitterem: si fortè auctorem illum recuditis, Notis scilicet meis addenda aut inserenda. Tuæ curæ erit: si tanti tamen hæc erunt. nam meliora aut grauiora prior deflorauit electio. At tu vide, & habe. Lib. I. cap. v.

*At Cæcilia Metelli, dum sororis filia adulta ætatis virgini, more pri-
sco, nocte concubia, nuptialia petit, omen ipsa fecit.*

Putarem: nuptiale petit omen, ipsa fecit. Ipsa videlicet suâ voce o-
men fecit deditque, quod petebat. Sequētia dicunt. Lib. II. cap. I.

*Nulli enim tunc alienorum matrimoniorum subseffores oculi metue-
bantur: sed pariter & videre sanctè & aspici mutuo pudore cu-
stodiebantur.*

Obscurum, & in scriptis reperio custodiebatur, singulari numero. Elicio, custode dabatur: & allusio ad Rom. morem, quo fæminis sui custodes. Eodem libro, cap. x. de prædonibus, qui admiratione ducti ad Africanum visendum venerunt:

*Quod ut prædones animaduenterunt, dimissis militibus, abiectisque
armis, ianua appropinquasse.*

Itane milites cum prædonibus? non ego opinor: & scribam, di-
missis militaribus abiectisque armis. Libro III. cap. IIII.

*Unde processerit, aut quò peruenierit, statua ipsius titulus abundè
testatur, seruili cognomine & regia appellatione perplexus.*

De Seruio Tullio sermo: at nullum ei cognomen, sed nomen ipsum seruile. Scribe ergo, seruili cum nomine. Eodem libro, cap. II.

*Cum pro castello, cui præpositus erat, dimicaret, Cneijq. Pompeij præ-
fectus, iussu eius, summo studio & magno militum numero ad id ca-
piendum mitteretur; omnes qui propius accesserant, interemit.*

Fædata hæc glossis aut insertis, quod intendenti promptum. Nam quis iste Cn. Pompeij præfectus? Legatum dixisset: & histo-
ria ac res abnuat, scimusque Pompeium ipsum in re præsentis fuisse, & fategisse. Scribam: Cneiusque Pompeius summo studio & magno m. n. ad id capiendum niteretur. Plurcula deleo, etiam vocem Præfecti: pro quâ si quis præsens volet, aut profectus, potest. Li-
bro v. cap. I.

*Liberalitati quas aptiores comites, quàm Humanitatem & Clemen-
tiam*

tiam dederim? quarum prima inopiâ, proxima occupatione, tertia accipiti fortunâ præstatur.

Apertius & tamen acutius esset: *quarum prima inopi, proxima occupatione.* Nam hoc dicit, Liberalitatem inopi fortunæ subuenire, Humanitatem occupatori & inuolutæ, Clementiam ambiguæ & periclitanti. Eodem libro, cap. III.

Gaudio exsultans (c)ætam cucurrit, & virum, omitto quod amplissimæ dignitatis, certè salutis eius auctorem, studio etiam præstantis officij priuatim sibi venerandum, iugulum præbere iussit.

De Popillio ista, & Cicerone. sed libri scripti, quos consului, præ his verbis *salutis eius auctorem*, vnicum hoc habent, *salubritatis.* Et verò damnanda illa sunt. nam etsi verè dicat *salutis auctorem* ei Ciceronem; tamen non fecit, sed postea addit, *studio præstantis officij venerandum*, hoc nempe defensionis & tutelæ sensu. Itaque legam ex libris: *certè celebritatis, studio etiam.* Cicero, inquit, fuit vir amplissimæ dignitatis, itemque celebritatis & famæ. Libro IX. cap. X.

M. Flavius Tribunus plebis ad populum de Tusculanis retulit, quod eorum consilio Veliternos Priuernatesque rebellaturos diceret.

Imò non futuram culpam, sed factam æquius punire erat, & res etiam fuit. Neque enim *rebellaturi* illi erant, sed iam fecerant: quod ex Liuij VIII. libro discas. Itaque omninò hîc scribendum, *rebellatos.* Nouitas verbi ne offendat. ita *Palatos* pro *Palantes*, & plura prisca: hoc ipsum etiam in Tertulliani v. adu. Marcionem: *Quæ gratia à non offenso? quæ pax à non rebellato?* Sunt alia, sed minora fortasse, nec nunc exscribenda. Tu valebis, mi Morete, & nos amabis. Louanij, IIII. Kal. Ianuar. æ. D. XCVI.

EPISTOLA XXV. *Antuerpiam.*

BALTHASARI ROBIANO, Senatori S. D.

AMICA epistola tua me affecit, vt sermones & conuersatio solent. Fateor enim candidè, exhilaresco & vegetor cum apud vos sum, viros beniuolos, prudètes, doctrinæ & mei amantes. Affectum illum verum in vultu atque oculis video; quomodo non eundem repèdam, & deuinciar mutuo quodam nexu? Enimuerò facio: & si illos mortalium, vos aliquot Antuerpiæ ca-

* *plures
mali.*

piæ calidè & fideliter amo . O probitas , ô candor , si tales apud plures sint ? aurea sæcula redeant , & viuamus in terris cælestem aliquam vitam . Sed non hæc felicitas huius sæculi , quo maximè Biantis illud verum est , * *οἱ πολλοὶ κακοί* . Speramus emendationem , aut leuamentum aliquod , à nouo nostro Prorege , quem laudari variè audio , etiam ab iis qui interiùs nouerunt . Faxit Deus , vt firmâ rectaque mente sit , nec abripiant eum aut flectant praua nostra & detorta . Eligat & discernat , quibus credat , & quos audiat : caput , nisi fallor , imò & pedes , in bonâ gubernatione . Diuturnum hoc bellum ciuile labes multas aut corruptelas inuexit , & pro virtutibus pænè quædam habentur : magnitudine animi opus est ad corrigendum , sed & prudentiâ , vt sensim & sine motu . Bataui vicini nostri si sapiant , pax & boni mores ad nos redeant : bellum & vitia extra fines istos eant . Sed illi peruicaces ; & de plenâ medelâ vix sperandum , quamdiu pater iste malorum *Mars* erit . Duremus , peiora tulimus : & aliqua tamen serenitas per nostrum hunc *Serenissimum* , spero : illucebit . Te valere cupio mi Robiane , mei amantem & memorem . Louanij , postr. Kal. Feb. ∞ . Io. xcvi.

EPISTOLA XXVI.

BALTHASARI MORETO suo S. D. *Antuerpiam.*

MORTEM auix tuæ , etsi matura ea fuit , & iam ipsa in metâ æui , tamen tristis audiui . Matrôna fuit bonis probisque moribus , sine fuco aut pompâ , viri olim amans , domus suæ & œconomix intelligens & curans . Et satis hæc in fæminâ : plures laudes qui quærit , vitia fortasse congeret , in specie virtutum . Mulier , quæ vltra mulierem sapit , non sapit . Carmen tuum libens vidi , & lacrimas , quibus meritò ei parèstasti . Extremum officium est , sed & decorum officium est : & laude ac memoriâ bonâ prosequi defunctos , ratio & sapientia probant . Mihi ab amicis haud aliter eueniat , nec lessò aut planctu , vt ille ait , funera quisquam mihi faxit . Miscere te autem interdum actuosæ tuæ vitæ has meditationunculas aut scriptiunculas , tibi quoque & animo tuo vtile : quem numquam ita merge vndis istis rerum , vt non emergat interdum & respiret inter litterarum flores , aut poëseos pigmenta . Sed

Sed & pascat eum interdum fortior lectio, & Sapientiæ collem illum lustret. Fac, & vale mi Morete. Louanij, vi. Kal. Sept.
 ∞. IO. XCVI.

EPISTOLA XXVII. *Antuerpiam.*IANO VVOVERIO *suo* S. D.

EN, habes sodalem tuum veterem, citiùs quàm opinio tua aut nostra ferebat. Sed ita fert mare, violenta pars mundi, & cui nemo imperat, præter illum qui cunctis. Fruere igitur eo paullisper (nam nec diu aderit) & tædium hoc pelle, quod in animo tuo scribis innasci. Remedium petis. à mène? cur non potiùs à libris, ad quos te misi? Nam mihi crede VVoueri, in eâ officinâ herbæ, succi, medicamenta, quibus honesta omnis voluptas in animo excitetur; quibus & virtus, ac robur, in omnes res aduersas. Atqui hoc ipsum subinde dolet & cruciat, auulsum sic esse. Gaudeo hunc dolorem tuum; & maneat: sed tamen sic, vt quemadmodum amantes abiuncti paullulùm aut exclusi, acriùs amant, aut redeunt: sic tu quoque vel furtim fruarè, & vias identidem ad nostras illas Nymphas. Vnum Senecam tamen, ad firmandum animum, vel maximè tibi ingero: ceteros, ad docendum aut delectandum. Eum nunc legebamus publicè, nescio an cum iuuentutis magno fructu (quæ tamen frequens satis & alacris audit:) at cum nostro certè, qui honestis illis fortibusque monitis erigimur, & subleuamur. quod necessum est in multis aduersis aut tristibus, quæ publicè & priuatim suppeditat hoc æuum. Vale mi VVoueri, & amandus ama. Louanij, prid. Non. Mart. ∞. IO. XCVII.

EPISTOLA XXVIII.

*Eodem.*HENRICO VVVENO *I^{to}* D. S.

PRO amico fecisti, quòd libellos qui me tangebant, miseris. quos legi statim: & quid dicam? parùm aut nihil me repperisse, præter voluntatem lædendi. Designant magis reum, quàm peragunt; & communiter contenti Antiquitatis inuidiam nobis obiecisse, desistunt. Mira hæc accusandi ratio, pedem non con-

D D

ferre

ferre propius, non loca ipsa aut phrasas notare & excerpere, quas damnes. Interea cum benè abiecerunt & contempserunt totum hoc nostrum scribere; metuunt ne iuuentus imitetur, & precibus monitisque eam auocant & abducunt. Quid timent, si Veneres aut lepôres in eo nulli sint? si barbara, vt aiunt, & spurca? Sed conscientia ipsos quoque conuincit (testor eam & appello) stilum nostrum aliquid viuum, alacre, sed & eruditum habere: quod ipsi ore magis, quàm corde spernant. Nouimus hoc genus. miselli, manent in suis præceptiunculis: *Hoc Exordium, hæc Narratio est: Hic Allegoria, hic Metaphora:* & præclare censent Ciceronem se interpretatos, tum & Ciceronianos esse. Quo argumento? quòd elumbia quædam, & exsanguia scribant: quòd iacentia verbis, sensibus, numeris: quòd denique sic argentia, vt refrigerare possint Germanicas suas niues. Et ô ridiculum! nec ad Ciceronem quidem seriò nos vocant: sed ad Melanchtonem suum, virum mihi, nisi à religione, haud aspernabilem; sed nec inter duces aut antesignanos ad eloquentiam ponendum. Hunc admirantur, hunc tollunt, numen cum altero suo numine habent: de quo verissimè Bonamicus in Italiâ interrogatus dixerat: *Videri eam Latine loqui incipere, & tentare.* Reuera ita est. isti velut in margine & finibus Latij hærent; adspiciunt elegantiam, & mirantur; intra pectus, aut linguam, non admittunt. Atqui nos obscura & intricata scribimus. Nescio, dicam liberè, mihi de me non videri: imò hoc in laudibus meis vel maximè cenfeo, quòd in breuitate nubes vito. Dicant & iudicent, qui Latine modicè intelligunt: dicant, qui vel leuem gustum habet politioris litteraturæ. Quòd si ad istos occupatos aut ignauos vocamur, qui supini & oscitantes nos inspiciunt; cum supercilio, sed & fastidio, imò cum præiudicio iam legunt: quid speremus? Et faciant tamen dicantque, misceant Orationes & Carmina: en me vatem (quæso, liberum hoc potius, quàm superbum sit) viuent scripta quædam Lipsij, & ad posteros venient: imò ipsa Germania, in quâ flammulas has inuidiæ excitant, ipsa Pannonia & Polonia approbabit. Nam de Gallicanis & Italis iudiciis, eâ parte securi fati sumus. Nec tamen nego, esse aliquid alibi in meis scriptis vel vetustius fortasse, vel concisius dictum: quod sic solum prolatum, in culpam possit cadere: sed idem excusari & erigi, si quo loco, argumento, vel

ad quem scriptum sit, videatur. Neinpeccet in *Criticis*, ubi ex professo litteraria & antiqua tracto: quid mali sit, vocem aut phrasim esse interdum antiquiorem? Ut in epistolâ ad virum subtilem, & doctum: cur non breuius aut eruditiùs scribam? Fecit Cicero ille, & variauit, cùm ad *Lentulum*, *Pompeium*, *Calium*, aut *Atticum* scripseret. Nec affectatio ea in nobis est. ah quàm errant! eodem calami tenore & impetu, illa mollia aut vulgata, & hæc strictiora aut meliora scribimus: quod sciunt, qui à manu mihi fuerunt. Sed caput tamen criminationis viuit, inquires, nec inciditur, *Tullianum te non esse*. De isto aliàs, & fortasse publicè: atque vtinam, Tullio ipso iudice, certare hanc litterem possim! Sed hoc tibi modò dicam, quod ipse attigisti. istæ iaculationes, isti lapides, in nos pluunt ab vnâ hac causâ, quòd fortiter & feliciter deseruimus illam causam. In quâ tamen corpore potiùs, quàm animo fuimus: quod nouit ille, qui hunc & recessus eius intuetur. Non expedit Lipsium in admiratione esse, qui tacitus & exemplo partes eas damnat: tacitus? imò iam nuper apertâ professione & scriptis. Hoc mordet, hoc pungit, hoc voces excitat languentes & fractas; & quæ in medio spatio deficiant, priusquàm me tangant. Habes de libellis breuiter: quibus analiter etiam respondeam, meæ deliberationi relinquo. etsi nunc non videbantur tanti. Vale, & saluta optimos viros amicos nostros, *Prunium*, *Robianum*, *Scotium*, *Ortelium*, *Bochium*. nam *Malineum* scimus, & gaudemus, Bruxellæ à publicis iam consiliis esse. Louanij, III. Idus Februarias. ∞. IO. xcvii.

EPISTOLA XXIX.

Eodem.

CORNELIO KILIANO S. D.

ETYMOLOGICON tuum nuper vidimus affectum, & speramus nunc confectum. Industriæ testimonium dare possumus, vtinam & præmium labori! Vtili labori, fatendum est: & qui in publicum plus conferet, quàm multorum speciosi, addam & famosi libri. Sed æuum nēpe nosti, certè debes in eo iam vetus, & inclinare aut ruinam spectare quidquid hoc est litterarum. Eas tantum? probitas & virtus abeunt, ac bella ista & mixti exteri Belgicam, vt sic dicam, è Belgicâ tollunt.

Hoc fonte derivata clades

In patriam populosque fluxit.

Sed quid ista? hoc volebam, testimonium tibi reddere, & gratiam spondere, si non isto, meliore & post-futuro auctore. Testimonium quidem subscripsi: si non ipsum, animus placebit tui volens. Vale mi Kiliane. Louanij, Kal. Mart. ∞. 15. XCVII.

IN CORNELII KILIANI

ERVDITI VIRI

Etymologicon.

QVISQVIS Belgica amare, Belga, verba
Audes; hunc quoque amare KILIANVM
Aude. qui egregio suo labore
Sermonem tibi patrium propinat,
Iam purum nitidumque. qui fuisset
Aut aui, aut proaui tui, mei que.
Non hic Galle tuas, tuas fbere,
Tuas Itale nunc reposce voces:
Nostra hac fabula, scena tota nostra est.
Ite exotica verba: KILIANVS
Dat pura & puta Belgica. & quid vltra?
Et pura & puta dat simul Latina.
Duplex gloria. gratia esto duplex:
Et Belga hunc amet, atque amet Latinus.

I. LIPSIVS *exedicator.*

EPISTOLA XXX.

Bruxellans.

OTHONI HARTIO I^{to} S. D.

LITTERARVM exemplar, quas Rex meâ gratiâ ad Prôregem scripsit, ad te mitto, ut videas breue & serium de me testimonium: sed præter iudicium, ut opinor, nihil ad me accedet. Quod factum est, pro rato erit: & reuerà vltra nihil specto, nec vota mea longius mitto. *Quisquis de accipiendo cogitat, ait Seneca,*
oblitus

oblatus est accepti. Non sic ego. & scio alioqui quantum naturæ satis sit, & hoc me rura mea Iſcana ante biduum docuerunt, quæ inſpexi. O ſi viuere illuc in ſecuritate & tranquillo otio liceat! apud te non nego, adſpiro. Et proſectò, vt res publicæ grandibus paſſibus nunc eunt, breui mutatio aliqua inſignis ſperanda in Regis & noſtrum bonum. In Caletibus res magna geſta eſt. quid in progreſſu ab eo ſperes, qui ſic incipit! quæ opera erunt, cùm hæc rudimenta? Equidem quin Rex de mari & claſſe cogitet, non dubito: atque vnica ea via eſt mittendi in compendium belli. Sed ad me. DE MACHINIS libri quinque finem mox ſpectant: cui dedicabimus? ALBERTO opportunè in nouâ hac victoriâ, & expugnatione per Machinas: ſed ſiſtit hoc vnum, quòd Principi Electori Colonienſi ante annum hoc ferè addixi, aut certè ſpem feci. Ipſe liber ita compoſitus, quaſi ad illum velit ire: & Leodicenſes amicos, interlocutores feci. Itaque non muto, & noſtro aliud aliàs erit. Louanij, VII. Kal. Maijas. ∞. IO. XCVI.

EPISTOLA XXXI.

Leodicum.

IACOBO CARONDELETO V. R. & N.

SIGNVM mihi non fallax affectus tui eſt iterata hæc ſcriptio, ſimputanda mihi, non excuſanda. Nihil gratius. Libros meos Mechanicos breui habebitis, ſed nolim res maximas exſpectari, nec id argumentum tulit. Proſectò allidimus ingenia ad arenas quaſdam aut vada ſcriptionum, vt ſic dicam, & in alio argumēto faciliùs & feliciùs plenius velis ferremur. Sed id factum eſt ſicut & de inſcriptione, cui Præfationem & alloquiũ haud ieunum aut indecorũ fortasſè ſubiunximus. Ipſos libros per te tradi, mihi in voto ſit: ſed videndum, an non per Billéum præſtet, Principi, vt ſcis, intimum; & mihi, vt ſenſi, amicum. Eius quoque ratio habita in ipſis libris, & facio interuenientem & loquentem. Quod tu ſuadebis, id fiet. De N. N. libro nouello, nondum hîc vidimus: & notet ibi me an alium, neſcio; ſed hoc ſcio, quòd ſi me, non curantem aut attendentem. Iamdiu morbum hunc aut teneritudinem animi depoſuimus, ad ſingula iudicia concuti aut moueri. ſcriptionum genus quod hætenus ferè inſtitimus, * *φιλο- * litterariũ & anti-*
λογόν και φιλόχρονον, tale eſt, vt vniuerſè probari poſſit; in par-
 DD 3 *quarium.* tibus,

tibus, semper aliquid desiderari aut notari. Nosti illud Homericum:

*-non datur uni
Omnibus
in rebus
gnarum
doctumq;
cluere.

* ——— ἐδ' ἀρα πῶς ἦν

Εν πάντεσι ἔργοισι δαίμονα φῶτα γινέσθαι.

Certè in istis, quæ ab antiquitate petuntur, quæ coniecturis, opinionationibus, variâ lectione & testimoniis constant, siquid minùs alibi certum est, & aliâ aliquâ lectiunculâ infirmatur, non mouemur, non miramur: fecimus ipsi aliis, ab aliis nobis fiet. Quod ad publica, iam quies est & tacitæ cum Gallo velut induciæ. De apertis sermo etiam erat; sed vix puto Regem nostrum id facturum sine rei pretio, cum pressum premi, ei maximè conducatur. Habet fanè hoc noster Philippus & Crassorum omnium Crassus, ut ducere bella possit, perënis ærarij fontibus, quos alij requirunt. De Massiliâ obsessâ aut obsidendâ, hîc sermo fuit & litteræ; nec abnuam ego, quia valdè firmandis rebus in Italiâ & toto illo mari sit vrbs eius possessio: sed an ex facili paranda? Porro audiemus. Turcica læta satis, excipio de Clissâ. Sed quid aliud expectandum, in Vscochorum, id est prædonum incerto imperio? Si rex aliquis aut Princeps infedisset, firmiùs, credo, munuisset & tenuisset. Ego & alij, qui res paullò priores Turcarum legerint, mirari debent hanc illorum nunc vel ignauiam vel impotentiam. Sed ignauiam potiùs, & à fato veterum: quia magna imperia limites suos habent, quò cum venerunt, sistunt, retroeunt, ruunt. Vir Reu^{de} & Nobil^{me} salue. Louanij, IIII. Idus Iulias. ∞. IO. XCVI.

EPISTOLA XXXII.

N. N. S. D.

DOLVI seriò, quòd non licuerit mihi nuper respondere, cum id parantem facere, subito exteri interpellarent ac distinerent; atque ij, quibus honestè me negare aut subtrahere non possem. Nosti hac in re sortem meam, & talibus salutatoribus tempus & me sæpè dandum esse. Sed magis dolui, quia res tua feria erat, in quâ consulebar. Audi nunc igitur, ex animo & affectu. Proponis duas vias vitæ, à parète tui amantissimo ostensas: quarû altera, ad quietum & salutare genus ducit, Ordinem Ecclesiasticum; altera, ad commune & ciuile, & ad sæculi dignitatem. Equidem

Equidem difficulter aliquis tibi dixerit, vtra ineunda sit, præter ipsum te. Si enim ad matrimonium adspiras, & videris sine confortē non posse viuere: prius illud omittendum est, & cum bono Deo alterum hoc amplectendum. Sed tamen quia nescio decretum hoc tibi esse (imò puto non decretum) si omnis deliberatio in integro est; debeo liberè & ingenuè priorem illam vitam, id est sacram, anteferre. Omnis ratio calculos huc confert. Naturam tuam si inspicias, quæta & non ambitiosa est; si studia hætenus vsurpata, eò ducunt; si vota parentum, eò; sed quod caput est, in mundo isto tranquillitas, in futuro salus, eò vocant. Non, quin etiam secunda illa via illuc ducere possit (non nego, nec sic insanio:) sed quia plures in eâ remoræ, salebræ, turbæ, pericula; & nobis, qui experti sumus, atque experimur, hoc crede. Omnis modò difficultas initio est, & lucta aliqua cum calore isto iuuenili: qui cum deferbuit; Deus bone, quàm non facilia solùm omnia, sed iucunda? Si externa etiam consideras, hæc vita opes habet, dignitates habet, imò supra illam in sæculo: si quis tamen ea quærat, & me auctore non quæres. Si adiiciantur, esto: finis ille non sit, sed Deo placere, & te in tranquillo ac tuto collocare, inter istos mûdi fluctus. Habes breuiter sententiam meam: quæ tamen alterum ita laudat, vt alterum nec damnet. & vt initio dixi, tecum seriò disputa & te examina, non solùm quid velis, sed quid possis. Si distinctiùs ad me scribes, respondebo etiam distinctiùs, & te amantem mei (hoc enim scio) & amabo & curabo. Louanij, XVI. Kal. April. ∞. MD. XCVII.

EPISTOLA XXXIII.

*Leodicum.*P. ORANO *suo* S. D.

EN tibi libros POLIORCETICON, in quibus fabellas nostras videbis, nec miraberis, gnarus scilicet & moris & licentiæ, quam Dialogi habent. Mentiri illis non solùm licet, sed oportet, si serium aliquid & extra vulgus sumus dicturi. Imitationem veritatis Dialogi habent, non tamen ipsam. Certus porro amoris tui laudes non quæro: mallet iudicia, siue tua, siue aliena. Nos enim qui docemus, discere etiam possumus: atq; ego eo ingenio sum, vt seriò velim. Sed & tota hæc res intricata est: moni-

monitore alibi egere possumus, aut ductore, præsertim in fabrilibus, quæ non sunt propriè meæ artis. Hæc ad te, & per te ad alios. illud etiam, vt de Præfatione mihi significes, sitne ad gustum? Blandicella nimis verba dare, non est meum: serias laudes malumus, & quas cui damus, & qui audiunt, pariter agnoscant. Ipsum volumen Principi destinandum ad Billéum mittimus, virum amicum nobis, & apud Principem in auctoritate & fide. Iuuet nos vel iudicium eius, vel amor: qui meus in illum quoque hoc scripto apparebit. Vale mi Orane, Louanij, XII. Kal. Septemb.
 ∞. IO. XCVI.

EPISTOLA XX XIV.

GERARDO SANDELINO I^{to} S. D.

SALVVM te gaudeo, saluum ex illâ tépestate an naufragio, &
Suspendisse potenti
Vestimenta maris Deo.

Mihi quidem improuisum hoc periculum fuit, & in tranquillo ac summâ malaciâ vehi te iam censebam. Sed nimirum

Quid quisque vitet.

Disce, disce, cauere & timere nec timenda; & magis disce, ferre & excipere, cum euenerunt. Para te etiam ad alia: quia cathenata hæc inter se, & casum excipit casus. Miseria nostra! nisi tamen animo stamus, & confidimus, solo hoc decreto beati, neminem ab his externis miserum esse. Facile hæc dogmata tibi nunc canam, quia cottidie hoc ago in Scholis, & Senecam nostrum DE CONSTANTIA SAPIENTIS (*secundus de Tranquillitate* inscribitur) explicamus iuuentuti, vtinam talium capaci! Sed & à me facile. qui plures annos ista iam meditor, & stilus ab iis, spero & animus, colorem aliquem ducit. Quid tu? veni, veni in easdem curas: aut si es, mane. & esse te intellego, in vrbe inquietâ quietè agentem, in studiis, in libris,

Curantem, quidquid dignum sapiente bonoque est.

Perseuera, & ætas atque vsus magis dicent, me vera dicere: nec pretium ullû homini in humanis, nisi à se esse. At tu putas, etiam risu & naso suspendisse nos pericula vestra. nòsne? securi scilicet, qui nunc triumphum & iocum dedimus vobis; & ecquid ali-
 quid

quid de Louanio, aut longiùs, garritis & speratis? Sed

O nauis referent in mare te noui

Fluctus. ô quid agis? fortiter occupa

Portum.

Quem portum? quietis & pacis, si me auditis. Sed ridetis. tu quoque fortassè, qui fieri non potest, quin fiduciæ aliquid trahas, inter tam fidentes. Quid tamen classicula illa in Iberiâ? nihil vos commouet? — *cras foliis nemus.*

Sed desino iocari: & reuerâ hæc publica, vix, nisi vt ludi, me tangunt. De priuatis, benè est; si corpusculo & valetudini meliùs paullò esset. Sed sic quoque benè, quia ferre iam non ratione solum, sed assuetudine possum. Te ex animo valere opto mi Sandeline, & interdum per litterulas nos affari. Scripsi postridie eius diei

Quo fracta virtus, & minaces

Turpe solum tetigere mento.

Louanij. ∞. IO. XCVII.

EPISTOLA XXXV.

Antuerpiam.

HENRICO HALMALIO V. N. S. D.

OCCASIONEM scriptioni tuæ *Scarebergerum* dedisse, id gaudeo; & hoc magis iuuenem amo, quod amicitiam inter nos palàm, & quasi fœdere inito, conciliauit. Enimuerò liberè hoc dicam, sunt in vrbe vestrà plures quos æstimo & amo: ad eos te aggregari, quem etsi non consuetudine, tamen famâ meliore notum habui, fuit mihi votum. Atque in eo te mecum consensisse, & ex lucubratiunculis nostris affectum aliquem in me hausisse, & credo, & lætor: atque vt perseueremus in mutuo hoc iam amore, te rogo. Quod ad *Scarebergerum* sanè tuum attinet (quidni tuum, cui auunculus & tutor, & velut patris iam loco es?) quod ad illum, inquam, is hætenus se mihi probat modestiâ, & discendi cupidine: & spero aut confido potiùs, parem eum opinioni vestræ futurum. In quo opera mea, aut directio, non deerit: quæ eò prolixiùs adhibebo, quia te quoque hac ratione deuinctum iri scribis. quod ex animo cupio, & studia atque officia mea (si qua facultas aut occasio erit) fideliter tibi probare. Vale Vir N.

& Cl. VI. Kal. Iunias. ∞. IO. XCVII.

EE

EPI-

EPISTOLA XXXVI.

Eodem.

FRANCISCO HOVIO *suo* S. D.

DE horto nostro cogitare te, reipsâ ostendis; & id gratum animo meo accidit, quem scis in vnicâ illâ delectatiunculâ refici & laxari. Nam publicè alioqui, aut priuatim, quid solatij est? turbæ è turbis, vexatiunculæ, lites, & quæ solent in rebus humanis. Nuper & hostis vicinus nos terruit, & armati scilicet in moenibus sterimus: quid censes? si Demetrius Poliorcetes ille venisset, Rhodios suos inuenisset. O bone Deus, quàm tuas vires & tutelam video, cùm nostram inopiam aut imbelliam considero! quæ nusquam clariùs appâret, quàm cùm in vnum cogimur, pauci, debiles, inermes. Tamen spiramus altum, & loquimur: & hæc fiducia quoque an non à Deo est? Sed audi tamen, cautelam etiam adhibere incipimus, & de oppido muniendo seriò deliberatur. Deliberatur? imò disceptatur. nam controuersia est, & Senatus vrbanus exteriorem murum firmari vult; noster Academicus interiorem, & portas ac repagula ei addi. Hæc nunc agitantur, quæ scribo ne nihil scribam: tu mihi, pro hisce nouis rebus nostratibus, sedulò Italicæ submitte, quas iuuat legere, etsi sæpè vanas. Vale. Louanij, vi. Kal. Iun. ∞. IC. XCVII.

EPISTOLA XXXVII.

Eodem.

ANDREAE SCHOTTO *Soc. Iesu* S. D.

AN fileam in tuo reditu? ipsum quidem te exspecto, & cum poëtâ, breui

Incundum os oculosque suauisabor:

sed tamen & epistolam hanc præmittere ad te debui, animi gaudijque mei indicem, & reditum tibi ab interuallo in patriam gratulantem. Benè & feliciter veneris mi Schotte, feliciter agas; diu agas. Ecquando ad nos? Longi dies & horæ huic voto, quod festinat, & amplecti amat pænè veterrimum amicorum. Non plura, si redamas veni. Louanij, iiii. Kal. Iulias. ∞. IC. XCVII.

EPI-

EPISTOLA XXXVIII.

FRANCISCO AERSSenio S. D.

NON tu libentior aut frequentior ad me scriberes mi Aersseni, quàm ego responderem, si assiduæ meæ aut occupatiunculæ, aut interpellationes, paterentur me quod vellem posse. O hominem amicum quieti, & ab eâ semper alienum! Malo fidere natum me dicerem (eâ quidem parte) si aut pietas aut sapientia paterentur diuinis refragari. Illa sic me voluerunt esse, viuere & lucere aliis: fiat, & ipsa inquieta fidera mihi erunt in exemplum. Breuiter & semel hoc excuso, vt si interdum si leam, causam prænoueris, & fugias aliud suspicari. In libris optimis te versari, & occultè ac paullatim illo rore imbui, gratum mihi est, tibi vtile in omne æuum & iucundum. Non sunt alia gymnasia ad virtutem & prudentiam, præ istis: exercere, & in omnem fortunam te firma, ad omnem conditionem & statum te forma. Historia, Philosophia, Geographia, omne hoc genus te habeat: sed vt fructuosè, semper cum pugillaribus & stilo. Excerpta inquam sunt, & in locos quoque dirigenda, Plinij illius exemplo: de quo alter Plinius, *Nihil vniquam legit, quod non exciperet.* Initio tædium hoc aliquod habet, postea voluptatem, cum crescunt opes, & miraris ipse tuas menses. De SENECA quod ais, obscura & dubia tibi quædam esse: non ambigo. sed & hæc ab illis Excerptis paullatim peruates; & ego aut alius (quod optas) publicè fortasse iuuabimus. certè ego, si ex voto meo uiuo aut scribo. Sed aliena ambitio aut imperium aliò nos trahit sapè: ferendum est, & hoc quoque sciendum à Deo esse. Dat metas ingeniis, quò & quatenus currant: & idem in famâ. Vale mi Aersseni, cum parente mihi peramico. Louanij, III. Id. xbres. ∞. Id. xcviij.

EPISTOLA XXXIX.

Ariam.

HIERONYMO DE FRANCIA, *Præposito Arienfi* S. D.

PERGRATVM mihi fuit epistolam à te videre, & in eâ affectum ac memoriam mei: quæ vtraque à nobis tibi reddi, certò te velim scire. Ita vixisti apud nos, co studio pietatis, cultu

modestiae & industriae, ut Schola nostra in te habuerit & ornamentum & exemplum. Votum meum sit, tales esse iuuentute & optimatibus ad nos venire, tales abire. Esse te nunc in quiete tua & firmo domicilio, quod Deus & dignitas tua vocarunt, equidem gaudeo: & spero stabilem ac firmam eam sedem tibi futuram, nisi tamen idem Deus & virtus tua ad alia & maiora te vocant. Interea in sacro illo otio, non ambigo quin studiis & optimorum librorum tractatione saepe te delectes. quod hortor ut facias, & monita ex iis haurias ad prudentiam & virtutem. Enimvero & in meis libris esse te significas: qui utinam eodem conducant ac iuuent! Conati sumus certe, & hunc finem scriptionis mihi fuisse, atque etiam esse, Deum testor. Abite litterae, & tot labores, si nomen aut fama tantum, id est nugae & vanitas, ex iis quaerantur. Conamur idem in docendo, ut scis: & vocem ac precepta dirigimus ad animos formandos & firmandos. Haec de nobis: de republica, miror in litteris tuis nihil esse. sed hoc fortasse ideo, quod nihil nunciare haberes, quod delectaret. Sumus tamen in magna spe, ob magnanimum hoc decretum Regis, & donationem nescio an saeculis ullis auditam. O magne Deus, dirige haec consilia ad Belgicam, vel ad Europam potius, tranquillitatem & salutem. Cum Gallia si pax aliqua aut induciae sint, nauigemus in portum: nec diffido, ob statum Galliae afflictum, turbidum, & quietis egentem. Vale Reuerendissime & Nobilis Domine, & nos tuos ama. Louanij, x. Kal. Ianuar. ∞. MD. XCVIII.

EPISTOLA XL.

Antuerpiam.

FRANCISCO SVVEERTIO S. D.

GRATVM mihi de nuptiis tuis intellegere, atque inter haec omnia tristitia paene laetum. Aetas tua iam eo vocabat mi SVVEERTI, nec longe ab Hesiodi tricennali illa annorum linea es, quam ipse ad coniugij cursum aperit & demittit. Sed & pater eo, & res etiam tuae ducebant: quas facilius feliciusque tractabis, adiuncta vite & curarum illa consorte. Quid naturam dicam? ipsa vel inprimis incitabat: & nec vocata illa (vnde ei nomen) Venus ad nos venit,

Omnibus incutiens blandum per pectora amorem.

Itaque

Itaque Deus statim facto homini consortium hoc addidit : suave, honestum, vtile, si quis decorè & sapienter habet. Vt possis mi Syveerti, non cunctabor diffundere me in pauca præcepta, & quasi viam hanc tibi præire, ipse in eâ iam vetus. Primum, in meo iudicio & sensu, vnum est, vt Concordia sit in matrimonio: nec corporum solùm illa iunctio, sed magis animorum. Sicut in fidibus concentu nihil suauius, offendimur dissensu: tale istic. & temperies illa atque harmonia, vt sic dicam, matrimonij delectat, neque ipsos tantùm, sed amicos, inò & alienos. Vt autem ea sit, Amore in primis opus est: & vt ab ipsâ habeas, tuum affer. Vetus illud est, venenum & philtrum efficacissimum amoris esse, amare. Aristippus olim, cum aliquis de Laide obiecisset, *Ab eâ non diligi. Parum est, inquit. nam nec vinum me aut pisces, quibus tamen fruor.* Ineptè. voluptatem ille solam, & corporis illum fructum quærebat, de animi inclinatione securus. Aliter verò in coniugio. & affectu, vt dixi, quærendus emerendusque ille affectus est: atque etiam comitate quâdam morum & sermonum. Antiqui Mercurium cum Venere in eodem templo soliti dedicare: quid nisi significantes, sermonem & blanditiam conciliatricem amoris esse? & debere igitur adiungi. Fac pro tuâ parte, sed cum mixtâ quâdam & virili grauitate: à quâ lasciui & iuueniles illi ioci vel fabellæ absint. Faciat & illa. ac scitè Solon olim nouæ nuptæ præceperat, gustato Cydonio malo, sponso accumbere: non tam leuem breuemque illam oris fragrantiam spectans, quàm hanc ad fiduam blandi aut suauiloquentiam, quâ maritum caperet ac teneret. Sed alterum etiam huic Concordiæ præceptum, pati quædam, & conuiuere, aut nec videre. Fallitur enim, qui in primo isto contubernio omnia ad votum animumque facta exspectat, aut exigit: fallitur, & aspera quædam aut certè acerba interuenient, vt sunt animi & turbidi isti affectus humani. Sed ferenda, vt dixi: & vt vnam acerbam non statim abscindas aut reiicias, sed patienter exspectes,

— dum tibi liuidos

Distinguat Autumnus racemos

Purpureo variis colore:

ita hîc faxis, & dictum factumve aliquod immitius, iuuenilius, superbius, dissimula, nec auge interpretatione vel attolle. Inò

contrà potiùs, mitiga & hoc & ipsam. Sicut equorum domitores, ferocientes eos non flagellis exasperant, sed poppyfinis blandè tractant & demulcent : sic in fœminis. & præsertim sub initia, crudo adhuc, vt sic dicam, illo connubiali iugo. Blandire igitur, submitte : mox ipsa vtrumque, & imperio tuo firmo in volentem & submittentem vtère. Diomedes ab Homero scribitur nec Veneri pepercisse, in bello : tales mariti quidam læui, imò leues & ignei, qui & vxores suas. ah turpe dictu est, & filebo. Tu cauebis. & scies non mancipium tibi illam, sed coniugem, id est alterum te esse. Et sanè imperium mariti in istam : sed quale ? vt patris in filiam : aut vt meliùs dicam, vt animi in corpus hoc nostrum esse debet. Ecce hæret vtraque ista pars ; ille regit, sed & curat ; ad honesta ducit & vocat, sed nec lædit aut deserit renuentem. Suadet magis, quàm cogit. Sicut Dictator cùm Romæ creatus, ceteri magistratus abdicabant, solo illius imperio : sic maritum vxor cùm accepit, illi vni paret & aspicit, non vtrà iam in parentum manu vel amicorum. Sed nempe ciuibus imperabat, & ipse ciuis ; nec nisi solo illo titulo super ipsos. Ergo & asperitas & superbia à coniugio absint. & sicut prisci illi cùm Iunoni iuge faciebant, fel ex hostiâ reuulsum abiiciebant : sic bilis, iracundia, iurgia spernantur à sacro hoc coniugali. Sed tertium etiam ad Concordiam, est Castitas. Non placet illud, etsi ab Imperatore dictum : *Patere me per alias exercere cupiditates meas. nam Vxor nomen est dignitatis, non voluptatis.* Improbe, quamquam argutè. & contrà ego obduxerim : *Vxor vtriusque nomen est, & dignitatis & voluptatis.* Quomodo amor viuet aut aletur, vbi semen eius, vt ita dicam, in alieno solo sic abiicis & spargis ? Caue, abstine, & in hac vnâ, quam Deus & lex dedit, deditus tu esto. Romani Aquam & Ignem coniugiis sollenniter præferbant : quod præter alia, huc quoque ego traxerim. quasi Ignis ille maritus esse debeat, & honesto calore atque amore fouere & tepefacere suam Aquam. Tepefacere, inquam. nam vt nimis illa caleat, non ex mariti, aut eius vsu. Vetus hoc Comicum legi, sed egregium :

— *quæ mulier suum virum*
Volet sibi obsequentem esse atque diutinum,
Modicè atque parcè eius seruiat cupidines.

O, in-

O, inquam, egregium & occulti vsus ! quod tua atque alix utinam sciant ! Sciant, & faciant, & Lacœnam illam imitentur: quæ cùm nupta iam interrogaretur, *Ecquid maritum complexa esset?* *Bona verba*, inquit : *non ego illum, sed ipse me*. Sic oportet. & tu quoque cùm facis, cum blandâ quâdam feueritate, sed & cautione fiat. Numquam in publico nugari, aut iocari, minùs tangere aut os libare. M. Cato Censor quemdam Senatu mouit, & caussam subscripsit, *Quòd uxorem coram filiâ nubili osculatus esset* : benè, & pro sapienti illo Catone. Neque enim pudor solum in te atque illâ per hæc talia, sed paullatim & castitas perit : quæ sedem & basim in pudore habet. Maritalis illa conuersatio non sanè aloën aut absynthium, sed tamen vinum referat : quod gratâ quâdam austeritate nos capit. Dixi de Concordiâ, id est omnia. nam mihi crede, vbi ea est, felicitas illa coniugij adest: quam tibi tuæque voueo mi Sueri : & in hoc initio temperatum & firmum quemdam, vt in materie, non vt in stramine, ignem. Ille perit, ille viuit : vt autem mox ex vobis alij, in ætate etiam coniuges, Deum precor. Louanij, VI. Idus Mart. ∞. IO. XCVIII.

EPISTOLA XLI. *Antuerpiam.*

ABRAH. ORTELIO S. D.

ARGONAVTICA tua, scitè facta, accepi donum à te mi Orteli, & video nec in languore te languere aut cessare. Nam tristis sanè hoc audiui, valerudinem tibi ab aliquot septimanis parùm ex nostro & publico voto esse. Sed recuperabis illam veterem spero, tum tuâ industriâ & continentiâ, tum & benigni Veris auxilio, quod genitali suâ aurâ iam adspirat. Alioqui homines sumus, id est non diu sumus : & cùm vel ad extremum vitæ terminum venimus, quàm breue id est? Vbi meæ vitæ anni, quos decurri? vt flumen transierunt. Quid præter memoriam ex iis habeo, & si quod opus animo aut ingenio peregi? Sola hæc restant, & tu, mi Orteli, ab eâ parte esto immortalis. O quàm me delectet, hæc & talia vel cum amico aliquo sapiente & bono, vel in Iscanâ meâ villulâ solum meditari? si tamen Deus & tempus hoc darent, quod videtur ire (vt opinio multorum est) ad aliquam quietem. Sed equidem de plenâ eâ diffido, etsi cum Gallo
fortasse

fortasse transigemus. Vale, aut reualeſce mi Orteli: ex animo precor. Louanj, IIII. Non. Mart. ∞. IO. XCVIII.

EPISTOLA XLII.

CAROLO CLVSIO S. D.

PERGRATA mihi epiſtola, quæ de meliore valetudine tuâ nunciabat mi Cluſi. O longum ita ſit, & in hac ætate vel ſerpētis inſtar (ſi vera eſt fides) iuuenefce. Me hæc hiems, & mea bilis ſemper tunc acrior, adfatim exercuerunt: tamen adſurgo, & vires ac ſpiritus recipio pauſillatim. Magis vtrumque, ſi beata illa Pax adueniat, quæ è nubibus caput paullum exſerit & ſe oſtentat. Si monſtra non impediunt, fruemur: & ego te fortasse ac veteribus amicis, quos loca ea habent. O Deus, da pondus huic voto. Quod quæris de Giſelini mei natali aut mortuali die, ſcito certum me non ſcire. neque hîc copia eſt quærendi. Noui ab annis triginta virum, & credo fuiſſe quinquennio aut ſexennio me maiorem: obiit autem, vt mea memoria eſt, ante annos circiter ſeptem: id eſt circa quinquageſimum ætatis. Haſtenus poſſum dicere, & te mi Cluſi opto validè valere. Louanj, VIII. Kal. Mart. ∞. IO. XCVIII.

EPISTOLA XLIII.

Antuerpiam.

GODEFRIDO VEREYCKIO Doct. Medico S. D.

GRATIAM tibi debeo, V. Cl^{me} atque etiam habeo (ore quidem & animo) pro iſtâ beniuolentiâ mei, imò & curâ. Vltrò de morbo meo ſcribis, & remedia ſuggeris: non amanter hæc ſolum, ſed prudenter. Atque animus ſanè eſt experiri & vti. etſi neſcio quid longiùs iuiſſe morbus meus videtur, & ne apud te diſſimulem, ad tabem vel marcorem inclinare. Cuius cauſſa tamen non à Pulmonibus, fortasse nec Hepate, ſed ab inferiorum viſcerum & Meſenterij caloribus, quos ingentes & crebros ſenſi. Itaq; frigerantibus adſiduè vti mihi opus: & ſcis cum quâ ſtomachi noxâ. Quid faciam? quod Deus volet, & fatum meum libens excipiam: & te Vir Cl^{me} deinceps amabo, mei ſic amantem. Vale. Louanj, inter varias nunc appellationes: & ſcis Encænia noſtra eſſe. VII. Idus Septembr. ∞. IO. XCVIII.

EPI-

EPISTOLA XLIV.

Antuerpiam.

HENRICO SCHOTTIO 1^{to} & Syndico
urbis Antuerpiensis.

CREBRI nobis sermones, atque etiam ioci, de linguâ nostrâ & Becano: qui, vt scis, non antiquam & elegantem solum sed primogeniam facit, & ceteras ex eâ velut matrice educit. Nostri atque exteri erecti,

— *stupuere omnes tentanima tanta*

Conatusque novos:

multi & risere. Quid ego? virum amaui, & ingenium acre, facile, felix etiam miratus sum: felix, si in aliam rem & materiem vertisset. Nam ista quem fructum, imò quam fidem habet? Nostram esse antiquissimam, fætam mysteriis & arcanis Sapientiæ: cui persuademus? De antiquitate, vereor vt sacræ ipsæ litteræ & prisci patres annuant, qui Hebræam præponunt: & ratio certè aut argumenta non eò ducent. Nô sne hîc in frigido axe primi hominum? nos soli (ô celi beneficium!) intemeratam linguam & sine mixtione seruauimus? nos ad alios, coloniis credo missis, propagauimus? Risum, vix oppositionem, merentur: & mentem qui per volumina temporum, per vasta hæc terrarum mittet: inueniet à primâ illâ confusione linguarum, Sacris libris expressâ, infinitum easdem mutasse, variasse, multiplicasse: vt gentes hominum confusæ mixtæque inter se fuerunt, & iterum propagatæ. Nostrium orbem lustra. vbi vetus Latij lingua, quæ sub Latino rege aut Carmentâ fuit? vbi quæ sub regibus Romanis, quæ sub Decemuiris? vbi ipsa, quæ sub Principibus, nisi in libris? Idem in Galliâ, in Hispaniâ, in Britanniâ: pereunt illæ, alię succedunt, & vt nos mortales, sic ista è nobis. Vna illa noua Gallica, id est è Romanâ traducta, quam à trecentis annis, aut circâ, mutauit? & post trecentos magis faciet, nec posterî fortasse agnoscent. Leuissimis causis hæc eueniunt. gentium nouo aduentu aut coloniâ, imperio nouo, pulsione, immigratione: & quas alias ex historiis & obseruatione est haurire. Quòd si in Nouum etiâ orbem imus: eadem. Peruanum ibi regnum vastum, cùm Ingis (ita Reges suos dicebant) paruit, linguam communem ab iis

FF

per

*homines
diuersilin-
gues.

per septingenta & plura milliarium spatia accepit: & singulæ ta-
men valles (centenæ sunt) suam quæque habuit propriam, & di-
uersam à vicinâ. Non credis nunc Hispanos & exteros qui im-
migrant, multa è suâ inferre? certum est: & fit tam multiplex di-
uisio, vt Homerus, ille sons arcanæ sapientiæ, non alio epitheto
aptius censuerit nos appellandos, quàm *μέρονας ἀνθρώπους. Hæc
cùm ita vsus & obseruatio vbique doceat: quâ prærogatiuâ no-
stra lingua ab ipso Adamo vsque perennarit?

— credat Iudeus apella, Non ego:

ait ille. Et quæ credam, cùm exempla aut testimonia habeam in-
signiter mutata eius ab annis sexcentis, aut circa? Censebo mil-
le ac mille annis suprâ constitisse, cùm in breui notoq̃ue spatio
variè videam vacillasse? Appello ad libros maiorum æuo scri-
ptos: multa vocabula desita, multa obscura, nec nisi coniecturis
indaganda. Et vis in pauculis videri discrimen? Nithardi, nepo-
tis Karoli Magni, Historia beneficio Pythœi exstat, de dissensio-
nibus filiorum Ludouici Pij. Ibi iuramentum est, quo concor-
diam inter se fanciunt Ludouicus & Carolus: Ludouicus qui-
dem *Romanâ linguâ* (id est corruptâ hac Gallicâ) sic perorauit:

*Pro dō amur, & pro Xpian poblo, & nro cōmun saluament, dist
di en auant in quant d's sauir & prodir me dūat si saluarai eo cist
meon fradre Karlo & in adiudha & in cadhuna cosa si cum om p
dreit son frada saluar dist ino quid il mi altre si fazet & abludher
nul plaid nunquam prindrai qui meon vol eiss meon fradre Karlo in
damno sit.*

Quis hæc ceperit, nisi commodum interpretatio adiuncta in
veteri Germanicâ linguâ? Sic enim idem Nithardus: *Quod cūm
Ludouicus explessët, Karolus Teudiscâ linguâ sic hæc eadem verba te-
statur est:*

*In godes minna induites Xpānes folches ind vnser bedhere gealtnisi
von tesemo dage frammordeßo Fram so mir got gerviz ei indi madh
furgibit so lall iktis an minam bruber scal inthi utha zermig sofo
madno*

*madno indunit latherem in nothein mit hing nege gango theminam
villon imo ce scadhen vverhen.*

Sed nec ea ipsa intellegenda, nisi composita inter se dent lucem,
& interpretatione item nostrâ addamus. Vide Psalterium vetus
apud insignem & optimarû artium virum, Arnoldum V Vach-
tendonckium, circa eadem illa tempora scriptum: Latinum qui-
dem, sed inter lineas, ad singula verba, Germanicâ interpreta-
tione superscriptâ. Delectauit, lêgi, & studiosè elêgi, quæ abire
ab hodiernâ linguâ videbantur. Pauca velut in gustum dabo,
rariora magis aut subducta: & primò

NOMINA.

Abalgi, Ira. vide *Balgon*.
Abirrhon, Postea.
Arusiz, Curis. vt Galli *Rufes*.
Adro, Diluculo.
Aster, Secundum.
Asterallo, Vsq; quaque.
Ahtiuga, Numerum.
Aleudi, Insulæ.
Aleiuon, Reliquiæ.
Ambachtman, Ministri: quod
Cæsar & estus, *Clientem*
Gallis significare notant.
Anagen, Principium: &
Anagenni, Initio.
Anbardon, Ascia.
Anfreson, Interitus.
Ando, Zelus. vide *Andoda* verbû.
Anliron, Vultus.
Anlucce, Facie. vide *Anlucon*
verbum.
Antomi, Frænum: nunc *Toom*.
Anst, Gratia: alibi, *Enst*.
Angust, Angustia.
Anuarnunst, Intellectu.

At, Escas. vide *Atoda* verbum.
Asca, Cinis.
Andran, vel *Andarn*, In vanû:
nõne Itatorum est *Jndarno*?
Asgetali, Obliuioni.
Ana, Extra vel Præter.
Arug, Peruerfa: nos *Arg*.
Amunendeliken, Intolerabilem.

VERBA.

Asterthunfun, Detrahebant.
Astrithunfundi, Detrahentes.
Ahtidon, Persecuti sunt.
Albuti, Illumina.
Anastandunt, Insurgunt.
Anastandandan, Insurgentibus.
Anariepon, Irruerunt.
Andredit, Timer.
Andredandi, Timentes.
Andradandoro, Timentium.
Andradondi, Timentibus.
Anlucon, Aperuerunt: sicut *Be-
lucon*, Concluserunt.
Antloc, Reuela.
Antheban, Prohibebo.
Anthatta, Prohibui.

B.

Balon, Cicatrices.

Baldo, & alibi, *Bolatico*, Fidu-
cialiter.

Begihite, Confessione: nos *Bich-
te*. vide *Begigan* verbum, &
Giet.

Behatuo, Retrorsum.

Beswicheide, Scandalum.

Bethiu, aliàs *Bithiu*, Propterea.

Bilithires, Figuli: &

Gebilithe, Imagine.

Birvie, Quare?

Bismer, Opprobrium.

Bisa, Turbo: vt Gallis, *Vent de
Bize*.

Bisphilla, & alibi *Spella*, Para-
bola.

Blasma, Flamma.

Buokestaf, Litteratura, vel po-
tius ipsa Littera.

Burgisti, Sepulchrum: quasi te-
gmen hominum & opercu-
lum.

Burthou, Oneribus.

Buteric, Vter: & *Butrice*, Vtrem.

VERBA.

Barida, Germinans.

Befillidi, Prosterneret.

Beko, Proba: alibi, *Bekunno*,
Tenta.

Begegunsta, Cœpi.

Begian, & *Beian*, Confiteri.

Behofcodon, Sublannauerūt. vi-
de *Hofce*.

Belgon, Irasci.

Belgonfal, Irascetur.

Bulgistuthi, Irascere.

Bescedirvrit, Obscurabitur:
quasi à *Schaduvve*, Vmbrâ.

Bescurgi, Præcipita: &

Bescorgingun, Præcipitationes.
vide *Gescurgidi*.

Besuenit, Soporatus.

Beswick, Supplanta. Suprà, *Be-
swicheide*, Scandalum.

Beswikit, Decipit.

Berhadon, Absconderunt alibi,
Behaton, idem.

Bethunnendero, Deprimētium.

Biuvollon, Infecta.

Biuvollona, Inquinatæ.

Biuvellan, Prophanabo.

Bewildi, Possedisti.

Bizzedon, Fremuerunt: à *Bi-
za*, suprà.

C, vel K.

Kellera, Promptuaria.

Keuera, Bruchus.

Kimo, Germen: &

Kuni, Semini. vide *Thindekunni*.

Kippon, Compedibus: à Latino
Cippo.

Cocare, Pharetra.

Krepinda, Reptilia: quasi *Cruy-
pende*.

Kunnea, & *Kunni*, Generatio.

Kuofmeer, Butyrum.

VERBA.

Kestegoda, Anxit: an à castigado?
Corodos

Corodos, Probasti.
Criedon, Cognouerunt.

D.

Dsiant, Diabolus: quasi *De vyandt*.
Drohtin, & *Druhtin*, & *Druf- tin*, Dominus.
Druftene, Domino.
Drugina, Dolus: vnde *Bedrie- gen*.
Drumbon, Tubis: nunc *Trom- pen*.
Duiri, Ianuas.
Dumba, Stultus.
Dumpheide, Infipientia.
Duom, Iudicium: & *Duoma*, Iudicia: & *Duomot*, Iudica- tis.
Duomis, Templum.

VERBA.

Duelont, Errant. nunc *Doleu*.

E.

Egisso, Pauor.
Egism, Horroris.
Egislikis, Terribilis: &
Egisliko, Terribiliter: nos *Eis- felik*.
Eduuit, Opprobrium.
Eht, Verò.
Eft, Autem.
Eino, Solus.
Einodis, Solitudinis: &
Einodi, Solitudine.
Eintisce, Antiquos: à Latino, vt

videtur, vt nos *Antikſche*. &
Eintiscen, Antiquis.

Eitir, Venenum: an *Etter* no-
 strum, id est Pus?

Elelendig, Extraneus: &
Ellendiga, Aduenam: &
Elelendis, Peregrinationis.
Eldi, Senecta: & *Vreldi*, Seniū:
 Nam *Vr* auget.

Emiceio, Semper.

Ercetere, Medici.

Era, Corona. vide *Geheredes*.

Eruri, Pauimento. quasi *Ert- vrii*, quòd terram tueatur.

Ereude, Fines,

Ereue, Hereditas.

Euna, Lex: & *Eun*, Lege. vide
Vuitut.

Eunenlari, Legislatorem.

Eunethon, Æternum.

VERBA.

Ehton, Persequi.

Ehton ſal, Persequar.

Ethindon, Persequentibus.

F.

Fakjnga, Dormitatio: nos
Vaeck, vide *Facon*.

Farbrokanuſſi, Præuaricationes.

Fardruncon, Crapulatus.

Farkutha, Abominabilis.

Faruathana, Maledicti.

Faruathanuſſi, Abominatione.

Faruuet, Abominatus.

Farfeggeni, Excusandas.

Faſſira, Munita.

Farthroza, Tædio.

Felis, Rupem.

Ferreno, Longè: nos *Verre*.

Ferthe, Excessu.

Fetheracco, Alarum: nos *Vederen*.

Fio, Pecora: nos *Vee*.

Fiu, Pecuniam. nota sic à *Pecude*, vt Latinis.

Filoberth, Præclara.

Filuberthon, Præclaris.

Filoscire, Præclarus. in his talibus *Filo*, est *Veel*, siue Multum.

Filohardo, Vehementer.

Fillunga, Flagellum. an quia cutem radit, quasi *Villen*?

Finistre, Tenebræ: Germani hodie.

Forthora, Dextra: &

Forthoron, Dextris.

Freison, Interitu, & Interitionibus. alibi, *Froison*.

Frihof, Atrium: &

Frithowo, Atria.

Fremithorona, Alienigenæ: quasi *Vreemtgeborne*.

Fruo, Manè: nos *Vroeck*.

Fuetkippon, Compedibus: supra in *Cippon*.

Fulitha, Putredo: quasi *Vuylichey*. & *Fulithon*, Sordibus.

Fullethon, Abundantia.

Fuotscamel, Scabellum.

Futhon, Austro.

Fullust, Adiutorium. vide *Folleisten*.

Furist, Princeps: & *Furistingo*, Præpositione: nos *Vorst*.

Furitekin, Prodigium: nos *Voorteecken*.

VERBA.

Facon sal, Dormitabit.

Facodon, Dormitauerunt.

Farlithon, Transierunt: &

Farliet, Transeat.

Farbelgeda, Exacerbauit: vide *Belgan*, & *Jrbelgiden*.

Farfiht, Expugna.

Fardiligo, Dele: nos *Verdilgen*.

Faruuellunt, Prophanauerunt. vide *Binuellan*.

Farschiton, Concidet, mediâ longâ.

Farnozzan uuurthan sal, Consumetur.

Fellon sal, Destruet: nos *Vellen*, Deiciet.

Ferterron sal, Perdes: nos *Verderuen*.

Fertherithu, Perdas.

Feruuerthan sal, Peribit.

Feruuerthet, Pereatis.

Folleisten, Opitulentur.

Forbhuor, Prodiit.

Framforithu, Recessisti.

Framgeneian, Declinare.

Framgeleidon, Abduxerunt.

G.

Gaienvverde, Cōspectu: & alibi

Gaienvveierde: & *Genuuert*.

Garo, Paratus: & *Garn*, idem.

Galen-

Galenderi, Incantantis.
Galico, Subitò.
Gariunon, Manipulos: nos *Geruē*.
Gedruft, Turbata.
Geberge, Cubilibus: ab occul-
 tando.
Gegrauannusfi, Sculptilia.
Vn-gefremit, Imperfectum.
Gebuorda, Fornicati. alludit, ad
 Hoere, meretricem.
Geluu, Consensu. an *Gelivi*?
Geliuore, Libera.
Gelibedelic, Deprecabilis.
Gelende, Accola. vide *Elelendig*.
Gemerke, Terminos.
Giueri, Libera. vide *Genere*.
Genuhte, Abundantia. ab eo
 quod nos, *Genoech*, Satis. vi-
 de *Genuhtegod*.
Genuht samori, Vberi.
Gequalhit, Coagulatus: vide
Geuallit.
Gerihtnusfi, Refectionis.
Gescendidi, Confusi.
Gesigenero, Inclinato.
Gesifte, Visione.
Gescathot, Condemnatus: an
 propriè Mulctatus?
Getelt, Tentoria.
Getugel, Linguosus.
Getuvving, Disciplina.
Getunst, Pactum.
Geuerthe, Iter. vide *Verthe*.
Geuuede, Vestimenta.
Geuuesannusfi, Substantia: &
Geuwin, Possessio.
Geuunst, idem.

Geuuitti, Scientia.
Geuuitscopi, Testimonia.
Geuuiſſo, Etenim, Enim.
Giuerſunthedion, Opportunita-
 tibus.
Gipondi, Patens: nos *Gapende*
 fortè.
Giheita, Vota: alibi *Gibeta*. vide
Heitinga.
Glaunon, Prudentem.
Githuue, Disciplina: suprà *Ge-
 tuuvving*.
Giuepene, Arma: quasi *Gervae-
 pene*.
Giunilte, Abundantia: suprà
Fullethon.
Giunittenon, Afflictus.
Glidir, Lubricum: &
Glideri, Lapsu.
Gothehten, Cogitationibus: nos
Gedachten.
Gruoua, Lacus: quasi *Groene*
 nobis, Fossa.
Guolike, & *Guilike*, Gloria: & a-
 libi, *Guolikebeide*. vide *Guoli-
 can*.

VERBA.

Gebalthon, Irritauerunt. vide
Balgon.
Gebreduuertthist, Fundatur.
Geherides, Coronasti: & alibi,
Geruuit, Coronat. itemque,
Geredofst, Coronasti.
Gehirmon, Quiescere.
Gehirmeda, Quieuit.
Gehirme, Quiescam.

Vnge-

Vngehirmelick, Incessabilis.

Gelicoda, Complacui. vide, *Li-*
cont.

Gefuogan, Adiicias.

Getououurthun, Obriguerunt.

Gemutos, Mutabis.

Gemeini, Communicabo.

Giueri, Libera, Imperandi.

Geuereda, Liberaui.

Geueran sal, Liberabo.

Genuhtegod, Abundauit.

Geocodon, Abdiderunt.

Gequicco, Viuifica.

Gequicceda, Viuificet.

Geruon, Parare: *thu Geruinos*,

Parasti: *Geruon sal*, Para-

bit: *Geruidon*, Parauerunt:

Geruindi, Præparās: *Geruui-*

da, Parauit: *Gegeruot*, Præ-

parabitur.

Gespuredos, Inuestigasti.

Getimbrit, Ædificatur.

Getrimbedos, Fabricatus.

Getocon, Adiiciam: suprà, *Ge-*
fuogan.

Geuueigit, Vexatus.

Geuuijt, Benedictus: &

Geuuijunga, Benedictio.

Gewinfos, Visitas.

Gidolot, aliàs *Gittolot*, Super-

bit.

Gemacoda, Concinnabat.

Ginroda, Genuit.

Giminfoda, Diminuit.

Gigeroda, Parauit.

Gimarfada, Mirificauit. vide

Gonarda.

Gisuindon, Accelerauerunt.

Gimikiloda, Magnificabimur.
vide *Mikil*.

Gibrefti, Desit.

Gieruon sal, Hereditabit.

Gistatodun, Locauerunt.

Giet, Confiteretur. vide *Begihthe*.

Giscurgidi, Expulisti. vide *Bef-*
curgi.

Gomarda, Mirificauit, à *Mär*,
Fama.

Goumauirkint, Epulentur.

Guolican sal, Glorificabo: &

Guolican sulini, Glorificabunt.

H.

Hafta, Captiuitas. In Vbiis ho-
die, ita Carcer.

Hardo, Valdè, Nimis.

Harman, Calumniis.

Hategon, Æmulatione.

Hatongon, Iracundiam.

Heigero, Pellicano.

Heimodi, & *Heitmodi*, Furor.

Heitinga, Vota. Hodie Galli,
Soub-haiter, compositè. Vi-
de *Geheita*.

Hera, Cilicio: quasi *Haera*, à pi-
lis: & *Heren*, Cilicium.

Hereberga, Castra. Nos latius,
pro omni diuersorio: sed il-
lud propriè & primò.

Heribergo, Castrorum.

Heuode, Possessio. suprà *Gervin*.

Hero, Lutum. vide *Horo*.

Hiera, Hic.

Hiret, Ceruus.

Hinnisce,

Huuiſce, Familia: quaſi *Huyſſche*, à domo. & *Huuiſcis*, Familias.

Hlothu, Præda. an *Lot* noſtrum, quia sæpe ſorte?

Hohthuodi, Captiuitas. ſuprà, *Haſta*.

Horo, Stercus: &

Horouue, Stercore: &

Horvve, Lutum.

Hoſce, Subſannatio: & *Hoſc*.

Hoſcoui, Illuſiones. vide *Behoſcodon*.

Hoſcomo, Vehementi.

Hue, Quis. nos *Vvie*? &

Huo, Quanta.

Hundeſſiga, Cynomya.

Hulpilos, Inops. quaſi *Hulpe-loos*.

J.

Iagere, Fenerator.

Ibeuuanda, Suſpicatus.

Iemer, Æternum.

Ieuueſcon, Æternus. vide *Euiſcon*.

Io, Semper.

Jo bin, Sum.

Joh, Nonne, Nunquid?

Jnnethron, Viſceribus.

Inneronthingon, Inferioribus.

VERBA.

Jntlouc, Aperuit. vide *Anlucon*.

Irbelgedon, Exacerbarunt. vide *Farbelgeda*.

Irfangon ſal, Increpabit: &

Irfienge, Increpaſti.

Irferron ſal, Obſtupeſacies.

Irquicke, Excita.

Irquickon ſal tu, Viuificabis.

Irfcal, Increpuit.

Jrruort vverthe, Commouear.

L.

Lap, Oram veſtis.

Legerſtede, Cubilibus. vide *Gerberge*.

Lepera, Labia. hodie, *Lippen*.

Letiſton, Nouiſſima. nunc *Leſten*.

Lina, Vita: & *Lines*, Vitæ: &

Lif, Vitam. Nos *Leue*. tamen

& vulgò, *Bij lijue*, illo ſenſu.

Liſuara, Cibaria: quaſi, *Lijſvvaere*.

Lockis, Capilli: & *Locka*, Capillis.

Loſen, Dolofum: &

Loſin, Dolofus: &

Loſonga, Dolos.

Los, Sortem.

Lucucumin, Paullo minus: nos *Luttelkemin*.

Luētika, Puſilla.

Luzzilon, Paruulis: & *Luticon*, idem.

Luoginda, Rugiens: & *Luonde*, Rugientes, alibi:

VERBA.

Licont, Placent. vide *Geliconda*: & *Licon ſal*, Placebit.

Ludon ſal, Tonabit. nos de ære
G G Campa-

Campano.
Luuwethu, Præstitisti.

M.

Mancrefte, Maieſtas. ipſa vox
 tamen Viri robur magis ſig-
 nificat, *Mans-cracht*. Sed a-
 libi, *Megincraft*, Maieſtas: &
Megincrefsti, Maieſtatis.

Mangon, Maxillas. ſi recta ſcri-
 ptura: nos *VVangen*.

Melm, Pulvis. nos *Mulm*, &
Gemul.

Meiſtero, Maximo: nos *Meeſte*.

Mendiſle, Lætitia. vide *Mëdian*.

Miedon, Mercis.

Mikil, Magnus, Multa, Copio-
 ſa: & *Mikilon*, Magnis: & *Mi-
 kilo*, Magnificè: & *Oimikilit*,
 Magnificate. vide *Gimikilo-
 da*: & *Mikile*, Magnificentia.

Muodis, Mentis. Nos, *Moet*.

Muos, Eſca, cibi. Nos pro Ole-
 re.

Muſca, Paſſer.

VERBA.

Mendian ſal, Exſultabo.

Mendida, Exſultabit.

Mendit, Exſultate.

Mendodum, Exſultauerunt.

Mendon ſulum, Exſultabunt.

N.

Nauo, Sed: &

Naio, Panè.

Neok, Nec.

Neriando, Salutare: & *Neriando*,
 Liberator.

*Nenvvih*t, Nequam: quaſi di-
 cas, Nullius pretij aut pon-
 deris.

*Nievvih*t, Prauum.

Ninneht, Non. & *Nunwieht*,
 idem.

Nienuergin, & *Niergin*, Vſque-
 quaque.

Northaluon, Aquilonis.

Nowan, Sed. ſuprà *Nauo*.

Nowanthog, Veruntamen.

VERBA.

Nerukiat, & *Neruokit*, Nolite:
 & *Neruoki*, Noli.

Niet, Poſſide: & *Nieton ſal*, Poſ-
 ſidebit: & *Nutum*, Poſſi-
 dere.

Nofada, Impediuit.

O.

Ouiranungifcoht, Superuacue.

Ouirhoriga, Præuaricantes: vel
 potius, Mandatum ſper-
 nentes.

Ouita, Pomorum. Nos, *Ooft*.

VERBA.

Oigi, Oſtende. ab oculis du-
 ctum.

Oginon, Oſtendit: & *Ougoda*,
 idem: & *Ougonſal*, Oſtédam.

Ordon, Habitabat. Horda Ta-
 tarorum.

Prifna,

P.

Prisna, Vsuræ.

Q.

Quena, Vxor. Anglis hodie Regis vxor *ἡ βασίλισσα*, siue Regina.*Quiccase*, Animalia: quasi,*Quicvee*, Viuæ pecudes.

VERBA.

Quat, Dixit: & *Quethe*, Dicat: & *Quit*, Dic. Nobis mansit geminatione vitiosû, *Quet-teren*.*Quezzodos*, Allisisti. Nos *Quet-sen*.

R.

Ratanussi, Irritatione. vide *Ratodon*.*Radiuagon*, Currus. quasi *Radt-vvagen*, à iunctis rotis: an & *Ried-vvægen*, ab usu? Istinc *Reda*.*Ref*, Venter: & *Reuis*, Ventris: & *Reue*, Ventre.*Ripoton*, Maturitate. nobis *Rijp* mansit.*Ritha*, Torrens.

VERBA.

Ratodon, Irritauerūt: & *Ratuot*, Irritat: & *Geratot ist*, Concitatus est: & *Ratunussi*, Irritatione.*Ribaridos*, Denudasti. sic nobiscompositum, *Openbaeren*.*Rebarnussi*, Reuelatione.*Refangan*, Arguam: & *Refagnussi*, Redargutiones.*Respias*, Arguas. Nos componimus, *Berispen*.*Ruecont*, Fumigabant: quia *Rooc*, Fumus: sed & alio sensu, *Riechon sulun*, Fumigabunt, ab odore.*Roduwarthan*, Mouebitur.*Rundon*, Sufurrabunt.

S.

Saca, Rem.*Salda*, Salutare: & *Saldo*.*Salethu*, Tabernacula: & *Selithon*, Tabernacula: & *Selitha*, Tabernaculum. Nos *Salletta*, paullò alio sensu.*Sammung*, Synagoga. Vnde *Versaemen*, & *Summungun*, Cleros, causlà collectionis.*Scalc*, Seruus. Vnde *Maris-scalcus*, qui Equis curator.*Scaehon*, Pudore.*Scaphon*, Ouili.*Scama*, Reuerentia.*Scarfahs*, Nouacula. Nam *Sahs*, Cultrum notat: vnde Saxones *VVithikindo*.*Scefti*, vel *Scepfti*, Sagittæ.*Scepeno*, Iudex. hodie *Scepenen*, Scabini.*Sceihtlon*, Verticem, & *Scetlon*.*Scerni*, Subfannatio, & *Scern*, Illusio.

G G 2

Scieri,

Scieri, Lucidum.
Scimo, Splendor: nos *Schijne*.
Sciumo, Citò.
Sclot, Sera.
Senifte, Miris. Germani: & *Senifti*, Mansueti: & *Senihite*, Mansuetudinis.
Serin, Tribulato. vt *Zeer doen*, Belgæ.
Setti, Sedes.
Sethelgangi, Occasum.
Serauada, Cremium.
Scrimbre, Protector. an à *Schirmen*? an *Scrijmen*?
Sidin, Moris. nos *Seede*.
Siuuoluatdun, Septuplum: quasi *Seuenvvoudt*.
Sien-ogun, Pupilla oculi.
Sigimari, Victor. in Tacito, *Segimerus*.
Siu, Vt quid?
Slapigraui, Sepulcrum: quasi dicas Dormitorium.
Slabta, Generatio: & *Slabten*, Semini. Nos compositè, *Geslacht*.
Spietis, Hastæ. Nos, *Spieffe*. Nomen primogenium à mucrone, *Spiets*.
Sprinco, Locusta.
Spel, Fabulatio: & *Spelle*, Parabola. Vide *Bispile*.
Sniumo, Velociter, Confestim: & alibi *Sliumo*.
Solre, Solium. an Solarium?
Souuilican, & *Souuelix*: Quacunque.

Stouwingon, Increpatione. Nos pro Stimulatione.
Staf-suert, Framea.
Stedinussi, Stabilitatem.
Stros, Strati. vide *Store*.
Sueiga, Armentum: & *Suegon*, Armento.
Suliton, Salsuginem.
Switho, Nixis.
Suero, Dolorem.
Sufte, Pestilentia.
Suenot, Coagulatus. vide *Gequallit*.
Sule, Columna; & *Suli*, Columnas.
Smerenne, Adipe.
Sneue, Nixis.

VERBA.

Scathan sal, Damnabit. vide *Gesathot*.
Scedeuon sal, Obumbrabit.
Sculdun, Increpauerunt. Nos *Schelden*, & compositè, *Beschulden*.
Scurgi, Auerte. vide *Bescurgi*.
Scutta, Excussit.
To-Store, Destrues.
Stihtan, Ædificabis.
Stincan, Odorabunt.
Stukida, Irritauit. vt nos metaphoricè *Stoken*.

T.

Teseuon, Dexteram. & *Theseeuon*, Dexteram. vide *Forthora*.
Thegenliche, Viriliter. Nos *De-gentlijck*, paullò alio sensu.

Thiat,

Thiat, Gens: & *Thiade*, Gête: &
Theado, Gentium: & *Thiaddon*,
 Nationes: & *Thiede*, Gentes.
Thiadekunni, Generationes. Vi-
 de *Kuni*. nam cōpositum est.
Thierno, Iuencularum. Nos
Dierne. de vegetâ fæminâ.

Thinnongun, Tempora capitis.

Thio, Femur. Nos *Dië*.

Thurthic, Egenus: & *Thurtegin*,
 Egeno.

Thuvve, Ancillæ: & *Thuvvon*, &
Thiuvvon, idem.

Totbiti, & *Totithi*, Apud.

Touferes, Venefici. Nos *Toouer-*
ers.

Trego, Dolor: & *Tregon*, Dolore:
 & *Trege*, Dolores: & *Treghaft*,
 Dolens.

Trilon, Fimbriis.

Trisenuorin, Thesauris.

Triumbon, Tubæ. Nos *Trom-*
pen.

Tuvifolda, Anceps. qui in duo
 distrahitur. vnde & Latinis,
Dubito, quasi *Duito*: & Græ-
 cis Δις δ' ὧ.

VERBA.

Tesfuor, Defecit, Periiit.

Tefarando, Deficientes.

Thenit, Intendit: & *Theneda*, Te-
 tendit: *Themnon*, Extendes:
Thenin, Extendant: *Thenedos*,
 Extendisti: *Thenedon*, Exten-
 derunt.

Thinoda, Seruiuit: &

Thianinnyi, Seruiamus nos.
 Inde *Dienen* hodie.

Thion sullun, Abundabunt.

Tholon, Patientur: & *Tholindon*,
 Patientibus: & *Tholodit*, Suf-
 tinuissim: *Tholoda*, Tribu-
 larer.

Thunsi, Extraxisti.

Thurofremidos, Perfecisti: &

Thurofremig, Perfecta: & *Thure-*
fremigero, Perfecto: & *Thuro-*
framington, Consummati.

Thuroliton sal, Petransibit. Nos
Doorlijden.

Tian, Enutries. Nos *Tijen*, & *Op-*
tijen.

Tilo, Accelera: & *Tilont*. Festi-
 nant.

Tilogon, Exercitationem: & *Ti-*
lon sal, Exercebor: & *Getilot*,
 Exercitatus.

V.

Verthe, Itineribus. suprâ, *Ge-*
uerthe.

Vla, Olla. Siburgi hodie, *Vlen-*
gasse, Platea figulorum.

Vnera, Reuerentia: & *Vneron*,
 Pudore.

Vndirthudig, Subiecta: & *Vn-*
dirthudiga, Subditi. Nos *Vn-*
derdaedich.

Vngesceid, Vacuè.

Vnsuoti, Molesti.

Vn, Vsque: & *Vntes*, Donec: &
Vnt, idem.

Vmbenwollan, Immaculatus.

Vmb-uath, Quare? quasi *Om-vvat*?

Vorton, Timore.

Vrkundum, Testes: & *Vrkunt-scap*, Testimonium. Est Valdè noscere: nobis mansit in Formulis, *Oirkondt*.

Vrsagon, Excusationes. Valdè & multa dicere.

Vtriston, Extremis. Nos *Vuyter-sten*.

VVala, Abyssus. *VVal*, idem.

VValalicondi, Beneplacito.

VWambon, vtero.

VVan, Spes.

VVanda, Vestimentum: &

VWat, Vestem, Vestimenta.

VWashemo, Fructus. à Crescendo: & *VWasmo*, idem.

VVelimo, Singulos.

VVerolt, Sæculum: & *VVerold*: & *VVerildi* *VVerildis*, Sæculum sæculi.

VWether, Nunquid?

VWige, Prælium, Bellum: &

VWigis, Belli: & *VWiga*, Prælia. Reperio & *VWie*, Bellum.

VWirte, Holeta: & *VWurti*, Herba. Inde *VWirtespurgum*, Herbiopolis.

VUirscapandis, Epulantis.

WWithersacco, Aduersarius. quasi, *UUederfaeck*, aut *Wederfaggr*.

UUitti, Prudentia.

Habes, quod sufficiat in specimen: & dic fodes: pleraque omnia quàm à sermone hodierno diuertunt? Verba plura ignota & desita,

WWitut, Lex: & *WWitute*, Lege: & *WWitutdraghere*, Legillator. A promulgando, & longè lateque spargendo.

WWiolango, Vsquequo?

UUoligis, Vtinam.

WWop, Fletus: & *WWophis*, Genitiuo: & *UUopindi*, Lugens.

Vurisit, Gigas.

Wrehton, Iniquitatibus. quasi *Onrecht*.

Vtferdi, Exitus.

Vutstandilico, Desolatoriis.

VERBA.

Vardilgodos, Delesti.

Vorreuet, Compungimini: quasi *Berouuet*.

Vpslagoda, Distulit: & *Vpslagodos*, Distulisti.

Vtuualle, Scateat. de Fontibus.

VValdan sal, Dominabitur.

UUandos, Existimasti.

UUelida, Elegit.

UUiepon, Fleuimus: & *Wopindi*, Lugentes: & *UUopanvuir*, Ploremus. Vide *WWop*, supra.

Wvilid, Possedit: & *Wviede*, Possedisti.

WVitonodon, Tribulauerunt: &

WVitinunt, Tribulant: alibi,

WVizcinunt: & *WVitinunda*, Tribulantes.

WUeigoden, Vexauerunt.

WUedan sal, Induâ. supra *WWat*.

desita, ipsæ terminationes, *Casus* & *Coniugationes* (vt Grammatici appellant) differentes. Et possum pleraque horum interpretari, aut ad origines suas ducere: sed nō hoc agimus: illud vide, quanta ab annis circiter septingentis mutatio: quid igitur ab alteris alterisque illis fuit? Errat enim, qui in re instabili maximè, id est linguâ, quærit firmitatem. Quam tamen aliquam à litteris dari fateor, *vnâ fideli custodiâ rerum*: sed vbi eæ maioribus nostris fuerunt? Græca & Latina quod perseverant, siue Hebræa: est à litteris & libris. Tolle, vestigiū non exstet: ac simile iudicium de Germanicâ, de Gallicâ veteri linguâ, cur nō fiat? Fateor quidem latè patuisse nostram illam: atq; hanc causam fuisse, cur diutius perseverarit. quoniam finitimæ ipsæ gentes, quæ miscebantur aut immigrabant, in eâ conueniebant, Rodericus Toletanus scripsit: *Teutonia, Dacia, Noruegia, Suetia, Flandria, & Anglia, unicam habēt linguam, licet idiomatibus dignoscantur*. Hoc ille ante annos nōdum quadringentos: paullò suprâ, potuisset & Galliam addidisse. Non enim nos Belgæ tantum, sed vltiores atque interiores Celtæ, & quidquid Franci occuparunt, linguâ etiam eorum, id est Germanicâ, vsi. Exstat Canon Concilij Turonensis, sub Carolo Magno: *Ut Episcopus Homilias apertè transferre studeat in rusticam Romanam linguam, aut Theotiscam, quò facilius possint cuncti intelligere*. Itaque apparet Theotiscam tunc honestiorum & nobilium fuisse, rusticos & viliores Romanâ illâ corruptâ, id est hodiernâ Gallicâ, vsos. Quæ tamen mox inualuit, illâ pulsâ. Atque vt Franci suam eò, sic Lōgobardi in Italiam intulerunt. Paullus Diaconus, *De gestis eorum* scribit: *Rectorem provincie, Schuldaben ab ijs linguâ propriâ dici*: qui est *Schultheiz* Germanorū. Item *Argam, inutilem & inertem*: siue prauum & peruersum, vt hodie. quod nostrum est, etsi affidet Græcorum ἀργῶ. Item, *Lamam, piscinam*: vnde quidam *Lamifio dictus*, quia infans de piscinâ extractus. Nos *Lanam* dicimus hodie: etsi Festus quoque *Lanam* pro *Lacunâ* agnoscit: & in Glossis sunt *Lamæ, πηλώδεις τόποι*. Idem Diaconus, *Campos patentes sermone Barbarico Felden appellari*: quod nos agnoscimus. Et Alboinum, occiso Cunimundo, *caput abstulisse, & ex eo poculum fecisse, quod Scala dicitur*. Item, *Stratorem* dici *Marpaïs*: quod est, *Mar-paige*. nam *Mar*, equus. Item, *Scilpor, Armigerum*: & talia, quæ linguam nostram satis adfirmant. Simile in Britannîâ, quam

quam Angliè Saxoniâ immigrarunt, & veteri pulsâ, suam, id est nostram linguam intulerunt. Planè nostram, vt olim quidem fuit: nam postea Normannorû è Galliâ superuentu mutauit. Beda notat: *vocari locum Anglorum linguâ Hefenfelth, quod dici potest Latinè Cælestis campus.* Nam *Hefen*, siue *Heuen* (vnde nostrum *Verheffen*) *Sublime* notat siue cælum. Item *Midil engli*, inquit, *Mediterranei Angli*: *Demises Burna*, *Dionysij riuus*: *Heruteu*, *Insula cerui*, quasi *Hert-au*. nam *Au* regio vel insula. Sic *Elge* (malim *Elgeu*) à copiâ *anguillarû dicta*, quasi *El-geu*: g. insito euphoniæ causâ, vt in *Rijn-gouu*. Idem Beda, *Aid barne*, *Ad nemus*, interpretatur: & incertus de rebus Britannicis scriptor, *Per ministrum nomine Thunre*, quod *Tonitru significat*. Idem, *Edgaro regi* (anno DCCC.LXXIIII.) *in siluâ vocẽ insonuisse*, incertum vnde missam, *Vuelisti*, id est, *Benè est tibi*. Diuide, *Vuel ist eu*. Matthæus Paris, in narrandâ morte *Vualtheri Episcopi Dunelmensis*: vnus ex Anglis patriâ linguâ dixit, *Short red, good red, slea ye the Byshoppe*: quod est nobis, *Kort raedt, goedt raedt, slaet ghy den Bisschop*. Sunt plura: quid recensitu opus, cùm cõstet sic fuisse, & integra etiam scripta ab eo euo exstent? Latè igitur nostra patuit: sed vt ad Becanum redeam, ne credamus tamen in orbem terræ sparsam esse. Atqui voces multę sunt in Hebræis, Græcis, Latinis, quæ adsonant vel consonant. Quid tum? non magis hoc argumentum sit, à nobis illos, quàm nos ab iis sumpsisse. Tu sic pertendes, ego aliter: quis decidet? *Nil agit exemplum, litem quod lite resoluit.* Fatendum sanè est, & ego obseruo, vt ratio communis hominum, sic & verba alibi esse: siue traductione & gentium mixtione, siue casu potius, an genio administrante. Sed in quibusdam maior conuenientia aut crebrior. vt in Persicâ, quod miremur. Nam ij & voces plures nostras habent, & flexus coniugationum haud nimis diuersos. Illorum est,

<i>Auar</i> , Ouer, Super.	<i>Bewaftand</i> , clausurerunt,
<i>Aual</i> , Aenual, Initium.	<i>Cah</i> , <i>Caf</i> , Palea.
<i>Achterratz</i> , <i>Achterraedt</i> , Cautio.	<i>Câl</i> , <i>Cael</i> , Caluus.
<i>Band</i> , <i>Bandt</i> , Vinculum.	<i>Casti</i> , <i>Casse</i> , Cista.
<i>Beradar</i> , <i>Broeder</i> , Frater.	<i>Cebar</i> , <i>Gebaer</i> , Rumor.
<i>Bitfa</i> , à Latratu, Catulus.	<i>Coda</i> , <i>Godt</i> , Deus.
<i>Begrÿft</i> , Fleuit.	<i>Dandan</i> , <i>Tand</i> , Dens.
<i>Bewaft</i> , Clausit: &	<i>Däre</i> , <i>Duere</i> , Ianua.

Dochtar,

*Dochtar, Tochter, Filia.**Drog, Bedroch, Mendacium.**Fadar, Vaeder, Pater.**Grift, Begrüpt, Tennit.**Garm, Gram, Ira.**Garph, Graph, Profundum,
transpositione litteræ, vt
sæpè.**Iock, Iock, Iugum.**Madar, Moeder, Mater.**Madah, Maechde, Femilla.*

Quid dicis? nōne germanitūs hęc Germana? nisi quis litem
in uocat, in *Madar, Cāl, Casti, Iock*: quæ & Latini possint vindicare.
At ijdem magis certò ex eādē Persicā,

*Chus, Sus.**Du, Duo.**Deleri, Deletio.**Lab, Labium.**Mast, Mustum.**Mucz, Mus.*

Sed & Italicas ibi voces vestigo. vt *Mesquine*, quod ijs *Pauperem*
notat: nōne est Italorum *Mesquinus*? Item *Maschargi*, Persicum,
quod *ludā & iocum*: nōne *Mascari* adsidet, ludionibus & personatis?
Mixturā vides: sed & in aliā gente. Apud Ægyptios *σώλας
πινάς πιλητάς* (verba Agatharcidæ) *περσαγορείοι κάσας*: *vestes quasdā
coactiles vocant Casas*. Acue in vltimā, habes nostrum *Casack*, dif-
ficili aliās originatione. *Balari* Corforum linguā, *Exsules* dicūtur
Pausaniæ: nostrā *Balling, & Ballarts*. Apud ipsos noui orbis Indos
similia. Illi *Pa-godi*, Idola dicunt: & Dei nomen agnoscis. *Guā-
iras, Flabella*, quibus in argentarijs excitant ignem: sunt nostri
Wayers. *Topos, Tegmen capitis*: à *Top*, quod verticem nobis sonat.
Iam *Lama, Ovis*: palām est *Lam*. Sicut & Latinis adsidet *Auro*,
Dies: etsi à significatione leuiter abit. & *Chonos*, Canis, vocali-
bus immutatis. Si longiūs eam, vbi non aliqua pariatio? vtrique
in Hebræis & Græcis multiplex: quod viri docti iam nuper of-
tenderunt. Idem in Latinis. neque negamus sexcenta esse, quæ
prorsus Germanissent: sed ancipiti, vt dixi, argumento ab ijs esse.

*Mah, Maen, Luna.**Na, Nee, Non.**Nām, Naem, Nomen.**Nambar, Naembaer, Nomi-
natus.**Nau, Neu, Nouus.**Neber, Neue, Nepos.**Nazdic, Nastich, Propinquus.**Nuh, Nun Gerin. Nouem.**Phristar, Vrüster, Ancilla.**Star, Sterne, Stella.**Nectar, Optima pars.**Parah, Pars.**Sag, Canis. quasi Sagax.**Tu, Tu, & Tuus.**Viua possit addi, Vidua.*

Imò contrà ego certiùs dixerim, quèdam à Latinis sumpta: cùm ij imperium in nostras has oras promouerent, & simul ad limites Germaniæ vtriusque. Quis abnuet, *Vinum*, *Oleum*, *Ficus*, & talia ab ijs ducta, cùm nec rem antè haberemus? Sed & aliæ voces manserunt, leuiter immutatae, truncatae, aut & totae. vt

Abies, <i>Abeel</i> .	Ebur, <i>Euoir</i> .
Ager, <i>Acker</i> .	Edo, <i>Ete</i> .
Altare, <i>Autar</i> .	Dama, <i>Dain</i> .
Angustia, <i>Angst</i> .	Facula, <i>Fackel</i> .
Armus, <i>Arm</i> .	Ferus, <i>Fier</i> .
Auena, <i>Euen</i> .	Flamma, <i>Vlam</i> .
Auris, <i>Oir</i> .	Floccus, <i>Vlock</i> .
Bacia (poculi genus) <i>Back</i> .	Fomes, <i>Vonck</i> .
Becario (idem) <i>Beker</i> .	Fullo, <i>Voller</i> .
Bestia, <i>Beest</i> .	Granum, <i>Graen</i> .
Boccola (item poculum) <i>Boc-</i>	Gramen, <i>Gras</i> .
<i>cael</i> , vt & Itali.	Grusum (purgamentũ in Glos-
Boia, <i>Boien</i> .	sis) <i>Gruys</i> .
Bos, <i>Os</i> .	Herus, <i>Heer</i> . nam istud nouel-
Calix, <i>Kelck</i> .	lum est, & olim <i>Druchtin</i> .
Capſa, <i>Casse</i> .	Hora, <i>Ure</i> , sine adſpiratione.
Caules, <i>Koolen</i> .	Longus, <i>Lang</i> .
Cellarium, <i>Keller</i> .	Linum, <i>Lijn</i> .
Ceres, <i>Coren</i> : mutatione E. in O.	Liſta (γράμμα Glossis) <i>Liſte</i> .
crebrâ, & C. priſco pronun-	Magiſter, <i>Meiſter</i> : etſi Græco
ciatu.	etiam adſonat, <i>μῆστρος</i> .
Cocus, <i>Cock</i> .	Mamma, <i>Memme</i> .
Colei (aurium tuarum veniâ)	Mantellum, <i>Mantel</i> .
<i>Col</i> , & <i>Cul</i> .	Mare, <i>Mer</i> .
Corona, <i>Croon</i> .	Mola, <i>Meule</i> .
Crabatus, <i>Crebbe</i> .	Moneta, <i>Munte</i> .
Crustum, transpositione <i>Curſt</i> .	Mus, <i>Muys</i> .
Culcita, <i>Culct</i> .	Mustum, <i>Moſt</i> .
Cutis (iterum veniâ) <i>Cut</i> : id est	Nebula, <i>Nœuel</i> .
pellicula illa turpis, nec fe-	Pellis, <i>Vell</i> .
riò nominanda.	Piſcis, <i>Viſch</i> .
Dirus, <i>Dier</i> , ipſa Fera.	Pix, <i>Peck</i> .

Planxæ (lati aslères) <i>Plancken</i> .	Tener, <i>Teer</i> .
Puteus, <i>Put</i> .	Vacillo, <i>VVachele</i> .
Raudus (rude & asperum)	Vallus, <i>VVall</i> .
<i>Ravv</i> .	Vannus, <i>VVandt</i> .
Remus, <i>Riem</i> .	Vellus, <i>Vellen</i> .
Rota, <i>Rat</i> .	Velum, <i>VViel</i> .
Sal, <i>Saltz</i> Germ. nobis <i>Saut</i> .	Ventus, <i>VVindt</i> .
Scribo (I longo) <i>Schrijue</i> .	Verres, <i>Beer</i> .
Sculpo, <i>Scelpe</i> .	Verum, <i>VVaer</i> .
Scylla, <i>Scol</i> .	Vermis, <i>VVorm</i> .
Semen, Germ. <i>Saemen</i> , nobis	Ver, <i>VVeer</i> paullò cōmunius.
<i>Saet</i> .	Vidua, <i>VVidue</i> .
Sicula (I longo) <i>Sijckel</i> .	Vietum, <i>VVeek</i> .
Sparus, <i>Speer</i> .	Vimen, <i>VVijmen</i> .
Stramen, <i>Stravv</i> , & <i>Stroo</i> .	Vinco, <i>VVinne</i> : In his plerisque
Speculum, <i>Spiegel</i> .	<i>V</i> . Consonante, transeunte
Spuuma, <i>Scuym</i> .	in nostrum Digamina.
Squama, <i>Squame</i> , vel <i>Squabbe</i> .	Virago, <i>Birague</i> , siue <i>Biregue</i> : de
Strundus, (in Glossis) <i>Strondt</i> .	fæminâ masculi animi cor-
Succus, <i>Soch</i> .	porisq̃ue.
Tabella, <i>Tafel</i> .	Volo, Germ. <i>VVolle</i> , nos <i>VVille</i> .
Tego, <i>Decken</i> : & <i>Tectû</i> , <i>Dack</i> .	Vulgus, <i>Volck</i> .

Plura etiam sunt, sed timidiùs adfirmanda. etsi cur timidè *Caput* originem faciam nostri *Cap*, deinde *Cop*? Nam truncare, peculiare nobis est: itemq̃ue Vocales illas alternare. Sic à *Cantharo*, *Kan* scindimus: à *Nomine*, *Naem*: ab *Oculo*, *Oc*, & *Oog*: à *Labio*, *Lep*, & *Lip*: à *Juniore*, *Jong*: à *Blenno*, *Blendt*: & quæ plura liceat, si libeat, adferre. Video & mutationes quasdam auribus nostris insolentes, sed, ita me Deus, vsurpatas. *Sol*, nobis *Son* est: *Mas*, *Man*: *Stella*, *Ster*: *Nox*, *Nacht*: *Lux*, *Lucht* Germanis, & tenuiùs *Liecht*: *Fruux*, *Urucht*. in quibus X. Latinum in *cht* mutatur, vt audis. Quid si *Cornu*, *Horn* esse dicam? *Porcum*, *Percken*, & deinde *Vercken*? *Anatem*, *Ent*? *Nepotem*, *Neue*? *Glebam*, *Kley*? & alia, in quibus alius se iactet. Sunt item occultè ducta, vt *Noen*, à *Noná*. Nam ita nos horam cibi vocamus, cur, nisi quia olim *Nona* legitima erat? Credam & à *Circo* *Kirck* nostrum esse: quia veterum templa, instar *Circi*, rotunda. quod tamen alijs à Græco *κυμαν* esse placet.

Boeck etiam vnde *Librū* dicimus, nisi quia è ligno, & fago, acere, buxo olim Pugillares? Prudētius: *Buxa crepant cerata*. In alijs linguis eadem. imò & verba rariora quædam aut antiqua apparent ibi rediuiua. Sicut *Petilum*, Gallis *Petit*: *Uisum*, *Vesie*: *Momar* pro stulto Siculis, quid abit à Gallorū & nostro verbo, in personatis: *Combinones*, sunt *Compaignons* Gallis: *Ebriacus*, est *Ebriaco* Itolorū: *Cloppus* pro claudo, eorundem *Cioppo*. Quid *Charoigne*, nōne *Charoniū* alludit? Sunt & noua aut ficta, vt *Canailte*: quod in *Analibus* alibi redditum legi, *Canile lignagium*. Sed conuicij hæc vox nata videtur à prisco more, de quo Otho Frisingensis De gestis Frider. libro II. cap. xxviii. *Vetus consuetudo pro lege apud Francos & Suenos inoleuit, vt si quis nobilis, ministerialis, vel colonus pro huiusmodi excessibus (prædæ aut incendij) reus inuentus fuerit, antequam morte puniatur, ad confusionis suæ ignominiam nobilis canem, ministerialis sellam, rusticus aratri rotam de Comitatu in proximum Comitatum gestare cogatur. Et addit: Hermannum Palatinum Comitem, cum decem complicibus suis, Canes per Teutonicum milliare portasse. Eadem Guntherus in Ligurino, libro v.*

*Quippe vetus mos est, vti si quis rege remoto,
Sanguine, vel flammâ, vel seditionis apertæ
Turbine, seu crebris regnum vexare rapinis
Audeat, antè grauem quàm fuso sanguine pœnam
Excipiat, si liber erit, de more vetusto
Impositum scapulis ad contigui Comitatus
Cogatur per rura canem confinia ferre.*

Sed & in aliâ causâ & culpâ, ignominia gratiâ sic tulerunt: quod in Dodechino & alibi leges. Iam verò & Gallorum *Garzons*, manifestò sunt *Garriones* Latinis, à garritu: sed I. mediâ in consonantem fortiùs translata. In Cedreno legas: *Constantinopoli conflagrasse incendio τὸ μέγαλον τῆς μεγάλης ἐκκλησίας, τὸ λεγόμενον Γαρσωνας δόιον: mediam Aulam templi magni, quæ Garsonastium dicitur. In* margine scripti libri notatū: *Γαρσωνας δόιον, ἐμὸι δοκεῖ παιδὸς δόιον. Γαρσώνιον γὰρ ὡς καὶ λατίνους τὸ παιδίον: Garsonastium, mihi videtur esse Puerorum statio. Garsounium enim Latinis, est Puer. Optimè ille. & nescio an huc faciat Luitprandi Ticinensis scriptio: Obtuli mancipia quattuor Carsamatia, Imperatori nominatis omnibus gratiosiora. Carsamatium autem Græci vocant, amputatis virilibus & virgâ puerum Eunucho.*

Eunuchum. Imò huc facit, & Græci illi inferiores leuiter corrupe-
runt. Atqui & voces sunt, in certis finibus aut limite natæ, quæ
mox diffunduntur. Sic nobis *Cöker* pro thecâ sagittariâ aut aliâ,
ad nouellos Græcos abiit, quibus est *κέρκερ*. Sic *Ruter*, Eques.
non hercules à Græco *ῥῦς*, quasi *ῥύτωρ*, *Protector*, vt ingeniosè ex-
cogitant: sed à *Rutá* siue Turinâ militari. Guilielmus Neubrigen-
sis: Rex, inquit, *per stipendiariam militiam, quam Rutas vocant, ex-*
pugnato Jfonduno. Nos *Rottas* etiam nunc appellamus: & fuerunt
propriæ sanè Brabantis. Idem scriptor: *Rex stipendiarias Bribantio-*
num copias, quas Rutas vocant, accersuit. Vides nos *Brabantos* intel-
legi: nec sine gloriâ: quòd etiam à regibus euocaremur, ad stabi-
liendam eorum fortunam. Robertus de Monte eosdem intelle-
git, in anno Dominico ∞. C. LXXIIII. *Quod audiens rex* (Hen-
ricus Angliæ) *misit Brebenfones suos, & quosdam de militibus suis*
ad eorum auxilium. Itaque robur & militia nostra à tot sæculis cele-
bris: non etiam innocentia & abstinencia: & damnati in Con-
cilio Lateranensi, Alexandro Pontifice, anno ∞. C. LXXVII. sæ-
uitiæ nomine sumus. Canon Concilij: *De Brebantionibus, & Ar-*
ragonensibus, & Nauarris, Basculis & Coterellis, qui tantâ in Christia-
nos inhumanitatem exercent, vt nec monasterijs deferant, nec viduis aut pu-
illis, nò pueris aut senibus, nò cuilibet parcant ætati aut sexui, sed more
paganorum omnia perdant & vastent, similiter constituimus, vt ipsi qui
eos conduxerint, vel tenuerint, vel fouerint, excommunicati publicè
denuncientur. Nos, inquam, illi sumus, etsi variè, & pronunciatu
ferè Gallico, scripti. propiùs ad hodiernum sonum poëta, qui bel-
lum Philippi Regis Francorum contra Othonem Imper. scripsit:

Territat inprimis nostros comes isti Louanl
Henricus, socer & miles nunc factus Othonis,
Innumeris cum Brachbantis, quo senior alter
Vix vsquam est populus bello, aut assuetior armis.

At *Bragantes* diuersi sunt. qui alibi, & in M. Alberto Argenti-
nensi sic nominantur: *Turicenses cum quattuor millibus peditum ar-*
matorum, duobus millibus Bragantum, & ducentis equitibus armatis
egressi. Videntur pedites fuisse, sed leues aut inermes: & inde *Bri-*
gantes etiam hodie in conuicio aut contemptu. Alioqui vox à ve-
teri nomenclaturâ nostrâ non dissidet: quia regio hæc *Brachanto*
dicta, vel *Brachmento*. In veteri scripto, de partibus Caroli regis,

quas contra Ludouicum fratrem (vterque Ludouici pij filius erat) accepit: *In Brachanto Comitatus quattuor, Cameracensium, Hanni- uum, Lomensium. In Hasbanio Comitatus IIII. Agnoscis Brachan- tum, nobis Brabantum: sed aliter eodem etiam æuo scriptum, in Diuisione ipsâ Ludouici Imp. ante mortem factâ: Ad Baiu- riam, totam Toringiam, Riburias, Aloarias, Saxonia, Frisia, Ardenna, Asbania, Bragmento, Franderes, Menpiflon, & quæ sequuntur. Vbi & Frandere, siue nunc Flandria nostræ, vetustissimam puto esse mentionem. Sed exclamabis meritò mi Schotti,*

Quò tantum mihi dexter abis? huc dirige gressum.

In viam & lineam redeo, à quâ patriæ amor (sit venia) me abdu- xit. Satis igitur docui, & ante me alij, miscellas inter se linguas esse: nec firmum id telum, quo de Primatu pugnent. Et si pariationes, aut originationes, quas Becanus adfert, quis sæpè sine indigna- tiunculâ aut risu legat? vix hoc Heracletus, si viuat, aut Lucillia- nus ille Crassus. At argumentū eius alterum, Antiquissima, quæ simplicissima: talis est lingua nostra: ergo & prius. Quòd simpli- cissima, ex eo paret, quia tota ferè monosyllaba: & verum est exa- minanti. Quid tum autem? antiquissima? negatur. Si in rerum naturâ & geniturâ manes, fateor, simplicia præire: non idem in sermone, si cum altero comparetur. Neque enim iste talis & talis à naturâ est, sed ab instituto, arte, casu. Et tamen positioni si ad- nuam, nec sic obtinebit. Nam Sineneses ecce plerasque voces ho- die vnissyllabas habent, easque variæ significationis (ita ex ijs lo- cis scribunt) nec nisi accentu aut tono, in pronunciando discer- nendas. Itaque ij de palmâ certent. Sed desino lusum: verè talem, nec alio fine aut fructu scripsi. Delectant, fateor, & inuentæ ori- ginationes specie acuminis capiunt & detinent: sed non me ni- mis. Ad meliora & grauiora eamus: tu ad rempublicam tuam mi Schotti, cui valentem & diuturnum te, eius bono, tuæ gloriæ, opto: Louanij, x i v. Kal. Ianuar. ∞. IO. XCIX.

EPISTOLA XLV.

Antuerpiam.

IOANNI MORETO, Typographo S. D.

VARIE in litteris tuis, vir amicissime, sum gauisus. Primùm de filiâ, quam nuptui tradis Theodoro Gallæo Philippi F. quod

F. quod precor Deum felix faustumque ipsis esse, tibi & tuis lætum. Et verò fallor, aut nunc & postea etiam erit. Ingenium & mores sponsi valde placent, cuius modestiam (semper mihi originem & matrem virtutum) & industriam partim coram vidi, partim aliorum testimonijs cognoui. Et tu nostin' Dionysium Villerium, Tornaci Canonicum? insignem virum, & idoneum vel testem, vel iudicem: is futurum hunc tuum mirificè prædicare solitus, à consuetudine imò contubernio notum. Itaque cœpta inijci vincla porrò nectite, & adstringite inabrupto illo nodo. Iterum voueo, felix lætumque esto. Sanè vides Deum inter curas gaudia etiam diuidere, & melle temperare vitæ hoc Falernum. Nam & de filio Melchiore, qui ad sacrum genus vitæ se dedit: scio volupe tibi & amicis fuisse: & confide, ex alijs hæc te manēt. Quòd siquid etiam interdum quod vellicet aut pungat: nempe scito vitam hanc vt rosarium esse. flores spinis suis intermixtos: sed illos carpandos, has vitandas aut seponendas esse, quantum homini datur. Quidni autem detur? ratio & sapientia est, quâ in hæc armemur: cuius caput, scire conditionem & legem quæ venientibus in hanc vitam est dicta. Quæ? similis ipsi aëri, quem ducimus, & in quo versamur: vt modò sudum, modò vduum sit, tempestas, serenitas, & gaudijs præuiæ aut sequaces curæ. Tu & ego cogitemus in Morete: magno taliū magistro docti, Plantino nostro. cuius viri inter alias virtutes, singularis fuit illa constantia,

— tranquillaque magni

Vis animi, nulloque levis terrore moueri.

Præceptis hæc alij iactent, ille exemplis. Sed quò eò? à nuptijs ad curas, à gaudijs ad patientiam: nec ineptè. nam & illis hæc interueniēt (mone tuos) & genus id vitæ largiter admittit. Quò etiam eo? ad nos, inquis, & inuitas. Vellē hercules aut ego aut vxor possemus, & præsentia testari affectum. Non datur. scis domi octo conuictores mihi esse, id est custodes siue milites? Nam illi profectò tenent, nec commodo meo aut suo patiuntur abesse. Ergo animum accipe: ego illa hortensia munuscula, quæ tibi & Spiringio adfini tuo simul inscribam. Crescunt mihi hortenses istæ opes, non valde illæ ab Indiâ: quid tum, si acquiesco?

*Cui non conueniet sua res, ut calceus olim,
Si pede maior erit, subuertet; si minor, uret.*

An

An non ego te multiloquio? nescio quomodo nunc iuuat, ab-
rumpo, & vale. Louanij, xi. Kal. Sextil. ∞. Id. xcviii.

EPISTOLA XLVI. *Mechliniam.*

NICOLAO OVDARTO suo S. D.

CARMEN tuum super discessu meo & placuit, & verè dicam
etiam mouit. Durum est auelli à talibus amicis vel in breue
tempus; durius, & morti esset, si in longum. Etsi istud tu times,
& multi vaticinantur, imò magnates etiam nostri in Aulâ: sed
ego tibi assero & Fidem ipsam testor, aut redibo ad vos, aut mors
aut vincula me ligabunt. Blanditiæ, promissâ, præmia, Lipsium
semel noueris, nihil in hoc animo possunt. Animo, destinato in
patriâ viuere, in patriâ mori; vtinam tranquillâ aut securâ saltem,
& quæ Iscanum meum mihi interdum non inuideret. O quàm
suaue, te aut Hartium in libero illo aëre & loco habere! agellos,
prata, siluulas, fontes nostros visere! canulam sermonibus, dein-
de & iocis distinguere! Languedo, cùm cogito hoc eripi, & vix
spem esse nobis reddi: nisi Deus & Reges aliquid fecerint aut
facient ex occulto. Sed heus, de itinere audi hoc etiam. rumor
obscurus spargi incipit de morbo in vrbe Româ: qui si verus, aut
tollimus iter, aut certè protollimus in tempus Veris. Sed tu inter-
eâ quando ad nos? credo Breugelium Consiliarium hâc futurum
intra septimanas paucas, velle te cum Hartio nostro vnâ. & in
tempore aduocabo, ac scribam. Vale mi optime, mi fidissime
Oudarte. Louanij, iiii. Nonas Iul. ∞. Id. xcix.

EPISTOLA XLVII. *Antuerpiam.*

ÆGIDIO SCHÖNDONCHO Sacerd. è Societate Iesu S. D.

* animi
inordacem
sermonem.

* medita-
tionem
mortis.

ACCEPI primum tuum, sed herculè tristem & verè * *Συμμά-
λμα μῦθον*. Itane subito nobis Liuiueius noster? ille, vt mihi
videbatur, fortis, & nec annis grauis? Nescio quod meum fatum
est, qui in triluistri pænè morbo supersum tamen omnibus vete-
ribus amicis. Bonâ fide, pauculi ex ijs superant, & vides me
Priamum aliquem esse. His exemplis an non inciter ego, alijsque
ad veram Philolophiam, id est, * *μελέτην τῆς ἀληθείας*? Ita enim, & re-
ctè, de-

Etè, definierunt : qui non facit,

** Ἀφ' ὧν δὴ καί τις γε, καὶ ὑπὸ τῶν πάλαι ἀνθρώπων.*

At, ô mi Schondonche, quàm me inter ipsa illa tristitia lætificauit tamen, & suauiter titillauit tuus amor? Rem dico. notus ille quidem mihi antea; sed nunc denique scripto, & chirographo consignatus. Quæso te, deinceps mihi facito affectu non minore; sed restrictiore iudicio : cui frænum à ratione da, nec sic admitte in meas laudes. Ego, ego me noui, ipsum interiorem Lipsium, quantus est : &, iuro tibi non esse ad modulum, quem formas. Sed tamen habe, si voles:

** Is demè, & nec se- missis ho- minibus misit.*

** — Τίς ἂν φιλέοντι μάχοιτο;*

neque enim ipsum illud iudicium aliud, quàm aut Amor, aut proles eius est. Ego hunc in te habeo, habebo : quid ni tanto beneficio affectus? Neque enim sileo, & cordi huic carum fuit, Votatua in COTTIDIANO AVGVSTO SACRIFICIO pro meâ salute interponi. O sic perseuera. & de corpore parùm est, quod mihi videbatur paullatim ** τῆμεσθαι*: sed pro animo isto interpone, id est, æterno, apud Æternum. Vale, mi R^{de} Pater, quem animi brachiis amplector, & vnâ P. Scribanium Rectorem. Louanij, x. Kal. Feb. ∞. Io. XCIX.

** nã quis sic pugnet amanti?*

** tabescere.*

EPISTOLA XLVIII. *Antuerpian.*

HENRICO VVVENO I^{to} S. D.

PECCAREM, & ipse me non accusarem sed damnarem, si te consilij expertem haberem, quod res meas & ipsum adeò me tangit. Noui animum & curam mei: ideoque iure ad te hoc deferro, non vt consilium tamen, sed vt assensum petam. Vides ex hoc ipso, quàm decreuerim. & ita est: res eò venit, vt bonis votis prosequi iter meum amici debeant, non monitis aut cautionibus morari. Vt verbo dicam, addixi Principibus viris me in Italiam venturum: nec ea fides aut promissio, non dicam eleuari, sed tardari debet. Cur fecisti? inquires. Multa inuitabant, ipsi illi primores viri, & nimis in me amici; sed religio maximè, quæ à Bonifacio VIII. recepta, culpas omnes in illo anno sacro & Lustrali expiandi, qui nunc instat. Ad hunc vocabar: cur recusarem, quod vltro appetere debebam? Non ad lectiones aut mu-

nera publica inus, sed ad pietatis munia. nemo me reuocet, qui illam amat. Valetudo etiam mea si cui curæ est, eodem vocat: & spero planè per hanc locorum, hominum, consuetudinis mutationem, aliquid mitigatum iri perpetem illum languorem nostrum, si non sublatum. Quod suspicetur aliquis de emansione: testor Deum nihil esse, nec illos petere, aut me agitare. & cur facerem obliquâ hâc & improbâ viâ, qui potui rectâ & apertâ? Scis vocationes meas plures in eum tractum: semper spreui, & animum ac pedem in patriâ meâ fixi. Eadem nunc mihi mens. sed peregrinari lubet, & ignauiam aut veternum motu aliquo discutere, quod corpus & ingenium hoc habet. Dic tu sodes, triginta iam annos ampliùs aut docui assiduè, aut scripsi: & pauci menses non dabuntur ad requiem aliquam, & leuamentum? Ipse Sisyphus in fabulis, qui perpetui laboris damnatus, suspendit tamen Orpheo cantante suum saxum: liceat mihi paullisper calamus & linguam, ad præconium & carmen hoc sacrorum. Pontifex nos vocat, ad sacra *non visa, non visenda*: ego eo, qui liber & sine familiari onere sum, solâ vxore non volente fortassè, sed nec renitente. Habes consilij mei summam: sed quando in rem dandi? Iam sub Autumnum instantem, & September initium viæ mihi erit. Lubet enim paullò citiùs, vt hieme & frigore potiùs, quàm vt in æstu veniam: denique vt Vere proximo etiam reuertar. Emansio enim mea tota quinque aut sex mensium erit: si Deus tamen volet, id est si Italia aut Roma sepulchrum mihi non erit. Parce malè ominari, inquires. Nihil mali est, mors hîc & ibi imminet: nec mihi triste, apud amatam meam Romam vel cadere, vel condi. Sed spero patria iterùm me videbit, vtinam lætum ipsa læto vultu, & tristitia ac squallor hic bellorum abierint, quæ nunc eam sædant! Tu salue mi Vvvene, ante abitum etiam vidende: & hæc, si commodum est, cum Robiano nostro participa, cui volo scripta. Eidem ex animo salutem. Louanij, XIII. Kal. Maiias. ∞. IO. XCIX.

EPISTOLA XLIX.

*Antuerpiam.*AVBERTO MIRAEO, *Canonico.*

QUOD dicis, ita erat. distinebar sanè Bruxellæ, aut potiùs distrahebar, & amicorum beniuolentia me nec mihi permittebat. Ferendum fuit, & vides quàm optata etiam bona sæpè nocent. Quid amicitia melius? si in plures nimis diffusa, turbat, & quod vtilissimum in vitâ est Tempus, eripit aut partitur. Simile in famâ. quam bonam omnes boni volumus: si creuit, & latè se sparfit, pondus vt tueare adfert, & illi non tibi tantùm viuis. O quàm omnia modica optima! & mihi semper id votum & studium etiam fuit, litus legere, vela in altum non dare: & tamen aura aliqua blandiens aut insidians sæpè prouexit. Vereor vt in Italico itinere simile. ad quod amici & magnates illi viri benignè & acriter sæpè prouocant: sed mihi quis fructus, nisi distractio fortassè, erit? Ego tamen constitui, & sponendi: etsi valetudo mea indies tenuior tardat, & ancipitem interdum animi facit. Deum inuoco, vt immittat quod è re & salute nostrâ erit. Quod ad te mi Miræ, gaudeo Antuerpiæ iam esse, honesto loco, inter honestissimos optimosque viros, & florem (ita res est) in eo opido Belgarum. Nec enim ipsum solum eminet elegantia aut splendore, sed & ciues atque incolæ, nescio quo genio, ad bona & honesta eximiè inclinati. Me quidem versari cum iis & iuuat semper, & iuuat: nec locus est vbi animus hic magis se explicet, & lætius libentiusque diffundat. Itaque benè & ex meo voto, te illuc esse: quod addis de studiis & exercitatione tuâ quam paras, valdè approbo, & toto animo illuc hortor. Ad conciones inquam. quò & pietas ac tua professio vocat, imò & me iudice ipsa Natura: quæ suauiter & grauitè dedit eloqui, nec sine motu auditorum. Delectabis, excitabis, inflammabis: vt specimen ego in te hîc vidi. Quid autem aliis gratius, tibi honestius potes facere? ipsa ianua est ad famam & gratiam: etsi ea finem non habes, scio, sed ad salutem aliorum hæc quoque accedent. Rogas, quos legere ad hanc rem suadeam. Egône? extra meum campum, & velut oleas, me ducis: tamen liberè, & quia inspexi etiam sacrorum illos auctores, dicam. Mihi inter omnes Græcos placeat Chrysostomus lectus: qui copiam, varietatem, figuras &

flexus sermonis dabit ; denique & ornamentum grande, & quod plausus mouet, similitudines atque imagines, quibus scatet. Inter Latinos, Bernardus me capit. & vsum habet excitandi, ob acrimoniam vbique & calorem ; tum etiam docendi atque imprimendi, ob sententiarum acumen, quas crebrò & salubriter miscet. Sed hæc alij tibi meliùs, aut certius: vnum tamen perpetuum iudicium meum te non celo, quod est, vt mores in concionibus spectes & formas, potiùs quàm dissertatiunculas aut altiore doctrinam. Mihi crede, hoc expedit, i mò verò necessarium est, si vmquam, in confuso & vitioso hoc æuo. De religione satis multi loquuntur, pauci vitâ exprimunt, & mores à professione discordant. Ille vir est, ille Deo plenus, qui formabit & corriget: nec Ecclesiæ solùm, sed Reip. optabilem operam nauabit. Deus tibi det velle, & posse, & me amare. Louanij, prid. Nonas Iulias. ∞. IO. XCIX.

EPISTOLA L. *Antuerpiam.*

ANDREAE SCHOTTO, *Presb. Soc. Iesu S.D.*

DE fratris tui filio quod repetis mi Schotte, id verò mihi curæ cordique est, & erit. Quòd ad nos appropere, nihil adhuc opus est: quia non ante medium Septembrem aut circiter, ituri sumus, si tamen ituri. Dubitas? inquires. Dubium me facit tum morbus, qui in Italiæ finibus acriter incipit grassari, tum & mea valetudo tristior tenuiorque facta, vt à vobis discessi. Calidè aut temerè aliquid facere, ratio me vetet, etsi animus valdè impellit. Itaq; videbimus, & pro re ac tempore consilium capiemus. *Itinerarium* tuum ad finem spectare gaudeo: de SENECA patre autem quid amplius, præter dicta, dicam? Edi aut tua, aut ipsum cum tuis approbo: sed vt ego aliquid nunc conferam, vix est in meâ manu. Languor me habet, & harum rerum tædium, nec ad studia aut cogitationes istas adsurgo: ac ne debeo quidem. Libellos tuos remitto. Saluto amanter P. Rectorem, & P. Schondonchum, semper meos. Certè viros amo & colo. Louanij, postrid. Idus Iul. ∞. IO. XCIX.

EPISTOLA LI.

*Antuerpiam,*IO. BAPTISTAE PEREZIO BARONIO *suo S. D.*

TE quoque, ut video, in parte perculit hæc itineris nostri dilatio, an omissio dicam? Sed causas tamen iustas vides: siue illas publicas, siue hanc priuatam Valetudinem, & quæ me tangit. Fateri debeo, animo me validiorem quàm corpore esse, atque illum agitare & concipere, quæ suscipere atque exsequi negat istud. Meâ quidem causâ nihil moueri in totâ re decet: quid enim non visum (homines aliquot excipio) videndum mihi? sed vestrâ voluisssem, quibus dux & quasi mystagogus esse potuisssem ad penetralia Italorum. Nunc cum Deo aliter visum, & velle, non posse, mihi detur: quid nisi tam suauiter acquiescam, quàm si numquam ea cogitatio animum occupasset? Mi Baroni, hæc summa vel vna potius sapientia, Deo & fati obsequi; & infixum habere animo, ab illis dirigi, atque etiam perfici, molimina omnia nostra. Adspirat ille ab alto ventus? vela pando & nauigo: ponit aut se vertit? contraho eadem, & sisto aut flecto. Vitæ longum iter (ita esto) tibi restat: sed semper incertum, turbidum, nisi semel decreta tua ad æternum illud decretum ligas & aptas. Quod vult, velimus; quò ducit, eamus: & nisi facinus, trahendi nihilominus aut impellendi. Sed satis philosophiæ: de ipsâ re, vereor ut multæ mihi etiam à Romanis machinæ & concussionibus. iam recenter vna, à peritâ & forti Baronij Cardinalis manu directâ. Inuitat valdè benignè, & hoc vrget ut veniam ad sacra loca & annum, vel in alienum exemplum. Si ætas esset aut vires pro animo; res facta erat, neque deliberandi aut cunctandi locus. Cum me intueor, collabasco: & maximè, quia experimentum iam mei aliquoties feci. Sicut Iunonia auis, ubi colorem & plumas circumspexit, sibi placet & fidit; deiicitur, cum ad pedes se deiecit: tale est mihi, animo valeo & præfido, languesco cum ad exteriorem hominem me conuertri. De fratre quæ scribis, grata sunt; & ut solet in præteritis malis, suaue est passum esse. At Hispaniæ etiam illam partem, sanè florentissimam, luentari, hætenus nobis inauditum erat. Quid parat ille mundi rector? Europam bellis, morbis, & omni aliâ medicinâ purgare & curare? De curatione, ô ita esto: purgationum iamdiu affatim,

vt nostra quidem iudicia sunt & vota. Sed ille, quod voler, faciet: te, mi Baroni, tuosque seruabit. Ad patrem scripsi: auo tuo, & adfini Marco Ant. Perezio, item Rokoxio salutem multam per te dico. Louanij, III. Kal. Sextil. ∞ .IO. XCIX.

EPISTOLA LII.

*Leodicum.*IO. CHOKIERO I^{to} S. D.

EGO & reditum è Galliâ tibi gratulor, & de constantiâ affectus tui in me non nego etiam gaudere. Gratum & volupe est, eos qui in curâ aut disciplinâ nostrâ fuerunt, habere beneficij memoriam: quod nimis facilè hæc iuuentus aut elabi patitur, aut ipsa abiicit & fastidit. At qui meliore mente & indole ad virtutem sunt, ij verò aliter: & gratiam præceptoribus suis animo debent, atque hoc ipso habent referuntque. Quid enim præter eam volumus? & hoc quoque, vt scalarum hos gradus ad Sapientiæ collem magis magisque scandatis, donec ad verticem illum veniatis, in quo lux & tranquillitas est, & despectus simul & despectus rerum terrenarum. Te iam promouisse, & pænè peruenisse, spero mi Chokieri. quem Gallia illa, bona ingeniorum altrix, aliquamdiu habuit, & in maturiore ætate tuâ ad iuris & ciuiliū rerum prudentiam formauit. Vidisti insignes viros, scio: sed & desiderasti insignes, quos vltima hæc tempestas belli abstulit, & eminentibus aliquot titulis Galliam priuauit. Nisi quòd viuunt etiam nunc tamen in animis & in scriptis: & detractâ inuidiâ, solâ laude noscuntur. Ad eorum exempla te voco, ad mei amorem hortor: quem scito met tibi reponere, & paria facere ac facturum in affectu. Louanij, pridie Idus Septembr. ipsâ horâ quâ tuas accepi. ∞ .IO. XCIX.

EPISTOLA LIII.

Antuerpiam.

ANDR. SCHOTTO S. D.

ECCE, mi Pater, quod Velfero non ipse, sed pro me ego respondendi. Etsi quid opus causas quærere? vtinam ne vna, vna nimis obuia, nimis certa, nimis fontica esset, valetudo. Quam si quis in leui habet aut spernit; eum cur mihi audiendum putem, non

non video. Cur igitur suscepisti? quia spes impellebat, quia pietas inuitabat: & ista manet, illa defecit. dum leuibus peregrinationunculis periculum mei feci, & video non esse ad quadrantem, aut si minus dicam, longæ illius viæ. Hæc serîo ita habent. Quid causa altera, & emanendi metus? Sepone, inquis: nemo inuitum. Hoc scio: sed parum reniti me, & sequacem naturâ esse, hoc quoque scio. Ad summam, mutare melius, quàm periclitari: si quis de inconstantiâ obiicit, in tali re non moueor. haud magis quàm si Bruxellam ire constituisssem, & omisisssem. Cuique sua iudicia, mihi in me mea: & Homerus communiter hoc prætendat,

* ——— σρεπταὶ γὰρ τε φρένες ἐοδῶν.

* hominū
mētēs mē-
tarier ap-
ta.

Satis de itinere. De SENECAE Notis, benè est: & scis iamdiu meum sensum. Ego in Philosophum paro *Commentarium perpetuum*, & iam in parte affeci. Sed ratio diuersa erit à priori meo genere, in quo plus aliquid ambitus, aut pompæ; hîc rei non minus, plus breuitatis, & simplicitatis. Videbis & censebis. *Bargæum De obeliscis* si non misî, vbi seposuerim, nescio. Perisse non potest, & excutiam scrinia omnia in otio primo. Quæso, sustenta. Pantinus rediit, libellos aliquot, & litteras à Couarruuiâ ad me tulit: sed libellos tamen nondum misit. Bruxellam autè ego non vidi, & quamquam Principum meorum reuerens & cupiens, tamen sine officij fraude censui vnum caput in tot millenis posse abesse. Domus, quies, SENECA me habuerunt. Vale mi Pater, & R. R. PP. Rectori & Schondoncho S. multam dicito. Louanij, Idibus Septemb. ∞. IO. XCIX.

EPISTOLA LIIII.

Antuerpiam.

NICOLAO ROKOXIO, V. N. & Senatori.

BARONIVS noster tuo nomine munus libri mihi obtulit, in quo collectæ Romanæ aliquot Antiquitates. Negem mihi gratum fuisse? mentiar. delector & re ipsâ, quæ iamdiu animum hunc cepit: & tuâ beniuolentiâ, quam hoc quoque indicio ostendis. Enimuerò sperabam, & iam decreueram, oculis istis visa illa olim monumenta reuifere: vtilius haud dubiè atq; etiam iucundius, quo maior mihi nunc aliquis eorum intellectus: sed
Deum

Deum & Fata noluisse palàm video, quæ sub idipsum tempus imbecilliorẽ solito me fecerunt, & nec nunc ad vires pristinas resurrexi. Itaque sepono vel nolens hanc cogitationem: in patriâ meâ acquiescam, & beniuolentiâ vestri similiũ: addam & studiorum illud oblectamentum, numquam omissum mihi, & nũc cum metæ appropinquare me video, acrius in seuerioribus libris amplectendum. In iis SENECAM elegi, breui à me dandum, si Deus adiuuet, clariorem & meliorem. Vale Vir Nobilis & Cl^{me}, & in affectu erga me, qui mutuũ facio, perseuera. Louanij, VII. Kal. Nouemb. ∞. IO. XCIX. D. Perezium saluto.

EPISTOLA LV.

Montes.

FRANCISCO BVSSERETO, *Episcopo Namurcensi designato.*

ET priuata & publica mihi ratio est, gratulandi hunc honorem, quem non tam Principes, quàm Deus, meo sensu, videtur tibi contulisse. Priuatim quidem gaudere me in honore eius, quem amicum mihi sensi, par est: & publicâ patriæ causâ magis, cui subsidia ista opus talium virorum, & in concusso hoc rerum statu velut noua munimenta. Vt cælo sereno, & mari quieto, minor cura aut inquisitio de gubernatore est: quiuis pænè sufficit: at turbido hoc & illo, virum nauis quærit, veterem clauis & peritum: sic nunc dixerim, in procellis nimbisque quibus religio pariter & respublica iactantur, magni interesse quem in curam tutelamque eius arcessi videamus. Videmus te, & boni omnes gaudemus: qui præter scientiam, vsum rerum tractandarum adfers. & quod caput est, puram illam & cum candore virtutem. Hoc qui te norunt, de te loquuntur & sentiunt; hoc vulgi voces, & illa

—— *sollers deprendere semper Fama duces.*

Cui parem, imò superiorem te fore, & auguror, & opto, & intimis animi vocibus Deum precor. qui te Reu^{me} Dòmine, tui similem seruet: in quo voto alia, & epistolam ipsam claudò. Louanij, III. Kal. xbres. ∞. IO. XCIX.

Guilielmus VVargnerius, olim meus, nunc Sacerdos & Canonicus in æde D. Petri, gaudium suum per me profert, & obsequium offert.

EPI-

EPISTOLA LVI.

AD CONTYBERNALES SVOS,

*Franciscum Oranum.**Cornelium Anchemantum.**Io. Baptistam Perezium Baronium.**Ioannem VVouerium.**Guilielmum Richardotum.**Balduinum Iunium.**Antonium Richardotum.**Philippum Rubenium.**Guilielmum Scarbergerum.**Hubertum Audeiantium.*

Vos verò mihi de Equis etiam molesti estis; quid? ut aliam equum, voluptati & valetudini: quid? ut exemplo canum, etiam laudem. Itane grati? & hoc scriptione meâ nuper merui, ut à negotio ad negotium vocer? Tamen durum negare vobis ita cupidis: saltem hoc alterum. nam illud prius, arcæ non chartæ res est: & hanc potius impleam, quàm vacuefaciam illam. Ergo iterùm ad ludos, & verè Circum: in quo Græco Romanoq. ritu equi nostri currant. Quid de ijs dicimus? semper in vsu & pretio fuisse: nec aliud animal, ex quo homini plus vsionis aut commodorum. Canis venatur, amat, propugnat: hæc ipsa omnia Equus. & quid prætereà? terram arat, plaustra trahit, hominem vehit, nuncios & litteras defert, cursus & ludos exhibet: atque ista & plura in pace. At cùm Mars tubam insonuit, caput & aures erigit, terram pedibus pulsât, & in militiam vltro nomen suum donat. Illic armatum virum ipse armatus in aciem defert: eam impetu perumpit; aduersos pectore, capite, pedibus sternit; ore lancinat & mordet. Enimuerò Mamalucorum nuper in Ægypto equos sic doctos tradunt, & velut fida quædam auxilia commilitasse. Sed & Plinio scriptû, armigeri aut satellitis munus aliquândo subisse, & tela ore porrexisse ac suffecisse. Iam summa utilitas, in ipsâ fugâ. Illi persequuntur, & assequuntur, imò præueniunt: sistunt, cingunt: & absq. ijs, quis summam manum & optatû finem bello imponat? Iure igitur hoc animal Marti sacrum, & ei Romæ & in Oriente passim, grata victima, immolatum. Ista vniuersè: magis partitè etiam de Ingenio, & Fide videamus, & Pietate. Ingenium eorum, pænè ad hominis. audeo hoc dicere? mecum vetustas, quæ adeò adsidere nostræ naturæ voluit, ut etiam iungi posse & misceri. Centauros nōne illi formarunt ex

K K

equo

equo infero, & supero homine? Itaque docilitas eorum mira, & ingenia, ut Plinius loquitur, *inenarrabilia*. Frænum ore, equitem dorso suscipere, stare, vertere, minuere, augere gradus, ad leue fræni signum. Quid fræni? imò vocis, aut virgæ. De Numidis, certum est, etiam in militiâ equis insedissee & pugnasse sine fræno. Atquin bonus & terribilis, atque adeò pænè exitiosus Romanis, iste equitatus. Claudianus de ijs:

— *sonipes ignarus habenæ:*

Virga regit. Silius:

— *Numidæ, gens inscia fræni,*

Quæis inter geminas, per ludum mobilis, aures

Quadrupedem flectit, non cedens virga lupatis.

Idem Herodianus, idem Strabo tradiderunt: ne poëtarum hæc censeatis. Iam verò & inclinare se adscensuro docentur: imò submittere & velut adorare. Dio Cassius auctor, Traiano, cum in fines Parthorum venisset, oblatum à Satrapis equum, doctum venerari hominem, & ritu adorantis, flectere anteriora genua, capite ad pedes antestantis submisso. Quid, quòd gesticulari, saltare, conuiuari, & decumbere, Pyrrhicas edere, & quæ ipsi homines agrè expriment, in theatris olim sunt visi? Plutarcho morosè hoc accredat aliquis: sed quis non Iulio Cæsari Scaligero, nouello & oculato testi? *Equum pusillum*, inquit, *deformem circumducebat agyrta quidam; cuius iussu, atque etiam solo interdum nutu, mira ille faceret. Ambulare, succussim properare, currere, saltare vel quadrupes, vel bipes. Vinum bibere*, inquit, *vidimus, in clumibus sedentem anteriores pedes ad pateram ferre. Peluim siue malluium cruribus sustinere, quasi à tonsore lauaretur. Humo se sternere, proiectum atque etiam porrectum iacere: ciliorum compressione annuere, caput ad heri nutum tollere, in terga vertere: supinus ostendere, quo situ mulier virum admittat.* Ridere vos video: audite & historiolum cum risu pariter, sed & tristitiâ mixtâ. Sybaritæ olim delicijs & luxu perdit, vel pro uerbio locum fecere. Inter alia, isti equos ad suefaciebant in conuiuium venire, saltare ad tibiam, pedes anteriores tollere, ijsque vice manuum gestus certos edere, velut peritos quosdam cheironomontas. Fors fuit, ut tibicen quispiam, contumeliâ affectus, ab eâ vrbe profugeret ad Crotoniatis, eorum tunc hostes. Defert ingenium & operam, effecturum se ut potiantur Sybaritarum,

tarum, si audire & sequi se velint. Factum est, copias colligunt, in hostem eunt, tibicine illo duce; qui plures eiusdem artificij apud se habebat. Contrà Sybaritæ exeunt, fiducia & fastu pleni, quòd equitatu satis præpollerent. Vicinæ iam acies, & ducis illius iussu vniuersi tibicines certis modulis conspirant: equi Sybaritarum ijs agnitis sese erigere, fessores excutere, & sollenne domi tripudium etiam in acie exhibere. Hostes vi ingruunt, capiunt equites iacentes, & iuxta equos saltantes. Hoc olim: sed & ingenia sua in Circo probarunt, populo Romano spectante. Claudij Cæsaris ludis sæcularibus, excusso carceribus aurigâ, ipsi sponte visi currere, oppositos vitare aut offendere, circa metam peritè flectere: denique septem spatijs legitimè confectis ad metam ipsam stare, quasi palmam poscentes. Et omnium iudicio meruerant: aduersarijs tantùm dolentibus, & cum pudore indignantibus, *artes hominum* (ait Plinius) *ab equis victas*. Ad de Fide etiam videte: quâ dominos suos nescunt, adhærent, amant; viuos tuentur & seruant, mortuos etiam propugnant aut vlciscuntur. Exempla, id est testimonia, hæc occurrunt. Primum de Bucephalo Alexandri, ob nobilem illum regem ipsum nobile & notum. Agellij purissimis verbis id referendum est: *Equus Alexandri regis & capite & nomine Bucephalus fuit. Emptum Cares scripsit talentis XIII. & regi Philippo donatum: æris nostri summa est sestertia* *CCCXII. *Super hoc equo dignum memoriâ visum, quòd vbi ornatus erat, armatusque ad prælium, haud vñquam inscendi sese ab alio nisi à rege passus sit. Id etiam de isto equo memoratum est, quòd cum in eo insidens Alexander bello Indico, & facinora faciens fortia, in hostium cuneum, non satis sibi providens, immisisset, coniectisq. vñdique in Alexandrum telis, vulneribus altis in ceruice atque latere equus perfoffus esset: moribundus tamè, ac propè iam exsanguis, è medijs hostibus regem viuacissimo cursu retulit: atque vbi eum extra tela extulerat, ilicò concidit: & domini iam superstitis securus, quasi cum sensus humani solatio, animam exspirauit. Tum rex Alexander, partâ eius belli victoriâ, opidum in iisdem locis condidit: atque ob equi honores Bucephalon appellauit. Hæc ille: sunt alia. Seuerus Imp. cum Prætorianos astu circumuentos exarmasset, quòd Pertinacem deseruissent & occidissent: & qui inter eos equites, iuberentur deferere equos: fuit vnus, cuius equus retineri aut sisti non potuit, & quamuis ille re-*

* 7300.
Philippici
circiter.

pelleret, identidem tamen sequens & adhinniens, dominum ita
 mouit, vt gladio educto illum seque interficeret: & (addit Dio)
equus ille spectantibus visus est libens latusque cum domino mori. In
 bello Punico secundo, graui & grandi illâ Cannensi clade, eques
 Romanorum Clœlius fuit, atque is in ceterâ turbâ, vulneribus
 confectus, pro mortuo relictus. Manè factò Annibal pugnae lo-
 cum petit, siue vt spolia reliqua sui legerent, siue vt ipse oculos
 atque animum immanem spectaculo tristi pasceret. Iacebant la-
 cera corpora, trunci artus, truces caesorum formæ, mortui semi-
 mortuis mixti: atque inter istos Clœlius, qui ad strepitum caput
 ac linguam mouens, extremam vocem cum gemitu effudit. Ag-
 nouit equus, quem captum Numida iuxta Annibalem inside-
 bat. Aures arrigit, & acri hinnitu edito prosiliens, sessorem hu-
 mo sternit. Currit per cadauera, per arma, & in ore domini iam
 mortui consistit. & cum mouere non videret, ipse collo inclina-
 to, armisque submissis, vt solet, inuitat ad scandendum: diro illo
 Annibale etiam miserante, & fidem animantis demirante. Re-
 centius exemplum Germania suppeditat, illa equorum viro-
 rumque bona nutrix. Inter dissidia ciuilia anno ∞. LXXVI. cum
 Saxoniae Principes pacem victi inissent cum rege Henrico, atque
 obsides etiam dedissent: fuere inter eos duo puelli, Vthonis &
 Dedi Marchionum filij, longè adhuc à pubertate. Ij custodie-
 bantur in arce quâdam, sub Eberhardi custodiâ regij ministri.
 Apud quem parentes munusculis euicerant, & ipsa teneræ ætatis
 misratio, vt pateretur eos ne tædio aut desidiâ tabescerent, in-
 terdum circa arcem vagari, ludere, equitare, etsi vix firmiter
 etiam possent. Accidit vt venatum ipse iret, istis comitibus. Fe-
 ram excitant, persequuntur cum calore & clamore, vt sit, puello-
 rum obliti aut negligentes (quis enim in eâ ætate fraudem hanc
 speret?) illi cum solos se vident, mutuò alloqui, & adhortari ad
 fugam. Faciunt, equos admittunt, locorum hominumque igna-
 ri, tandem ad Mœnum fluuium, Deo duce, deferuntur. Ibi na-
 uiculas piscatorum conspicati, rogant admitti, & Moguntiam
 transuehi: pretium chlamydulas suas offerunt, quibus amicti.
 Piscator trepidationem eorum miseratus, & de nobiliore stirpe
 ex habitu coniectans, equis delapsos suscipit, in cymbam impo-
 nit, abnauigat. Quid equi? dominos non deserunt, impetu flu-
 men

men tranant, & in vltiore iam ripâ, gressum admoderantes cymbam sequuntur: ita vt cum eunte irent, cum sistente alibi sisterent; atque id per plura milliaria Moguntiam vsque. vbi domini eos, dominos cognatus Episcopus hilariter excepit. Dicite, an non humanas animas infedisse hæc pectora crederis? Atque ista fides in mortuos etiam perseuerat. Plinius: *Amisissos lugent dominos, lacrimasque interdum desiderio fundunt.* Virgilius de Pallantis occisi equo.

— *positis insignibus Æthon*

It lacrimans, guttisque humectat grandibus ora.

Fons istorum Homerus, qui Patroclo occiso canit:

* Ἰπποὶ δ' Αἰακίδαο, μάχης ἀπαύσθηεν ἔοντες

Κλαῖον, ἐπεὶ δὴ ἀπὸ τῆς πυθέσθαι ἡνίοχοιο

Εν κονίῃσι πέσονται ὅφ' ἔκτορ ἀνδ' ἐρφόνοιο.

* *Acacia*
sed equi,
paullum à
pugnâ inde
remoti.
Flebant, vt
primū au-
rigam no-
uere per-
emptum
Hecloreis
manibus,
deiectum in
pulvere
facto.

O affectum mollem, & minimè brutorum! At in Plinio vindictæ cupidinem etiam legi. qui scribit, Antiochum regem, cùm proelio Gallos fudisset; Contareti ducis, qui ceciderat, equum insigni specie conscendisse: atque hunc indignatione accensum, spretis lupatis, in abrupta isse, seque & equite vnâ afflicto. Item: occiso Scytharum quodam regulo, singulari pugnâ & ex prouocatione: cùm victor ad spoliandum hostem accederet, ab equo eius morsibus calcibusque confectum. Habetis & stupetis in Fide: accipite Pietatem. Propriè sic appello. nam in parentes & cognationem mirificâ sunt reuerentiâ, vel affectu. Gallus, bos, ouis, ipse canis matrem init: iste abhorret, & iura naturæ sancta habet. Aristoteles prodidit, Scytharum regi nobilem equum fuisse, & pulcherrimæ sobolis semper matrem. eâ causâ motum regem, vt filium generosum matri admisceret, atque ita stirpem augeret: sed illum, etsi incitatum à prorigâ, recusasse. Cùm autem placuisset regi matrem, vt imprudens superueniret: factum quidem, sed mox detectâ & agnitâ, flagitij impatientiâ fugam properasse, & per abrupta se præcipitasse. Simile in Hispaniâ Bæticâ nostro sæculo. Equus inter optimos, vnguentis & lenocinijs inductus ad matrem incestandam, cognito crimine, morfu sibi ipse naturam, cum magnâ adstantium admiratione, abrupit. Alibi, ipsum prorigam, iustiore omnino vindictâ, legimus ab ijs interfectum. Sed & erga sorores notitia & amor, libentiusque in

eo comitatu iugum ducunt. Hæc pietas fortasse, tum & mira promptaque obedientia effecit, ut in ipsis Sacris libris *Equi & Equitatus*, piorum animas significant: quæ dominum videlicet fessorem rectoremque accipiunt, neque ex suâ libidine, sed eius arbitrio, flectuntur. Imò & eadem fortasse potentes diuinandi fecit: cuius rei vetera & noua exempla. Homerus, super omnes mystas naturæ arcana perdoctus, facit Xanthum Achillis equum instantem ei mortem præfari. Cæsaris equos, quos ad Rubiconem fluuium liberos dimiserat, & sacrauerat, insidijs in eum paratis & mox patratjs, per aliquot antè & post dies pertinacissimè pabulo abstinuisse, & vbertim flesse, compertum est. Valentinianum Principem pridie quàm periret, consuetus non admisit equus, præter morem ferociens, & pedibus erectis repellens. Quod ille indignatus, stratorem militem, quasi eius culpâ factum, volebat occisum. Illustrius hoc prodigium in Alexio Imperatore Byzantino, qui cum fratre Isaacio deiecto, & exoculato, imperium inuasisset: numine parùm piè salutato, è templo veniens, equum Arabicum, inter auspiciorum pompas, Principali ornatu, parabat inscendere. At ille subduxit, & ore auribusque fremens, oculis sanguineum micantibus, terram pedibus pulsans, eosdemque anteriores attollens, tergo recipere dedignatur scelestum & paricidam. Ut verò multis adstantium poppyismis, & ceruicis palpationibus visus ferociam remisisset, Imperator subito in eum se iecit, & frænumprehendit. At ille, quasi deceptus, & fessore quem nollet recepto, cum claro hinnitu in pedes assurgit, nec destitit bacchari & concutere, donec coronam gemmatam capite eius (quæ & fracta est in parte) atque ipsum dorso excussit. Nec fides prodigio defuit, Alexij imperio turbido, & mox ipso depulso. Sed & ego diuinationis aut prudentiæ signum in equo, meâ salute, cepi. Anno ∞. 10. Lxx. iter in Sequanos institui, adulto iam Autumno. Solus cum famulo eram, viâ ignarus: atque ille casu carrucam repertam conscenderat, laboris leuandi causâ. nam pedibus ibat. Venio vespere iuxta Clareuallum opidulum, in limite Sequanico: flumen Dubium à parte dextrâ video, inflatum, & ripas ac viam supergressum. Parte sinistrâ rupes altior & abrupta erat, quam perpetuum iugum panè opido continuabat. Quid facerem? via deserebat, (aquis ut dixi tecta)

& ta-

& tamen iuxta rupem ferri prior orbita ostendebat. Serum redire & quærere, nox imminebat. Animum obfirmo, equum immitto, & rupi quantum poterat adinoueo, vt dextrum flumen vitarem. Ille refusat, & obluçantem etiam dextrouersum paulò ducit. Emergo denique trepidus & madidus. sed incolæ, qui ab ipsâ portâ viderant permeantem, consensu dixerunt, si propius rupem accessissem, actum de me & equo fuisse: quia fossæ illic & voragines, non peruadendæ. Satis, an receptui canimus? an etiam aliquid de exteriori facie habituq. Equi adiungimus? opportunum videtur: & species quorundam satis est noua. Iulio Cæsari equus fuit *pedibus propè humanis, & in modum digitorum ungulis fissis. quem natum apud se, magnâ curâ aluit, nec patientem sessoris alterius, primus adscendit.* Rudolphi I. Austriaci imperio, equus Basileam venalis adductus, qui bimus tantum esset, altitudine autem, viros plerosque supergrederetur. Indicatus fuit c. c. marcis, venditus c. qui sunt *Philippici quingenti*, grande pretium in illo æuo. Sed magnitudine & formâ stupendum equum fama (nescio an ex vero) sed fama prodidit, & vestigia etiam nunc manent. In Artesiâ haud procul Lillerio Malanoium arx est aut potius fuit. nam ipsa per bella diruta, villa tamen & vestigia manent. In eâ Toparcha erat, qui studiosè equitum alebat, & iocodidere solitus, Si equi sibi cornuti nascerentur, tunc denique ad bellum Sacrum (ea tunc militia vigeat) se iturum. Euênit, & equus grandi formâ, cornibus eminentibus nascitur: cui supra vulgus etiam celeritas & vires. Saltus adhuc eius ostenditur pedum circiter LX. & columellæ defixæ sunt: quas Ill^{mus} Princeps CAROLVS Dux Croius & Arschotanus, loci nunc eius dominus, memoriæ & posteritatis causâ, iussit renouari. In Principis eius nomine finiam, quem vos mecum veneramini, alti animi, acris ingenij, & honestarum artium studiorumq. amantis. Louanij, in communi domo nostrâ, III. Kal. April. ∞. IOC.

Suet. c. l. x.
& Plin.

EPISTOLA LVII.

Antuerpiam.

F. FRANCISCO VILLERIO, *Ordinis eius Dini.*

FATEOR me libentem & epistolam tuam vidisse, & carmen. Vtrumque me docuit, te inter eos esse qui longè se penetra-
runt

runt in litterarum adyta ; & posse hac quoque accessione ornare studia tua diuinæ sapientiæ & pietatis. Hoc magis amaui in te , quia in ordine illo & sacro cœtu es, quem verè amo. At quòd de Carmine sic seriò sententiam meam quæris, habe. Ipsa inuentio arguta, elegans, ingeniosè aptata ; nec phrasis dissidet , nisi quòd genus ipsum carminis maluissem aliud , & ex vsurpatis esse. Quòd obscuritatem accusent ; illis fortassè, qui vetus nihil legerunt ; nobis non est, qui scimus quòd aspicias, & sensus aut verba flectas. En meum iudicium : sed affectum magis ad te mitto, & parem tuo repono. Vale, & precibus apud Numen me iuua. Lo- uanij, v. Idus Ianuar. ∞ . Ioc.

EPISTOLA LVIII.

*Antuerpiam.*HENRICO VWENO I^{ro} S. D.

ANIMVS iubet scribere , & tua compellatio poscit: sed aura & glacians hoc frigus negat . Viden' liquorem etiam negare , & sub manu concreescere ? pauca igitur . Laurentius tuus pro voto tuo est, imò vereor vt excedat , monendusque sit temperare sibi in studijs, quæ calidè nimis & assiduè tractat. De scriptunculâ nunc meâ, cupio te ex Moreto nostro discere , ad quem misi & *Dissertatiunculam* (sic iure appello) & *Panegyricum Commentario* obiter illustratum : quem vtinam , bis vtinam , nostri Principes & capiant & legant ! Quid de auro isto dicam , nescio: nouitia in pretio sunt, sed per ea quid boni, quid magni geratur, gerendumve sit, nondum video. O sæcula illa & viros diuersa ab istis ! Sed mitto. puer ille Genialis tuus spem facit mutationis in melius : & libens equidem ista legi. De me si quæris, non est intactus animus superstitione (si ita appellanda sit) hæc credendi , aut certè obseruandi : & exitus docebit , à bono veracique Genio ista sint, an à prauo & illudenti. A Genio tamen esse, conuenit : & Theologi hîc nostri (nominatim Delrius) ad exitum vsque iudicium protollunt . Illud ei non placebat de Nube : & ait obseruitalle , deteriores ferè Genios sic apparere. Desino , ab aurâ iubeor , etiam à Legatis, qui me exspectant. Cæsareos dico, quos redisse ad nos scito, reditum parantes, quo fructu ? eodem quo venerunt . O mi Vwene, quàm quædam mihi non ire videntur,

dentur, quò Genius ille & nos vellemus ! Sed Deum respicio, & ab eo auxilium posco, & tibi mi amice tutelam, Louanij, VII. Idus Febr. ∞. IOC.

EPISTOLA LIX. *Antuerpiam.*

P. ÆGIDIO SCHONDONCHO, *Presb. Societ. Iesu* S. D.

EN, ad nostrum *caelestem* iuuenem, & ex vtriusque vestrûm voto. Ita inquam, vt in Italiam viam illi suadeam, faciam, atque etiam habitationem. Certè si quis Lipsio fauet aut vult factum; huic volet, ita calidè commendabo. Vnum illud de Præfidis filio excuso. nec enim potest, & familiam instruxit, & in viam iam se aut dedit, aut statim dabit. Hærebit etiam in Sequanis, rei suæ caussâ, aliquot menses. De me, quòd subaccusas non venisse: quid facerem? vísne vacuum? At ego SENECAM mecum volebam: & hætenus noluit valetudo, quæ tres iam hos menses à scribendo, & penè etiam legendo, arcet.

* Ζεύς με μέγα νεγίδης ἀτῆ ἐνέδναε βαρεῖν.

Si internæ saluti expedit, hanc quoque externam precibus tuis mihi adiuta mi Pater. Louanij, III. Idus Iun. ∞. IOC.

* Me Deus
ille gravem
tristemq;
ligavit ad
Aten.

EPISTOLA LX. *Antuerpiam.*

R. P. ANDREAE SCHOTTO S. D.

CERTE mi Pater, res nostræ ancipites sunt, & quæ vel constantes etiam turbent. Me quidem non dolore solùm, sed pænè indignatione adficiunt. Omnia sic regi aut non regi? Et si Principum hîc nulla culpa, opinor, sed vel ministrorum, vel militum, vel tēporum & fati, vt rem dicam, quod acerbum incumbit Belgis. Patiamur, vt ais, & Philosophiâ nos muniamus. Facio equidem pro virili: sed de SENECA quod ais, & vt pergam; ita me Deus, vt mens & manus torpent, cùm hæc video, audio. & quis scriptionibus inter talia locus aut vsus? Valetudo etiam me coer- cer, & non lubet frigore dedecorare si quid meliore igne scripsi. De Velfero autem quid narras? ego verò & librum misi iam- diu, & inter primorum primos, atque etiam tabellam scitullam adiunxi in quâ meus vultus. Nam ita petierat. tu quæso à Mo-

LL

reto

reto inquire cui tradiderit; vt puto, eius auctori: atque illum igitur, si opus, mone. me autem tui amantem, mi Pater, ama. Louanij, subitò & cùm auocarer, xvi. Kal. Iul. ∞. Ioc.

EPISTOLA LXI.

Antuerpiam.

ARNOLDO CORDESIO.

ECCE vir Cl^{me} inscriptionem sepulchralem, quam Prunio tuo, & olim nostro, libens merito composui. In laudes vbertim non me diffudi, quia nec decere illuc arbitror, sed nec expedire. Sicut pluuia leuis, & modica facilius in terram penetrat, & humectat: sic laudes in animos, & adhærent. Eius, & tuâ causâ, siquid etiam possim, significa, id est, impera. Tuâ, inquam, qui heres vt opum eius es, ita & beniuolentię in me, quam largiter nuperrimè ostendisti. Itaque Plauti dicto,

Ego tibi omnia facta cupio, cupiamque, quæ uoles.

Louanij, x. Kal. Sept. ∞. Ioc.

EPISTOLA LXII.

Antuerpiam.

CAROLO HOVIO S. D.

ITALICAS litteras iterùm tuâ operâ accepi: & gratas eas esse cur negem? Hoc tamen nolim, oneris aliquid suscipi à vobis meâ tantùm causâ. Iuuat verò nunc audire, quæ in Sabaudia & illo Italiæ limite geruntur: atque vtinam audiamus tantùm! Vtinam non spargant se scintillæ illius incendij, & Belgicam etiam nostram comprehendant! Spero non fiet: aut aspero & duro bello conflictemur, atque etiam ambiguo, præsertim ambiguis animis popularium, qui ad Galliæ fines colunt. Scis eos abhorrere à bello, scis genti olim dominæ, nunc sociæ, parùm etiam amicos. Sed Deus ille, tutor adhuc noster, hæc auerter, aut in melius, & præter spem vertet. De fratre tuo Francisco ecquid audis? manet Romæ, an ad nos suos redit? Ego istud mauelim, & suadeâ herclè: nisi fructuosa aliqua conditio aut certa eius spes, eum ibi tenet. Satis inspectioni, satis & religioni datum. Sed hæc Mag^{cus} parens tuus videbit, quem ex animo saluto. Vale mi Houi. Louanij, vi. Kal. Octobr. ∞. Ioc.

EPI-

EPISTOLA LXIII.

IVSTVS LIPSIVS

IO. BAPTISTÆ PEREZIO

BARONIO, V. N.

I. C^{to} HODIE RENVNCIATO

ANIMO ET STILO GRATVLOR.

NÓNNE iure hunc honorem? ad quem tibi gradus è meâ domo & disciplinâ factus. Nam anni iam quattuor sunt, cùm pedem huc tulisti: quid nisi ad bonarum artium mercatum, & vt pectus iis impleres? Feceris hoc quidem à puero:

— *neque enim, ceu nescia falcis*

Silua comam tollit, fructumque exspirat in auras:

fic tu in lasciuiâ & licentiâ succreuisti. Sed patre auoque curantibus, præceptoribus ducentibus,

Iam tibi Pieriæ tenero sub pectore curæ,

Discendique vices, & amor.

QUOD si à vestibulo domum; ab aurorâ diem augurari licet: nos ex iis ipsis initiis magnam quandam à te lucem. quâ illam etiam maiorum illustrares. maiorum, inquam:

— *neque te series inhonora parentum*

Obscurum proavis & priscae lucis egentem,

Plebeia de stirpe tulit:

sed clarum testatumque tibi genus ab annis quingentis, è Cantabriâ: id est, robustâ & purâ illâ Hispaniæ parte. de robore, Poëta dixerit:

Cantaber ante omnes hyemisque, æstusque, famisque

Inuictus, palmamque ex omni ferre labore.

DE puritate, quis nescit, cùm Barbari Hispaniam inundarent, eum tractum ab impietate simul & peregrinitate expertem mansisse? Illinc ergo maternum tuum genus, & pater: vir æquabilis vitæ & modestiæ:

— *virtutibus ille*

*Fortunam domuit, numquàmque leuantibus altè
Intumuit rebus.*

QVID auus tuus maternus, LVDOVICVS PEREZIVS, ex Hispanicâ item nobili stirpe? quem vetus & mutus inter nos amor laudare me cogit, & vetat. Sed vel sine amore, iudicio & veritate hoc dicam: virum esse cum paucis hodie,

— *in quo veteris vestigia recti*

Et mores video ductos meliore metallo.

AB his radicibus tu ramus, an frutex, succum etiam virtutis & melioris animi traxisti:

Cætusque vulgares & vdam

Spernis humum; fugiente pennâ.

ITAQUE ad omnia honesta, cum industriâ & successu, te dedisti. & Iurisprudentiam præcipuè, sed & alias cum eâ artes coluisti: neque id nego, me monitore & magistro. Sicut enim vomere solo terra scinditur, neruis in citharâ sonus editur: sed adiungi tamen alia membra partesque opus, decori, commodi, imò & perfectionis causa: sic in arduâ istâ artium censemus, esse quæ iuuent aut ornent. Fecisti igitur. quo præmio? primum ipso illo scientiæ, deinde hoc honoris & publici elogij, quod accessit. Maacte! Iustitiæ illius nunc mystes & sacerdos es, quæ, Homeri veriloquio,

Τὰς ἀνδρῶν ἀγορὰς ἢ μὲν λυεῖ, ἢ δὲ καθίζει:

Hos cætus hominum soluit, iungitque vicissim:

quæ sola efficit,

— *ne armorum ferrique potestas*

Confundat ius omne manu, scelerique nefando

Nomen sit virtus.

Quæ denique IVS SVVM CVIQUE TRIBVIT: Deo cultum, regibus obedientiam, maioribus reuerentiam, minoribus comitatem, oppressis tutelam, dubiis consilium, omnibus innocentiam. Ah, sacrificia huic assidue & lita: sed in publico. id est, patriæ & ciuibus tuis auxiliator, tutor, rector.

Vile latens virtus: quid enim submersa tenebris

Proderit?

Haud

Haud magis,

Quam lyra, quæ reticet, vel qui non tenditur arcus.

PRODVENDA est. & vt Homerus Themidem (id est, Iustitiam) facit Iunoni in concilium Deorum venienti poculum offerre : sic eius consulti debent regibus & dynastis propinare salubrem hunc consilij liquorem. Tu facito, &

— *esto animus tibi*

Rerumque prudens, & secundis

Temporibus, dubijsque rectus.

ESTO & modestus. sicut enim ad coruscationem aut maiorem lucem oculos claudimus : sic tu animum debes, ad honoris hunc splendorem.

— *non se meruisse fatetur,*

Qui creuisse putat.

ET vt claudam, in omni vitâ tuâ

Sit nec pigra quies, nec iniqua potentia, nec spes

Improba, sed medius PER HONESTA ET DVLCIA limes.

Louanij, xvii. Kal. Nouemb. pridie LIV. mei natalis. ∞ IOC.

EPISTOLA LXIII.

HVGONAEI GROTI.

ARATAEA tua accepi, gratum huic animo munus. An non sic esset, cum patrem tuum, cum te cogito : quorum ille vetus mihi & discipulus (non abnuet) & amicus : tu in istâ ætatu-
lâ (sic loquendum est) industriâ & ingenio effecisti, quod pauci in perfectiore illo æuo? Gratulor mi adolescens, gratulor : & animo ac stilo te excito, vt recto pede laudis hanc viam curras. Atq; vtinam, intimum meum desiderium, tranquillatis rebus fas te, patrem, patruum, & veteres ibi amicos reuifere ! suaue esset, & hæc quasi Lethe sopiat præteritos omnes dolores. Sed voti hoc, vix spei est : utique cum præsentem rerum faciem video : nisi quod, vt ille ait, * *ὅς ἀδοκίτων πρόβεν εὖπε θεός*. Is te, mi Groti, tibi mo-
destiam, virtutem, famam seruet augeatque. Louanij, xvi. Kal. xbris. ∞ IOC.

* rerum in-
opinatârū
viam Deus
inuenit.

EPISTOLA LXV.

GERARDO BUYTEWECHIO I^{ro}.

SCRIBO, etsi tardè, non meâ sed bonæ huius fæminæ culpâ, quæ moras sic nexuit & tardauit. Pone tamen in lucro, quòd scribam. adeò spei eius pænè omnis expers fui ante tres septimanas, cùm acri morbo conflictarer, & à fati limine paucos pedes abessem. Nosti assiduuum nostrum languorem: cui cùm alia concussio accedit, deiicior, nec sum ferendo. Tamen, quæ Dei benignitas est, etiam resurrexi, & ambulo, etsi animo ac corpore valdè fracto. Ad te cogitationes sæpè mittimus: & quo loco capitalis tua res, id est, coniugium? Tuos populares imitaris, & immunis vis agere ab omni iugo? *Fac si quid facis*, ait vetus verbum: & ætas te admonet, parentum & nostra vota. Tamen nequid temerè, & vt oculos habeat tuus Cupido. A nobis quod significem, nihil est: ne in publicis quidem, quæ si velim tangere, nec possim. Omnia quasi in vado quodam adhærescunt, & frigus & quies est, an prodromi beatæ Pacis? * *ψυχὰ μὲν ἐλπὶς*, vt aiunt Græci: & oculi mei claudentur, credo, priusquàm Iani nostri templum. In vestris siquid rebus est, tuis dico & amicorum, significa & nos ama. Ego te fideliter, & tuos patrem matremque saluto. Louanij, iix. Kal. xbris. ∞. Icc.

* *frigida
spes.*

EPISTOLA LXVI. *Antuerpiam.*

IOANNI BAPTISTAE BARONIO.

PLACET consilium parentum de mittendo te in Galliam, sine dilatione aut morâ. Quid enim in tuâ nunc vrbe facias, nisi otari & vagari? In fructum hoc tempus cedat, & Gallicis rebus regionibusque detur. Scripsi ad Præsidem Thuanum, vt adire eum tibi fas & innotescere, qui est inter primores ibi viros. Ad Rolliardum nuper item: & eæ litteræ satis te commendarent. Aliàs ad alios, vt occasio scribèdi erit. Quod superest, mi Baroni, te ne desere, id est, ab animi curâ & cultu ne ad vana & externa diuertere. Hæc interdum, & leuiter, illa plurimum & fideliter te habeant. quod gaudio, quod fructui tibi sit in æuum. Mores gentis,

gentis, ad quam tendis, iam sermonibus & iudiciis nostris notos habes. sunt bona, mala, mixta: inspicere, eligere, probare: sed viros reperiēs ab ingenio, humanitate, etiam probitate laudandos, atque his adhære tantum. Plura ubi animus promptior, qui nunc etiam affectus à morbo. At tu vale, & cum bono Deo abi, mane, redi. Louanij, vii. Idus Nouemb. ∞. Ioc.

EPISTOLA LXVII.

*Antuerpiam.*NICOLAO ROKOXIO, *Senatori.*

ACCEPI nummos, quos liberaliter mihi obtulisti, fideliter misisti. Fateor opportunum mihi munus fuisse, ab hoc genere elegantiarum inopi adhuc & destituto: & si quid adstruam & accumulabo, tibi debebitur, qui huius, ut sic dicam, ædificij iecisti fundamenta. Atqui eò se produxit etiam benignitas tua, ut non contentus à te dare, alium induxeris ad imitandum, vel voce tuâ vel exemplo. Nam Franciscus Billiodus, honesti animi studiique vir, ut audio, ultro tuis nummis auctarium adiunxit, & inferioris ævi Principes ordine suppeditauit. Et hoc, & illo nomine, tibi debeo. quid enim aliud dicam? soluere nec in manu meâ est, nec in animo quidem, ne mentiar: & libens deuinctus adstrictusque talibus maneo, qui sic libentes beneficia conferunt, ut capere videantur conferendo. Gratum facere, hoc vultis tantum: fecistis, & ego memoriam beneficij æternæ huic parti inscripsi. Vale Vir Nobilis & Cl^{me}. Louanij, postrid. Idus Nouemb. paullo melior ab inualetudine, quæ plusculos dies adflixit. ∞. Ioc.

EPISTOLA LXVIII.

*Eodem.*BALTHASARI MORETO *suo* S. D.

OMNINO mi Morete melior est valetudo, gaude: & ut perseueret esse (si ita expedit) Deum unâ mecum roga. Concussiuicula hæc satis vehemens fuit, & panem mei euerrendi. Restiti & euasi, ac iam iterum ad munia mea, id est, amata studia, mentem & manum verto. EPISTOLARVM partem hâc habebis. nam ceteras nondum fuit recensere: atque istas ipsas nescio an intentè

intentè satis & curiosè. Ideò pro bono censeam, specimina prima ad me mitti à praelio vestro, vt in quibusdam soletis: & supremâ istâ inspectione & velut limâ poliri. In Præfatione eius CENTVRIAE omninò faciendum est, vt Lectorem moneam de spurio & spurco illo fœtu, quem suppositum mihi iuerunt: nec alibi magis decorè potest. Vidi Curtiana ad Tacitum, & bona insunt: sed plura hercules à tam vetusto exemplari expectabam. Illud mihi delectationi, & pænè dicam gloriæ, vel centenis locis comprobari ab eo coniecturas nostras, quas solo ingenio duce, & timidè sæpè, ponebamus. Vltimam editionem nostram non vidit: atque in eâ multa seria & noua repperisset. Dissentit à me sæpiculè. cuique sua iudicia: sed non ideò ego mea semper muto. Pertinaciam sperno vel odi potius: sed ignauia aut molli- ties animi sit, ad omnem alienæ sententiæ auram deiici aut vacillare. Nos in plerisque stamus, & stabimus etiam iudicio sequentis æui. Ceterum ipse Curtius mihi olim per litteras innotuit: & virum melioris animi studiique esse, iam tunc vidi. Ex animo mihi gratum est, tales apud Principes viros esse: prudentiæ illum fontem nostrum amare, atque etiam seripcionibus suis iuuare aut purgare. Æmulatio in meam hanc mentem (Deum testor) non cadit. Patrem tuum rediisse nunc arbitror, & salutem ei dices. Louanij, postrid. Idus Nouemb. ∞. Ioc.

EPISTOLA LXIX. *Antuerpiam.*HENRICO VWENO I^{ro} S. D.

CERTE ita est mi Vwene, grauis me morbus habuit, atque etiam nunc quasi in laxâ & senatoriâ custodiâ tenet. Nam vim eius & impetum euasisse videor: plagæ & damna manent, & corpore atque animo sum etiam afflictus. Tamen crescere mihi & adurgere in dies videor: Deus det vt ad iustum & vetus robur, si ita est meo aliorumque vsu. Nam quòd tu deplores, præclaros conatus meos incidi vel abrumpi: non nego nihil esse: magnum esse non fateor: & ingeniorum ille auctor atque altor alia in tempore excitabit, quæ impleant vel augeant à nobis omissa. Hæc est lex vniuersi, nasci, surgere, languere, mori: & velut lampadem hanc vitæ alij aliis tradimus, successione istâ

istâ æterni. Quod de filio me rogas, nolim. illud ipsi impera, vt cùm licet (sunt enim ibi sub imperio) ad me veniat, quem vel hoc nomine, quod tuus est, meum duco. Curabo, iuuabo, dirigam: & præsertim in eâ parte studiorum, quam nos ex professo tractamus, litterarum & artium veterum. quibus vtinam pro dignitate pretium hodie esset! Sed mundi ille rector viderit: ego tibi & pro curâ mei, & pro gratulatione, gratias ago, & vt perennis sit mutuus hic inter nos amor, ab eodem illo Numine rogo & venerans posco. Vale V. C. Louanij, III. Kal. xbris. ∞. IƆC. D. Robiano salutem dico.

EPISTOLA LXX.

Eodem.

ANDREAE SCHÖTTO V. R. S. D.

QUOD gratularis mihi de restitutâ valetudine, gratiam habeo: etsi in spe ea magis talis, quàm in re etiam apparet. Atque vtinam plenè nobis liceat & iustè ** Ζωγῆρα τῆν*: & semel liberari ab illâ Iouis filiâ Ate, quæ tot iam annos ** ἀάται*! Per eam fit, vt omnia nostra, etiam illa ab ingenio, languida sint aut tarda: & in SENECA nostro vides. De quo quod me rogas, ecquando censeam, & tuis illis quid optimè fiat? respondeo, pendere hoc prius totum à valetudine, quæ si læta me respiciat, non diu teneat is labor. Sed hoc non in meâ manu aut assertionione. ideoque de altero censeam, fortassè tutius meliusq. scorsim te à meis dare. Magis, quia Philosophum dumtaxat ego meditor: & tuum vnus illud debet esse opus. In quo non ambigo quin præclara notaueris: quid opus te premere, & paratam tibi gloriam, aliis fructum differre? ** ἀράγ' εἰ τι σπᾶσεν*. De Cornelianis illis Notis, mecum, & Ioue æquo, iudicas: bona insunt, & plura à codice tam veteri videbamus iure expectare. Quod à me alibi dissentit, nihil est. licuit, & licebit: absint morsus aut conuicia, quæ canini ingenij homines libenter & frequenter nimis vsurpant. Athletæ in hoc stadio currimus: palma posita est, quiuis petat, vnus alterve habeat, cui virtus & Deus dabunt. Ille tibi salutem, Pater, & mihi per tuas & Patris Schondonchi (adiungo, & saluto) preces. Louanij, III. Kal. Decemb. ∞. IƆC.

** Saluti
sacrificare,
vota red-
dere.
* ladic.*

** Fac, si
quid fa-
cies.*

EPISTOLA LXXI.

Eodem.

IACOBO COLIO ORTELIANO.

ANGLICANVM Tacitum tuâ operâ & dono accepi, & Saulij vnâ Notas, quas vtinam iuxta tecum intelligam! Sed scrutor & coniiicio, & ex verbi vnus alteriûsve vestigiis cetera coniector. Velim ad latus mihi sis, vt voues: & grata consuetudo tua sit, vel propter magni auunculi memoriam semper mihi facram. Et si à te etiam affatim habes, quæ cominendent: vt ere, & auge, & in oculis illud exemplum habe. Mi Coli, alia nobiscum labuntur & pereunt: virtus, eruditio, & ex iis fama perseuerant, & si non æterna tamen diuturna sunt. Ingenuus animus ad hæc eat, per hæc ad summa & sola illa bona, quorum compotem te meque faciat is, qui nos hoc sine fecit. Louanij, III. Kal. xbris. ∞. Ioc.

EPISTOLA LXXII.

Eodem.

BALTHASARI MORETO suo S. D.

EN iterum EPISTOLAS aliquot, nec deo submittere in tempore, vsque ad legitimam illam, quam nunc facimus, Hecatombem. Possem simul omnes, fateor: sed relegendæ & corrigendæ sunt, vt ab aliâ manu scriptæ, sed & aliter alibi disponendæ. In morulâ istâ nihil vobis moræ, nedum noxæ. At ô de nauibus vestris, quàm dolendum & pudendum! Quid iam nisi ludus & iocus, & vt ille ait, **χαρμα γενώμεθα δυσμένεσθιν?* O Belgica,

*-gaudiū
finis ho-
stibus.

*Hæu hæu,
quàm ma-
la fors, qua
te fataliter
urget!

*Αἱ αἱ τῷ σκληρῷ μάλα δαίμονος, ὅς σ' ἐλεέσχει.

Atque vtinam spem, id est, consilia meliora videam! quæ dam-
nare tamen nostrum non est, ab vno aut altero euentu. Ego
Principes censeo: Prometheos quosdam esse, qui longè proui-
deant: & vt cæleste illud Fatum, occultâ caussarum serie, læta è
tristibus sæpè neētant. Ratum sit, si aliter, neque nos alij: id est,
sileamus, patiamur. quoniam vt ille monet,

* in in
tristibus,
no est bona.

* ——— θυμὸς ἐν κακοῖς ἔξέμφορον.

En tibi litteras ad Wouerium nostrum, quem & te mecum ve-
lim amare. Scribe, & foue amicitiam adolescentis planè eâ digni.
Ad patrem ego nunc nihil: quid inanibus obstrepam? & satis
vel

vel grauibus adfiduè obruitur colloquiis, scriptis, curis. Salueat ille, mater, fratres, & tu mi Morete. Louanij, III. Nonas Decemb.

EPISTOLA LXXIII.

Eodem.

FRANCISCO SWEERTIO F. S. D.

OBLECTARVNT nos tuæ litteræ, valdè nunc rerum vberes, quas nouas aut inopinatas multas, vtinam lætas & optabiles, hæc ætas donat. De Galli regis progressibus passim iam litteræ: etiam de pace, quam conciliatore Pontifice alij magis, quàm ego, sperant. Nam vt ingenium regis & gentis video, in tam prospero cursu vix quiescent: nec desunt ibi quoque Lamachi aut Trebellij, qui ad turbas trahant. Cyneæ pauci hodie apud reges, nec audiendi. An non de Hispaniarum quoque narrant, ipsum expedire ad bellum, & in Cantabros venire aut venisse? narrant: nec credam temerè: & si ita est, animo huic peracescit. Nam certè, vt res nostras video, bello etià Gallico inuolui haud conuenit: atqui inuoluemur, si ille. Inter hæc ab Asiâ hostis nonne vires sumit? & si temperat eas clementiâ, vt scribis, & comitate, faciet incredibiles progressus. Nam hætenus nimis omnia sæuiter, & pro barbaris: & extremorum ille metus ad extrema audenda multos adegit. Tolle, submittet, & fidem exuent, & dominum mutabunt. In comitiis Germanicis haud magna mihi spes est. toties vidimus conuentus istos, & decreta auxilia: sed omnia deinde glacie tenui fragiliora, & quibus prudens non insistat. Aiunt & Pontificem parare aut promittere copias: sed quàm ex quoque inopiâ, fastidio, morbo facilè soluantur, nec bono aut firmo vsui sint, exempla docuerunt. Duces in iis rem suam faciunt, publicæ parùm accedit. Quid igitur auxilij aut solatij? inquires. à virtute: quæ secura

immotaque cunctis

Casibus, ex altâ mortalia despicit arce.

In eam arcem te da mi Sweerti: non vis, non hostis eiiciet, non capiet aut quatiet eâ omnibus machinis Fortuna. Satis: tu ad nos plura talia, cum habebis. Nam etsi vsui vix sint, nisi vt sciamus: tamen sicut platanos, aut id genus arbores in hortos recipimus,

vimbræ & oblectamenti causâ: sic liceat in aures istos sermones
etsi tantum delectantes. Quando te aliqua proles? hoc voueo isto
nouo anno, & te patrem, non solum maritum. Salutat te Hub.
Audeiantius tuus, & litteras expectat quas ei promittis. Louanij,
postrid. Non. Ianuar. ∞. IOCI.

EPISTOLA LXXIII. *Mechliniam.*

NICOLAO OVDARTO S. D.

ACCVSO me nunc etiam, quod Masium Consiliarium non
viderim. Facio apud ipsum in epistolio, quod tradi per te
velim, & tuo etiam patrocinio iuuari. Causa difficilis, imò ma-
la est: ideò vobis talibus fulcienda, aut ruit. Vnum solatur, quod
animo non peccaui: & fortis, non consilij est hæc culpa. Sed, si
Deus vitam dat, emendanda illius & tuo arbitrio: quod pro me
sponde. Audisne? Sed & vetus illud, inquires: *Sponde, noxa ad-
est.* Non aderit, ego si viuo exsoluam. Vale & salue cum illo no-
stro Hartio: qui an non istuc? optem. Bruxellæ, prid. Kal. Iun.
∞. IOCI.

EPISTOLA LXXV. *Mechliniam.*

ENGELBERTO MASIO, *Senatori in supremâ curiâ.*

MECHLINIÆ me fuisse, nec te vidisse, ita mihi displicuit,
vt nec nunc acquiescam, etsi per amicos iussi excusari.
Sed quæ excusatio vel mihi satisfaciât? Distractus fui, fateor, illo
die quem tibi destinaueram: sed priore debui, aut & alium addi-
disse. Ecce, quæ contra me scribo: & ex eo poenitentiam vide, &
veniam promptius indulge. Quâ tamen lege? quam ipse mihi
dicam: vt cum vestra me vrbs iterum habebit, totus in potesta-
te tuâ sim, vt vel res mancupi solent. Nam ego Cl^{mc} Domine,
iam pridem te interiore hoc animo amo ac colo, veræ illius ac
prisæ virtutis causâ: quam Deus tibi, te reip. & nobis seruet.
Bruxellæ, Kal. Iun. ∞. IOCI.

EPISTOLA LXXVI.

Antuerpiam.

BALTHASARI ROBIANO, Senatori.

ANTVERPIAE etiam nunc esse videor, & vobiscum, ô optimi amicorum, garrere, ambulare, conuiuari. Suaues meherculè sermones nostri, & ab illâ animorum coniunctione, & quod sequitur libertate orti, faciles, comes, iocis dictisq; mixti, & planè condiendæ ac temperandæ vitæ. Tolle hæc talia: quid omnes epulæ?

— non Siculæ dapes.

Dulcem elaborabunt saporem,

Non animum citharæque cantus.

Atqui litterata aut philologa interdum miscebantur: & memini de *Caminis* iniectum & quæsitum, de quibus certius vberiùsque nunc scribam. Nam dicere omnia, sic inopinatò * *ἐκ τῆς πα- * & ex*
εαχρήμα, difficile: & vix vlla tam felix observatio aut memoria ^{tempore.} possit. Nunc pro captu meo fiat, & quamquam in æui prisci caligine, perambulabo ædium veterum membra, & curioso ingenij oculo lustrabo. Dicebam Romanos, sed & Græcos, non habuisse ista emissaria fumi, siue ab imo patulas & in arctius asfurgentes gulas, quibus Europa hodie vitur: sed inuento haud nimis prisco, etsi bono eommodoq;ue. Nam si antea Romæ, imò in prouinciis: cedò, vbi in tot ædificiorum ruinis aut parietinis eorum vestigium? vbi in Vitruuij aut veterum scriptis memoria? Vox ipsa, non nego, exstat alibi, sed sensu alio: nec nisi fornacem, aut talem camerationem, vt & Græcis, notat. Nam à Græcis scilicet Romani hoc verbum mutuati. In Glossis priscis: *Κάμνος*, *Caminus*, *Furnus*, *Furnax*. & scitè Græci magistri deriuant, *ὅτι τὸ ὑπομένειν καὶ μέρνν*: quòd *suffert & sustinet calefactionem*. Non aliter Ciceronem accipies, cùm Trebatio scribit: *Ca-* ^{Lib. vii. Epist.}
mino luculento vtendum censeo. quia in frigidâ scilicet nostrâ Galliâ erat. Sed quomodo igitur vtebantur: fornaculâ aut foculo in cubiculum aut triclinium illatâ, in quâ carbonēs igniti essent. Ea ex ære, ferro, testâ erât, pro copiâ aut arbitrio cuiusq;. Suetonius <sup>Cap. lxx-
iiii.</sup>
in Tiberio: *Cinis è sanillâ & carbonibus, ad calfaciendum triclinium illatis, exstinctus exarsit repente*. Alexandri Magni dictû, pro hoc

MM 3 more:

In Apophth

more : Εν χειμῶνι, inquit Plutarchus, καὶ ψύχει τῶν φίλων τινὸς ἐσιῶντος αὐτὸν, ἐχάραν δὲ μικρὰν & πῦρ ὀλίγον εἰσενέγκαντος, ἢ ξύλα ἢ λιθαιῶν τινος εἰσενέγκαντος ἐκέλευεν. Hieme & frigore cū quidam amicorū epulo eum exciperet, atque is paruum foculum & modicum ignem intulisset, Aut ligna aut thus iussit inferre. Significans & ludens, talem ignem cū suā acerrā magis supplicationi, quā calfactioni conuenire.

Quæst.
Conuiu.
lib. vi.
cap. vii.

Etiam Anacharsidis, apud eundem Plutarchum: Ὁ σοφὸς Ἀνάχαρσις ἀλλ' ἅπαντα τῶν ἐλλήνων μεμύρομεν, ἔσπευσε τὴν ἀνδροειδέα, ὅτι τοὶ ἑσπερίων ἐξωκαταλιπόντες, οἷα δὲ πῦρ κομίζουσι: Sapiens Anacharsis, cū multa Græcorum carperet, laudabat carbonarium ignem, quod fumum foris relinquentes, ipsum purum in domum inferrent. Itaque accendebant foris, accensum importabant. At postea, ab exemplo balnearum fortasse, repertus modus alius. atque is fuit, vt fornace siue camino sub ipso cubiculo aut cænatione structo, per tubos & canales, qui parietibus in orbem inhærebant, calorem ab igne mitterent in dicta membra. Videmus passim hos tubos ex imbrice aut regulâ structos, non in Italiâ tantum, sed prouinciis: & ipso Armentario ad Rheni ostium in Batavis, scio me notasse. De his Seneca, De Prouidentia: *Quem specularia semper à flatu vindicarunt, cuius cænationes subditus, & parietibus circumfusus calor temperauit.* Ait, *Subditum*: ergo in loco inferiore, vt dixi, & sub ipso pauimento. Ait *circumfusus parietibus*: nempe per impressos illos tubos. Rem non veterem planè, ipse ostendit in Epistola quapiam: *Quædam nostrâ demum memoriâ prodisse scimus, vt speculariorum vsum, & impressos parietibus tubos, per quos circumfunderetur calor, qui ima simul & summa foueret equaliter.* Dicit, suâ memoriâ prodisse, id est sub æuū Augusti aut circâ. Et verò antè Specularia reperta, nec isti cōmodè induci potuerunt: quia fenestris apertis, calor exspirasset. Ostendit & vsum, quod equaliter ima & summa calefierent. Verum est. & ideò illa ratio mihi percommoda videatur, ac supra Germanorum Stubas: imò, si copiosior sim, imiter ego fouendo corpusculo & vsurpem. Studiis studiosisq̃ sit aptum. Didici autem à Nicolao Florentio olim Romæ, hos tubos foramina habuisse: quæ claudi & recludi pro arbitrio possent. Illud, in primo igne adhuc fumido, istud, vbi carbonēs iam & fauilla essent, & calor tutò ac sine fumi noxâ posset admitti. Quamquā & contra fumum ligna arida ac co-

ata ha-

cta haberent, de quibus mox addam. Sed de camino, ad hunc talem Suetonij verba in Vitellio referam : *Nec antè in Prætorium* Cap. 1.
reduit, , quàm flagrante triclinio ex conceptu camini. Etiam Arnobij: Lib. IV.
Lateranus vobis deus focorum : quòd ex laterculis crudis caminorum aduers.
istud ædificetur genus. Meritò, *crudis*: adfatim enim ignis mox co- Gent.
 quit. An & Sidonius huc aduocandus? *A cryptoportici in hiema-* Epist. II.
le triclinium venit, quod arcuatili camino sæpè ignis animatus pulla lib. II.
fuligine inficit. Nam quod *Arcuatilem* dicit, ad fornicationem vi-
 detur referendum. De fuligine autem quod ait, in longo & cre-
 bro vsu, præsertim buccis apertis, id quoque euénit. Idem gra-
 phicè, in Burgo Leontij:

*Quæ dominis hiberna domus strepit, hic bona flamma
 Apposita depasta trabes, sinuata camino
 Ardentis perit vnda globi, fractoque flagello,
 Spargit lentatum per culmina tota vaporem.*

In hiemalibus membris, inquit, ignis luculentus ligna appositâ siue iniecta depascitur: quid tum? sed idem ne altum petat, camino sinuato frangitur, & flagellum illud flammæ surgentis repulsum, lentè per tubos & latera ædibus inseritur & inerrat. Iuliani in Misopogone item narratiuncula est, quæ nescio ad istos, an nostros hodie caminos, faciat. Ait *Lutetie Parisiorum se fuisse,* in acri hieme, & tamen, inquit, ἡ ἀλπετοῦ δαμάς τὸ δωματίον ἔπερ ἐκὰθ' ἑλδόν, ὅν περ εἰώθει βόων ὑπὸ ταῖς καμίνους τὰ πολλὰ τ' οἰκημάτων ἐν αὐτῇ θερμαίνεσθαι: non calefiebat cubiculum, in quo eram, eo modo quo solent illic sub caminis loca pleraque calefieri. Ostendit sanè ipsis aliū aliquem morem, & diuersum à Romano, illic vsurpatum. & dicit etiam, *sub caminis*: quod mihi videatur ad nostros magis referendum, quia verè sub illis ignis struitur, non autem in illis. Potuit autem esse in medio tale emissarium fumi, siue caminus, vt & hodie in villaticis quibusdam ædibus esse scimus: vsu eodem cum nostris urbanis, etsi non formâ. Addit deinde Iulianus, *se extimuisse calfactionem à camino, ne humor qui in parietibus erat commoveretur*: quod noxium in cubiculo recenti aut recentato: ideoque, more prisco Romano, candentes aliquot carbones tantū iussisse inferri. Nec plura expressa Caminorum vestigia notaui, aut nunc quidem habeo in mente: de Lignis subiungo, quæ in eorum vsu. Dixi sicca fuisse, aut potius cocta. Iurisconsultus, De verborum significat.

Titio-

I. CLXVI.

Titiones & alia ligna coëta, ne fumum faciant. Sunt id genus, quale hodie in silvis præcurimus, & carbonum deinde vice vsurpamus. Coëtilia etiam appellantur. Trebellius in Claudio: Ligni cottidiani (id est, viridis ac vulgati) pondo mille, coëtilium batilla quattuor. Possis & legere, cottidiana. In Pertinace Capitolinus: Pater eius coëtiliariam tabernam in Liguria exercuerat. Error est, & nihil ad rem aut verum, coëtilia; quæ Feltra quædam & lanea coëta fuisse scimus. Scribe, coëtiliariam: quia coëtilia ista ligna vendebat. Capitolinus ipse initio libri: Pertinaci pater Aelius Successus fuit, qui filio nomen ex continuatione lignaria negotiationis, quod pertinaciter eam rem gereret, imposuisse fatetur. Vides in lignis negotiatum fuisse? Talia igitur illa coëta, & Græcis ἀναπνεύματα, sumi expertia appellata. de quibus omnino Vlpianus capiendus, cum scripsit: Quid quid comburendi causâ, siue ad balnei calefactionem, siue ad diatarum hypocausta paratum foret, ligni appellatione contineri. Nam dubitari poterat, an hæc Coëtilia, non carbones potius essent. De iisdem Plutarchus: Locosè Lacon gymnasiarcham, qui acapna præbuerat, accusare se dixit, Quod per eum nec lacrimare liceret. Habes Caminos priscos, atque iterum præ nostris mihi probandos. Isti oculos, fulgore & fumo præstringunt aut morficant; isti desidiam etiam pariunt, & ignauos ad opera apud se tenent. Quod de Germanis Tacitus, totos dies iuxta focum atque ignem egisse: de plerisque nostrum in hieme licet dicas, atque id foci illicio & culpâ. Si verò illa hypocausta & camini subterranei; calor aut tepor sit, & noxæ nō sint, quas dixi. Hypocausta appellauimus, ut supra Vlpianus; & verè talia erant. nec diuersa D. Ambrosius intellexit, ubi diuites iis vsos ostendit, pauperemque solatur: De hieme forsitan quereris, quia nulla tibi hypocausta anhelantibus ignibus vaporentur: sed habes solis calorem, qui tibi orbem terrarum temperet, & hiberno te defendat à frigore. Fuere & in balneis sua Hypocausta, similia istis: atque ea nota. Desino, si hoc monuero, veteres duplicia cubacula vel triclinia habuisse: Hiberna, & Aestiuæ. Hiberna, instructa, ut dixi: Aestiuæ, contrâ aquis & Euripis subter aut circumlabentibus refrigerata. De iis aliàs: saluere te ex animo opto. Sed quid abrumpo? etiam memoriæ se sistit, quod video huc trahi. Nam in Athenæo est, de Sybaritarum deliciis: ὡς δ' οὐκ ἀπὸ τῆς δ' ἐν ῥέθρῳ καὶ πύλῳ, ἐν αἷς κατὰ κλίβανους ἐπυρεῖντο. Interpres vir doctus reddi-

I. ligni, De Legat. III.

Conuiu. Quæst. lib. II. cap. I.

Lib. VI. Hexæm. cap. VII.

Lib. XII.

reddidit: *Apud Sybaritas reperta sunt caua & angusta cænacula, in quibus tantisper dum mensis accumberent, calore fouerentur.* Et notat ad oram, *πύλον hodie nobis seruata[m] vocem esse, quia Galli Poelles appellant, locum in ædibus hypocausto tepentem.* Argutè. an pro mente verbisq[ue] Athenæi, ignoro. Scriptio eius verbatim sonat: *Apud Sybaritas reperti Aluei, in quibus recumbentes calefierent.* Qui autem isti Aluei? credam thecas lectulorum instar fuisse, quibus supponerent in testis carbones ad modicè & paullatim calfaciendum, qui incubaret. Sanè de mensis sermo est: eoq[ue] minùs libenter ad alueos aut Solia balnearum retulero, etsi à Suidâ didici *πύλον* quoque dici *ἐμβατλῶ, ἔβα δπολύονται: Solium, in quo lauarent.* Sed illuc ego inclino, quia & mulieres disco tale iam olim vsurpasse, pedibus & quæ supra pedes calfaciendis. Suidas: *Αἰθρας, τὸ γυναικείον ὑποπόδιον, ἐν ᾧ ὡς δὲ ὅπῃς αὐτῶν θερμαίνονται τοῖς κάρβοισιν: Aithranus, dictum muliebri scabellum pedibus suppositum, in quo per foramen calefiebant carbonibus.* Agnoscis hodiernum fæmineum morem: atque iterùm iterumq[ue] reipublicæ & nobis salue. Louanij.

EPISTOLA LXXVII.

Traiectum.

F. FRANCISCO VILLERIO.

VNAS à te litteras accepi, neque alteras illas equidem vidi. Gaudeo te incolumem eò venisse, & nostri memorem (vtinam in precibus!) etiam esse. CRITICA nostra parata sunt, & volunt ipsa mitti: sed an etiam ij, in quorum tu es manu? Neque enim dissimulo, aliter me ex litteris tuis odorari: quod si est, cur ad ea studia te des, à quibus illi arcent? Non meo suffragio, aut arbitrio: & profectò vel summa vel vna virtus instituti vestri, & sacri illius cœtus est, obedire. Ex hâc aliæ, velut catenâ nexæ, dependent & insequuntur. Frustrâ te hoc moneam, scientem: tamē, vt inter amicos, quidni liberè pectus hoc meum reuelem? Et profectò ad altiora vos fine & destinatione itis: ad sacra, & ea quæ pietati magis, quàm scientiæ conducunt. Ornat hæc illam, non nego: sed ornat. & interdum, imò plurimùm, simplex & ineulta illa placet, vel ideò quia placere non studet. Habes quid in animo sentiam: & ideò differam etiam mittere, donec à te non tam de tuo voto, quàm de illorum iudicio, audiam: quod

N N

rogo

rogo candidè apud candidum promi. Sum tibi, sum toti cœtui amicus : quem ego diuinitus institutum scio, magno rei Christianæ bono. Vale, Louanij, ix. Kal. Ianuar. ∞ . I O C I.

E P I S T O L A L X X V I I I.

REMACLO ROBERTI S. D.

Bruxellam.

DVM nuper appropero, fugit me de libro remittendo, quem legi. Vis iudicium? non fuit pro meâ opinione, & alia præceperam ex aliorum sermone. Fortassè & illi plus in eo vident, aut hauriunt: ego affectus, iras, odia, pauca ciuilis prudentiæ, & prauis animi mihi est totum hoc scriptum. De EPISTOLIS nostris quod præiudicas, vnâ tecum ego: & puto cerre vapulaturas eorum linguis, aut calamis etiam, quos notas. Potestne aliter? quid enim scribere est ad amicum, vt non meum aliquid aut & publicû obiter misceatur, quod quibusdam ingeniis non faciat, & damnent? Age, discessi vnde scis: & ob causam, quam scis. Ad quem notum ego scribam, re illâ recenti, cui hoc non scribam? Atqui nolunt, & indignantur: & volunt me esse, qui non sum, non fui. Itē de bello aliquid aut publicis? ad pacem ecce inclino, & detestor seditiones vel odi: aliqui me, si dicam. Sed mi amice, EPISTOLAE premendæ in vniuersum fuerunt, si hæc refecanda: aut si lux iis facienda, etiam affectibus istis siue iudiciis nostris. quæ boni tamen, vt spero, non culpabunt. Tu de publicis nuper nihil: an quia nihil est, & tēporis hoc frigus animos etiam habet? Tamen de apparatibus aduersariorû hic audimus, atque iis nauium, & velut ad maritimam aliquam expeditionem. Deus consilia actionesque Principum dirigat, nos tueatur ac sibi seruet. Vale. Louanij, v. Kal. Febr. ∞ . I O C I.

Mitto exemplar ad D. Malinæum Consiliarium maritimum. quia epistola non est adiuncta, rogo per ministrum tuum mitas. In re tuâ quid sit? spes etiam est, an aliò (vt scribebas) te conuerteres?

EPI-

EPISTOLA LXXIX. *Antuerpian.*ÆGIDIO SCHONDONCHO, *Presb. Societatis Iesu.*

TANDEM curæ liber sum, pro Hemelario nostro susceptæ. Nam cum Homero, * *Διχθὰ δ' ἐ μοι κραδίη μέμονε φρεσὶ*, — * *Dupliciter mihi cor diuisū.* an in vitâ eum esse dicerem, an in mente illic manendi: & certè video vacillasse, nec Romam primâ fronte blanditam, aut placitam ei fuisse. Decreuit tamen, & litteras nostras reddidit, & sedem patronumque accepit. Air Cæsium Cardinalem esse, gente atque animo nobilem & altum, vt audio, & qui vetus illud Romanum spirat. Deum quæso, sit ex vsu & salute nostri iuuenis: quem ego quòd vobis destinauerim, non est sanè Bacidis oraculum, tamen coniectura mea caussas suas habet, & ex ingenio eius natas & sermone. Idem Deus faciat, quod salutare. At mihi vires recuperatas tu gratularis: quod hætenus accipio, vt omen aut votum potius. nam in re nondum ille prior Lipsius sum, & naturâ infirmitatis humanæ, citiùs deiici est quàm attolli. Attolli tamen incipio, & SENECA meum oculis tangere, vix etiam manibus: & mi Pater, non valetudo solùm, sed occupatiunculæ, supra fidem tuam, arcent. Cottidianæ lectiones sunt, scriptiones; adde qui interuisunt & appellant, & omnibus hæc comitas mea patet. Itaque de Chronologiâ, quod cum Vvveno censes & deposcis, aduocationem peto: SENECA præeat, & tum videbo. Illud ego à te, vt constes in beniuolentiâ mei, & memoriâ in mysteriis sacris. Vale R^{de} Pater. Louanij, IIII. Kal. Febr. ∞. IOCI.

RR. PP. Rectori, & A. Schotto S.

EPISTOLA LXXX.

Leodicum.

IACOBO CARONDELETO V. R. & N.

LIBELLVS à me prodiit, ergo de more & pro affectu habet à me munus. Ecquando, inquires, nostræ CENTVRIÆ? Dispeream, nisi inprimis ego velim, & hoc monumentum relinquare amicitiae cum multis purè & fideliter cultæ: sed temporâ quis non videt, auersa cùm ab aliis studiis, tum his simplicibus

NN 2 bus

* *versutū.** *Fraudis
multijuga
mortalem
consiliū.*

bus scriptis aduersa? Da mihi vel * πολυμήχανον illum Vlyxeim,

* Εἰδὼτα παρτοίεστε δόλους καὶ μήδεα πυκνά:

non euoluet se, quin apud Cyclopas istos teneatur & luat. Ergo adhuc premimus, carceres aperturi, quamprimùm ille ab alto Rector aliquam sæculi lucem. O sæculi miseri & iniqui, non Belgicę solùm, sed Europę! Nam hostis ab Asiâ quos progressus faciat, inæsti quotidie audimus: magis, quia nostri nec sic excitantur, & pergunt, vt in theatro aliquo, sine missione se lancinare. Quid faciemus? illud Homericum,

* *Simus de-
cretis ma-
gni Iouis
obsequiosi.*

* Ημεῖς δὲ μεγάλοιο διὸς πειθώμεθα βαλῆ.

Is tibi tutor esto, Reu^{de} & Nob^{me} Domine, pro tuis meritis, pro nostris votis. Louanij, prid. Idus Mart. ∞. IOCI.

EPISTOLA LXXXI.

Eodem.

PETRO ORANO J^{ro}.

ET tu epistolam pro te sistis? Benè excusas: & quis non, si fas rerum culpam verbis redimere? Sed bonâ fide, non ego sic facilis, & Æacidem aliquem pertinace irâ vides. Quam auxit, quòd egò te vltro quæsiui, & cùm tardares, ipse Mechliniam ad amores meos, vt censebam, veni. At tua verba venti, & te iam equi rapuerant. Quid censes? ita obstupui, vt illa Minois à Theseo deserta,

In solâ sese miseram cùm vidit arend.

Extra omnem iocum, seriò peccasti, qui tam vicinus nec me vidisti, quod desiderij mei si non officij tui erat; nec passus te à me videri, celeri abitione an fugâ. Et quando einendabis? aut ecquæ occasio similis erit? Tempora hæc vix spem faciunt: vix ætas nostra aut valetudo, & paullatim eò imus,

Quò pius Æneas, quò diues Tullus & Ancus.

ne mihi quidem relictum ad vos aut fontes vestros visere, ob loca à prædonibus illîc parû tuta. Nō oblitus sum vltimi mei periculi, & perendinus dies annuus erit Cannensis illius fugæ. Inter eâ dum te frui non licuit, ad Neruios nostros iui, & in amicissimorum ibi sermonibus & conuiujs acquieui. Inuideas, si scias quàm bellè & comiter nobis fuerit. Sed heus, de filio omnia rectè & saluè? Spero, etsi iam plusculum temporis est, cùm litteras

non

non vidi. Significa, salve, & me qui etiam læsus amo (ô fidem!) ama. Louanij, x. Kal. Iul. ∞. 1661.

EPISTOLA LXXXII. *Antuerpiam.*

IOANNI BRANTIO, *Graphiario.*

NON probo solùm excusationem silentij tui, sed quod mireris, amo. Valdè enim ex affectu est, & illum magnum firmumque in me ostendit. nec miror etiam filuisse, vt rem dicam. Quid enim te aut me valdè excitet nunc ad scribendum? mœstitia publica temporum est, &

Fortuna seuo leta negotio

ludum suum tristem pertinaciter apud nos ludit. Theatrum miseriarum Belgæ sumus, & exponimur orbi ad sermones, ludibria, miserationes, vt cuiusque est adfectus. Non mentiar, si dicam in extremâ salutis lineâ nos stare: præsertim cùm optimi & optatissimi isti Principes nondum fecerint medicinam. Vestrum quidem opidum (ô dolorem nostrum!) palàm labitur & ruit, & Mercurius cum bonâ Fortunâ à vobis abit. Quid tamen est, mi Branti? ferenda sunt, vt par est bonis sapientibusque viris, Deo & Prouidentia sic visa. Vexemur, ploremus, alij alios inquietemus: cursus & lex illa rerum manebit, fixa & sancta ab æterno. Quid si Deus per hanc viam nos expurgat simul, & explorat? Sicut ventus triticum non rapit, sed paleas secum in auras tollit: sic aduersa ista leues tantùm animos auferunt, bonos & in virtute firmos non euertunt. Inter hos sumus, Sapientiam, & inter nos amemus. Louanij, v. Nonas April. ∞. 1661.

EPISTOLA LXXXIII. *Eodem.*

OTHONI VENIO S. D.

PARTEM epistolæ tuæ Doctor Siluius mihi legit, quæ pictura in nostram tangebatur, iamolim animo deformatam, sed nondum tuâ artifice & Appellæâ manu, quam requirebam. Scis quid coram tecum egerim, & quod argumentum voluerim eius tabellæ. Triste, scribis, & spectanti & pingenti. Credo equidem: etsi mihi in tristitiâ illâ lætum aliquid & erectum apparet:

NN 3

exemplo

exemplo scilicet Fidei & Amoris, cui nescio an vlla ætas, aut vlla gens, par suppeditabit. Vna Arria nata in hanc immortalem laudem, & cui fasces omnes illi Græci Romaniq. viri & heroës submittant. Itaque placet mihi, nec muto argumentum: velim etiam tibi. & vt liqueat de totâ historiâ, ecce distinctè à me habe. Furius Camillus Scribonianus, Legatus Dalmatiæ, in Claudium Imperatorem res novas & arma molitus, legiones traxit in partes: viros etiam aliquot illustres, quos pertaxum ignavi illius simul & seui imperij: atque inter hos Cæcina Pætus eminebat, vir Consularis. Motus tamen magis, quàm bellum fuit. quia legiones statim pœnitentiâ ductæ, deserto Camillo, ad vetus sacramentum redierunt: atque ipse, desperatione in Ißiam Insulam ex aduerso Illyrici confugiens, ibidem se interfecit. Conscij & confortes passim capti, inter eos Pætus. Romam in triremi, & præsidio militum, ad Claudium ducitur: vxor Arria sequi auida, & non diuelli à marito, orat milites in nauim simul imponi. Negant. *Quid?* inquit. *nempe viro Senatorio & Consulari seruos aliquot daturi ad cibandum, ad vestiendum, ad calceandum estis?* ego sola hæc omnia obiuro. Non impetrauit. magno igitur animo piscatoriam cymbam conducit, & triremem eâ sequitur, per medios fluctus Adriatici maris. Deus seruauit in maius exemplum: ad terram, urbem, Claudium veniunt. Ibi vxor Camilli supplex indicium profitebatur, & conscios edere: vt vel sic veniam vitamque impetraret. Asperè ad eam Arria: *Ego te audiam, in cuius gremio maritus occisus est: & viuis?* Abductus deinde maritus in custodiam, ipsa domum & ad suos: sed certa cum marito mori, nec id celans. Itaque custodiebatur à suis intentiùs. Illa autem, *Nihil agitis*, inquit, *& vt malè moriar, efficere; ne moriar, non potestis.* Cum dicto exsiluit, & caput parieti illisit vehementi ictu. Collapsa, & erecta est, & mox focillata: *Dixeram*, inquit, *vobis, inuenturam me quamlibet duram ad mortem viam, si vos facilem negassetis.* Hæc illa, cui viuere promptum & tutum erat, Messalinæ maximâ gratiâ coniunctæ. Sed cum maritus iam damnatus, & turpiter carnificis, aut (vt tunc mores) suâ manu honestè pereundum ei esset; homo trepidus, nec ad illam fæminam, differre, lamentari: donec illa & verbis confirmauit, & facto præiuit, sine motu animi non narrando, non audiendo. Strinxit quippe

quippe in oculis mariti ferrum, pectus suum fortiter percussit, extraxit, & marito porrexit, cum *immortali ac pænè diuinâ voce* (verba Plinij audis) PAETE NON DOLET. Itâne ad mortem aliquem vltro & animosè ire, & in eâ, imò pænè post eam, constare sibi & loqui? Amor ille honestus, & addo amor honesti peruicit, & vltra Naturæ communis fines duxit. Ecce factum, quod admiratione me sui semper tetigit: ne approbatione dicam, religio, vt scis, vetat. Depingi hoc à te, & in atrio deinde meo Admissionum poni, votum sit: præcipuè quidem ipsum opus siue ἐργον illud, sed & si παράρρησας voles circumponere, adsunt. Dixi de Cymbâ, quâ secuta maritum: exprimi in latere potest. est & aliud factum memorabile, in morbo filij & morte, tale. Ægrotabat fortè maritus & vnà filius, vterque diuerso cubiculo, & vterque mortiferè, vt opinio & metus erat. Filius obiit, eximiâ specie, & indole virtutum. Huic illa ita *funus* (nam Plinij verbis cetera dicam) *parauit, ita duxit exequias, vt ignoraret maritus. quinimò quoties cubiculum intraret, viuere filium, atque etiam commodiorem esse simulabat. Ac persæpè interroganti, Quid ageret puer? respondebat, Benè quieuit, Libenter cibum sumpsit. Deinde cùm diu cohibita lacrimæ vincerent, prorumperentque: egrediebatur, tum se dolori dabat. Satiata, siccis oculis, composito vultu redibat, tamquam orbitatem foris reliquisset.* Satis. scio te quoque iam volentem ad hanc florenti penicillo tuo exornandam: & mihi crede, illi ipsi ab eâ aliquid laudis, apud tot claros aut illustres, qui nos & simul opus tuum videbunt. Martialis versus in pede Tabulæ scribes:

Casta suo gladium cùm traderet Arria Pato,

Quem de visceribus traxerat ipsa suis:

Siqua fides, vulnus quod feci, NON DOLET, inquit,

Sed quod tu facies, hoc mihi, PAETE, dolet.

De pretio coràm. quod tu nec à me maximum (nostri censum meum) capies: nec cupies quidem, vt animum tuum ego noui, honesti propter honestum amantem. Louanij, XI. Kalend. Iun. ∞. IOCI.

EPISTOLA LXXXIII.

Eodem.

HENRICO VVVENO S. D.

IN Neruiis me nuper fuisse, audisse te credo: sed nunc per me scire volui, & commodè & iucundè fuisse. Viri sunt decori & honesti amantes, suauitate simul & grauitate conditi, & vt verbo dicam, ad Genium meum facti. Alteram Antuerpiam, & vos illos caros meos, videbar repperisse. Redij ante dies quindecim, & sub idem ferè tempus C. V. Doctor Zuerius: quem cum salutassem, & auidè de statu rei siue litis suæ vobiscum interrogassem, responsum non ex voto rettuli, nihil factum esse. Dolui viri boni & amici causâ: quem propriâ lite, & quidem cum vestro opido, vexari, graue mihi erat: vt fateor ingenium meum pacis cupidum, & non ex vsu forensium rabularum esse. Neque satis tamen intellegere potui causam dilatae (non enim abscissæ, opinor) concordia: cum ille se semper & promptum & æquum obtulerit, ad quasuis haud planè iniquas condiciones. Consilium tuum hîc aliquid, vel plurimum posse, non nescio: quæso da hoc mihi, vt de pace adnitare, & sperem te vtrique parti, gratum imò vtile facturum. Hæc à me scribo, & tantum duorum causâ, quos amo, opidi vestri, & ipsius: quos nolim equidem collidi & committi. Sed hoc de Zuerio. de me, aut te potius, scito me filium tuum vidisse, imò & in publico audisse Tornaci, dum mihi Carmen gratulatorium recitaret. Libens audiui, & faui quoque, tuâ nonnihil causâ, à quo in eum amor deriuatur; sed & ipsius, qui ingenio & indole visus mereri. Deus finat vel faciat potius crescere, corpore, animo, doctrinâ, in tuum gaudium, priuatium eius & publicum vsum. Vale V. Cl^{me} & Prud^{me}. Louanij, VII. Id. Iul. ∞. 1661.

EPISTOLA LXXXV.

Eodem.

ANDREAE SCHOTTO, V. R.

*indefessè.
*Omnipotentis cor habens.

MIRAEVS mihi adfuit, & tuas dedit, & de te quæ volui dixit: id est valere, in libris & scriptis, vt mos tuus est, strenuè & *ἀγαπᾶσθαι esse. Maecte, *παρηγετὲς ἡ τέρψαν: non idem de me,

de me,

* ——— εἰς μέν αὐτῶν

Θυμὸς ἐν τῇ στήθεσι σιδήρεος:

*—nec mihi

cerre

Est in pe-

ctoribus

mens fer-

rea.

quod fateri debeo, & laboribus aut languoribus iam victum, manus dare. Itaque SENECA noster octo amplius menses iacet sepositus, & abhorreo à repetendo. De tuo, da lucem cum bono Deo: quid expectas aut differs? Miræus mihi ait & *Elogia Belgarum* esse confecta: libenter videbimus, & gloriabimur in gloriâ gentis nostræ. Quod putas apud me * ἀνέκδοτον aliquod * non edicū. Corn. Nepotis esse, frustra es: nec est, nec fuit. Si haberem, tibi certè haberem. Fratris tui filium sic citò Romârediisse mirabar: nec dubito tamen quin de consilio & consensu vestro. Schon-donchus ignaro mihi elapsus est, nec dedit vale nec accepit: in cuius locum venisse Heribertum gaudeo, iam olim illum nostrum. Saluta, & inprimis R.P. Rectorem. Louanij, XII. Kalend. Sextil. ∞. IOCI.

EPISTOLA LXXXVI. *Bruxellam.*CAROLO LAFAILLIO I^{to}.

DVPLEX mihi à scriptione tuâ gaudium, & quòd incolu-
mem rediisse intellegam, & quòd mei memorem & vo-
lentem. Debes mi Lafailli, si meum vicissim animum intueare,
semper, ex quo te noui, in te proclinatorum & affectum. Itaque
maneat hic consensus, & quoniam propior iam nobis es, non
solum litteris cum foue, sed adspectu & sermone excita accon-
firma. Spero patriæ res paullatim lætiores eò vocabunt, & iu-
uabit post istas temporum nubes Hilaria agitare inter gratan-
tes amicos. O dies veniat! & certè Flandria, in quâ fortunarum
vestrarum bona pars est, Oostendâ receptâ, tuta securaque aget,
non sine liuore Brabantia nostræ, quæ miseriarum fatalis se-
des videtur. Sed & hanc Deus benigno oculo adspiciet: quod
eum corde rogo, & vt te mi Lafailli tuis seruet, quos reditu isto
lætificasti. parentem inprimis, quem saluto. Louanij, VIII. Kal.
Sextil. ∞. IOCI.

EPISTOLA LXXXVII. *Tornacum.*

DIONYSIO VILLERIO.

LAETAM tuam epistolam ! de aduentu polliceris, ô repræfenta, & non votis animi, sed corporis istis brachiis amplectar. Quando erit ? dies menses mihi sunt (non mentior :) veni, & vt legem tibi dicam ; ante Encæniam nostram, quæ futura sunt postridie Kal. Septembres. nisi facis, decimam Musam habeas in omne æuum iratam. Ego te inuito, sed non solus. nam & vxor (fideliter narro) idem facit, & vices me suas voluit fungi. Quid tergiuerferis ? vetus illud, quod monumenta habent, cogita,

AMICI, DVM VIVIMVS, VIVAMVS:

nimirum,

*Dum res, & atas, & sororum**Fila trium patiuntur atra.*

Sed in vnâ re peccasti, qui vinum præmiseris, an & non peccasti ? Nomen tuum si video, DIONYSIVS es, vini dator. sed extra iocum, non sic decebat, me & illuc deplere tua dolia, & plena iterum huc transmitti. Sed amoris tuo frustra pugnem, & ne vincam, vltro do manus. Wingium nostrum taciti promissi admo-neo : sit comes, si te, si me amat. Scripsi nuper, & condixi : siluit, ergo addixit. Idem de Micaultio, quem ego cohorte nostrâ primâ eiicio, nisi se iungit. Adeste Triumviri lætitiæ & honestæ voluptatis instaurandæ. Pocula tunc aut nunquam bibemus, OSTENDAE CAPTAE. Serium nihil addo, in aduentum omnia differo : qui si fallit, caue, & serio edico, AMICITIA TVA ULTRA NON VTOR. Vides Manlianum imperium ? ita homo sum, calidus quantumuis, sed idem candidus, & Fide & Amore & More maiorum. Mi Villeri salve, & saluus, aut potius vos Triumviri salui, ad nos venite. Oyenbruggius si se iungat, cumulus lætitiæ erit : dic, & salve iterum iterumque. Louanij, pridie Idus Sextil. ∞. IOCI.

Te domo meâ vt i rogo siue iubeo. laxa est, & pauci nunc contubernales. Itaque si me vnquam domi tuæ esse vis, hoc non mutabis. Indicem librorum, quos viles censem, Amanuensis mittit : pluscula apud me videbis, & loquemur coram. Veni, iterum veni.

EPI.

EPISTOLA LXXXVIII. *Antuerpiam.*

CAROLO HOVIO S. D.

CVM è Neruiis redij, quò animi & valetudinis causâ iue-
 ram, intellexi tristem casum, qui familiam vestram affli-
 xit. Et te inter primos, vt fuit & est pietas tua in optimum pa-
 rentem: quem Deus ab his terris turbisq̃ue seiunctum, vocauit
 in superas sedes & immotam illam quietem. Quod triste esse
 scimus, si primâ fronte inspicias & cogites illud auelli: sed si vin-
 de, & quò, quod addidi, profectò mirefcet dolor, & benè illi fa-
 ctum debebis interpretari. Habebat sanè vos optimos liberos &
 obsequentissimos, in quibus acquiesceret: habebat & vxorem
 domi, modestam, morigeram, & solatium simul & auxilium:
 sed tamen, vt tempora nunc fluunt, extra domum pedem cum
 poneret, quàm multa præter votum aut opinionem videbat
 vel audiebat? Itaque is qui alia tempora & faciem rerum vi-
 derat, & præsertim vestram urbem florentem & vigentem:
 non poterat non tacito animi morsu stringi, cum omnia in de-
 terius labi cerneret, atque id pænè sine spe instaurationis. Non
 dicam tædium vitæ, sed tamen satietas oboriebatur in cotti-
 dianò hoc mæsto spectaculo: & animus Christianâ pietate
 imbutus (cuius ille feruidus & constans cultor fuit) anhelabat
 ad aliam illam vitam, cui nati & facti sumus. Hæc si cogita-
 bis mi Houi, lenies dolorem Ratione duce, quem Naturâ du-
 ce suscepisti: & vinci hanc ab illâ non patieris tantum, sed vo-
 les, imò gaudebis. Obsecro te, facito: & peregrissè illum lauda-
 bilis vitæ cursum scito, & nos in eodem stadio consequi &
 paullatim accedere eandem illam metam. De fratre tuo, & ami-
 co meo Francisco, ecquid audiueris scire velim: & putésne il-
 lum in viâ esse aut fore, casu hoc euocatum. Item, si vacas, &
 nisi aliæ euræ te distinent, memoriam non deponas litterarum,
 quæ ex Italiâ: quarum lectione recreamur vel instruimur, te
 suppeditante. Vale mi Houi, & amantem ama. Louanij, VII.
 Idus Iul. 1601.

EPISTOLA LXXXIX. *Mechliniam.*

NICOLAO OVDARTO.

ARNA, arma. quid hoc est? sic me petitis? non litteras, sed libellum pugnatorium mittis: & parte alterâ Bernartius accusat, & Hartium ait minari. Quid autem feci? quod quiuis vestrum in re simili, nec alios iudices mihi fero. Cursim transiui: & sic res poscebat: lege, per Deum, quæ ad Bernartium scripsi. An ille celauit? ô egregium patronum, si in aliis causis sic præuaricatur! At tu Epigramma etiam in Constantiam meam scribis. Compos animi es? ego illam in te murem? Scis quomodo, & quando? ruant elementa omnia, & vultu hæc mundi machina redeat in suum chaos: ego amore & fide constabo in Hartium meum & Oudartum. Atqui puerum misissem, qui indicasset & euocasset. Licebat, fateor, fortassè & decebat. sed bonâ fide, quid hoc aliud erat quàm lictores arcessere, qui me sisterent & tenerent? Noui vos & vehementer vestrum velle. Ego è manibus vestris non magis me eripuissém, quàm Anteus ille ex Herculis nexibus qui oppressit. Atqui domi esse me conueniebat, & decorum atque adeò vsus meus poscebant. Noscite igitur causam, & statim ignoscite, si estis qui auditis, iuris & æqui consulti & administri. Sic valete. Louanij, viii. Kal. Octobr. ∞. Iocci.

EPISTOLA XC.

Antuerpiam.

PHIL. RVBENIO suo S. D.

TRISTIS hæc scribo, & iuxta lacrimas: non rideo. Saphyrus meus obiit, & id violentâ morte. E carmine subiecto rem discas, quod irâ & dolore recens effudi. Irâ, nam & culpa meorum accessit. O tuam * *ἐυήθειαν!* inquires. Non nego, sic sum, & cum Homero,

* *sim' licet
tatem &
fatuita-
tem.*

* *nec mihi
in isto*

*Pe'tore
mens in-
clusa est
ferrea, sed
miserator.*

* *ἐδ' ἐ μοι ἄντη*

Θυμὸς ἐνὶ στήθεσσι σιδ' ἥρεος, ἀλλ' ἐλεήμων.

Sed hoc mirum, & verum. vix momento ante tristem casum apud me fuerat, in Musæum præter morem conscenderat: blanditus quoque insolenter, & quasi extremum vale illud dicturus.

Inge-

Ingemisco & omitto : ad publica venio, nec ipsa, nisi in spe, lata. Quam tamen spem alij qui è castris scribunt imminuunt, adaugent alij : vtri veriùs aut sagaciùs, res dicet. A vicino illo metum plures faciunt : & ego certè credo eum, cum Demosthene dicam, * τοῖς καί εἰς ἐπεδρεύειν. Ostenda quidem si omittitur, quid nisi

* — χαρμὰ γυνάμεθα δυσπρόειον?

Tu quando ad nos? vix ante festos publicè istos dies, opinor. Si non, scribe siquid ibi rerum vel nostrarū, vel exoticarum. Nam & de Turcicis, & de classe illâ magnâ Hispaniensi, animi pendemus. In te autem eo propendimus mi Rubeni, ingenij & virtutis tuæ amantes. Louanij, IIII. Kal. Sept. ∞ . IOCI.

*temporū
occasiones
captare &
inhiare.
*præbe-
mus ludū
iocumq;
inimicis.

IN SAPHYRVM MEVM

Βιογράφημα.

OLVCTVM & lacrimas! meus Saphyrus,
Ille gemmula vera, non catellus,
Morte est præcipiti malaque functus,
In vasum miser incidens aënum
Efferuentis aquæ. miser catelle,
Hec te post tria lustra mors manebat?
Quis nunc blanditias hiantè rictu,
Quis nunc blanditias mouente caudâ,
Hero ultra faciet? quis obsidebit
Osti limen, & ingredi parantem
In se gestibus atque voce vertet?
Quis lusu recreabit? ô miselle
Non ultra facies: abisti ad Orci
Nigri limina. sit tibi benignus
Frater Cerberus, ipsa Ditis uxor
Sit faulrix: & aberro? sit patrona,
Illi delictum nouum pararis.

Sed heus, vis & Tumuli inscriptionem? nam sepeliimus, & quidem inter flores.

SAPHYRVS DOMO BATAVVS
DELICIVM LIPSI, DECVS CANVM,
INGENIO, LEPORE, FORMA,

H. S. E.

TRISTI FATO EREPTVS,
ET FERVENTIBVS AQVIS MERSVS,
CVM VIXISSET LYSTRA PLVS TRIA.

O HERI DOLOR!

TVVM, LECTOR, ADDE
QVISQVIS LIPSIVM AMAS, IMO
QVISQVIS ELEGANTIAM AVT LEPOREM AMAS,
QVORVM ISTE THESAVRVS ERAT.
ABI, FLORES SPARGE,
SI NON LACRIMAS.

PLANGEBAT ET PANGEBAT,
I. LIPSIVS OLIM, HEV, DOMINVS,
V. KAL. SEPTEMBR. ∞. IOCI.

EPISTOLA XCI. *Antuerpian.*

MICHAELI VANDER-HAGHEN S. D.

BINO me carmine compellasti, utroque erudito, suavi, grato: si ipsum, sed non si rem intueare. In ipso nihil, nisi quod ingenium & poëticam planè indolem referret: sed materies tristior, & quæ me sustinuit à respondendo. Litium enim res erat: quas ego sic odi, ut nemo homo Orci portas. At tu me iudicem etiam addicebas. Méne, mi Vander-hagi? experientem potius aliquem & recoctum patronum; nam ego in his rudem & tiro-nem me esse, non fateor solùm, sed gaudeo, imò iacto. Illud vnū possum, dolere tuâ causâ, & *supplicem*, qui incideris in hanc verè malorum lernam. In quâ hydra illa habitat, quam vel Hercules ægrè domuit, & resecto capite alia renascuntur. Utinam ne experiare, & rebus doctus, fidem meis verbis subsignes! Sed tamen animo aduersus talia (quod vnum superest) obdurandum est, & mores aut malitia nostri cui, sic ut pestilens aliquod sidus, ferenda

ferenda sunt. Lucilliani illi versus, si vñquam, nunc obtinent:

*Vni se atque eidem studio omnes dedere & arti,
Verba dare vt cautè possint, pugnare dolosè,
Insidias struere, vt si hostes sint omnibus omnes.*

Hæc noris, nota perfer, nec vt ad noua obstupesce. Alia non ego, non ille ipse de sapientiâ Socrates possit: Deus animo inferat, & te firmet. Louanij, III. Kal. Sept. ∞. IOCI.

EPISTOLA XCII.

Brugas.

IGNATIO BASSELIERS, *Sacerd. Soc. Jesu.*

CLARA beniuolentiæ tuæ signa, imò pignora, vidi, cepi, in munere florum, quos ad me misisti. Atque eos aliunde, & precibus à te quæsitos, ac pænè emendicatos. O amorem, cui obligor! Est hæc vetus oblectatiuncula mea, fateor: & post seria libenter ad hortos diuerto, oculis atque animo voluptatem. Et mihi iam causâ, vt nec in iis sim sine tui memoriâ: quæso vt & mei serues. Quod genus, quo pretio aut raritate flores sint, nondum scio: ver dicet: sed ego à tali animo bonos carosque habeo, & vel aurum contra pendo. Vt tu me, obsecro, & sacris tuis precibus humi serpentem attollas. Louanij, III. Idus Oct. ∞. IOCI. R^{do} Patri Rectori Guiljelmo Verannemano salutem & gratias pro munere item florum dico.

EPISTOLA XCIII.

Antuerpiam.

AVBERTO MIRAE0, *Canonico & Theologo.*

ELITTERIS tuis duo didici. & studium pacis, quod in re illâ, quam commendauerâ, ostendis: & progressum in opere, quod honori & memoriæ Belgarum illustrium moliris. Vtrumque gratum est. illud certè prius te dignum, imò tui muneris, quia sacerdotum est cum alia vitia minuere vel tollere, tum dissidia extinguere, quæ ab exiguo fomite in priuata & publica mala sæpè surgunt. Adnitere porro, te rogo, & effectû da quod laudabiliter cœpisti. At de opere tuo, libens equidem ordinem & nomina vidi, quæ Centuria prima tenebit. Prima, nec enim sola, opinor. alioqui sunt mihi in mente, quos non omittas. Hadrianus

drianus Iunius, inter Belgarum doctissimos . Adolphus Merkerchus, Petrus Coluius, Iacobus Cruquius, Marcus Laurinus, Iodocus Lommius, & quid noster Goropius? Sunt alij. nā viuos video te non tangere, & id consilium probo. Sed hac de re totā corām magis est, vt loquāmur. quod breui fiet, siue me illuc, siue te (ita audio) ad nos venturo, titulo qui tibi debetur capiendō. Fac, & vale vir amice . Louanij, 1X. Kal. Septemb. ∞ . IDCI.
Carmen in ELOGIA tua scripsi, an effudi? ira soleo: sed tu hanc non ingenij, sed animi notam habe.

IN AVBERTI MIRÆI R. V.

ELOGIA BELGICA

Scazon I. LIPSĬ.

MIRAEAE docte, qui facis meos Belgas
 Ætate, siue incuriā tenebrosos
 Nostrā, nitēre rursus atque splendere:
 Qui singulorum patriam atque natales,
 Animique dotes, scripta & ingeni fructus
 Signas peritē, & acrimoniā mentis:
 Quid tibi reponent pro laboribus Belgæ?
 Tituli hunc honorem, SOL MIRAEAE BELGARVM.

EPISTOLA XCIIII.

Eodem.

BALTHASARI ROBIANO, *Senatori.*

EGO verò benignitati tuæ obstrictum me fateor, qui tam promptè effectum reddidisti quod optabamus. Cum bono Deo veniatur ad colloquiū, & Masio (viro bono & prudente) arbitro pessimalis finiatur. Sed illud peruelim etiam petiū, vt de tempore significes quando conuentus ille futurus sit, vt premoneri Doctor Zuerius possit. De Schottij nostri inclinatione in pacem non ambigo, & ego per litteras propellam. Quod autem vberius nuper, fortassē & calidiū in lites & simul leges aliquid scripserim, ab impetu fuit, non nego: etsi toto animo &

iudi-

iudicio illas detestor & damno, non item istas. Temperari aut recidi eas, meum sit votum: nec malè, siquis Rex conetur. Vallemi Robiane, & saluent in occasione Schottius & Vvvenus: quos iudices mei illius iudicii non recuso. Louanij, VI. Idus Octob. ∞. IOCI.

EPISTOLA XCV.

Eodem.

IOANNI BAPTISTAE BARONIO *semper suo.*

SEMPER, inquam, meo. nec leuicula ista omissio, non enim commissio aut culpa, te alienet. Quid tu autem Oceanum aut lustrales alias vndas aduocas? nihil opus. puta te Athenis, non in illo Martis pago, sed ad ipsam Misericordiæ aram causam dicere: & veniam meruisse, cum petiisti. Hoc tantum volo, & pro sententiâ fero, emendari. Sæpè ad me scribe, etiam si hoc tantum, Valere te & tuos. Publica quòd nunc tangis & subministras, gratum est, etsi ipsa parum grata. Vbi enim Fortuna adhuc nobis risit? non in Africanâ expeditione, non in hac nostrâ: quæ nobis propior, animum magis tangit. Vtinam sic illum magni Regis! Sed vt Iuno Homerica, immisso somno, Iouem auertit à Troianis: sic quidam aliis consiliis aliò ducunt, fulcro & fundamento potentia (ita ego censeo) relicto. Quid ad nos? Prouidentiæ diuinæ alligemur,

*Per hanc, neque iratos timentes**Regum apices, neque militum arma.*

Quò ducet & reducet, sequemur compositi, placidi; læti quoque, si sciemus ab optimo illo optimè omnia regi & temperari. Hæc & talia meditare tecum mi Baroni in illo otio, imò meditata etiam aliis lege: præsertim in Epiçteto & Senecâ, quos duos habe certissimos ad sapientiam anagistros. Vide in vrbe illâ tuâ fluctus & curas: quid si in toto orbe? Ne abripiare cum abreptis, te muni: quod duplici anchorâ fiet, Sapientiæ & Constantiæ. illâ, quâ æstimes & noscas res humanas; hâc, quâ feras & patiare æquo animo, & Fatis sponte, vt dixi, subiecto. Si facis; mare attollatur, venti sæuiant, rudentes & nautæ gemant,

*At tibi compositam fundauerit anchora puppim,**Telluris tu certus eris.*

P P

Ita

Ita sit & voueo, mi Baroni, & toto animo valere. Auum & parentem ex animo saluto, iam olim iis mancipatus. Louanij, posttr. Idus Octobr. ∞. 1661.

EPISTOLA XCVI.

Leodicum.

IACOBO CARONDELETO V.R. & N.

HVI, piget & suppudet tarditatis. Tamdiu siluisse me ad tuas litteras? nec mea culpa est, verbo dicam, sed eorum qui auocant adsidue & interpellant, & mentem sibi, aut iis quos habeo in mente, non patiuntur vacare. O tristem sortem, & quæ cum annis crescit! Patior, & factorum cursum sequor: & vel inuitus captius ducar sub currum magni illius Imperatoris.

*-verum
age ventis
Tradamus,
siquid pec-
catum, ut
semper a-
mici.

* — ἀλλ' ἀνέμοισι

Δώομεν ἀμπλαῖν, ὡς καὶ περὶ τῶν ἀνέμων.

Feci certè, & faciam: & sol ille citius splendorem, quàm ego amorem & cultum tui linquam. Adolescens quem commendas, iamantè innotuerat, & carior te vel innuente erit. De Artesiâ, non equidem antè inquisiui: & breui ad Historica me dabo, tunc magis istarum rerum. Hactenus antiquæ illæ, vt scis, me habuerunt. Nobis de Ostendâ spes nunc affulsit, vtinam satis certa! Aiunt portum alterum pro clauso nunc esse; quod si est, certò illa breui nostra. At Pannonica planè ex voto, aut supra, labuntur: & Budam obsideri audimus. quid etiam? quid? ipsum Sultatum Turcicum fato, & quidem inglorio, functum (peste, aiunt:) ipsum certè gloriæ non natum. Quàm degener à Solymanno auo fuit? Sed Prouidentia illa sic res ordinat. & cum nos à viris aut ducibus parùm instructi, illuc quoque inopiam esse voluit, ne Europa regina seruiret. Deus istam, & in eâ Belgicam respiciat, super omnes terras diu pressam. Vale Reu^{de} & Nobil^{me} Domine. Louanij, postrid. Kal. Nouembr. ∞. 1661.

EPI-

EPISTOLA XCVII.

Lovanij.

ANTONIO VACQUERIO suo S. D.

Vix abieras, Carmen tuum legi, non libenter solum sed au-
uidè: & dum legerem placuit, & magis lectum, atq; etiam
bis lectum. Omitto elegantiam, iudicia placent. quæ tu super
hoc genus Commentariis recta edis, & certè pro iudicio iamdiu
meo. Longa ista, multiplex, erudita etiam (esto) ad vnum ali-
quem auctorem scriptio: an quod agere videtur, hoc agit? satin',
inquam, illum illustrat, corrigit, & in eo pedem firmat? An eua-
gatur plurimum extra suas oleas, & in alieno non solum scripto-
re, sed choro, se ostentat? Non dicam ambitiosum videri, præter
rem & opus, certè nouum est: nec quisquam vnus veterum huc
præiuit. Ego in SENECA meo vitavi, simplicem & antiquum
morem tenui: placeat, non placeat, mihi deinceps etiam infixum
δημοτικὰ hæc vitandi. Alius à me

— *conclusas hircinis follibus auras* *Exspiret:*

si alibi, non hîc sit locus, in sancto & seucro hoc sapientiæ argu-
mento. Amplius tibi dicam,

* Οὐτε τι μάντις ἔων, ἔτ' ὁιοτῶν σάφα εἰδώς,

sed tamen dicam: præuidere me fore lectores, qui in Senecâ aliud
à Senecâ querant, & curiosè in mea non illius scrutentur. O tur-
turillas! vt eius voce vtar. Abeant. qui sic affecti, Tullium,
Plautum, alium quemuis, non Senecam tangant: qui haud ma-
gis iuuabit, quàm

Auriculas citharæ collectâ sorde dolentes.

Sed quò eo? duo volui dicta, & placuisse Carmen tuum, & iudi-
cium: quod cum meo præiudicio * δωρεὶ ἀρροῦζεις. Quidni sic lo-
quar? Dorum etiam, id est virorum isti sensus. Vale mi Vacque-
ri, & bona non ama solum, sed prætende & tuere. In Musæo
N. post mer. Nonis Nouembr.

* Non ego
diuinandi
aut auspicij
benè doctus.

* Doricè
concinit.

EPISTOLA XCVIII.

Antuerpiam.

FRANCISCO HOVIO S.D.

GRATVLOR ex animo tibi reditū incolumem in patriam & ad tuos, ex longo satis interuallo. Atque vtinam patrem reperire potuisses, cum vtriusque vestrū gaudio & delectatione. Sed Deo decretum aliter, qui auocauit, & è turbis curisque eductum collocauit in quietā & beatā illā (ita speramus) sede. Ego libens te videbo & amplectar, etsi per hanc auram vt commoueas te, prorsus recuso: & fortasse intra duos trésvé menses Antuerpia vestra me videbit. atq; ego te ibi: nec opinor iterū ab amicis aut patriā diuellendum. In sermone autem, Deo volente, de rebus consiliisque tuis audiam, & libens iudicio aut operā iuuabo, vt in meā quidem manu aut copiā erit. Vale. Louanij, III. Nonas Decembres. ∞. IOCI.

EPISTOLA XCIX.

Eodem.

IOANNI MORETO S. D.

HEV tristitia vndique & priuata & publica, in paucis his diebus! Hæc omitto: sed in illis, ecce duo amici quos corde valdè amabam, vno ferè tempore obierunt: Perezius noster in vrbe vestrâ, & Bernartius Mechliniæ. Ille præter ætatem nihil passus videtur, ad quam vltimam iam pænè venerat: sed tamen vitæ & morum perpetuâ bonitate, & nunc quoque sensuum illâ integritate meruerat, votis nostris diutiùs superesse: & lugemus (ego quidem) quasi iuuenem ereptum. Testor numen, post Plantinum illum nostrum, in vrbe eâ non fuisse carius aut venerabilius mihi nomen. At Bernartius in ipso ætatis mediæ flore, paulūm vltra trigésimum annum progressus, defuit viuere: magno luctu vxori, & duobus liberis paruis relictis. Quid de me dicam, cū hæc audio? seruari pænè miraculo: & ille inualidus tot annos, languens, & velut in tegulâ extremâ consistens, defendor Dei benignitate à lapsu. Si in meum aut publicum bonum (confido:) facô mi Seruator. sin aliter, nihil deprecor, & alia meorum funera funus ego antecedom. Tu vale mi amicissime. Louanij, XVI. Kal. Ianuar. anni noui ∞. IOCI.

EPI-

EPISTOLA C. *Traiectum ad Mosam.*BALDVINO BVCQVIO, *Canonico*, S. D.

COMITER me aggredieris, fateor, & aditum per humanitatis, ut sic dicam, cuniculos ad me struis. Scita & elegantia, sed & arguta quædam, præmittis: quid autem opus, mi Bucqui, erat? Si me noffes, nihil: qui facilis, apertus, omnibus patreo: & vos tales, ex assiduorum istâ classe, vltro etiam alliciam & inuitem. Scipionem & Liuium præfers, magna nomina: quæ adeò mecum non iungo aut pario, ut animo sentiam vix me esse eorum vmbra. Atque illi multos ad se visendos excitant: & ij cum veneratione aut trepidatione accesserunt. Quid simile est? fulgor aut dignitas illa nos non illustrat: & sicut lucet, vereor ut leuis breuisque sit, & velut è stramine, flamma. Nihil impono, aut dissimulo. aliquid fortassè melioris altiorisque studij in nobis, sed studij rei modicæ successusque mihi conscius,

—— iure perhorreo

Latè conspicuum tollere verticem.

Imò hoc quoque, Deo atque animo isto teste dicam, dolet produci aliquando à quibusdam, & ceratas istas pennas propiori Soli admoueri. Icarus fieri possum, sed casu, non animo: nec is vquam altum subuolabit. Virtutem & sapientiam amo, hoc fateor: sed & eos omnes, qui istas amant. Te, te inter hos mi Bucqui: quem video recto ad eas & firmo pede ire. votis prosequor, ut adipiscare & teneas, non solum tangas. Istos vanos, ac multis beatos, sed à vanis caussis,

Disidens plebi numero beatorum

Eximit virtus:

& calculum ego meum huic addo. Quando timere aut sperare desinunt? cui Fortunæ pares sunt aut subsistunt? meliore attoluntur, iacent in tristiore: nec vquam æqualitatis, & quod sequitur tranquillitatis, illa trutina animum eorum librat. Quid censes, cum publici isti nimbi sunt & procellæ? cum nec peritis quidem nautis sidera fati certa fulgent? Nisi vnum illud immotum, à Constantiæ rigido polo: cui obuersum & inhærentem,

Non vultus instantis tyranni

Mente quatit solidâ, neque Auster.

Fiat à te, à me, ô Bucqui : opus est : & publicas istas labeſ aut ruinas cùm videmus, vbi aliter firmemur ? Heu Buſcum-ducis, vetus, inclytum, potens, ſed & pium opidum : pericula tua audimus, & tenui à filo pendere ſalutem. Si cadis (ſed Deus auertat:) quæ firma ſpes ſuper nobis eſt? Sagunto capto, nec Alpes & flumina Annibalem repreſſerunt : quomodo noſtra iſta iacencia & plana? Sed ad Conſtantiam redeo, publica Deus eorum auctor & curator dirigat : tu me porrò ama Bucqui, & de me idem, animo magis quàm verbis reſtipulante, crede. Louanij, Idib. Nouembr. ∞. 1601.

F I N I S.

APPROBATIO.

Tres iſta J. Lipsii Profeſſoris ac Hiſtoriographi Regij ad Belgas Epistolarum Centuria, ob genus dictionis purum aſtrictumq̃, magno cum fructu ſtudioſa Iuuentutis excudentur. 17. Decemb. 1601.

Gulielmus Fabricius Nouiomagus, Apoſtolicus
ac Archiducalis librorum Cenſor.



SPECIAL 87-B
PA 20914
8545 V.3
A6 Bound w/
1602 87-B 21857
V.3 21864
22265
22273
22304

GETTY CENTER LIBRARY



JUSTI LIPSII
OPERA

ANTWERPÆ

1602